

1 PURCHASED

PARAMATTHA-DĪPAṆĪ
THERAGĀTHĀ-AṬṬHAKATHĀ
OF
DHAMMAPĀLĀCARIYA

PURCHASED

Pali Text Society

Paramattha-Dīpanī Theragāthā-Aṭṭhakathā

**The Commentary of
DHAMMAPĀLĀCARIYA**

EDITED BY

F. L. WOODWARD, M.A.

**EDITOR OF "UDĀNAṬṬHAKATHĀ" AND "SĀRATTHAPPAKĀSINĪ"
COMMENTARIES ON UDĀNA AND SAṆYUTTA-NIKĀYA)**

VOL. I.

(to end of First Nipāta, v. 120)

London

Published for the Pali Text Society

by

LUZAC & COMPANY, LTD.

46 Great Russell Street, W.C.1

1971

First published . . . 1904

Reprinted . . . 1971

SBN 7189 0486 9

P

294.3823

T 595 A.K. P.W.
V.I.

Reprinted through the generosity
of

Mr Cheah Beng Leong
Penang, Malaysia

© Pali Text Society

THE ASIATIC SOCIETY

CALCUTTA-700016

ACC NO. 5 2423

DATE 16.5.90

Sl. No. 081305

PREFACE

THIS edition of the Commentary on the Theragāthā is based on the following sources, to which I refer in the notes by letters:

A=The Sinhalese palm-leaf MS. at the Adyar Oriental Library, Madras. I am much obliged to the Director, Dr. G. Srinivasa Murti, for allowing me the use of this MS., and to Professor C. Kunhan Raja, M.A., for sending it and for information supplied. This MS. is clearly written, but by a scribe of S. Ceylon, who copied most of the Pāli-Sinhalese MSS. (as appears by the handwriting), but evidently knew little Pāli beyond the words in ordinary use. Hence much nonsense occurs, and many repetitions, omissions of words, lines and even of whole pages. Moreover, it stops short in the middle of the 6th number of the 3rd Nipāta, without remark by the scribe. Nevertheless, it has been useful to me in supplying correctly words, or clues to words, where the other MSS. are corrupt.

B=A transcript of a Burmese MS., done by the late Miss Mabel Hunt in 1911-12. The MS. was procured for the Pāli Text Society by the late Professor Duroiselle of Rangoon University College. The first half of this was collated by the late Dr. M. Bode with the Sinhalese MS. (called S below). This has been of great help, but has the peculiarities of spelling usual in Burmese MSS. Very often it preserves what must have been the original version of passages.

C=The Colombo Hewavitarne printed edition by Suriyagoda Sumangala and Webada Sangharatana, Theras. This is well printed and arranged, but the editors, except in the *Nidāna*, or Introduction, have

given no references to passages quoted in the text, and hardly any variant readings; also words are inserted and paraphrases given where the text is uncertain. It is based on five Sinhalese MSS. and a Burmese printed edition.

O=The text of Hermann Oldenberg (P.T.S.), 1883. Some of the readings of this edition cannot stand.

S=A Sinhalese palm-leaf MS. of the Royal Library at Copenhagen (in photographed sheets), which ends in the 16th Nipāta. This is a beautifully written and very accurate piece of work by one who was evidently a good Pāli scholar. It is the one used by Oldenberg and referred to in his Preface and notes as D, and he gives extracts from it in his notes. The faded condition of these sheets makes it sometimes very hard to decipher.

As stated in the Preface to the Colombo Edition, there are extant no Sinhalese MSS. beyond the 16th Nipāta. For the concluding Nipātas, therefore, this edition is based entirely on Burmese versions. I am hoping to get help from Professor Maung Tin, Principal of Rangoon University College, in the shape of a transcription of the concluding Nipātas.

This first volume contains the First Nipāta only, 120 gāthās. There are no Nipātas 15, 17-19, 21-29, 31-39, 41-49, 51-59.

B, transcript and S were kindly sent to me from Paris by Professor J. Przyluski. They had been in the hands of a pupil for some years, who failed to do the work.

I must add that I have found Dr. C. A. Rhys Davids' fine work *The Psalms of the Brethren* of the greatest use; also that of Dr. W. Stede, *The Pādas of Thera- and Therī-gāthā, with a Synoptical Table of Repeated Pādas* (J.P.T.S., 1927). Lastly, I must express my thanks to Mr. E. M. Hare, of Colombo, who took great pains to acquire for me a copy of the Colombo edition, referred to above, which is now very hard to obtain.

As regards Dhammapāla's work: The introduction to each therā's verses is generally based on the *Apadāna* tradition; but in the case of the "great" theras that of the *Anguttara*

and *Dhammapada* Commentaries is closely followed, but with some compression and omission of marvels. How these Apadānas were fitted to the several theras cannot be known. Some of the shorter ones might apply to anyone; they are merely a record of the offering of a fruit or flower to some great one. The MSS. quote them entire. I have not included any for the following reasons: (a) I do not believe that Dhammapāla did so in his Commentary. They have been added by the scribes. He does not refer to Apadānas in his Nidāna or Introduction, but does in one or two cases quote a phrase or line. These Apadānas are inserted always after the words *arahattaṃ pāpuṇi*, etc., and sometimes in a clumsy fashion. A number of theras, I think thirty-one, have no Apadāna; these are mostly in the 6th Nipāta. In one case a non-existent Apadāna is given. The Burmese MSS. sometimes omit them altogether. Those actually given are sometimes wrong; for instance, those of the two Revatas are confused. Mahākaccāna's *Apadāna* has already been assigned to Uttara (v. 121), whereas the two which stand under his own name are not mentioned. To give another example: No. vii, 3 *Bhadda* is given the *Apadāna* of *Bhaddiya-Kāligodhāya-putta*, one of the '*etad-aggas*.' Looking through the versions given in our MSS. I find that they differ in almost every line from those of our P.T.S. edition, and from each other; but I have not seen the *Apadāna Commentary*. In my references to the *Apadāna* I give the volume and page of Miss Lilley's two volumes (1925-7). (b) Their inclusion would swell this work to twice its size. Some of them exceed two hundred lines. I have therefore given only the first two lines.

F. L. WOODWARD.

ROWELLA, TASMANIA,
1939.

CONTENTS

	PAGE
PREFACE - - - - -	V
PRELUDE AND NIDANA - - - - -	1
FIRST NIPĀTA	
VAGGA I. Subhūti - - - - -	20
Mahākoṭṭhita - - - - -	31
Kankhā-Revata - - - - -	34
Puṇṇa (A) - - - - -	38
Dabba - - - - -	42
Sambhūta (Sītavaniya) - - - - -	46
Bhalliya - - - - -	49
Vīra - - - - -	52
Pilindavaccha - - - - -	53
Puṇṇamāsa - - - - -	56
VAGGA II. Cūlagavaccha - - - - -	57
Mahāgavaccha - - - - -	59
Vanavaccha (A) - - - - -	60
Sīvaka (Sāmaṇera) - - - - -	63
Kuṇḍadhāna - - - - -	65
Belatṭhasīsa - - - - -	71
Dāsaka - - - - -	72
Singālakapitā - - - - -	74
Kuṇḍala - - - - -	76
Ajita - - - - -	78
VAGGA III. Nigrodha - - - - -	79
Cittaka - - - - -	81
Gosāla - - - - -	82
Sugandha - - - - -	84
Nandiya - - - - -	86
Abhaya (A) - - - - -	87
Lomasakangiya - - - - -	89
Jambugāmiya-Putta - - - - -	91
Hārīta - - - - -	93
Uttiya - - - - -	94

	PAGE
VAGGA IV.	
Gahvaratīriya - - -	96
Suppiya - - -	97
Sopāka (A) - - -	99
Posiya - - -	101
Sāmaññaakāni - - -	103
Kumāputta - - -	105
Kumāputtassa Sahāya - - -	107
Gavampati - - -	109
Tissa (A) - - -	111
Vaḍḍhamāna (No Apadāna) - - -	113
VAGGA V.	
Sirivaḍḍha - - -	114
Khadiravaniya - - -	115
Sumangala - - -	118
Sānu - - -	121
Ramaṇiya-Vihāri - - -	123
Samiddhi - - -	125
Ujjaya - - -	127
Sañjaya - - -	128
Rāmaṇeyyaka - - -	129
Vimala - - -	130
VAGGA VI.	
Godhika - - -	132
Subāhu - - -	135
Valliya - - -	135
Uttiya (A) - - -	135
Añjanavaniya - - -	136
Kuṭi-Vihāri (A) - - -	137
Kuṭi-Vihāri (B) - - -	139
Ramaṇiya-Kuṭika - - -	141
Kosala-Vihāri - - -	142
Sīvali - - -	144
VAGGA VII.	
Vappa - - -	150
Vajjiputta - - -	152
Pakkha - - -	154
Vimala-Koṇḍañña - - -	155
Ukkhepakata-Vaccha - - -	157
Meghiya - - -	159
Ekadhamma-Savaṇiya - - -	161
Ekudāniya - - -	163
Channa - - -	165
Puṇṇa (B) - - -	167

	PAGE
VAGGA VIII. Vacchapāla	169
Ātuma	171
Mānava	173
Suyāmana	174
Susārada	176
Piyañjaha	178
Hatthāroha-Putta	180
Mendāsira	181
Rakkhita	183
Ugga	184
VAGGA IX. Samitigutta	185
Kassapa	187
Siha	188
Nita	190
Sunāga	191
Nāgita	193
Paviṭṭha	194
Ajjuna	195
Devasabha (A)	197
Sāmidatta	199
VAGGA X. Paripunnaka	200
Vijaya	202
Eraka	203
Mettaji	205
Cakkhupāla	206
Khaṇḍasumana	209
Tissa (B)	211
Abhaya (B)	213
Uttiya (B)	215
Devasabha (B)	216
VAGGA XI. Belatṭhānika	217
Setuccha	219
Bandhura	220
Khitaka	222
Malitavambha	224
Suhemanta	225
Dhammasava	227
Dhammasava-Pitā	229
Sangharakkhita	229
Usabha	231

					PAGE
VAGGA XII.	Jenta	-	-	-	233
	Vacchagotta	-	-	-	235
	Vanavaccha (B)	-	-	-	236
	Adhimutta	-	-	-	238
	Mahānāma	-	-	-	239
	Pārāpariya	-	-	-	241
	Yasa	-	-	-	243
	Kimbila	-	-	-	244
	Vajjiputta	-	-	-	246
	Isidatta	-	-	-	248

Paramattha-dīpanī nāma Theragāth'atṭhakathā

NAMO TASSA BHAGAVATO ARAHATO SAMMĀSAM-
BUDDHASSA

Mahākāruṇikaṇ *Nāthaṇ* ñeyya-sāgara-pāraṇu¹
Vande nipuṇa-gambhīraṇ vicitra-naya-desanaṇ.

Vijjā-carana-sampannā yena niyyanti lokato
Vande tam uttamaṇ *Dhammaṇ* Sammāsambuddha-
pūjitaṇ.

Sīlādi-guṇa-sampanno tṭhito magga-phalesu yo
Vande² *Ariya-saṅghaṇ* taṇ puñña-kkhettaṇ anuttaraṇ.

Vandanā-janitaṇ puññaṇ; iti yaṇ ratana-ttaye
Hat' antarāyo sabbattha hutvāhaṇ tassa tejasā.

Yā tā³ *Subhūti*-ādīhi kata-kiccehi tādīhi
Therehi bhāsītā gāthā therīhi ca nirāmisā

Udānādi-vidhinā c' eva⁴ gambhīrā nipuṇā subhā
Suññatā-paṭisaṇyuttā Ariya-dhamma-ppakāsikā,

Therā-gāthā ti nāmena *Therī-gāthā* ti tādino
Yā *Khuddaka-nikāya*smiṇ⁵ sangāyiṇsu mahesayo,

Tāsaṇ gambhīra-ñāṇehi ogāhetabba-bhāvato
Kiñcāpi dukkaraṇ kātuṇ *Atṭha-saṇvaṇṇanā* mayā

Saha-saṇvaṇṇanaṇ yasmā dharate Satthu-sāsanaṇ
Pubbācariya-sihānaṇ tiṭṭhate va vinicchayo.

¹ Cf. *Commentaries on Udāna, Itivuttaka, Peṭavatthu, Vimānavatthu, Nettī.*

² B. vande 'haṇ.

³ B. S. yathā.

⁴ B. omits.

⁵ B. nikāyamhi.

Tasmā tam avalambitvā ogāhetvāna pañca pi¹
 Nikāye upanissāya *Porāṇ' atthakathā*-nayaṇ
 Suvisuddhaṇ asankinṇaṇ nipuṇ' attha-vinicchayaṇ
Mahāvihāra-vāsīnaṇ samayaṇ avilomayaṇ
 Yāsaṇ attho duviññeyyo ānupubbī-kathaṇ vinā,
 Tāsaṇ taṇ taṇ vibhāvento dīpayanto vinicchayaṇ
 Yāthābalaṇ karissāmi *Atthā-saṇvaṇṇanaṇ* subhaṇ
 Sakkaccaṇ *Thera-gāthānaṇ Therī-gāthānam* eva ca.

Iti ākankhamānassa saddhammassa cira-tṭhitiṇ

Tad atthaṇ vibhajantassa nisāmayatha sādhave ti.

Kā pan' etā Theragāthā Therīgāthā ca? Kathañ ca
 pavattā ti²? Kāmañ cāyam attho gāthāsu vutto yeva;
 pākata-bhāva-karaṇ' atthaṇ pana puna pi vuccate:—Tattha
Theragāthā tāva Subhūti-therādihi bhāsītā. Yā hi te attanā
 yathādhigataṇ magga-phala-sukhaṇ paccavekkhitvā, kāci
 udāna-vasena, kāci attano samāpatti-vihāra-paccavekkhanā-
 vasena, kāci pucchā-vasena, kāci parinibbāna-samaye
 sāsanaassa nīyānika-bhāva-vibhāvana-vasena abhāsiṇsu, tā
 sabbā Sangīti-kāle ekajjhaṇ katvā *Theragāthā* icc' eva dham-
 ma-sangāhakehi sangītā.

Therīgāthā pana theriyo uddissa desitā. Tā pana *Vinaya-
 piṭakaṇ Suttanta-piṭakaṇ Abhidhamma-piṭakan* ti tīsu piṭakesu
*Suttanta-piṭaka-pariyāpannā. Dīgha-nikāyo Majjhima-ni-
 kāyo Saṃyutta-nikāyo Anguttara-nikāyo Khuddaka-Nikāyo*
 ti pañcasu nikāyesu *Khuddaka-nikāya-pariyāpannā*

Suttaṇ Geyyaṇ Veyyākaraṇaṇ

Gāthā Udānaṇ Itivuttakaṇ

Jātakaṇ Abbhutadhammaṇ Vedallaṇ ti

navasu sāsaṇ' angesu *Gāthā-sangahaṇ* gatā.³

Dvāsītiṇ Buddhato gaṇhiṇ, dve-sahassāni bhikkhuto;

Caturāsīti sahasāni ye 'me dhammā pavattino ti

(Thag. 1024).

Evaṇ Dhamma-bhaṇḍāgārikaṇa paṭiññātesu caturāsītiyā
 dhamma-kkhandha-sahasāsu katipaya-dhamma-kkhandha-
 sangahaṇ gatā.⁴

¹ B. pañcamī.

² Other books of P.D. omit gatā.

³ B. pavattati.

⁴ B. adds sugāthā s. g.

Tattha *Theragāthā* tāva nipātato eka-nipāto ekuttara-vasena yāva cuddasa-nipāto ti, cuddasa-nipātā; soḷasa-nipāto, vīsati-nipāto, tiṇṣati-nipāto, cattālīsa-nipāto, pañṇāsa-nipāto, saṭṭhi-nipāto, sattati-nipāto ti, ime satta nipātā ti eka-vīsati-nipāta-sangahā. Nipatanāṇ, nikkhipanan ti, *nipāto*. Eko ekeko gāthānaṇ nipāto nikkhepo etthā ti, *eka-nipāto*. Iminā nayena sesesu pi attho veditabbo. Tattha eka-nipāte dvādasa vaggā, ekekasmiṇ vagge dasa-dasa katvā vīsuttara-sataṇ therā; tattakā¹ eva gāthā. Vuttaṇ hi:

Vīsuttara-sataṇ therā kata-kiccā anāsava

Ekakamhi² nipātamhi susangītā mahesihi ti.

Duka-nipāte ekūna-paṇṇāsa therā aṭṭha-navuti gāthā; tika-nipāte soḷasa therā aṭṭha-cattālīsa gāthā; catukka-nipāte terasa therā dve-paṇṇāsa gāthā; pañcaka-nipāte dvādasa therā saṭṭhi gāthā; chakka-nipāte cuddasa therā catu-rāsīti gāthā; sattaka-nipāte pañca therā pañca-tiṇṣa gāthā; aṭṭhaka-nipāte tayo therā catu-vīsati gāthā; navaka-nipāte eko thero nava gāthā; dasa-nipāte satta therā sattati gāthā; ekādasa-nipāte eko thero ekādasa gāthā; dvādasa-nipāte dve therā catu-vīsati gāthā; terasa-nipāte eko thero terasa gāthā; cuddasa-nipāte dve therā aṭṭha-vīsati gāthā; paṇṇarasa-nipāto n' atthi. Soḷasa-nipāte dve therā dvattiṇṣa gāthā. Vīsati-nipāte³ dasa therā pañca-cattālīsādhikāni dve gāthā satāni. Tiṇṣa-nipāte tayo therā sataṇ pañca ca gāthā. Cattālīsa-nipāte eko thero dve-cattālīsa gāthā. Paṇṇāsa-nipāte eko thero pañca-paṇṇāsa gāthā. Saṭṭhi-nipāte eko thero aṭṭha-saṭṭhi gāthā. Sattati-nipāte pi eko thero ekā-sattati gāthā. Sampindetvā pana dve satāni catu-saṭṭhi ca therā sahasaṇ tiṇi satāni,⁴ saṭṭhi ca gāthā ti. Vuttam pi c' etaṇ:

Sahasāṇ honti tā⁵ gāthā tiṇi saṭṭhi-satāni ca

Therā ca dve-sata-saṭṭhi cattāro ca pakāsita ti.

Therīgāthā pana eka-nipāto ekuttara-vasena yāva nava-nipātā ti nava-nipāto, dasa-nipāto, ekādasa-nipāto, dvādasa-nipāto, soḷasa-nipāto, vīsati-nipāto, tiṇṣa-nipāto, cattālīsa-

¹ A. tatthakā.

² A, B, S. ekakasmiṇ.

³ For Nip. 15 see Preface. There are no Nipātas 17-20, 21-30, etc.

⁴ A. sahasaṇ ti tiṇṣa satāni.

⁵ A. katū.

nipāto, mahānipāto ti, soḷasa-nipāta-sangahā. Tattha eka-nipāte aṭṭhārasa theriyo aṭṭhāras' eva gāthā; duka-nipāte dasa theriyo visati gāthā; tika-nipāte aṭṭha theriyo catuvīsati gāthā; catukka-nipāte ekā therī catasso gāthā; pañcaka-nipāte dvādasa theriyo terasa-saṭṭhi gāthā; chakka-nipāte aṭṭha theriyo aṭṭha-cattālisa gāthā; satta-nipāte tisso theriyo eka-visati gāthā. Aṭṭha-nipātato paṭṭhāya yāva soḷasa-nipātā ekikā theriyo taṇ taṇ nipāta-parimāṇā gāthā. Visati-nipāte pañca¹ theriyo aṭṭhārasa-satā gāthā. Tiṇsa-nipāte ekā therī catuttiṇsa gāthā. Cattālisa-nipāte eka therī aṭṭha-cattālisa gāthā. Mahānipāte pi ekā therī pañca sattati gāthā. Evam ettha nipātānaṇ [vaggānaṇ]² gāthānaṇ ca parimāṇaṇ veditabbaṇ. Evaṇ paricchinna-parimāṇāsu pan' etāsu *Theragāthā* ādi. Tatthāpi

Sihānaṇ va nadantānaṇ dāṭhīnaṇ girigabbhāre
 Supātha bhāvitattānaṇ gāthā attūpanāyikā³ ti

(Thag. I. i).

Ayam paṭhama-mahāsaṅgīti-kāle āyasmataṇ Ānandena te-saṇ therānaṇ thomaṇ' atthaṇ bhāsītā gāthā ādi. Tattha *sīhānan* ti, sīha-saddo "Sīho, bhikkhave, migarājā" ti (S. iii, 84; A. v, 32, etc.) ādisu miga-rāje āgato. "Atha kho Sīho senāpati yena Bhagavā ten' upasankamī" ti (A. iii, 38, etc.) ādisu paññattiyaṇ veditabbo. "Sīho ti kho, bhikkhave, Tathāgatass' etaṇ adhivacanaṇ Arahato Sammāsambuddhas-sā" ti (A. iii, 122) ādisu yattha Tathāgate va vuttaṇ; tattha yathā Tathāgate sadisa-kappanāya āgato, evaṇ idhāpi sadisa-kappanā-vasen' eva veditabbo. Tasmā *sīhānaṇ vā* ti, sīhānam iva; sandhi-vasena sara-lopo; evaṇ 'sa⁴ te ti ādisu viya. Tattha *ivā* ti nipāta-padaṇ. *Supāthā* ti, ākkhyāta-padaṇ; itarāni nāma-padāni. *Sihānaṇ vā* ti ca sambandhe sāmi-vacanaṇ. Kāmaṇ c' ettha sambandhi⁵ ca sarūpato na vutto,

¹ There are five and 1139 verses acc. to O.T.; A, C. read catasso theriyo satta-*navuti* gāthā.

² B. *adds.*

³ A, B, S. bhāvitattānaṇ . . . attūpan.

⁴ M. i, (*Sabbāsava-sutta*) p. 11 ff., and MA. i, 77 (evaṇ 'sa te ti, evaṇ assa te. Evaṇ etena upāyena na honti, no aññathā ti vuttaṇ hoti).

⁵ A. sambhanti.

atthato pana vutto va hoti. Yathā hi “Oṭṭhassa’ eva mukhaṇ etassā” ti vutte “oṭṭhassa viya mukhaṇ etassā” ti ayam attho vutto eva hoti; evam idhāpi sīhānaṇ vā ti vutte pi, sīhānaṇ¹ nādo viyā ti ayam attho eva hoti. Tattha mukha-sadda-sannidhānaṇ hoti ti ce, idhāpi nadantānan ti pada-sannidhānato, tasmā sīhānaṇ vā ti nidassana-vacanaṇ; nā-dantānan ti tassa nidassitabbena sambandha-dassanaṇ. Dā-thīnan ti tabbisesanaṇ.

Girigabbhare ti, tassa pavatti-ṭṭhāna-dassanaṇ. Sunāhā ti, savane² niyojanaṇ. Bhāvitattānan ti, sotabbassa³ pabhava-dassanaṇ. Gāthā ti, sotabba-vatthu-dassanaṇ. Attāpanāyikā ti, tabbisesanaṇ. Kāmañ o’ ettha sīhānaṇ nadantānaṇ dāthīnan ti, pullinga-vasena āgatānaṇ, lingaṇ pana parivattetvā sīhīnan⁴ ti ādinā itthi-linga-vasenāpi attho vattabbo, eka-sesa-vasena vā sīhā ca sīhiyo ca sīhā, tesāṇ sīhānan ti ādinā sādharanā h’ etā tisso nidāna-gāthā theragāthānaṇ theri-gāthānañ cā tā.

Tattha sahanato hananato ca siho; yathā hi sīhassa miga-rañño bala-visesa-yogato sarabha-miga-matta-vara-vāraṇā-dito pi parissayo nāma n’ atthi, vātātapādi-parissayam pi so sahati yeva, gocarāya pakkamanto pi yeva tejussadatāya matta-gandha-hatthi-vanamhi sādike samāgantvā abhīrū acchambhī⁵ abhibhavati, abhibhavanto ca te aññadatthu hantvā⁶ tattha mudu-maṇṣāni bhakkhayitvā⁷ sukhen’ eva viharati; evam ete pi mahātherā ariya-bala-visesa-yogena sabbesam pi parissayānaṇ sahanato rāgādi-sankilesa-balassa abhibhavitvā hananato pajahanato tejussada-bhāvena kutoci pi abhīrū acchambhī jhānādi-sukhena viharanti ti sahanato hananato ca siho viyā ti sīhā.

Sadd’ atthato pana yathā kantan’ atthena ādi anta-vipalāsato⁸ takkaṇ vuccati, evaṇ hi sahan’ atthena⁹ siho vedi-tabbo. Tathā sahan’ atthenāpi sodarādi-paṭikkhepena, nirut-

¹ A. dāthā.

² B. bhavane.

³ A. so sabbassa; S. sotabba-pabhava-d.

⁴ A. sīhānaṇ; B. sīhīnaṇ.

⁵ For acchambhī see PJ. ii. 88; for sahana M. i, 71; SA. ii. 46.

⁶ A, S. gantvā; B. hantā.

⁷ A. bhakkhah°; B. bhakkhay°.

⁸ S. anga-v.

⁹ B, S. sahan°; C. bhīpsan°.

ti-nayena¹ pana vuccamāne vattabbam eva n' atthi. Athavā yathā miga-rājā kesara-sīho attano tejussadatāya eka-cāri viharati, na kiñci sahāyaṇ paccāsiṇsati, evam ete pi tejussadatāya vivekābhiratiyā ca eka-cārino ti eka-cāriy' aṭṭhenāpi sīho viyā ti sīhā. Ten' āha Bhagavā; 'Sīhaṇ v' eka-carāṇ nāgan' ti (S. i, 16). Athavā asantasana-java-parakkamādi-visesa-yogato sīhā viyā ti sīhā ete mahātherā. Vuttaṇ h' etaṇ Bhagavatā; 'Dve 'me, bhikkhave, asaniyā phalantiyā na santasanti. Katame dve? Bhikkhu ca khīṇāsavo sīho ca miga-rājā' ti (A. i, 77). Javo hi sīhassa aññehi asādhāraṇo, tathā parakkamo. Tathā hi so usabha-satam pi langhitvā vana-mahisādīsu nipatati; potako² pi samāno pabhinna-madānam pi matta-vara-vāraṇāṇaṇ patamānāṇaṇ (nāgo)³ bhinditvā daṇḍa-kaḷira-vaṇsaṇ⁴ khādati; etesaṇ pana ariya-magga-javo iddhi-javo ca aññehi asādhāraṇo, sammappadhāna-parakkamo ca niratisayo, tasmā sīhāṇaṇ vā ti, sīha-sadisāṇaṇ viya. Sīhassa c' ettha hi anupamatā daṭṭhabbā, accanta-visiṭṭhassa sahanādi⁵-atthassa theresveva labbhanato.

Nadantānaṇ ti, gajjantānaṇ; gocara-parakkama-tuṭṭhi-velādīsu⁶ hi yathā sīhā attano āsayato nikkhamitvā, vijambhitvā, sīha-nādaṇ abhīta-nādaṇ nadanti, evam ete pi visayajjhatta-paccavekkhanā-udānādi-kālesu imaṇ abhītanādaṇ nadiṇsu. Tena vuttaṇ sīhāṇaṇ va nadantānaṇ ti.

Dāṭhīnaṇ ti, dāṭhāvantaṇaṇ, pasatṭhānaṇ vā atisaya-dāṭhānaṇ⁷ ti vā attho. Yathā hi sīhā ativiya dalhānaṇ tikkhānaṇ ca catunnaṇ dāṭhānaṇ balena paṭipakkhe abhibhavitvā attano manorathaṇ matthakaṇ pūrenti, evam ete pi catunnaṇ ariya-magga-dāṭhānaṇ balena anādimati-saṇsāre

¹ B. niratthi.

² A. patanto pi bhāsiyamāno pabh.; B. potako pi; C. patako pi; S. patanto pi.

³ I add *nāgo* as *Omy.* has confused lions and elephants here.

⁴ B. daṇḍa-kaḷira; C. danta-kaḷira-maṇsaṇ; S. k. vaṇsaṇ. Above, A. paṭiyamānāṇaṇ; B. paṭimānaṇ; S. paṭamānaṇ.

⁵ A. sīhanādi.

⁶ A. dolādīsu; B. velādīsu; C. dohal°.

A. dāṭhīnavant° p. v. a. d.; C. pasatṭha-dāṭhīnaṇ atis°.

anabhibhūta-pubbaṇ paṭipakkaṇ abhibhavitvā attano manorathaṇ matthakaṇ pāpesuṇ. Idhāpi dāṭhā viyā ti dāṭhā ti sadisa-kappana-vasen' eva veditabbo.¹

Girigabbhare ti pabbata-gūhāyaṇ; samīp' atthe bhumma-vacanaṇ. Girigavhare ti keci paṭṭhanti. Pabbatesu vanagahane vana-saṇḍe ti attho. Idam pana tesā virocana-ṭṭhāna-dassanañ c' eva siha-nādassa yogga-bhūmi-dassanañ ca; 'nadantānaṇ girigabbhare' ti yojanā. Yathā sihā yebhuyyena giri-gabbhare aññehi durāsadatāya jana-vivitte vasantā attano dassanena uppajjanakassa khuddaka-miga-santāsassa parihaṇa' atthaṇ gocara-gamane siha-nādaṇ nadanti, evam ete pi aññehi durāsada-giri-gabbhara-sadis' eva suññāgāre vasantā guṇehi khuddakānaṇ puthujjanānaṇ taṇhā-diṭṭhi-parittāsa²-parivajjan' atthaṇ vakkhamāna-gāthā-sankhātaṇ abhīta-nādaṇ nadiṇsu. Tena vuttaṇ:

Sihānaṇ va nadantānaṇ dāṭhīnaṇ girigabbhare

Supātha bhāvitattānaṇ gāthā attūpanāyikā ti.

Supāthā ti, savanāṇattika-vacanaṇ, tena vakkhamānaṇ gāthānaṇ sannipatitāya parisāya sotu-kāmatāṇ uppādentō savane ādaraṇ janeti, ussāhaṇ samuṭṭhāpentō³ gāraṇ bahumānañ ca upaṭṭhapeti. Athavā sihānaṇ ti ādīnaṇ padānaṇ⁴ parikkappanāya⁵ vinā mukhya-vasen' eva attho veditabbo. Tasmā dalha-tikkha-bhāvena pasatṭhātisaya-dāṭhatāya dāṭhīnaṇ giri-gabbhare nadantānaṇ siha-gajjitaṇ gajjantānaṇ sihānaṇ miga-rājūnaṇ viya tesā abhīta-nāda-sadisā gāthā supāthā ti attho. Idan vuttaṇ hoti: Yathā siha-nādaṇ nadantānaṇ sihānaṇ miga-rājūnaṇ kutoci pi bhayābhāvato so abhīta-nādo tadaññā-miga-santāsa-karo,⁶ evaṇ bhāvitattānaṇ appamattānaṇ therānaṇ siha-nāda-sadisā⁷ sabbaso bhaya-hetūnaṇ suppahīnattā abhīta-nāda-bhūtā pamata-jana-santāsa-karā gāthā supāthā ti.

Bhāvitattānaṇ ti, bhāvita-cittānaṇ. Cittaṇ hi 'attā hi kira duddamo' ti (Dhp. 159), 'Yo ve ṭhitatto⁸ tass' eva ujū' ti

¹ B, S. sadisa-kappana-vasena; A. sankappana°.

² B. t. d. varitāsa; S. parīta.

³ B. samuttejento.

⁴ So A, B; S. omīte; C. udānaṇ.

⁵ B. sadisa-kap.

⁶ A. santāpakāro.

⁷ B. -sadiyo; S. -sadiso.

⁸ A. yo veditabbo; S. yo ve attānaṇ saṇvaraṇ uju-atta.

ca (? Sn. 215, yo ve ʔhitatto tasaraṇ va ujuṇ), ‘Atta-sammāpanidhī’ ti ca (Sn. 260) evamādisu attā ti vuccati. Tasmā adhiccittānuyogena samatha-vipassanābhivaddhana-cittānaṇ samatha-vipassanā-bhāvanā matthakaṇ pāpetvā ʔhitānan ti attho. Athavā *bhāvitattānan* ti, bhāvita-sabhāvānaṇ sabhāva-bhūta-silādi-bhāvitānan ti attho. Gīyatī ti, *gāthā*. Anuṭṭhubhādī¹-vasena isihi pavattitaṇ² catuppadaṇ chappadaṇ vā vacanaṇ. Aññesam pi taṇ-sadisatāya gāthā vuccanti. Att’ atthādi-ppabedhe atthe upanenti, tesu vā upanīyanti ti *attūpanāyikā*. Athavā *bhāvitattānan* ti, bhāvitatta-bhāvānaṇ; attabhāvo hi āhito aham-māno etthā ti attā ti vuccati; so ca tehi appamāda-bhāvanāya āvajjana-bhāvanāya bhāvito, samma-d-eva guṇa-gandha-gāhāpito.³ Tena vuttaṇ: Tesāṇ kāya-bhāvanā sīla-bhāvanā citta-bhāvanā paññā-bhāvanā ti, catunnam pi bhāvanānaṇ paripuṇṇa-bhāvaṇ dasseti.⁴

Bhāvanā ti ca sambodhi-paṭipadā idhādhippetā. Yāsaṇ sacca-sambodhi atthi sā duvidhā, abhisamayato tadatthato ca. Sambodhi pana tividhā, sammā-sambodhi pacceka-sambodhi sāvaka-sambodhi ti. Tattha sammā-sāmaṇ sabba-dhammānaṇ bujjanato bodhanato ca sammā-sambodhi; sabbaññuta-ñāṇa-pada-ṭṭhānaṇ, magga-ñāṇaṇ magga-ñāṇa-pada-ṭṭhānaṇ ca sabbaññuta-ñāṇaṇ *sammāsambodhi* ti vuccati. Tenāha: ‘Buddho ti yo so Bhagavā sayambhū anācariyako pubbe ananussutesu dhammesu sāmaṇ saccāni abhisambujjhi. Tattha ca sabbaññutaṇ patto, balesu ca vasi-bhāvaṇ patto’ ti (Nid. I, 457). Bodhaneyya-bodhan’ attho hi balesu ca vasi-bhāvo.

Paccekaṇ sayam eva bodhī ti, *pacceka-sambodhi*. Ananubuddho sayambhū-ñāṇena saccābhisamayō ti attho. Sammāsambuddhānaṇ hi sayambhū-ñāṇatāya sayam eva pavat-tamāno pi saccābhisamayō ti sānubuddho appamānānaṇ⁵ sattānaṇ saccābhisamayassa hetu-bhāvato. Imesaṇ pana so ekassāpi sattassa saccābhisamaya-hetu na hoti.⁶

Satthu dhamma-desanāya savanante jātā ti, *sāvaka*⁷; sāvakaṇaṇ saccābhisamayo *sāvaka-sambodhi*.

¹ A. anulabhāsādi.

² B. bhāvattitaṇ.

³ B. bāhāpito.

⁴ Cf. D. iii, 219.

⁵ A, B. aparimaṇānaṇ.

⁶ B. hetunā hotī ti.

⁷ Cf. UdA. 125.

Tividhāpi esa tiṇṇaṇ bodhisattānaṇ yathā-sakaṇ āga-
manīya-paṭipadāya matthaka-ppattiyā satipaṭṭhānādīnaṇ
satta-tiṇsa bodhi-pakkhiya-dhammānaṇ bhāvanā pāripūri¹
ti veditabbā; itarābhisamayānaṇ tadavinā-bhāvato. Na hi
saccikiriyābhisamayena vinā bhāvanābhisamayo sambhavati.
Sati ca bhāvanābhisamaye pahānābhisamayo pariññābhi-
samayo ca siddho yeva hoti ti.

Yadā hi Mahābodhisatto pāramī-paripūrita-bodhisambhāro
carima-bhave kata-pubba-kicco bodhi-maṇḍaṇ āruya, “na
tāv ’imaṇ pallankaṇ bhindissāmi yāva na me anupādāya
āsavehi cittaṇ vimuccissati” ti paṭiññaṇ katvā aparājita-
pallanke nisinno asampattāya² eva sañjhā³-velāya Mārabalaṇ
vidhamitvā, purima-yāme pubbe-nivāsānussati-ñāṇena ane-
kākāra-vokāre pubbe nivuṭṭha⁴-kkhandhe anussaritvā, maj-
jhima-yāme dibba-cakkhu-visodhanena cutūpapāta-ñāṇa-
anāgataṇsa-ñāṇāni adhigantvā, pacchima-yāme “kicchaṇ
vatāyaṇ loko āpanno, jāyati ca jīyati ca mīyati ca cavati
ca uppajjati ca; atha ca pan’ imassa dukkhassa nissaraṇaṇ na
ppajānāti parāmarāṇassā” ti ādinā (D. ii, 30) jarāmarāṇato
paṭṭhāya paṭicca-samuppāda-mukhena vipassanaṇ abhini-
visitvā mahāgahanaṇ chindituṇ nisada-silāyaṇ pharasuṇ
nisedento⁵ viya kilesa-gahanaṇ chindituṇ loka-nātho ñāṇa-
pharasuṇ tejento buddha-bhāvāya hetu-sampattiyā pari-
pākaṇ gatattā sabbaññuta-ñāṇādhigamāya vipassanā-gab-
bhaṇ gaṇhāpento antarantarā nānā-samāpattiyo samāpajji-
tvā, yathā-vavatthāpīte nāma-rūpe tilakkhaṇaṇ āropetvā,
anupada⁶-dhamma-vipassanā-vasena anekākāra-vokāra-
saṅkhāre sammasanto, chatṭiṇsa koṭi-sata-sahassa-mukhena
sammasana-vāraṇ vitthāretvā,⁷ tattha mahāvajira-sankhāte
vipassanā-ñāṇe tikkhe sūre pasanne vuṭṭhāna-gāminī-bhāvena
pavattamāne, yadā taṇ maggena ghāṭeti, tadā magga-paṭi-
pattiyā diyaḍḍha-kilesa-sahassaṇ khepento agga-magga-
kkhaṇe sammāsambodhiṇ adhigacchati nāma, agga-phala-

¹ A. pāripūreti.

² B. asammattāya; S. asampannāya.

³ A. sajjhā; B. sañchā.

⁴ A. C. nivutta.

⁵ B. nisento; C. sunisadento; S. nisadanto.

⁶ A. anupa; S. anupubba.

⁷ A. vāraṇ vikāretvā; B. cāraṇ

kkhaṇato paṭṭhāya adhigato nāma. Sammāsambuddha-bhāvato dasabala-catu-vesārajjādayo pi tassa tadā hatthagatā¹ yeva honti ti; ayaṇ tava abhisamayato sammā-sambodhi-paṭipadā. Tadatthato pana mahābhinihārato paṭṭhāya yāva Tusita-bhavane nibbatti² etth' antare pavattaṇ bodhi-sambhāra-sambharaṇaṇ. Tattha yaṇ vattabbaṇ taṇ sabbākāra-sampannaṇ *Cariyāpiṭaka-vannaṇāyaṇ* vitthārato vuttam evā ti. Tattha vutta-nayen' eva gahetabbaṇ.

Pacceka-bodhisattā pi pacceka-bodhiyā katābhinihārā anupubbena sammā vā pacceka-sambodhi-sambhārā tādise kāle carim' attabhāve tṭhitā nāṇassa paripāka-gata-bhāvena upaṭṭhitaṇ³ saṇvega-nimittaṇ gahetvā, savisesaṇ bhavādisu ādinavaṇ disvā, sayambhū-nāṇena pavatti-pavatti-hetuṇ nibbatti-nibbatti-hetuṇ⁴ ca paricchinditvā, "so 'idaṇ dukkhan' ti yoniso manasikaroti" ti (M. i, 9) ādinā āgata-nayena catu-sacca-kammaṭṭhānaṇ paribrūhentā, attano abhinihārānurūpa-sankhāre parimaddantā, anukkamena vipassanaṇ ussukkāpetvā, magga-paṭipātiyā agga-maggaṇ adhigacchantā, pacceka-sambodhiṇ sayambhū⁵-abhisambujjhanti nāma; agga-phala-kkhaṇato paṭṭhāya pacceka-sambuddhā nāma hutvā, sadevakassa lokassa agga-dakkhiṇeyyā honti.

Sāvaka pana Satthu sabrahmacārino vā catu-sacca-kammaṭṭhāna-kathaṇ sutvā, tasmiṇ yeva khaṇe kāl' antare vā tajaṇ paṭipattiṇ anutiṭṭhantā ghaṭantā vāyamantā vipassanaṇ ussukkāpetva, yadi vā paṭipadāya vadḍhantiyā,⁶ saccāni paṭivijjhantā attano abhinihārānurūpa-siddhi-agga-sāvaka-bhūmiyā vā kevalaṇ vā agga-magga-kkhaṇe sāvaka-sambodhiṇ adhigacchanti nāma; tato paraṇ sāvaka-buddhā nāma honti sadevake loke agga-dakkhiṇeyyā. Evaṇ tava abhisamayato pacceka-sambodhi sāvaka-sambodhi ca veditabbā.⁷

Tadatthato pana yathā mahābodhisattānaṇ heṭṭhima-paricchadena cattāri asankheyyāni kappānaṇ kappa-sata-sahassaṇ ca bodhi-sambhāra-sambharaṇaṇ icchitabbaṇ, maj-

¹ A. mahanta-g.

² B. bhāvanenappatti.

³ S. uppajjitaṇ.

⁴ A. nibbatti nibbatti; B. nipatti nivatti; C. nivutti nivutti.

⁵ B. omits.

⁶ A, B. paṭipadā calanti ti.

⁷ Cf. P.J. ii, 47 for what follows.

jhima-paricchedena aṭṭha asankheyyāni kappānaṃ kappa-sata-sahassaṃ ca, uparima-paricchedena soḷasa asankheyyāni kappānaṃ kappa-sata-sahassaṃ ca; ete ca bheda paññādhika-saddhādhika-viriyādhika-vasena veditabbā.

Paññādhikānaṃ hi saddhā mandā hoti, paññā tikkhā. Tato ca upāya-kosallassa visada-nipuna-bhāvena na cirass' eva pāramiyo pāripūriṃ gacchanti. Saddhādhikānaṃ paññā majjhimā hoti, tesāṃ nātisīghaṃ nātisanikaṃ pāramiyo pāripūriṃ gacchanti. Viriyādhikānaṃ pana paññā mandā hoti, tesāṃ ciren' eva pāramiyo pāripūriṃ gacchanti. Yathā mahābodhisattānaṃ na evaṃ pacceka-bodhisattānaṃ. Tesāṃ hi sati paññādhika-bhāve dve asankheyyāni kappānaṃ sata-sahassaṃ ca bodhi-sambhāra-sambharaṇaṃ icchitabbaṃ, na tato oraṃ. Saddhādhika-viriyādhikāpi vutta-paricchedato paraṃ katipaye eva kappe atikkamitvā pacceka-sambodhiṃ abhisambujjhanti; na tatiyaṃ asankheyyaṃ ti. Sāvaka-bodhisattānaṃ pana yesaṃ agga-sāvaka-bhāvāya abhinīhāro tesāṃ ekaṃ asankheyyaṃ kappānaṃ sata-sahassaṃ ca sambhāra-sambharaṇaṃ icchitabbaṃ. Yesaṃ mahāsāvaka-bhāvāya tesāṃ kappānaṃ sata-sahassam eva; tathā Buddhassa mātāpitunnaṃ upaṭṭhākassa puttassa ca. Tathā yathā

Manussattaṃ linga-sampatti-hetu Satthāra-dassanaṃ

Pabbajjā guṇa-sampatti adhikāro ca chandatā

Aṭṭha-dhamma-samodhānā abhinīhāro samijjhatī ti

(JA. i, 14).¹

Evaṃ vutte aṭṭha-dhamme samodhānetvā kata-panidhānānaṃ mahāsambodhisattānaṃ mahābhinīhārato-ppabhūti savisesaṃ dānādīsu yutta-ppayuttānaṃ divase divase Vesantara-dāna-sadisaṃ mahādānaṃ dentānaṃ tad-anurūpasilādike sabba-pāramī-dhamme ācīṇantānam pi yathā-vutta-kāla-paricchedaṃ asampatvā² antarā eva Buddha-bhāvappatti³ nāma n' atthi. Kasmā? Nānassa aparipaccanato. Paricchinna-kāle nipphāditā⁴ viya hi sassaṃ Buddha-ñānaṃ yathā-paricchinna-kāla-vasen' eva vuddhiṃ virūḷhaṃ⁵ vepul-

¹ Cf. P.J. ii, 48 ff.; quoted UdA. 133; *Buddhavaṇsa*; P.T.S. ed., p. 9, v. 59.

² B. asammattvā.

³ A. buddhappati; B. buddhuppatti.

⁴ A. nippādā; B. nibāditaṃ.

⁵ B. buddhivirūḷhi.

laṇ āpajjantaṇ gabbhaṇ gaṇhantaṇ paripākaṇ gacchatī ti.
Evaṇ

Manussattaṇ linga-sampatti vigatāsava-dassanaṇ
Adhikāro ca chandatā, ete abhinihāra-kāraṇā ti

(PJ. ii, 51).

Ime pañca dhamme samodhānetvā katābhinihārānaṇ pacceka-bodhisattānaṇ ‘adhikāro ca chandatā’ ti dvanga-samannāgatāya patthanāya vasena kata-paṇidhānānaṇ sāvaka-bodhisattānaṇ ca, tattha tattha vutta-kāla-paricchedaṇ asampatvā, antarā eva pacceka-sambodhiyā yathā-vutta-sāvaka-sambodhiyā ca adhigamo n’ atthi. Kasmā? Nāṇassa aparipaccanato. Imesam pi yathā mahābodhisattānaṇ dānādi-pāramī hi paribruhitā paññā-pāramī anukkamena gabbhaṇ gaṇhanti, paripākaṇ gacchanti, Buddha-ñāṇaṇ paripūreti, evaṇ dānādihi paribruhitā anupubbena yathārahaṇ gabbhaṇ gaṇhanti, paripākaṇ gacchanti, pacceka-bodhi-ñāṇaṇ sāvaka-bodhi-ñāṇaṇ ca paripūreti. Dāna-paricayena h’ ete tattha tattha bhava alobh’ ajjhāsayaṭāya sabbattha alagga-mānasā¹ anapekkha-cittā hutvā, sīla-paricayena susaṇvuta-kāya-vācatāya parisuddha-kāya-vacī-kamantā parisuddhājivā indriyesu gutta-dvārā bhojane mat-taññuno hutvā, jāgariyānuyogena cittaṇ samādahanti. Svāyaṇ tesaṇ jāgariyānuyogo gata-paccāgatika-vatta-vasena veditabbo. Evaṇ pana paṭipajjantānaṇ adhikāra-sampattiya appakasiren’ eva atṭha-samāpattiyo pañcābhiññā chala-bhiññā adhiṭṭhāna-bhūtā pubba-bhāga-vipassanā ca hatthagatā yeva honti. Viriyādayo siddhā pana tad antogadhā yeva.

Yaṇ ca hi pacceka-bodhiyā sāvaka-bodhiyā vā atthāya dānādi-puñña-sambharaṇe abbhussahanaṇ, idaṇ viriyaṇ. Yaṇ tad anuparodhassa sahanaṇ, ayaṇ khanti. Yaṇ dāna-silādi-samādānāvisaṇvādanaṇ, idaṇ saccaṇ. Sabb’ atthakam eva² acala-samādānādhiṭṭhānaṇ, idaṇ adhiṭṭhānaṇ. Yā dāna-silādīnaṇ pavatti-ṭṭhāna-bhūtesu sattesu hitesitā, ayaṇ mettā. Yaṇ sattānaṇ kata-vippakāresu ajjupekkhanaṇ, ayaṇ upekkhā ti.

¹ A. B. asanga-mānatāsā.

² A. -katam eva; B. sabbattham.

Evaṃ dāna-sīla-bhāvanāsu sīla-samādhi-paññāsu ca sījhamānāsu viriyādayo siddhā eva honti. Tad eva pacceka-bodhi-atthāya sāvaka-bodhi-atthāya ca dānādi-paṭipadā te saṃ bodhisattānaṃ santānassa bhāvanato paribhāvanato, bhāvanā nāma; visesato dāna-sīlādīhi samabhisankhate santāne pavattā samatha-vipassanā-paṭipadā. Yato te bodhisattā pubba-yogāvacara-samudāgama-sampannā honti, ten' āha Bhagavā: 'Pañc' ime, Ānanda, ānisaṃsā pubba-yogāvacare. Katame pañca? Idh', Ānanda, pubba-yogāvacaro diṭṭh' eva dhamme paṭikacc' eva aññaṃ ārādheti; no ce diṭṭh' eva dhamme paṭikacc' eva aññaṃ ārādheti, atha maraṇa-kāle aññaṃ ārādheti, atha deva-putto samāno aññaṃ ārādheti, atha Buddhānaṃ sammukhī-bhāve khippābhiñño hoti, atha pacchime kāle pacceka-sambuddho hoti' ti (*Pubbayogāvacara-sutta*?).¹

Iti pubba-bhāga-paṭipadā-bhūtāya parāmita-paribhāvanāya² samatha-vipassanā-bhāvanāya nirodha-gāminī-paṭipadā-bhūtāya abhisamaya-sankhātāya magga-bhāvanāya ca bhāvitatta-bhāvā hi Buddha-pacceka-buddha-sāvaka-bhāvitattā nāma; tesu idha Buddha-sāvakā adhippetā. Ettha ca *sīhānaṃ vā* ti, iminā therānaṃ sīha-samāna-vuttitā-dassanena attano paṭipakkhehi anabhibhavanīyataṃ te ca abhibhuyya pavattiṃ dasseti. *Sīhānaṃ va nadantānaṃ . . . pe . . . gāthā* ti, iminā therā-gāthānaṃ sīha-nāda-sadisatā-dassanena tāsaṃ paravādehi anabhibhavanīyataṃ te ca abhibhavitvā pavattiṃ dasseti. *Bhāvitattānaṃ* ti, iminā tadubhayassa kāraṇaṃ vibhāveti. Bhāvitatta-bhāvena therā idha sīha-sadisā ti vuttā; tesaṃ ca gāthā sīha-nāda-sadisā. *Attāpanāyikā* ti, iminā abhibhāvane payojanaṃ³ dasseti.

Tattha therānaṃ paṭipakkho nāma sankilesa-dhammo, tad-abhibhavo tadanga-vikkhambhana-ppahānehi saddhiṃ samuccheda-ppahānaṃ, tasmiṃ sati paṭippassaddhi-ppahānaṃ nissaraṇa-ppahānaṃ ca siddham eva hoti. Yato te *bhāvitattā* ti vuccanti? Magga-kkhaṇe hi ariyā appamāda-bhāvanaṃ bhāventi nāma; agga-phala-kkhaṇato paṭṭhāya bhāvitattā

¹ Quoted P.J. ii, 47; cf. S. v, 69, etc.

² A. paribhav°; B, S. pabhavānāya; C. paribhāvitāya.

³ B. saṃyojanaṃ.

nāmā ti; vutto c' āyam attho¹:—Tesu tadanga-ppahānena tesañ sīla-sampadā dassitā, vikkhambhana-ppahānena samādhi-sampadā, samuccheda-ppahānena paññā-sampadā, itarena tāsaṃ phalaṃ dassitā. Sīlena ca tesañ paṭipattiyā ādikalyāṇatā dassitā.² 'Ko cādi-kusalānaṃ dhammānaṃ sīlaṃ ca suvisuddhaṃ' (S. v, 143, 165); 'Sīle paṭiṭṭhāya' (S. i, 13); 'Sabba-pāpassa akaraṇaṃ' (D. ii, 49; Dh. 183) ti vacanato sīlaṃ paṭipattiyā ādi-kalyāṇatā ca, avippaṭi-sārādi-guṇāvahattā. Samādhinā majjhe-kalyāṇatā ca dassitā; 'Cittaṃ bhāvayaṃ, kusalassa upasampadā' ti vacanato samādhi-paṭipattiyā majjhe-kalyāṇatā ca, iddhi-vidhādi-guṇāvahattā. Paññāya pariyosāna-kalyāṇatā ca dassitā; 'Sacitta-pariyodapanan' (D. ii, 49; Dh. 183) ti; 'Paññaṃ bhāvayaṃ' ti vacanato paññā-paṭipattiyā pariyosānaṃ, paññuttarato kusalānaṃ dhammānaṃ. Sā ca kalyāṇaṃ iṭṭhāniṭṭhesu tādi-bhāvāvahanato.

Selo yathā ekaghano vātena na samīrati

Evaṃ nindā-pasaṃsāsu na samīñjanti paṇḍitā ti

(Vin. i, 185; Dh. 81; Thag. 643)

hi vuttaṃ. Tathā sīla-sampadāya tevijja-bhāvo dassito, sīla-sampattiṃ hi nissāya tisso vijjā pāpuṇanti. Samādhi-sampadāya chaḷabhiññā-bhāvo, samādhi-sampattiṃ hi nissāya cha abhiññā pāpuṇanti. Paññā-sampadāya pabhinna-paṭisambhidā-bhāvo, paññā-sampadaṃ hi nissāya catasso paṭisambhidā pāpuṇanti. Iminā tesāṃ therānaṃ keci tevijjā, keci chaḷabhiññā, keci paṭisambhidā ppattā ti ayam ettha dassito ti veditabbaṃ.

Tathā sīla-sampadāya tesāṃ kāma-sukhānuyoga-sankhātassa antassa parivajjanaṃ dasseti, samādhi-sampadāya atta-kilamathānuyoga-sankhātassa, paññā-sampadāya majjhimāya paṭipattiyā³ sevanaṃ dasseti. Tathā sīla-sampadāya tesāṃ vītikkama⁴-ppahānaṃ kilesānaṃ dasseti, samādhi-sampadāya pariyuṭṭhāna-ppahānaṃ, paññā-sampadāya anu-saya-ppahānaṃ dasseti. Sīla-sampadāya vā duccarita-san-

¹ A. jhāyimato; B. vāyamatto; S. vāyamatthe; S₁ jhāyimanto; I read with C.

² For what follows cf. VM. 4.

³ B. paṭipadāya.

⁴ A, B. vitakka.

kilesa-visodhanaṇ, samādhi-sampadāya taṇhā-sankilesa-visodhanaṇ, paññā-sampadāya diṭṭhi-sankilesa-visodhanaṇ dasseti. Tadanga-ppahānena vā tesañ apāya-samatikkamo dassito, vikkhambhana-ppahānena kāma-dhātu-samatikkamo, samuccheda-ppahānena sabba-bhava-samatikkamo dassito ti veditabbaṇ. *Bhāvitattānaṇ* ti vā ettha sīla-bhāvanā citta-bhāvanā paññā-bhāvanā ti, tisso bhāvanā veditabbā. Tāya bhāvanāya tadantogadhattā sīla-bhāvanā ca paṭipattiyā ādī ti sabbaṇ purima-sadisaṇ. Yathā pana sīhanādaṇ pare miga-gaṇā na sahani, kuto abhibhavo? Aññadatthu sīhanādo va te abhibhavati. Evam eva aññatitthiya-vādā therānaṇ vāde na sahani, kuto abhibhavo? Aññadatthu theravādā te abhibhavanti. Taṇ kissa hetu? ‘Sabbe sankhārā aniccā,’ ‘Sabbe sankhārā dukkhā,’ ‘Sabbe dhammā anattā’ ti nibbāna-dhātu ti pavattanato.

Na hi dhammato sakkā kenaci aññathā kātuṇ appativattiyato.¹ Yam pan’ ettha vattabaṇ taṇ parato āvibhavissati; evam ettha sankhepen’ eva paṭhama-gāthāya attha-vibhāvanā veditabbā.

Dutiya-gāthāyaṇ pana ayaṇ sambandha-dassana-mukhena attha-vibhāvanā:—Tattha yesaṇ therānaṇ gāthā sāvetukāmo te sādharma-vasena nāmato gottato guṇato ca kitteduṇ *yathā-nāmā* ti ādī vuttaṇ. Asādhāranato pana tattha tattha gāthāsu yeva āvibhavissati. Tattha *yathā-nāmā* ti, yaṇ yaṇ nāma, Subhūti Mahākoṭṭhiko² ti ādinā nayena nāma-dheyyena *yathā-paññātā* ti attho. *Yathā-gottā* ti, yaṇ yaṇ gottā, Gotamo Kassapo ti ādinā nayena kula-ppadesena yāya yāya jātiyā samaññātā³ ti attho. *Yathā-dhamma-vihārino* ti, yādisa⁴-dhamma-vihārino; pariyattiparamatāyaṇ aṭṭhatvā yathānurūpa-samāpatti-vihārino hutvā vihariṇsū ti attho. Atha vā *yathā-dhamma-vihārino* ti, *yathā-dhammatāya* viharino ca yādisa-silādi-dhammā dibbavihārādisu abhiṇhaso viharamānā yādisa-vihārā cā ti attho. *Yathādhimuttā* ti, yādisa-adhimuttikā, saddhā-vimutti-paññāvimuttisu yaṇ yaṇ adhimuttikā, suññata-mukhādisu va *yathā yathā* nibbānaṇ adhimuttā ti, *yathādhimuttā*:

¹ C, S. appativattaniyato.

² S. paññātā ti; B. paññāti.

³ A, B. -koṭṭhiko.

⁴ B. yāhi sadh°.

Nibbānaṃ adhimuttānaṃ atthaṃ gacchanti āsavā ti
(Dhp. v. 266)

hi vuttaṃ. Ubhayañ c' etaṃ pubba-bhāga-vasen' eva vedītabbaṃ.

Yathā-dhammā yathā-vihārino ca arahatta-ppattito pubbe yeva hi yathā-vuttam adhimuttaṃ,¹ na parato. Ten' āha Bhagavā; 'Asaddho akataññu ca sandhicchedo ca yo naro' ti (Dhp. 97; Nidd. i, 237) ādi. Yathā-vimuttā ti pi pātho. Pañña-vimutti-ubhato-bhāga-vimuttīsu yaṃ yaṃ vimuttikā ti attho.

Sappaññā ti, tihetuka-paṭisandhi-paññāya pārihārika-paññāya bhāvanā-paññāya cā ti tividhāya pi paññāya paññāvanto. *Vihariṃsū* ti, tāy' eva sappaññatāya yathā-laddha-phāsu-vihāren' eva vasiṃsu. *Atanditā* ti, analasā; attahita-paṭipattiyaṃ yathā-balaṃ para-hita-paṭipattiyañ .ca² utthānavanto³ ti attho. Ettha ca nāma-gotta-gahaṇena tesā tesā therānaṃ pakāsa-paññata-bhāvaṃ dasseti, dhamma-vihāra-gahaṇena sīla-sampadaṃ samādhi-sampadañ ca dasseti. *Yathādhimuttā sappaññā* ti, iminā paññā-sampadaṃ; *atanditā* ti, iminā sīla-sampadādīnañ kāraṇa-bhūtaṃ viriya-sampadaṃ dasseti. *Yathā-nāmā* ti, iminā tesā pakāsana-nāmetaṃ⁴ dassento, *yathā-gottā* ti, iminā saddhānusārī-dhammānusārī-gotta-sampatti-samudāgamaṃ, *yathā-dhamma-vihārino* ti ādinā sīla-samādhi-paññā-vimutti-vimutti-ñāṇa-dassana-sampatti-samudāgamaṃ,⁵ *atanditā* ti, iminā evaṃ attahita-sampattiyaṃ tthitānaṃ para-hita-paṭipattiṃ dasseti.

Atha vā *yathā-nāmā* ti, idaṃ tesā therānaṃ garūhi⁶-gahita - nāma - dheyya - dassanaṃ, sāmāñña-matta-kittanato. *Yathā-gottā* ti, idaṃ kulaputta-bhāva-dassanaṃ, kula-padesa-kittanato, tena tesā saddhā-pabbajita-bhāvaṃ dasseti. *Yathā-dhamma-vihārino* ti, idaṃ caraṇa-sampatti-dassanaṃ sīla-

¹ B. vutta adhimuccanaṃ; A. vuttam adhivuccanaṃ; S. yathā muttaṃ adhimuttaṃ.

² A. samitaya; B. sadhitaya.

³ S. calanavanto.

⁴ A. pakāsana; C. pakāsa°.

⁵ B. sampannāgamaṃ; S. samupāgamaṃ.

⁶ A, B, S. garū°; C. gurū°.

saṇṇarādīhi samangī-bhāva-dīpanato. *Yathādhimuttā sappaññā* ti, idaṇ nesaṇ vijjā-sampatti-dassanaṇ āsava-kkhaya-pariyosānāya ñāṇa-sampattiyā adhigama-paridīpanato. *Atanditā* ti, idaṇ caraṇa¹-sampattinaṇ adhigamūpāya-dassanaṇ.

Yathā-nāmā ti vā iminā tesāṇ pakāsana-nāma-mattaṇ yeva dasseti. *Yathā-gottā* ti pan' iminā pacchima-cakka-dvaya-sampattiṇ dasseti. Na hi sammā appaṇihit' attano pubbe² ca akata-puññassa saddhānusārī-dhammānusārī-gotta-sampatti-samudāgamo sambhavati. *Yathā-dhamma-vihārino* ti, iminā tesāṇ purima-cakka-dvaya-sampattiṇ dasseti. Na hi appaṭirūpe dese vasato³ sappurisūpanissaya-rahitassa ca tādiso guṇa-viseso sambhavati. *Yathādhimuttā* ti, iminā saddhamma-savaṇa-sampadā-samāyogaṇ dasseti. Na hi 'parato ghosena' (A. i, 87, § 9) vinā sāvakanāṇ sacca-sampativedho sambhavati. *Sappaññā atanditā* ti, iminā yathā-vuttassa guṇa-visesassa abyabhicāra-hetuṇ⁴ dasseti, ñāyārambha-dassanato.⁵

Aparo nayo: *Yathā-gottā* ti, ettha gotta-kittanena tesāṇ therānaṇ yoniso manasikāra-sampadaṇ dasseti, yathā-vuttagotta-sampannassa yoniso manasikāra-sambhavato. *Yathā-dhamma-vihārino* ti, ettha dhamma-vihāra-gaḥaṇena saddhamma-savaṇa-sampadaṇ dasseti, saddhamma-savaṇena vinā tadabhāvato. *Yathādhimuttā* ti, iminā matthaka-ppattaṇ⁶ dhammānudhamma-paṭipadaṇ dasseti. *Sappaññā* ti, iminā sabbattha-sampajāna-kāritaṇ. *Atanditā* ti, iminā vutta-nayena atta-hita-sampattiṇ paripūretvā tñitānaṇ paresāṇ hita-sukhāvahāya paṭipattiyaṇ akilāsu-bhāvaṇ dasseti. Tathā *yathā-gottā* ti, iminā nesaṇ saraṇa-gamana-sampadā dassitā, saddhammānusārī-gotta-kittanato. *Yathā-dhamma-vihārino* ti, iminā sīla-kkhandha-pubbangamo samādhikkhandho dassito. *Yathādhimuttā sappaññā* ti, iminā paññā-kkhandhādayo; saraṇāgamaṇ ca sāvaka-guṇānaṇ ādi, samādhī majjho, paññā pariyosānaṇ ti ādi-majjha-pariyo-

¹ B, S, S₁ vijjā-caraṇa-sampannānaṇ.

² A. puññe.

³ B. desena sato.

⁴ Cf. UdA. 138.

⁵ S. yāyārambh°; S. ñāṇ°.

⁶ A. mattikappattaṇ; B. mattakapp°; S. matthakapp°.

sāna-dassanena sabbe pi sāvaka-guṇā dassitā honti. Īdisi pana guṇa-vibhūti yāya sammā-paṭipattiyā tehi adhigatā. Taṇ dassetuṇ *tattha tattha vipassitvā* ti ādi vuttaṇ. *Tattha tatthā* ti, tesu tesu araṇṇa-rukkha-mūla-pabbatādīsu vivitta-senāsanesu. *Tattha tatthā* ti vā, tasmiṇ tasmiṇ udānādi-kāle. *Vipassitvā* ti, sampassitvā; nāma-rūpa-vavatthapana-paccaya-pariggahādihi diṭṭhi-visuddhi-kankhā-vitarāṇa-visuddhiyo sampādetvā, kalāpa-sammasanādi-kkamaena pañcamaṇ vi-suddhiṇ adhigantvā paṭipadā-ñāṇa-dassana-visuddhiyo mat-thakaṇ pāpana-vasena vipassanaṇ ussukkāpetvā. *Phusitvā* ti,¹ patvā, sacchikatvā. *Accutaṇ padan* ti, nibbānaṇ; taṇ hi sayana acavana²-dhammattā adhigatānaṇ accuti-hetubhāvato. 'N' atthi ettha cuti' ti, *accutaṇ*; sankhata-dhammehi asammissa-bhāvatāya tadatthikehi paṭipajjitab-batāya ca *padan* ti ca vuccati.

Katantan ti, katan tassa³ antaṇ. Yo hi tehi adhigato ariya-maggo, so attano paccayehi uppāditattā kato nāma; tassa pana pariyosāna-bhūtaṇ phalaṇ katanto ti adhippettaṇ; taṇ katantaṇ agga-phalaṇ. Atha vā paccayehi nipphāditattā katā nāma sankhata-dhammā, taṇ nissaraṇa-bhāvato katanto nibbānaṇ; tan kat' antaṇ paccavekkhanto 'adhigataṇ vata mayā ariya-maggādhigamena idaṇ ariya-phalaṇ, adhigatā asankhata-dhātū' ti, ariya-phala-nibbānāni vimutti-ñāṇa-dassanena paṭipattiṇ avekkhamānā.

Athavā sacca-paṭivedha-vasena yaṇ ariyena karaṇīyaṇ⁴ pariññādi-solasavidhaṇ kiccaṇ agga-phale⁵ t̥hitena nipphāditattā pariyositattā katan nāma. Evaṇ *katantaṇ paccavekkhantā*, etena pahīna-kilesa-paccavekkhanaṇ dassitaṇ. Purima-nayena pana itara-paccavekkhanāni ti ekūna-vīsati pi paccavekkhanāni dassitāni honti.

Imam atthan ti, ettha *iman* ti sakalo thera-therī-gāthānaṇ attho. Attano itaresaṇ ca tattha sannipatitānaṇ dhamma-sangahaka-mahātherānaṇ buddhiyaṇ viparivattamānatāya⁶ āsanna-paccakkho ti ca katvā vuttaṇ. *Atthan* ti; 'channā

¹ A. phussitvā; S. sitvā; B. omits.

² B. avacana.

³ A. katantassa; B, C. katassa.

⁴ A, C. sakaraṇīyaṇ.

⁵ B. -phalena nipph°.

⁶ S. viparītavagga°.

me kutikā' ti ādīhi gāthāhi vuccamānaṃ attūpanāyikaṃ parūpanāyikaṃ lokiya-lokuttara-paṭisaṃyuttaṃ atthaṃ. *Abhāsisun* ti, gāthā-bandha-vasena kathesuṃ. Taṃ-dīpaniyo idāni mayā vuccamānā tesuṃ bhāvitattānaṃ gāthā attūpanāyikā suṃāthā ti yojanā. Te ca mahātherā evaṃ kathentā¹ attano sammā-paṭipatti-pakāsaṇihi gāthāhi sāsanaṃ ekanta-niyānika-vibhāvaṃ pare pi tattha sammā-paṭipattiyaṃ nīyojenti ti etaṃ atthaṃ dīpeti āyasmā Dhammabhaṇḍāgāriko; tathā dīpento ca imāhi gāthāhi tesuṃ thomaṇaṃ tāsāṃ ca tesuṃ vacanaṃ nidāna-bhāvena uttānaṃ² gatam evā ti dasseti ti daṭṭhabbaṃ.

Nidāna-gāthā-vannaṇā Niṭṭhitā.

¹ B. karontā.

² B. bhāvenaṭṭhapanāṃ ṭhānagataṃ; S. bhāvena ca ṭhapanāṃ; C. pākataṃ uttānaṃ.

SUBHŪTI

[1] Idāni *channā me kuṭikā* ti ādi-naya-pavattānaṃ theragāthānaṃ attha-vaṇṇanā hoti. Sā paṇāyaṃ attha-vaṇṇanā, yasmā tāsaṃ tāsaṃ gāthānaṃ atth' uppatthiṃ pakāsetvā vuccamānā pākaṭā hoti¹ suviññeyyā ca, tasmā tattha tattha atth' uppatthiṃ pakāsetvā va attha-vaṇṇanaṃ karissāmā ti.

Tattha *channā me kuṭikā* ti gāthāya kā uppatthi²? Vuccate: Ito kira kappa-sata-sahasasammatthake anuppanne yeva Padumuttare Bhagavati loka-nāthe, Haṃsavatī nāmake nagare aññatarassa brāhmaṇa-mahāsālasassa eko putto uppajji. Tassa Nanda-mānavo ti nāmaṃ akaṃsu. So vāya-ppatto tayo vede uggaṇhitvā, tattha sāraṃ apassanto, attano parivāra-bhūtehi catu-cattālīsāya mānavaka-sahasashehi saddhiṃ pabbata-pāde isi-pabbajjaṃ pabbajitvā attha samāpattiyo pañca ca abhiññāyo nibbatesi, antevāsikānam pi kammattānaṃ ācikkhi. Te hi na ciren' eva jhāna-lābhino ahesuṃ.

Tena ca samayena Padumuttaro Bhagavā loke uppajjitvā, Haṃsavatī-nagaraṃ upanissāya viharanto, eka-divasaṃ pac-cūsa-samaye lokaṃ volokento³ Nanda-tāpasassa antevāsika-jatīlānaṃ arahattūpanissayaṃ Nanda-tāpasassa ca dvīh' angehi samannāgatassa⁴ sāvaka-ttāhān' antarassa patthanāṃ disvā, pāto va sarīra-paṭijagganaṃ katvā, pubbaṇha-samaye patta-cīvaraṃ ādāya, aññaṃ kiñci anāmantetvā, siho viya eka-caro Nanda-tāpasassa antevāsikesu phalāphal' atthāya gatesu, 'Buddha-bhāvaṃ me jānātū' ti passantass' eva Nanda-tāpasassa ākāśato otaritvā, paṭhaviyaṃ patitthāsi. Nanda-tāpaso Buddhānubhāvaṃ c' eva lakkhaṇa-pāripūriṃ ca disvā, lakkhaṇa-mante sammāsītva, 'imehi lakkhaṇehi samannāgato nāma agāraṃ ajjhāvasanto rājā hoti cakka-

¹ B. pākaṭato ti.

² B. kā uppannaṃ ti.

³ S. olok°.

⁴ Throughout B. has samannāgato; S. samman°.

vatti, pabbajanto loke vivatta-cchaddo¹ sabbaññū Buddhō hoti. Ayaṇ purisājāniyo nissaṇṣayaṇ Buddhō ' ti ñatvā paccuggamaṇaṇ katvā pañca-paṭiṭṭhitena vanditvā āsanaṇ paññāpetvā adāsi. Nisīdi Bhagavā paññatte āsane; Nanda-tāpaso pi attano anucchavikaṇ āsanaṇ gahetvā ekamantaṇ nisīdi.

Tasmiṇ samaye catu-cattālīsa-sahassa-jaṭilā paṇita-paṇitāni ojavantāni phalāphalāni gahetvā ācariyassa santikaṇ sampattā, Buddhānañ c' eva ācariyassa ca nisinnāsaṇaṇ oloketā āhaṇsu: " ' Ācariyo mayaṇ imasmiṇ loke tumhehi mahantataro n' atthi ' ti vicarāma. Ayaṇ pana puriso tumhehi mahantataro maññe " ti.

Nanda-tāpaso: ' Tātā, kiṇ² sāsapena saddhiṇ aṭṭhasaṭṭhi-yojana-sata-sahassa-ubbedhaṇ Sineruṇ upametuṇ icchatha? Sabbaññū-buddhena saddhiṇ mā maṇ³ upamitthā ' ti āha. Atha te tāpasā: " Sace ayaṇ orako abhavissa, na amhākaṇ ācariyo evaṇ upamaṇ āhareyya, yāva ' mahā vatāyaṇ purisājāniyo ' " ti pādesu nipatitvā, sirasā vandiṇsu. Atha te ācariyo āha: ' Tātā, amhākaṇ Buddhānaṇ anucchaviko deyya-dhammo n' atthi. Bhagavā ca bhikkhā-cāra-velāyaṇ idhāgato. Tasmā mayaṇ yathā-balaṇ deyya-dhammaṇ dassāma. Tumhe yaṇ yaṇ paṇita-phalāphalaṇ āṇitaṇ taṇ taṇ⁴ āharathā ' ti vatvā āharāpetvā, hatthe dhovitvā, sayāṇ Tathāgatassa patte paṭiṭṭhāpesi. Satthārā phalāphale paṭiggahita-matte devatā dibb' ojaṇ pakkipiṇsu. Tāpaso udakam pi sayam eva parissāvetvā adāsi. Tato bhojana-kiccaṇ niṭṭhāpetvā, nissinne Satthari sabbe antevāsike pakkosivā, Satthu santike sārāniya-kathaṇ kathento nisīdi.

Satthā ' bhikkhu-sangho āgacchatū ' ti cintesi. Bhikkhū Satthu cittaṇ ñatvā, sata-sahassa-mattā khīṇāsavā āgantvā, Satthāraṇ vanditvā, ekamantaṇ aṭṭhaṇsu. Nanda-tāpaso antevāsike āmantesi: ' Tātā, Buddhānaṇ nisinnāsanam pi nīcaṇ,⁵ samaṇa-sata-sahassassa pi āsanaṇ n' atthi. Tumhehi ajja ulāraṇ Bhagavato bhikkhu-sanghassa ca sakkāraṇ k-

¹ A, B. vivatta-ccheda; S. vivattacchaddo.

² C. *inserte* vadetha.

³ S. *inserte* mā maṇ.

⁴ B. *omits* āṇitaṇ taṇ taṇ.

⁵ S. nisinnānam pi khīn . . . sassa pi.

tun vaṭṭati; pabbata-pādato¹ vaṇṇa-gandha-sampannāni pupphāni āharāthā' ti. Acinteyyattā iddhi-visayassa muhuttan' eva vaṇṇa-gandha-sampannāni pupphāni āharitvā, Buddhānaṃ yojana-ppamāṇaṃ pupphāsanaṃ paññāpesuṃ, agga-sāvakaṇaṃ tigāvutaṃ, sesa-bhikkhūnaṃ aḍḍha-yojanikādibhedanṃ, sangha-navakassa usabha-mattaṃ ahosi. Evaṃ paññattesu āsanesu Nanda-tāpaso Tathāgatassa purato añjaliṃ paggayha ṭhito: 'Bhante, mayhaṃ dīgha-rattaṃ hitāya sukhāya imaṃ pupphāsanaṃ abhirūhathā' ti āha. Nisīdi Bhagavā pupphāsane. Evaṃ nisinne Satthari Satthu-ākāraṃ ñatvā bhikkhū² attano attano pattāsane nisīdiṃsu. Nanda-tāpaso mahantaṃ puppha-cchattaṃ gahetvā Tathāgatassa dhārento aṭṭhāsi. Satthā: 'Tāpasānaṃ ayaṃ sakkāro mahapphalo hotū' ti nirodha-samāpattiṃ samāpajji.³ Satthu samāpanna-bhāvaṃ ñatvā, bhikkhū pi samāpattiṃ samāpajjiṃsu. Tathāgate sattāhaṃ nirodhaṃ samāpajjitvā nisinne antevāsikā, bhikkhā-cāra-kāle sampatte, vana-mūla-phalaṃ paribhuñjitvā, sesa-kāle Buddhānaṃ añjaliṃ paggayha tiṭṭhanti. Nanda-tāpaso pana bhikkhā-cāram pi agantvā puppha-cchattaṃ dhārento sattāhaṃ pīti-sukhen' eva vītināmesi.

Satthā nirodhato vuṭṭhāya araṇa⁴-vihārī-angena dakkhiṇeyy' angena vā ti dvīhi angehi samannāgataṃ ekaṃ sāvakaṃ 'Isi-gaṇassa pupphāsanaṇnumodanaṃ karohī' ti āṇāpesi. So cakkavatti-rañño santikā paṭiladdha-mahālābho, mahāyodho viya tuṭṭha-mānaso attano visaye ṭhatvā, tepitakaṃ Buddha-vacanaṃ sammāsivā, anumodanaṃ akāsi; tassa desanāvasāne Satthā sayaṃ dhammaṃ desesi: desanā-pariyo-sāne sabbe catu-cattāḷisa-sahassa tāpasā arahattaṃ pāpuṇṇsu.

Satthā: 'Etha, bhikkhavo,⁵ ti hatthaṃ pasāresi: tesanṃ tāva-d-eva kesa-massū antaradhāyi, attha parikkhārā kāye paṭimukkā⁶ va ahesuṃ; satṭhi-vassa-ttherā viya Satthāraṃ parivārayiṃsu. Nanda-tāpaso pana vikkhitta-cittatāya visesaṃ nādhigacchi.

¹ B. pabbata-vadito.

² B. bhikkhūsu nisinnesu.

³ B. nirodha-sampattiṃ samāpajjiṃ.

⁴ A. araṇi.

⁵ B. eya bhikkhave.

⁶ B. paṭimuttā.

Tassa kira araṇa-vihārī-therassa santike dhammaṇ sotuṇ āraddha-kālate paṭṭhāya: 'Aho vatāham pi anāgate uppaj-janaka-buddhassa sāsane iminā sāvakena laddha-dhuraṇ labheyyaṇ' ti cittaṇ udapādi. So tena parivitaṅkena magga-phala-paṭivedhaṇ nāsakkhi. Tathāgataṇ pana vanditvā, sammukhe ṭhatvā āha: 'Bhante, yena bhikkhunā isi-gaṇassa pupphāsanaṇnumodanā katā¹ ko nāmāyaṇ tumhākaṇ sāsane?' ti. 'Araṇa-vihārī-ange dakkhineyy' ange ca etadaggaṇ patto eso bhikkhū' ti. 'Kiṇ, bhante, yvāyaṇ mayā sattāhaṇ puppha-cchattaṇ dhārentena sakkāro kato, tena adhikārena aññaṇ sampattiṇ na patthemī; anāgate pana ekassa Buddhassa sāsane ayaṇ thero viya dvih' angehi samannāgato sāvako bhaveyyaṇ' ti patthanaṇ akāsi.

Satthā: 'Samijjhissati nu kho imassa tāpassa patthanā?' ti anāgataṇ saññānaṇ² pesetvā, olokento kappa-sata-sahassaṇ atikkamitvā, samijjhanaka-bhāvaṇ disvā, Nanda-tāpasāṇ āha: 'Na te ayaṇ patthanā moghā bhavissati: anāgate kappa-sata-sahassaṇ atikkamitvā Gotamo nāma Buddhō uppajjissati. Tassa santike samijjhissatī' ti vatvā, dhammakathaṇ kathetvā, bhikkhu-sangha-parivuto ākāsaṇ pakkhandi.

Nanda-tāpaso yāva cakkhu-pathaṇ samatikkama³ Satthāraṇ bhikkhu-sanghaṇ ca uddissa añjaliṇ paggayha aṭṭhāsi. So aparabhāge kālena kālaṇ Satthāraṇ upasankamitvā dhammaṇ suṇi; aparihīna-jjhāno va kālaṇ katvā brahmaloke nibbatto. Tato pana cuto aparāni pañca-jāti-satāni pabbajitvā araṇṇako ahosi; Kassapa-sammābuddha-kāle pi pabbajitvā araṇṇako hutvā, gata-paccāgata-vattaṇ pūresi. Etaṇ kira vattaṇ aparipūretvā mahāsāvaka-bhāvaṇ pāpuṇantā nāma n' atthi. Gata-paccāgata-vattaṇ pana *Āgam' aṭṭhakathāsu* vutta-nayaṇ' eva gahetabbaṇ.⁴ So vīsati-vasa-sahassāni gata-paccāgata-vattaṇ pūretvā kālaṇ katvā, kāmāvacara-devaloke Tāvatiṇsa-bhavane nibbatī. Vuttaṇ h' etaṇ *Apadāne* (i, 67)⁵:

¹ B. anumodana-kathā.

² B. saññāṇaṇ.

³ B. samatikkamma.

⁴ A, C. veditabbaṇ.

⁵ These 52 gāthās may be read in the P.T.S. ed. (*Miss Lilley*), but our MSS. have many differences.

Himavantass' avidūre Nisabho nāma pabbato,

Assamo sukato mayhaṇ paṇṇa-sālā sumāpitā.

Kosiyo¹ nāma nāmena jaṭilo ugga-tāpaso

Ekākiyo² adutiyo vasāmi Nisabhe tadā . . . pe . . .

Itthaṇ sudaṇ āyasmā Subhūti thero gāthāyo abhāsithā ti.

Evaṇ pana so, Tāvatiṇsa-bhavane aparāparaṇ uppajjana-vasena dibba-sampattiṇ anubhavitvā, tato cuto manussa-loke aneka-satakkhattuṇ cakkavattī-rājā ca padesa-rājā ca hutvā, ulāraṇ manussa-sampattiṇ anubhavitvā, atha amhākaṇ Bhagavato kāle Sāvattiyaṇ Sumana-setṭhissa gehe Anāthapiṇḍikassa kaniṭṭho hutvā nibbatti. Subhūti ti 'ssa nāmaṇ ahosi.

Tena ca samayena amhākaṇ Bhagavā loke uppajjitvā pavatta-vara-dhamma-cakko anupubbena Rājagahaṇ gantvā, tattha Veluvana-paṭiggahanādinā lokānuggahaṇ karonto Rājagahaṇ upanissāya Sītavane viharati. Tadā Anāthapiṇḍiko setṭhi Sāvattiyaṇ utṭhānaka-bhaṇḍaṇ gahetvā attano sahāyassa Rājagaha-setṭhino ghaṇaṇ gato Buddh' uppādaṇ sutvā, Satthāraṇ Sītavane viharantaṇ upasankamitvā, paṭhama-dassanen' eva sotāpatti-phale patiṭṭhāya, Satthāraṇ Sāvattiṇ āgaman' atthāya yācitvā, tato pañca-cattālīsa-yojana-magge yojane yojane sata-sahassa-paricāgena vihāre patiṭṭhāpetvā, Sāvattiyaṇ rāja-mānena aṭṭha-karīsa-ppamāṇaṇ Jetassa rāja-kumārassa uyyāna-bhūmiṇ koṭi-santhārena³ kīṇitvā, tattha Bhagavato vihāraṇ kāretvā adāsi.

Vihāra-paṭiggahaṇa-divase ayaṇ Subhūti kuṭimbiko Anāthapiṇḍika-setṭhinā saddhiṇ gantvā, dhammaṇ suṇanto saddhaṇ paṭilabbhitvā pabbaji. So upasampajjitvā dve mātikā paguṇaṇ katvā, kammaṭṭhānaṇ kathāpetvā, araṇṇe samaṇa-dhammaṇ karonto metta-jjhānaṇ pādakaṇ katvā, vipassanaṇ vadḍhetvā, arahattaṇ pāpuṇi. So dhammaṇ desento, yasmā Satthārā desita-niyyāmena anodissakaṇ katvā dhammaṇ deseti, tasmā araṇa-vihārīnaṇ āggo nāma jāto; piṇḍāya caranto ghare ghare metta-jjhānaṇ samāpaj-

¹ B. Kosiro.

² A. ekiyo va; B. ekākiko; S. ekāyiko.

³ B. -sandhārena.

jitvā, vuṭṭhāya bhikkhaṇ paṭiggaṇhāti, 'evaṇ dāyakānaṇ mahapphalaṇ bhavissati' ti, tasmā dakkhiṇeyyānaṇ aggo nāma jāto. Ten' āha Bhagavā: 'Etadaggaṇ, bhikkhave, mama sāvakānaṇ bhikkhūnaṇ araṇa-vihārīnaṇ yadidaṇ Subhūti' ti (A. i, 24).

Evam ayaṇ mahāthero arahatte patitṭhāya attanā pūrita-pāramīnaṇ phalassa matthakaṇ patvā, loke abhiññāto abhikkhito hutvā, bahujana-hitāya janapada-cārikaṇ caranto anupubbena Rājagahaṇ agamāsi. Rājā Bimbisāro therassa āgamaṇaṇ sutvā, upasankamitvā, vanditvā: 'Idh' eva, bhante, vasathā' ti vatvā, 'nivāsana-tṭhānaṇ karissāmi' ti pakkanto vissari.¹ Thero senāsanaṇ alabhanto abbhokāse vītināmesi. Therassa ānubhāvena devo na vassati; manussā avuṭṭhitāya upaddutā rañño nivesana-dvāre ukkutthim akaṇsu. Rājā: 'Kena nu kho kāraṇena devo na vassati?' ti vimaṇsanto, 'therassa abbhokāsa-vāsena maññe na vassati' ti² cintetvā, tassa paṇṇa-kuṭiṇ kārāpetvā, 'Imissā, bhante, paṇṇa-kuṭiyā vasathā' ti vatvā, vanditvā pakkāmi. Thero kuṭikaṇ pavisitvā tiṇa-santhārake³ pallankena nisīdi. Tadā pana devo thokaṇ thokaṇ phusāyati, na sammādhāraṇ anupavecchati.⁴ Atha thero lokassa avuṭṭhikā-bhayaṇ vi-dhamitu-kāmo⁵ attano ajjhattika-bāhira-vatthukassa paris-sayassa abhāvaṇ pavedento:

Channā me kuṭikā sukhā nivātā; vassa, deva, yathā-sukhaṇ;

Cittaṇ me susamāhitaṇ vimuttaṇ, ātāpī viharāmi.

Vassa, devā ti⁶

gātham āha.

Tattha channa-saddo tāva 'channā sā kumārikā imassa kumārassa.' 'Na channaṇ, na paṭirūpan' ti ādisu (cf. D. i, 91; M. i, 360; Vin. ii, 79, 124) paṭirūpe āgato. 'Channaṇ tveva, Phaggaṇa, phassāyatanānaṇ' ti ādisu (S. ii, 14) vacana-visiṭṭhe sankhā-visese. 'Channaṇ atvivassati, viva-

¹ B. visari. Cf. Comy. on v. 325.

² B. -vasena maññe; S. -vasena na vassati ti cintetva.

³ B. -sandharake. ⁴ A. anuvaccheti; B. anupavacchati.

⁵ B. avutthita° visamītu-k; A. avutthikā-b° visamītu°.

⁶ A. quotes first three words only.

ṭaṇ nātivassatī' ti ādisu (Vin. ii, 240, Thag. 447; PJ. ii, 31; UdA. 204) gagane. 'Kyāhaṇ tena cchanno karissāmi?' ti ādisu(?) nivāsana-pārupane. 'Āyasmā Channo anācāraṇ ācaratī' ti (Vin. iii, 177) ādisu paññattiyaṇ. 'Sabba-cchannaṇ, sabba-pparicchannaṇ' (Vin. iv, 17). 'Channā kuṭi, āhito gini' ti (Sn. 3) ādisu tiṇādīhi chādane. Idhāpi tiṇādīhi chādane yeva daṭṭhabbo. Tasmā tiṇena vā paṇṇena vā channā yathā na vassati, vassodaka-patanaṇ¹ nāhosi, na ovassati, evaṇ samma-d-eva chādītā ti attho.

*Me-saddo*²; 'kicchena me adhigataṇ; h' alaṇ 'dāni pakāsitun' ti (Vin. i, 5; M. i, 168) ādisu karāṇe āgato, mayā ti attho. 'Tassa me, bhante, Bhagavā sankhittena dhammaṇ desetū' ti (S. iv, 63) ādisu sampadāṇe, mayhan ti attho. 'Pubbe me, bhikkhave, sambodhā anabhisambuddhassa bodhisattass' eva sato' ti (S. ii, 10, etc.) ādisu sāmi-atthe āgato. Idhāpi sāmi-atthe eva daṭṭhabbo; mamā ti attho. Kiñcāpi khīṇāsavānaṇ mamāyitabbaṇ nāma kiñci n' atthi, loka-dhammehi anupalitta-bhāvato; loka-samaññā-vasena pana tesam pi ahaṇ mamā ti vohāra-mattaṇ³ hoti. Ten' āha Bhagavā: 'Kinti me sāvakā dhamma-dāyādā bhaveyyuṇ no āmisa-dāyādā' ti (M. i, 12).

Kuṭikā ti pana mātu-kucchi pi karaḷa-kāyo pi tiṇādīcchadano patissayo pi vuccati. Tathā hi:

Mātaṇ kuṭikaṇ brūsi,⁴ bhariyaṇ brūsi kulāvakaṇ;

Putte santānake brūsi, taṇhaṇ me brūsi bandhanan ti,
(S. i, 8)

ādisu mātu-kucchi kuṭikā ti vuttā.

Aṭṭhi-kankala-kuṭike maṇsa-nhāru-ppasibbite

Dhi-r-atthu pūre duggandhe paragate mamāyase ti

(Thag. 1150)

ādisu kesādi-samūha-bhūto karaḷa-kāyo.

'Kassapassa Bhagavato bhaginī, kuṭi ovassati,' kuṭi nāma ullittā vā hoti avalittā vā ti ādisu tiṇa-cchadana-patissayo.

¹ B. -pahanaṇ.

² Cf. MA. i, 4; ItivA. 22; VvA. 25.

³ B. vohāra-pattiṇ; A. v. matthaṇ.

⁴ B. *throughout*, as in S. text, brūmi.

Idhāpi so eva veditabbo. Paṇṇasālāya adhipetattā kuṭi eva hi kuṭikā ti, appodaka-kuṭikā ti vuttā.¹

*Sukha-saddo*² pana

‘vipiṭṭhi-katvāna³ sukhaṇ dukkhañ ca

pubbe va ca somana⁴-domanassan’ ti (Sn. v. 67)

ādīsu sukha-vedanāyaṇ āgato. ‘Sukho Buddhānaṇ uppādo, sukhā saddhamma-desanā’ ti (Dhp. 194) ādīsu sukha-mūle. ‘Sukhass’ etaṇ, bhikkhave, adhivacanaṇ yadidaṇ puññāni’ ti (It. 22) ādīsu sukha-hetumhi. ‘Yasmā ca kho, Mahāli, rūpaṇ sukhaṇ sukhānupatitaṇ sukhāvakkantan’ ti (S. iii, 69) ādīsu sukhārammaṇe. ‘Diṭṭha-dhamma-sukha-vihārā ete, Cunda, ariyassa vinaye’ ti (M. i, 40) ādīsu abyāpajjhe. ‘Nibbānaṇ paramaṇ sukhan’ ti (Dhp. 203) ādīsu nibbāne. ‘Yāvañ c’ idaṇ, bhikkhave, na sukaraṇ akkhānena pāpunītuṇ yāva sukhā saggā’ ti (M. iii, 167; VvA. 114) ādīsu sukha-paccaya-ṭṭhāne. ‘Sovaggikaṇ sukha-vipākaṇ sagga-saṇ-vattaniyan’ ti ādīsu (A. ii, 68, etc.) iṭṭhe piya-manāpe ti attho. Idhāpi iṭṭhe sukha-paccaye vā datṭhabbo. Sā hi kuṭi anto bahi ca manāpa-bhāvena sampādītā nivāsana-phāsutāya sukhā ti vuttā. Tathā nātisīta-nātiunhatāya utu-sukha-sampatti-yogena⁵ kāyika-cetasika-sukhassa paccaya-bhāvato.

Nivātā ti, avātā; phusit’ aggaḷa⁶-pihita-vātapānattā vāta-parissaya-rahitā ti attho. Idaṇ tassa kuṭikāya sukha-bhāva-vibhāvanaṇ. Savāte hi senāsane utusappāyo na labbhati, nivāte so labbhati ti. *Vassā* ti, pavassa, sammā dhāraṇ anupavecca.⁷

Devā ti, ayaṇ *deva-saddo*⁸; ‘imāni te, deva, caturāsīti nagara-sahassāni Kusāvatī-rāja-dhāni⁹-pamukhāni, ettha, deva, chandaṇ janehi, jīvite¹⁰ apekkhan’ ti (D. ii, 190) ādīsu, Sammuti-deve khattiye āgato. ‘Cātummahārājikā devā vaṇṇavanto sukha-bahulā’ ti (A. iv, 240) ādīsu upapatti¹¹-devesu. ‘Tassa devātidevassa sāsanaṇ sabba-dassino’ ti (?)

¹ So A, B. apākaṭikūti; C. omits; S. athavā kuṭikā vuttā.

² Cf. ItivA. i, 74; ii, 5. ³ B. vivipṭṭhikatvā; S. piṭṭhiṇ katvā.

⁴ C. somanassa.

⁵ S. utusukhappattitena.

⁶ A. phassit°.

⁷ A. anupavaccha.

⁸ Cf. VvA. 18; Nid. ii, § 35.

⁹ B. -ṭṭhāni.

¹⁰ B. vijite.

¹¹ C, S. upatti.

ādisu visuddhi-devesu. Visuddhi-devānaṃ hi Bhagavatā atideva-bhāve vutte; itaresaṃ vutto eva hoti. 'Viddhe vigata-valāhake deve' ti (M. ii, 34, etc.) ādisu ākāse. 'Devo ca kālena kālaṃ na sammā dhāraṃ anupaveccati' ti (A. i, 160, etc.) ādisu meghe pajjunne vā. Idhāpi meghe pajjunne vā datṭhabbo. *Vassā* ti hi te¹ ānāpento thero ālapati.

Yathāsukhan ti, yathā-ruciṃ, tava vassanena mayhaṃ bāhiro parissayo n' atthi, tasmā yathā-kāmaṃ vassā ti vassū-pajivī-satte anuggaṇhanto vadati.

Idāni abbhantara-parissayābhāvaṃ dassento *cittan* ti ādim āha. Tattha *cittaṃ susamāhitan* ti, mama cittaṃ suṭṭhu ativiya samma-d-eva ekagga-bhāvena ārammaṇe ṭhapitaṃ; tañ ca kho na nīvaraṇādi-vikkhambhana-mattena. Api ca kho vimuttaṃ orambhāgiya-uddhambhāgiya-sangehi sabba-saṃyojanehi sabba-kilesa-dhammato ca visesena vimuttaṃ, samuccheda-ppahāna-vasena paṭipassaddhi-ppahāna-vasena te pajahitvā ṭhitan ti attho.

Ātāpī ti, viriyavā; phala-samāpatti-atthaṃ vipassanārabha-vasena diṭṭha-dhamma-sukha-vihār' atthañ ca āraddha-viriyo hutvā viharāmi, atta-bhāvaṃ pavattemi, na pana kilesa-ppahān' atthaṃ; pahātabbass' eva abhāvato ti adhippāyo. Yathā bāhira-parissayābhāvena, deva, mayā tvaṃ vassane niyojito, evaṃ abbhantara-parissayābhāvena pītiṃ dassento puna pi 'vassa, devā' ti āha.

Aparo nayo: *channā* ti, chāditā, pihitā.² *Kuṭikā* ti, atta-bhāvo. So hi 'aneka-vassa³-samudāyassa avijjā-nīvaraṇassa, bhikkhave, puggalassa taṇhā-saṃyuttassa ayañ c' eva kāyo samudāgato . . . bahiddhā ca nāma-rūpan' ti (cf. S. ii, 24) ādisu kāyo ti āgato. 'Siñca, bhikkhu, imaṃ nāvaṃ; siṭṭa te lahum essatī' ti (Dhp. v. 369) ādisu nāvā ti āgato. 'Gahakāraka diṭṭho 'si . . . gaha-kūṭaṃ visankhatan' ti ca (Dhp. v. 154) ādisu gahan ti āgato.

'Satto guhāyaṃ bahūnābhichanno

tiṭṭhaṃ naro mohanasmaṃ pagāḷho' ti

(Sn. 772)

¹ ? taṃ.

² A. pihitā kuṭ; B. ohāditā hitā; C. pihitā ohāditā; S. ādinā pihitā.

³ A. anekā-viya-vassa; B. -vaya-v.

ādisu guhā ti āgato. 'Neḷaggo seta-ppacchādo ekāro vat-tatī¹ ratho' ti (S. iv, 291=Ud. 76) ādisu ratho ti āgato. 'Puna gehaṇ na kāhasī' ti (Dhp. v. 154) ādisu gehaṇ ti āgato. Tasmā idhāpi so kuṭikā ti vutto.

Atta-bhāvo hi kaṭṭhādini paṭicca labbhamānā geḥa-sāmikā² kuṭikā viya aṭṭhi-ādi-saṇṇite paṭhavī-dhātu-ādike phassādike ca paṭicca labbhamāno kuṭikā ti vutto, citta-makkaṭassa nivāsa-bhāvato ca. Yathāha:

Aṭṭhi-kankala-kuṭi c' esā makkaṭāvasatho iti.³

(PJ. ii, 31.)

Makkaṭo pañca-dvārāyaṇ kuṭikāyaṇ pasakkiya

Dvārena anupariyāti ghaṭṭayanto punappunan⁴ ti.

(Thag. v. 125.)

Sā pan' esā atta-bhāva-kuṭikā therassa tiṇṇaṇ channaṇ aṭṭhannaṇ ca asaṇvara-dvārānaṇ⁵ vasena samativijjhana-kassa⁶ rāgādihi avassutassa paññāya saṇvutattā⁷ samma-d-eva pihitattā channā ti vuttā. Ten' āha Bhagavā: 'Sotānaṇ saṇvaraṇ brūmi, paññāy' ete pithiyare⁸' ti (Sn. v. 1035); vutta-nayena channattā evaṇ kilesa-dukkhābhāvato nirāmisasukha-samangitāya ca sukhā sukha-ppattā; tato eva ca nivātā,⁹ nihata-māna-mada-thambha-sārambhatāya nivāta-vuttikā.

Ayaṇ ca nayo: mayhaṇ na sankilesa-dhammānaṇ saṇvaraṇa-mattena siddho.¹⁰ Atha kho agga-magga-samādhinā suṭṭhu samāhita-cittatāya c' eva agga-magga-paññāya sabba-saṇyojanehi vippamutta-cittatāya cā ti dassento āha cittaṇ me susamāhitaṇ vimuttaṇ ti, evaṇ-bhūto ca 'idānāhaṇ katakaraṇiyo' ti na appossukko homi, atha kho ātāpi viharāmi, sadevakassa lokassa hita-sukhūpasāṇhare ussāha-jāto, bhikkhā-cāra-kāle pi anugharaṇ¹¹ brahma-vihāren' eva viharāmi.

¹ C. eko te vattate.

² B. laddha-nāma geḥa-nāmikā; C. geḥa-sāminī.

³ S. -kankalakupati cakkanāvasatho.

⁴ Thag. text muhuṇ muhuṇ.

⁵ B. dhārānaṇ.

⁶ A. samatha-vipassanā; B. samatha°.

⁷ A. saṇvuttha ca.

⁸ A. pithiyare; B. pidhiraye; C. pithiyyare; S. thiraye.

⁹ A. eva hi nipātāni; S. eva panivātā.

¹⁰ A. ca viddho.

¹¹ A. anussaraṇ.

Tasmā tvam pi, deva, pajjunnaṃ mayhaṃ piyaṃ kātu-kāma-tāya pi vassūpajivinaṃ sattānaṃ anukampāya pi vassa, sammā dhāraṇaṃ anupaveccā ti, evam ettha attho daṭṭhabbo.

Ettha ca thero: *channā me kuṭikā sukhā nivātā* ti, iminā lokiya-lokuttara-bhedāya attano adhisīla-sikkhaṃ dasseti. *Cittañ susamāhitaṃ* ti, iminā adhicitta-sikkhaṃ. *Vimuttan* ti, iminā adhipaññā-sikkhaṃ. *Ātāpī viharāmī* ti, iminā diṭṭha-dhamma-sukha-vihāraṃ. Athavā *channā me kuṭikā sukhā nivātā* ti, iminā animitta-vihāraṃ dasseti, kilesa-vassapīdhāna-mukhena niccādi-nimitt' ugghāṭana-dīpanato. *Cittañ me susamāhitaṃ* ti, iminā appaṇihita-vihāraṃ; *vimuttan* ti, iminā suññatā-vihāraṃ. *Ātāpī viharāmī* ti, iminā tesañ tiṇṇaṃ viharānaṃ adhigamūpāyaṃ, paṭhamena vā dosa-ppahānaṃ, dutiyena rāga-ppahānaṃ, tatiyena moha-ppahānaṃ; tathā dutiyena paṭhama-dutiyehi vā dhamma-vihāra-sampattiyo dasseti, tatiyena vimutti-sampattiyo.

Ātāpī viharāmī ti, iminā parahita-paṭipattiyaṃ atandita-bhāvaṃ dasseti ti daṭṭhabbaṃ. Evaṃ *yathā nāma* ti gāthāya vuttānaṃ dhamma-vihārādīnaṃ imāya gāthāya dassitattā.

Tattha adassitesu nāma-gottesu nāmaṃ dassetuṃ *itthaṃ sudan* ti ādi vuttaṃ. Ye hi therā nāma-mattena ca pākātā te nāmena, ye gotta-mattena te gottena, ye ubhayathā pākātā te ubhayena pi dassissanti. Ayaṃ pana thero nāmena abhilakkhito, na tathā gottena ti *itthaṃ sudan āyasmā Subhūti* ti vuttaṃ.

Tattha *itthan* ti, idaṃ pakāraṃ; iminā ākārenā ti attho. *Sudan* ti, su idaṃ,¹ sandhi-vasena i-kāra-lopo. *Sū* ti ca nipāta-mattaṃ. Imaṃ gāthan ti yojanā. *Āyasmā* ti, piya-vacanam etaṃ; garu-gārava-sappatissa²-vacanam etaṃ. *Subhūti* ti, nāma-kittanaṃ. So hi sarīra-sampattiyāpi dasaniyo pāsādiko guṇa-sampattiyāpi; iti sundarāya sarīra-vayava-vibhūtiyā sīla-sampattiyādi-vibhūtiyā ca samannāgatattā Subhūti ti paññāyittha. Sīla-saṃvarādi³-thira-guṇa-yogato thero. *Abhāsittā* ti, kathesi. Kasmā pan' ete mahātherā attano guṇe pakāsentī ti? Iminā dīghena

¹ A, B, S. suman ti, =su imaṃ.

² A. sampat°; S. sampatti.

³ A, S. sīla-sārādi°.

addhunā anadhigata-pubbaṇ parama-gambhīraṇ ativiya santan paṇītan attanā adhigatan lokuttara-dhamman pacca-vekkhitvā, pīti-vega-samussāhita-udāna-vasena sāsana nīyyānika-vibhāvanā-vasena ca param-appicchā ariyā attano guṇe pakāseti; yathā taṇ loka-nātho bodhaneyya-ajjhāsaya-vasena ‘dasa-bala-samannāgato, bhikkhave, Tathāgato catu-vesāraṇṇa-visārado’ ti ādinā (cf. S. ii, 27) attano guṇe pakāseti ti, evam ayaṇ therassa aññā-byākaraṇa-gāthā hoti ti.

Subhūti-tthera-gāthā-vaṇṇanā
Nīṭṭhitā.

MAHĀKOṬṬHITA¹

Upasanto ti, āyasmato Mahākoṭṭhita-ttherassa gāthā. Tassa kā uppatti? Ayam pi thero Padumuttarassa Bhagavato kāle Haṇsavatī-nagare mahābhoga-kule nibbatitvā, viññutan paṭto māta-pitunnaṇ accayena kuṭumbaṇ saṇṭhāpetvā, gharāvāsaṇ vasanto eka-divasaṇ Padumuttarassa Bhagavato dhamma-desanā-kāle Haṇsavatī-nagara-vāsike gandha-mālādi hatthe yena Buddhho yena dhammo yena sangho tanninne tapponē tappabbhāre gacchante disvā, mahājanena saddhiṇ² upagato, Satthāraṇ ekaṇ bhikkhuṇ paṭisambhidā-ppattānaṇ agga-tṭhāne ṭhapentaṇ disvā ‘Ayaṇ kira imasmiṇ sāsane paṭisambhidā-ppattānaṇ aggo. Aho vatāham pi ekassa Buddhassa sāsane ayaṇ viya paṭisambhidā-ppattānaṇ aggo bhaveyyan’ ti cintetvā, Satthu desanā-pariyosāne vuṭṭhitāya parisāya Bhagavantaṇ upasankamitvā: ‘Bhante, sve mayhaṇ bhikkhaṇ gaṇhathā’ ti nimantesi.

Satthā adhvāsesi. So Bhagavantaṇ abhivādetvā, padakkhiṇaṇ katvā, saka-nivesanaṇ gantvā, sabba-rattiṇ Buddhānaṇ³ bhikkhu-sanghassa ca nisajja-tṭhānaṇ gandha-mālādāmādihi⁴ alankaritvā paṇītan khādaniyaṇ bhojaniyaṇ paṭiyāpetvā, tassa rattiyaṇ accayena sake nivesane bhikkhusata-sahassa-parivāraṇ Bhagavantaṇ vividha-yāgu-khajjakādi-parivāraṇ nānā-rasa-sūpa-byañjana-gandha-sāli-bhoja-

¹ Ap. A, B. *always* -koṭṭhika.

² C. tehi saddhiṇ.

³ C. Buddhassa ca.

⁴ A. gandhapadāma; B. gandha-dāma-māla-dāmādihi.

naṃ bhojetvā, bhatta-kicca-pariyosāne cintesi: Mahantaṃ kho āhaṃ tñānantaraṃ patthemī; na kho pana mayā yuttaṃ eka-divasam eva dānaṃ datvā taṃ tñānantaraṃ patthetuṃ; anupaṭipātiyā satta-divasaṃ dānaṃ datvā patthessāmī ti; so ten' eva niyāmena satta-divase mahādānāni datvā bhatta-kicca-pariyosāne dussa-kotṭhāgāraṃ vivarāpetvā uttamaṃ ticīvara-ppahonakaṃ sukhuma-vatthaṃ Buddhassa pāda-mūle tñapetvā, bhikkhu-satasahassassa ca ticīvaraṃ datvā, Tathāgataṃ upasankamitvā: 'Bhante, yo so bhikkhu tumhehi ito sattama-divasa-matthake etadagge tñapito, aham pi so bhikkhu viya anāgate uppajjanaka-buddhassa sāsane pabbajitvā, paṭisambhidā-ppattānaṃ aggo bhaveyyā' ti vatvā, Satthu pāda-mūle nipajjitvā, patthanaṃ akāsi. Satthā tassa patthanāya samijjhana-bhāvaṃ disvā: 'Anāgate ito kappa-sata-sahassa-matthake Gotamo nāma Buddhō loke uppajjissati; tassa sāsane tava patthanā samijjhissatī' ti byākāsi. Vuttam pi c' etan *Apadāne* (Ap. ii, 479):

Padumuttaro nāma jino sabba-loka-vidū muni . . .

pe . . .

Evaṃ so tattha tattha bhava puññāni¹-sambhāraṃ sambharanto aparāparaṃ deva-manussesu saṃsaranto imasmiṃ Buddh' uppāde Sāvattiyaṃ brāhmaṇa-mahā-sāla-kule nibbatti. Kotṭhito² ti 'ssa nāmaṃ akaṃsu. So vayappatto tayo vede uggahetvā brāhmaṇa-sippe nipphattiṃ gato eka-divasaṃ Satthu santikaṃ gantvā, dhammaṃ sutvā, paṭiladdha-saddho pabbajitvā, upasampanna-kālato³ paṭṭhāya vipassanā-kammaṃ karonto saha-paṭisambhidāhi arahattaṃ patvā, paṭisambhidāsu cīṇa-vasī hutvā, abhiññāte abhiññāte mahāthere upasankamitvā, pañhaṃ pucchanto⁴ pi Dasabalaṃ upasankamitvā, pañhaṃ pucchanto pi paṭisambhidāsu yeva pañhaṃ pucchi. Evaṃ ayaṃ thero katādhikāratāya cīṇa-vasī-bhāvena ca paṭisambhidā-ppattānaṃ aggo jāto. Atha naṃ Satthā *Mahā-Vedalla-suttaṃ* (M. i, 292) atth' uppattiṃ katvā paṭisambhidā-ppattānaṃ agga-tṭhāne tñapesi: 'Etadaggaṃ, bhikkhave, mama sāvakaṇaṃ bhikkhūnaṃ paṭi-

¹ B. puññañña.

² S. kotṭhito; A. kolitṭhito.

³ A. upanna-k.

⁴ B. gacchanto. For cīṇavasi cf. ThigA. 190.

sambhidā-ppattānaṃ yadidaṃ Mahākoṭṭhito' ti (A. i, 24). So aparena samayena vimutti-sukhaṃ paṭisaṃvedento udāna-vasena:

Upasanto uparato manta-bhāṇī anuddhaṭo

Dhunāti pāpake dhamme dumapattaṃ va māluto ti

(v. 2=1006)

itthaṃ sudaṃ āyasmā Mahākoṭṭhita-tthero gāthaṃ abhāsi.

Tattha *upasanto* ti, mana-cchaṭṭhānaṃ indriyānaṃ upasamānena nibbisevana-bhāva-karaṇena upasanto. *Uparato* ti, sabbasamā pāpa-karaṇato orato virato. *Manta-bhāṇī* ti, mantā vuccati paññā; tāya upaparikkhitaṃ bhaṇāti ti, mantabhāṇī; kāla-vādī-ādibhāvaṃ avissajjento yeva bhaṇāti ti attho. Manta-bhaṇavasena vā bhaṇāti ti, manta-bhāṇī; dubbhāsītato vinā¹ attano sāsana²-vasena caturanga-samannāgataṃ subhāsitaṃ yeva bhaṇāti ti attho.³ Jāti-ādi-vasena attano anukkaṇṣaṇato na uddhaṭo ti, *anuddhaṭo*; atha vā tiṇṇaṃ kāya-duccaritaṃ vūpasamanena tato paṭiviratiyā *upasanto*; tiṇṇaṃ mano-duccaritaṃ uparamanena pajāhanena *uparato*; catunnaṃ vacī-duccaritaṃ appavattiyaṃ parimita-bhāṇitāya *manta-bhāṇī*, tividha-duccarita-nimittaṃ uppajjanakassa uddhaccassa abhāvato *anuddhaṭo*.⁴

Evaṃ pana tividha-duccarita-ppahānena suddhe sile paṭiṭṭhito; uddhacca-ppahānena samāhito; tam eva samādhij⁵ pada-tṭhānaṃ katvā, vipassanaṃ vaddhetvā, magga-paṭipattiyaṃ dhunāti pāpake dhamme, lāmak' atthena pāpake sabbe pi sankilesa-dhamme niddhunāti, samuccheda-vasena pajāhati. Yathā kiṃ? *Dumappattaṃ va māluto*; yathā nāma dumassa rukkhassa pattaṃ paṇḍupalāsaṃ māluto vāto dhunāti, bandhanato viyojento niharati, evaṃ yathā-vutta-paṭipattiyaṃ ṭhito pāpa-dhamme attano santānato niharati.

Evaṃ ayaṃ therassa aññā-padesena aññā-byākaraṇa-gāthā pi hoti ti veditabbā; Ettha ca kāya-vacī-duccarita-ppahāna-vacanena payoga-suddhiṃ dasseti, mano-duccarita-ppahāna-vacanena āsaya-suddhiṃ; evaṃ payogāsaya-suddhassa.

¹ A, C, S. omī vinā.

² B. bhāsana.

³ For manta-vacanāṃ, cf. SA. i, 273.

⁴ For manta-bhāṇī anuddhaṭo cf. Sn. 850.

⁵ S. omits.

Anuddhaṭo ti, iminā uddhaccābhāva-vacanena tad ekattha-tāya nīvarana-ppahānaṃ dasseti; tesu payoga-suddhiyā sila-sampatti-vibhāvitā, āsaya-suddhiyā samatha-bhāvanāya upakāraka-dhamma-pariggaho, nīvarana-ppahānena samādhi-bhāvanā.

Dhunāti pāpake dhamme ti, iminā paññā-bhāvanā vibhāvitā hoti. Evaṃ adhisīla-sikkhādayo tisso sikkhā, tividha-kalyāṇaṃ sāsanaṃ tadanga-ppahānādīni tīpi pahānāni, anta-dvāya-parivajjanaena saddhiṃ majjhimāya paṭipadāya¹ paṭipajjanaṃ, apāya-bhayādīnaṃ² samatikkamanūpāyo ca, yathārahaṃ³ niddhāretvā yojetabbā. Iminā nayena sesa-gāthāsu pi yathārahaṃ attha-yojanā veditabbā. Attha-mattam eva pana tattha tattha apubbaṃ vaṇṇayissāma.

Itthaṃ sudaṃ āyasmā Mahākoṭṭhito ti, idaṃ pūjā-vacanaṃ, yathā taṃ Mahāmoggallāno ti.

Mahākoṭṭhita-tthera-gāthā-vaṇṇanā
Niṭṭhitā.

KANKHĀ-REVATA

[2] *Paññaṃ imaṃ passā* ti, āyasmato Kankhā-Revatassa gāthā. Kā uppatti? Ayam pi thero Padumuttara-bhagavato kāle Haṃsavatī-nagare brāhmaṇa-mahāsāla-kule nibbatta eka-divasaṃ Buddhānaṃ dhamma-desanā-kāle heṭṭhā vuttanayena mahājanena saddhiṃ vihāraṃ gantvā, parisa-pariyante ṭhito, dhammaṃ suṇanto Satthāraṃ ekaṃ bhikkhūṃ jhānābhīratānaṃ agga-tṭhāne ṭhapentaṃ disvā; Mayā pi anāgate evarūpena bhavituṃ vattatī ti cintetvā, desanāvāsāne Satthāraṃ nimantetvā, heṭṭhā vutta-nayena mahāsak-kāraṃ katvā Bhagavantaṃ āha: ‘Bhante, ahaṃ iminā adhi-kāra-kammena⁴ aññaṃ sampattiṃ na patthemī, yathā pana so bhikkhu tumhehi ito sattama-divasa-matthake⁵ jhāyīnaṃ agga-tṭhāne ṭhapito, evam aham pi anāgate ekassa Budhassa sāsane jhāyīnaṃ aggo bhavēyyaṃ’ ti, patthanāṃ akāsi. Satthā anāgataṃ oloketvā, nipphajjana⁶-bhāvaṃ disvā, ‘anāgate kappa-sata-sahassāvasāne Gotamo nāma

¹ B. paṭipattiyā.

² A, S. bhav°.

³ B. yathārahaṃ.

⁴ A. -karaṇakammēna.

⁵ B, S. matthake.

⁶ A, B. nippajj°.

Buddho uppajjissati; tassa sāsane tvaṇ jhāyīnaṇ aggō bhavissasī' ti byākaritvā pakkami.

So yāva-jīvaṇ kalyāṇa-kammaṇ katvā kappā-sata-sahasasāṇ deva-manussesu saṇsaritvā amhākaṇ Bhagavato kāle Sāvatti-nagare mahābhoga-kule nibbatto pacchābhattaṇ dhamma-savaṇ' atthaṇ gacchantena mahājanena saddhiṇ vihāraṇ gantvā, parisa-pariyante tṭhito Dasabalassa dhamma-kathaṇ sutvā, paṭiladdha-saddho pabbajitvā, upasampadaṇ labhitvā, kammaṭṭhānaṇ kathāpetvā, jhāna-parikammaṇ karonto jhāna-lābhī hutvā, jhānaṇ pādaṇ katvā, arahattaṇ pāpuṇi.

So yebhuyyena Dasabalena samāpajjitabbaṇ samāpattiṇ samāpajjanto ahorattaṇ jhānesu cippa-vasī ahosi. Atha naṇ Satthā: 'Etadaggaṇ, bhikkhave, mama sāvakānaṇ bhikkhūnaṇ jhāyīnaṇ yadidaṇ Kankhārevato' ti jhāyīnaṇ agga-tṭhāne tṭhapesi (A. i, 24). Vuttam pi c' etaṇ *Apadāne* (Ap. ii, 491):

Padumuttaro nāma jino sabba-dhammesu cakkhumā

Ito sata-sahassamhi kappe uppajji nāyako . . . pe . . .

Tathā kata-kicca panāyaṇ mahāthero pubbe dīgha-rattaṇ attano kankhā-pakataṇ cittataṇ idāni sabbaso vigata¹-kankhataṇ ca paccavekkhitvā: 'Aho nūna mayhaṇ Satthuno desanānubhāvo, yen' ev' etarahi evaṇ vigata-kankho ajjhattaṇ vūpasanta-citto jāto' ti sañjāta-bahumāno, Bhagavato paññaṇ² pasaṇsanto, *paññaṇ imaṇ passā* ti gāthaṇ āha.

Tattha. *paññaṇ* ti, pakārehi jānāti, pakārehi nāpeti³ ti ca, paññā. Veneyyānaṇ āsayānusaya-cariyādhimutti-ādi-pakāre, dhammānaṇ kusalādiḥ khandhādiḥ ca desetabba-ppakāre jānāti; yathā sabhāvato paṭivijjhati, tehi ca pakārehi nāpeti ti attho. Satthu desanā-ñānaṇ hi idhādhippetāṇ. Ten' āha *imaṇ* ti, taṇ hi attha-nissitena⁴ desanā-balena naya-ggāhato paccakkaṇ viya upaṭṭhitaṇ gahetvā iman ti vuttaṇ. Yad aggena vā Satthu desanā-ñānaṇ sāvakehi nayato gayhati, tad aggena attano visaye paṭivedha-ñānam pi nayato⁵ gayhat'

¹ B. vikata.

² A. pañhaṇ.

³ B. omīte pakārehi jānāti.

⁴ B, C. attani siddhena; S. agginisiddhena desanā-phalena.

⁵ B. vinayato; A. nānami pinayato.

eva. Ten' āha āyasmā Dhammasenāpati: 'Api ca me, bhante, dhamm' anvayo vidito' ti (S. v. 160). *Passā* ti, vimhaya-ppatto aniyamato ālapati attano yeva vā cittaṇ. Yathāha Bhagavā udānento: 'lokam imaṇ passa pūthu-avijjāya paretāṇ bhūtaṇ bhūta-rataṇ bhavā aparimuttan' ti (Ud. 33).¹

Tathāgatānan ti, tathā-āgamanādi-atthehi tathāgatānaṇ.² Tathā āgato ti hi Tathāgato. Tathā gato ti, Tathāgato. Tatha-lakkhaṇaṇ āgato ti, Tathāgato. Tatha-dhamme yathāvato abhisambuddho ti, Tathāgato. Tatha-dassitāya Tathāgato. Tathā-vāditāya Tathāgato. Tathā-kāritāya Tathāgato. Abhibhavan' atthēna Tathāgato' ti. Evaṇ atthahi kāraṇēhi Bhagavā Tathāgato. 'Tathāya āgato ti, Tathāgato; tathāya gato ti, Tathāgato; tathāni āgato ti, Tathāgato; tathā-gato ti, Tathāgato; tathā-vidho ti, Tathā-gato; tathā-pavattito ti, Tathāgato; tatthehi āgato ti, Tathā-gato; tathā-gata-bhāvena ti, Tathāgato. Evam pi atthahi kāraṇēhi Bhagavā Tathāgato ti. Ayam ettha sankhepo. Vitthāro pana *Paramattha-Dīpaniyā Udānaṭṭhakathāya* (UdA. 133), *Itivuttakattṭhakathāya* (ItA. i, 117-139) ca vuttanayen' eva veditabbo.

Idāni tassa paññāya asādhāraṇa-visesaṇ dassetuṇ, *aggi yathā* ti ādi vuttaṇ. Yatha aggi ti upamā-vacanaṇ. *Yathā* ti tassa upamā-bhāva-dassanaṇ. *Pajjalito* ti, upameyyena sambandha-dassanaṇ. *Nisīthe* ti, kicca-karaṇa-kāla-dassanaṇ. Ayaṇ h' ettha attho: Yathā nāma nisīthe, rattiyaṇ, caturanga-samannāgate andhakāre vattamāne, unnate thāne pajjalito aggi tasmiṇ padese tama-gataṇ vidhamantaṇ tiṭṭhati, evam eva Tathāgatānaṇ imaṇ desanā-ñāṇa-sankhātaṇ sabbaso veneyyānaṇ³ saṇsaya-tamaṇ vidhamantaṇ paññaṇ passā ti.⁴ Yato desanā-vilāsena sattānaṇ ñāṇa-maya⁵-ālokaṇ denti ti *āloka-dā*. Pañña-mayam eva cakkhuṇ dadanti ti, *cakkhu-dadā*. Tad ubhayam pi kankhā-vinaya-padhānam⁶

¹ Ud. paretā bhutā, etc.; cf. Nett. 157.

² Cf. UdA. 128 and refs.

³ B. vinneyyānaṇ . . . tamandhaṇ.

⁴ A. paññassā ti; S. pañca passā ti.

⁵ B. S. ñāṇaṇ ayaṇ.

⁶ A. B. paṭṭhānaṇ; C. pada-ṭṭhānaṇ; S. padhānaṇ.

eva katvā dassento: *Ye āgatānaṃ vinayanti kankhaṃ* ti āha, ye Tathāgatā attano santikaṃ gatānaṃ upagatānaṃ veneyyānaṃ 'ahosiṃ nu kho ahaṃ atitama-addhānaṃ' ti (M. i, 111) ādi naya-ppavattaṃ soḷasa-vatthukaṃ 'Buddhe kankhati, dhamme kankhati, sanghe kankhati¹' ti ādi naya-ppavattaṃ aṭṭha-vatthukaṃ ca kankhaṃ vicikicchaṃ vinayanti, desanānubhāvena anavasesato vidhamanti, viddhaṃsenti, vinaya-kukkucca-sankhātā pana kankhā tabbinayen' eva vinitā hoti ti.²

Aparo nayo: Yathā aggi nisithe³ ratti-bhāge pajjalito paṭutara⁴-jālo samujjalo accāsanne ṭhitānaṃ obhāsana-dāna⁵-mattena andhakāraṃ vidhamitvā sama-visamaṃ vibhāvento āloka-dado⁶ hoti; accāsanne pana ṭhitānaṃ taṃ supākataṃ karonto cakkhu-kicca-karaṇato cakkhu-dado nāma hoti, evam evaṃ Tathāgatā attano dhamma-kāyassa dūre ṭhitānaṃ akatādhikārānaṃ paññā-pajjotena moh' andhakāraṃ vidhamitvā, kāya-sama-kāya-visamādi sama-visamaṃ vibhāventā ālokadā bhavanti, āsanne ṭhitānaṃ pana katādhikārānaṃ dhamma-cakkuṃ uppādentā cakkhu-dadā bhavanti.

Ye evaṃ-bhūtā attano vaci-gocaraṃ⁷ āgatānaṃ mādisānaṃ pi kankhā-bahulānaṃ kankhaṃ vinayanti, ariya-magga-samuppādanena vidhamanti, tesāṃ Tathāgatānaṃ paññaṃ nānā-tisayaṃ⁸ passā ti yojanā. Evam ayaṃ therassa attano kankhā-vitaraṇa-ppakāsanena aññā-byākaraṇa-gāthāpi hoti. Ayaṃ hi thero puthujjana-kāle kappiye pi kukkuccako hutvā kankhā-bahulatāya Kankhā-Revato ti aññāto.⁹ Pacchā khīṇāsava-kāle pi tath' eva voharittha.¹⁰ Ten' āha: Itthaṃ sudaṇ¹¹ āyasmā Kankhārevato gātham abhāsithā ti. Taṃ vutt' attham eva.

Kankhārevata-tthera-gāthā-vanṇanā
Niṭṭhitā.

¹ B, C, S. omī sanghe.

² Cf. UdA. (Revato), p. 315.

³ A. nisice.

⁴ B. paṭutara.

⁵ A. obhāsinaṃ; S. obhāsa-jānana; C. obhāsa-dāna.

⁶ A. āloka-deho.

⁷ S. vacito paraṃ . . . māris'naṃ.

⁸ A. paññaṃ nātissayaṃ.

⁹ Cf. UdA. 314.

¹⁰ B. vohariyittha.

¹¹ A. sumaṃ.

PUNNA (A)

Sabbhi-r-eva samāsethā ti, āyasmato Punṇa-ttherassa gāthā. Kū uppatti? Ayaṅ kira Padumuttarassa Dasabalassa uppat-tito puretaram eva Haṅsavatī-nagare brāhmaṇa-mahāsāla-kule nibbatto anukkamena viññutaṅ patto Satthari loke uppajjante, ekadivasanṅ Buddhānaṅ dhamma-desanā-kāle heṭṭhā vutta-nayena mahājanena saddhiṅ vihāraṅ gantvā, parisa-pariyante nisiditvā, dhammaṅ suṇanto, Satthāraṅ ekaṅ bhikkhuṅ dhamma-kathikānaṅ agga-tṭhāne ṭhapentaṅ disvā, 'mayā pi anāgate evarūpena bhavituṅ vattatī' ti cintetvā, desanāvasāne vuṭṭhitāya parisāya, Satthāraṅ 'upa-sankamitvā, nimantetvā, heṭṭhā vutta-nayen' eva mahā-sakkāraṅ katvā, Bhagavantaṅ evam āha: 'Bhante, ahaṅ iminā adhikāra-kammaena aññaṅ sampattiṅ na patthemī, yathā pana so bhikkhu ito sattama-divasa-matthake dhamma-kathikānaṅ agga-tṭhāne ṭhapito, evaṅ aham pi anāgate ekassa Buddhassa sāsane dhamma-kathikānaṅ bhikkhūnaṅ aggo bhaveyyan' ti patthanaṅ akāsi. Satthā anāgataṅ oloketvā tassa patthanāya samijjhana-bhāvaṅ¹ disvā: 'anāgate kappasatasahassa-matthake Gotamo nāma Buddhho uppajjissati; tassa sāsane tvaṅ pabbajitvā dhamma-kathikānaṅ aggo bhavissasi' ti byākāsi.

So tattha yāva-jīvaṅ kalyāṇa-kammaṅ katvā, tato cuto kappasatasahassaṅ puñña-sambhāraṅ² sambharanto deva-manussesu saṅsaritvā, amhākaṅ Bhagavato kāle Kapila-vatthu-nagarass' āvidure Doṇavatthu-nāmake brāhmaṇa-gāme brāhmaṇa-mahāsāla-kule Añña³-Kondañña-ttherassa bhāgineyyo hutvā nibbatti. Tassa nāma-gaṇa-divase Pun-ṇo ti nāmaṅ akaṅsu. So, Satthari abhisambodhiṅ patvā, pavattite⁴-vara - dhamma - cakke anupubbena Rājagahaṅ gantvā, taṅ upanissāya viharante Añña-Kondañña-ttherassa santike pabbajitvā laddhūpasampado sabba-kiccaṅ katvā, padhānam anuyuñjauto pabbajita-kiccaṅ matthakaṅ pāpetvā

¹ B. samijjhanaṅ disvā.² B. puññañña-sambh°.³ B. Aññāsi-K.⁴ A. pavattita . . . cakko; B. pavatta . . . cakko; S. pavattita cakke.

ca, 'Dasabalassa santikaṇ gamissāmi' ti, mātula-therena saddhiṇ Satthu santikaṇ agantvā, Kapilavatthu-sāmantā yeva ohīyitvā, yoniso manasikāre kammaṇ karonto na cirass' eva vipassanaṇ ussukkāpetvā arahattaṇ pāpuṇi. Vuttam pi c' etaṇ Apadāne (i, 36):

Ajjhāyako manta-dharo tiṇṇaṇ vedāna-pāragū

Purakkhato sa-sissehi¹ upagacchiṇ naruttamaṇ² . . .

pe . . .

Tassa pana Puṇṇa-ttherassa santike pabbajitā kulaputtā pañca-sata ahesuṇ. Thero sayañ dasa kathā-vatthu-labhi-tāya te pi dasahi kathā-vatthūhi ovādi. Te tassa ovāde tthatvā sabbe va arahattaṇ pattā. Te attāno pabbajjākiccaṇ matthaka-ppattaṇ³ ñatvā, upajjhāyaṇ upasankamitvā āhaṇ-su: 'Bhante, amhākaṇ kiccaṇ matthaka-ppattaṇ dasannaṇ ca' mha kathā-vatthūnaṇ lābhino. Samayo no Dasabalaṇ passitun' ti. Thero tesañ vacanaṇ sutvā cintesi: Mama dasa kathā-vatthu-lābhitaṇ Satthā jānāti; ahaṇ dhammaṇ desento dasa kathā-vatthūni amuñcitvā⁴ va desemi; mayi gacchante sabbe p' ime bhikkhū parivāretvā gacchissanti; evañ gaṇa-saṅganikāya gantvā pana ayuttaṇ mayhaṇ Dasabalaṇ passituṇ; ime tāva gantvā passantū ti, te bhikkhū āha: 'Āvuso, tumhe purato gantvā Tathāgataṇ passatha, mama vacanena ca 'ssa pāde vandatha. Aham pi tumhākaṇ gata-maggen' āgamissāmi' ti.

Te therā sabbe pi Dasabalassa jāti-bhūmi-raṭṭha-vāsino, sabbe khināsavā, sabbe dasa kathā-vatthu-lābhino, attāno upajjhāyassa ovādaṇ sampaṭicchitvā,⁵ therāṇ vanditvā, anupubbena cārikaṇ carantā, saṭṭhi-yojana-maggaṇ atik-kamma, Rājagahe Veluvana-mahāvihāraṇ gantvā, Dasabala-ssa pāde vanditvā, ekamantaṇ nisīdiṇsu. Āciṇṇaṇ kho pan' etaṇ Buddhānaṇ Bhagavantānaṇ āgantukehi bhikkhūhi saddhiṇ paṭisammoditun ti. Bhagavā tehi saddhiṇ: 'Kacci,⁶ bhikkhave, khamanīyaṇ?' ti ādinā nayena madhura-paṭi-santhāraṇ katvā, 'kuto ca tumhe, bhikkhave, āgacchathā?'

¹ B, C, S. 'mhi sissehi.

² B. matṭaṇ kappattaṇ.

³ C, S. amadditvā.

⁴ S. jinuttamaṇ.

⁵ B. amuñjitvā.

⁶ A. kiñci.

ti pucchi. Atha tehi: 'Jāti-bhūmito' ti vutte, 'ko nu kho, bhikkhave, jāti-bhūmiyaṃ jāti-bhūmikānaṃ bhikkhūnaṃ sabrahmacāriṇaṃ evaṃ sambhāvito; attanā ca appiccho appiccha-kathaṃ ca bhikkhūnaṃ kattā?' ti (M. i, 145) dasa kathā-vatthu-lābhī bhikkhū pucchitāpi: 'Puṇṇo nāma, bhante, āyasmā Mantāni-putto' ti ārocayiṃsu.

Taṃ kathaṃ sutvā āyasmā Sāriputto therassa dassana-kāmo ahosi. Atha Satthā Rājagahato Sāvattiyaṃ agamāsi. Puṇṇo thero Dasabalassa tattha āgatabhāvaṃ sutvā: 'Satthāraṃ passissāmī' ti gantvā anto-gandha-kuṭiyaṃ yeva Tathāgataṃ sampāpuṇi. Satthā tassa dhammaṃ desesi. Thero dhammaṃ sutvā, Dasabalaṃ vanditvā, paṭisallān' atthāya Andhavanaṃ gantvā, aññatarasmaṃ rukkhamaḷe divā-vihāraṃ nisīdi. Sāriputta-tthero pi tassa gamaṇaṃ sutvā, sīsānulokiko gantvā,¹ okāsaṃ sallakkhetvā, taṃ rukkhamaḷe nisinnaṃ upasankamitvā, therena saddhiṃ sammoditvā, taṃ visuddhi-kammaṃ² pucchitvā, thero pi 'ssa pucchitaṃ pucchitaṃ byākaronto ratha-vinītūpamāya cittaṃ ārādhesi.³ Te aññamaññassa subhāsitaṃ samanumodiṃsu.

Atha Satthā aparabhāge bhikkhu-saṅgha-majjhe nisinna therāṃ 'etadaggaṃ, bhikkhave, mama sāvakaṇaṃ bhikkhūnaṃ dhamma-kathikānaṃ yadidaṃ Puṇṇo' ti (A. i, 24) dhamma-kathikānaṃ agga-tṭhāne ṭhapesi. So eka-divasaṃ attano vimutti-sampattiṃ paccavekkhitvā, 'Satthāraṃ nissāya ahaṃ c' eva aññe ca bahu-sattā saṃsāra-dukkhato vippamuttā; bahūpakārā vata sappurisa-saṃvāso' ti pīti-somanassa-jāto udāna-vasena pīti-vega-vissitṭhaṃ 'Sabbhi-r-eva samāsethā' ti⁴ gātham abhāsi.

Tattha *sabbhi-r-evā* ti, sappurisehi eva; santo ti pan' ettha Buddhādayo ariyādhippetā. Te hi anavasesato asataṃ dhammaṃ pahāya saddhamme ukkaṃsagatatā sātisaṃsaṃsa-tāya⁵ ca visesato santo sappurisa ti vuccanti. *Samāsethā* ti, samaṃ āsethā⁶ saḥavaseyya; te payirupāsanto, tesāṃ sussa-

¹ Cf. M. i, 147.

² B. visuddhi-kathaṃ.

³ *Ratha-vinita-sutta*, M. i, 146.

⁴ S. quotes whole gāthā.

⁵ B. paṇṇasiyatta; A. paṇṇasataya.

⁶ A. samā āsethā bhavaseyya; B. sammā āsethā saḥavaseyya; C. samaṃ āsevatha; S. samāvaseyya (Def. at SA. i, 55 as saha nisideyya).

santo diṭṭhānugatiṃ ca āpajjanto samāna-vāso bhaveyyā ti attho. *Paṇḍiteh' atthadassibhī* ti, tesaṃ thomanā; paṇḍa vucati paññā; sā imesaṃ jātā ti, *paṇḍita*.¹ Tato eva att' atthā-di-bhedāṃ atthaṃ aviparītato passantī ti, *attha-dassino*. Tehi paṇḍitehi attha-dassibhi samāsetha. Kasmā ? ti ce; yasmā te santo paṇḍitā, te vā sammā sevantā ekanta-hita-bhāvato² magga-ñāṇādīh' eva araṇiyato *atthaṃ*, mahāguṇatāya santa-tāya ca *mahantaṃ*, agādha-bhāvato³ gambhīra-ñāṇa-gocarato ca gambhīraṃ. Hina-ccchandādihi daṭṭhuṃ asakkuṇeyyattā itarehi ca kicchena daṭṭhabbattā, *duddasaṃ*. Duddasattā saṃhaṃ; nipuṇa-sabhāvattā nipuṇa-ñāṇa-gocarato ca *nipuṇaṃ*. Nipuṇattā eva sukhuma-sabhāvatāya *aṇuṃ*, nibbānaṃ. Aviparī' atṭhena vā paramattha-sabhāvattā *atthaṃ*. Ariya-bhāva-karattā mahanta-nimittatāya *mahantaṃ*. Anuttāna-sabhāvatāya *gambhīraṃ*. Dukkheṇa daṭṭhabbaṃ na sukhena daṭṭhuṃ sakkā ti, *duddasaṃ*. Gambhīrattā *duddasaṃ*, duddasattā gambhīraṇ ti. Catu-saccaṃ visesato nipuṇaṃ, aṇuṃ nirodha-saccan ti. Evam etaṃ catu-saccaṃ *dhīrā samādhi-gacchanti*. Dhiti-sampannatāya *dhīrā*; catu-sacca-kammaṭṭhāna-bhāvanaṃ ussukkāpetvā samma-d-eva adhiḡacchanti. *Appamattā* ti, sabbattha sati-avippavāseṇa appamāda-paṭipattiṃ pūrentā.⁴ *Vicakkhaṇā*⁵ ti; vipassanāya bhāvanāya chekā, kusalā; tasmā *sabbhi-r-eva samāsethā* ti yojanā. *Paṇḍiteh' atthadassibhī* ti vā, etaṃ nissakka-vacanaṃ. Yasmā paṇḍitehi attha-dassibhi sampadāya bhūtehi dhīrā appamattā vicakkhaṇā mahantādi-visesavantaṃ *atthaṃ* samadhiḡacchanti, tasmā tādisēhi sabbhi-r-eva samāsethā ti sambandho. Evam esā therassa paṭivedha-dīpanena aññā-byākarāṇa-gāthā pi ahoṣī ti.

Puṇṇatthera-gāthā-vaṇṇanā
Niṭṭhitā.

¹ Cf. P.J. ii, 429; UdA. 97.

² B. ekantahi bhavaha.

³ Cf. PvA. 77.

⁴ B. avippavāseṇa appamāda-paṭipūrentā.

⁵ A. vimokkhatā.

DABBA

Yo duddamayo ti, āyasmato Dabba-ttherassa gāthā. Kā uppatti? Ayam pi Padumuttara-buddha-kāle Haṅsavatī-nagare kula-gehe nibbattitvā, vayappatto heṭṭhā vuttanayen' eva dhamma-desanaṃ suṇanto Satthāraṃ ekaṃ bhikkhuṃ senāsana-paññāpakānaṃ agga-tṭhāne ṭhapentaṃ disvā, adhikāra-kammaṃ katvā, taṃ ṭhān' antaraṃ patthetvā, Satthārā byākato¹ yāva-jīvaṃ kusalaṃ katvā, deva-manussesu saṃsaritvā, Kassapa-dasabalassa sāsana' osakkana²-kāle pabbaji. Tadā tena saddhiṃ apare cha janā ti, satta bhikkhu eka-cittā hutvā, aññe sāsane agāraṃ karonte disvā: 'Idha kiṃ karoma? Ekamante samaṇa-dhammaṃ katvā dukkhassa' antaṃ karissāmā' ti nisseṇiṃ bandhitvā, uccaṃ pabbata-sikharāṃ ārūhitvā, attano citta-balaṃ jānantā, nisseṇiṃ pātentī,³ 'jīvite sālāyā otarantu, mā pacchānutappino ahuvatthā' ti vatvā, sabbe ekacittā hutvā, nisseṇiṃ pātetvā: 'Appamattā hotha āvuso' ti aññamaññaṃ ovaḍitvā, citta-rucīsu⁴ ṭhānesu nisīditvā, samaṇa-dhammaṃ kātuṃ ārabhiṃsu.

Tatr' eko therō pañcame divase arahattaṃ patvā; 'Mama kiccaṃ nipphannaṃ.⁵ Ahaṃ imasmiṃ ṭhāne kiṃ karissāmī?' ti iddhiyā gantvā Uttara-kuruto piṇḍapātaṃ āharitvā, 'Āvuso, imaṃ piṇḍa-pātaṃ paribhuñjatha; bhikkhā-cāra-kiccaṃ mam-āyattaṃ⁶ hotu. Tumhe attano kammaṃ karoṭhā' ti āha. 'Kin nu mayaṃ, āvuso, nisseṇiṃ pātetvā evaṃ avocumha: "yo paṭhamaṃ dhammaṃ sacchikaroti, so bhikkhaṃ āharatu, tenāhataṃ⁷ sesā paribhuñjitvā samaṇa-dhammaṃ karissanti?"' ti. 'N' atthi, āvuso' ti. 'Tumhe attano pubba-hetumhā labhittha; mayam pi sakkontā⁸ vaṭṭassa' antaṃ karissāma. Gacchatha tumhe' ti. Therō te saññāpetuṃ asakkonto asuka⁹-tṭhāne piṇḍa-pātaṃ pari-

¹ A. byākāsi tato.

² A. sāsane sakk; S. sāsanoikkana.

³ A. nisseṇi pātentī; C. nisseṇi pātentu. See version at UdA. 80.

⁴ C. rucikesu.

⁵ A, S. nippannaṃ; B. nippannaṃ.

⁶ A. mayantaṃ.

⁷ A. ahataṃ; B. tenābhitaṃ; S. abhataṃ.

⁸ S. asakk°.

⁹ B, C, S. phāsuka.

bhuñjitvā gato. Aparo thero sattame divase anāgāmi-phalaṇ patvā tato cuto Suddhāvāsa-brahmaloke nibbatto.

Itare therā ekaṇ Buddh' antaraṇ deva-manussesu saṇsa-ritvā tesu tesu kulesu nibbattā: Eko Gandhāra-raṭṭhe Tak-kasilā¹-nagare rāja-gehe² nibbatto; eko Majjhantika³-raṭṭhe paribbājikāya kucchimhi nibbatto; eko Bāhira-raṭṭhe ku-ṭumbiya-gehe nibbatto: (eko bhikkhun' ūpassaye jāto⁴; eko Rājagahe kuṭumbikassa gehe nibbatto⁵); ayam pana Dabba-tthero Malla-raṭṭhe Anupiya-nagare ekassa Malla-rañño gehe paṭisandhiṇ gaṇhi. Tassa mātā upavijaññā⁶ kālaṇ akāsi. Mata-sariraṇ susānaṇ netvā, dāru-citakaṇ āropetvā, aggiṇ adaṇsu. Tassā aggi-vega-santattaṇ⁷ udara-paṭalaṇ dvedhā ahosi. Dārako attano puñña-balena uppattitvā ekasmiṇ dabba-thambhe nipati. Taṇ dārakaṇ gahetvā ayyakāya⁸ adaṇsu. Sā tassa nāmaṇ gaṇhantī dabba-tthambhe patitvā laddha-jīvitattā Dabbo ti 'ssa nāmaṇ akāsi.

Tassa satta-vassika-kāle Satthā bhikkhu-sangha-parivāro Malla-raṭṭhe cārikaṇ caramāno Anupiya-vane⁹ viharati. Dabba-kumāro Satthāraṇ disvā, dassanen' eva pasiditvā, pabbajitu-kāmo hutvā: 'Ahaṇ Dasabalassa santike pabba-jissāmī' ti ayyakaṇ pucchi. Sā: 'Sādhu, tātā' ti, Dabba-kumāraṇ ādāya, Satthu santikaṇ gantvā: 'Bhante, imaṇ kumāraṇ pabbājethā' ti āha. Satthā aññatarassa bhikkhuno saññaṇ adāsi: 'Bhikkhu, imaṇ dārakaṇ pabbājehī' ti. So thero Satthu vacanaṇ sutvā Dabba-kumāraṇ pabbā-jento taca-paṇcakaṇ kammaṭṭhānaṇ ācikkhi. Pubba-hetu-sampanno katābhinihāro satto paṭhama-kesa-vatṭhiyā voro-pana-kkhaṇe sotāpatti-phale paṭiṭṭhahi; dutiyāya kesa-vatṭhiyā voropiyamānāya sakadāgāmi-phale, tatiyāya anāgā-mi-phale; sabba-kesānam pana oropanaṇ ca arahatta-phala-sacchikiriya apacchā apure ahosi. Satthā Malla-raṭṭhe ya-

¹ S. Takkasīla; B. Anupīyanagare.

² A. Rājagahe.

³ B. Majjhantiya; S. Paccantiya.

⁴ B. adds.

⁵ A. adds; S. adds Rājagahe kutumbika-gehe.

⁶ A. Upavijaññā nāma (!); C. upacita-jaññā.

⁷ A. santatthaṇ; S. santattā.

⁸ B. ayyikāya; S. ayikāya.

⁹ B. -ambavane; S. Anupiyāyaṇ vane.

thābhirantaṇ viharitvā, Rājagahaṇ gantvā, Veluvane vāsaṇ kappesi. Tatr' āyasmā Dabbo Malla-putto raho-gato¹ attano kicca-nipphattiṇ² oloketvā, sanghassa veyyāvaccakaraṇe kāyaṇ yojetu-kāmo cintesi: 'Yannūnāhaṇ³ sanghassa senāsanaṇ ca paññāpeyyaṇ, bhattāni ca uddiseyyaṇ?' ti. So Satthu santikaṇ gantvā attano parivitakkaṇ ārocesi. Satthā tassa sādhu-kāraṇ datvā senāsanaṇ paññāpakattaṇ ca bhatt' uddesattaṇ ca sampatiṇchi. Atha naṇ: 'Ayaṇ Dabbo daharo va samāno mahante ṭhāne ṭhito' ti satta-vassika-kāle yeva upasampādesi. Thero upasampanna-kā-lato paṭṭhāya Rājagahaṇ upanissāya viharantānaṇ sabba-bhikkhūnaṇ senāsanaṇi ca paññāpeti bhikkhaṇ ca uddisati. Tassa senāsana-paññāpaka-bhāvo sabba-disāsu pākato ahosi: Dabbo kira Malla-putto sabhāga-sabhāgānaṇ bhikkhūnaṇ eka-ṭṭhāne senāsanaṇi paññāpeti, āsanne pi dure pi senāsanaṇ paññāpeti; gantuṇ asakkonte iddhiyā neti.

Atha naṇ bhikkhū kāle pi vikāle pi: 'Amhākaṇ, āvuso, Jīvakambavane senāsanaṇ paññāpehi. Amhākaṇ Madda-kucchismiṇ Migadāye' ti evaṇ senāsanaṇ uddisāpetvā tassa iddhiṇ passantā gacchanti. So pi iddhiyā manomaye kāye abhisankharitvā, ekekassa therassa ekekaṇ attano sadisaṇ bhikkhuṇ datvā, anguliyā jalamānāya purato gantvā: 'Ayaṇ mañco, idaṇ pīṭhan' ti ādīni vatvā senāsanaṇ paññāpetvā, puna attano vasana-ṭṭhānam eva āgacchati.

Ayam ettha sankhepo, vitthārato pan' idaṇ vatthuṇ pāliyaṇ āgatam eva. Satthā idam eva kāraṇaṇ atth' uppat-tiṇ katvā aparabhāge ariya-gaṇa-majjhe nisinno therāṇ senāsana-paññāpakānaṇ agga-ṭṭhāne ṭhapesi: 'Etadaggaṇ, bhikkhave, mama sāvakānaṇ bhikkhūnaṇ senāsana-paññāpakānaṇ yadidaṇ Dabbo Mallaputto' ti (A. i, 24). Vuttam pi c' etaṇ *Apadāne* (ii, 471):

Padumuttaro nāma jino sabba-loka-vidū muni

Ito sata-sahassamhi kappe uppajji cakkhumā . . .

pe . . .

¹ Cf. Vin. ii, 74; iii, 158; Ud. viii, 9; UdA. 430.

² A. -nibbattiṇ; B. -nippattim.

³ B. yaṇ me nāhaṇ.

Evaṇ-bhutaṇ pana, yena pubbe ekassa khīṇāsavassa anud-dhaṇsana-vasena katena pāpa-kammena bahūni vassa-sata-sahassāni niraye pacci, tāya eva¹ kamma-pilotikāya² codi-yamānā Mettiya-Bhummajakā bhikkhū³ 'imīna mayaṇ Kalyāṇa-bhattikassa gahapatino antare paribhinnā⁴' ti duggahīta-gāhino amūlakena pārājikena dhammena anud-dhaṇsesuṇ (Vin. iii, 163). Tasmiṇ ca adhikaraṇe sanghena sati-vinayena vūpasamite, ayaṇ thero lokānukampāya attano guṇe vibhāvento *yo duddamayo* ti imaṇ gāthaṇ abhāsi.⁵

Tatha *yo* ti aniyamita-niddeso. Tassa so ti iminā niya-mitaṇ⁶ daṭṭhabbaṇ; ubhayena pi aññaṇ viya katvā attānam eva vadati. *Duddamayo* ti, duddamo dametuṇ asakkuṇeyyo: idaṇ ca attano puthujjana-kāle diṭṭhi-gatānaṇ visūkāyika⁷-kilesānaṇ madālepa-cittassa vipphanditaṇ⁸ indriyānaṇ avū-pasamanaṇ⁹ ca cintetvā vadati. *Damenā* ti, uttamena agga-magga-damena. Tena hi danto puna dametabbatābhāvato *danto* ti iminā vattabbaṇ taṇ arahati,¹⁰ na aññaena. Atha vā *damenā* ti damanena, purisa-damma-sārathinā damito. *Dabbo* ti, drabyo; bhabbo¹¹ ti attho. Ten' āha Bhagavā imam eva therāṇ sandhāya: 'Na kho, Dabba, dabbā evaṇ nibbēhenti¹²' ti (Vin. ii, 79). *Santusito* ti, yathā-laddha-paccaya-santosena magga-phala-santosena santuṭṭho. *Vitīṇṇakankho* ti, soḷasa-vatthukāya aṭṭha-vatthukāya ca kankhāya paṭhama-maggen' eva samugghāṭitattā¹³ vigata-kaṅkho. *Vijitāvī* ti, purisājānīyena vijetabbassa¹⁴ sabbassāpi sankilesa-pakkhassa vijitattā vidhamitattā vijitāvī. *Apeta-bheravo* ti, pañca vīsatiyā bhayānaṇ sabbaso apetatā apagata-

¹ B. paccatāya eva; S. pacitāya eva.

² Cf. UdA. 263; Ap. i, 299.

³ Cf. Vin. ii, 76; iii, 160.

⁴ A. paribhedikā ti; B. paribheditā ti; C. -bhinnā.

⁵ S. quotes whole gāthā.

⁶ C. niyamattaṇ; A. niyamataṇ; S. niyamantaṇ mattaṇ.

⁷ A. visūyikānaṇ; B. visūkāyika-k; C. visūkāyitānaṇ; S. visūkāyi-taṇ.

⁸ A. vipband°; B. vipann°.

⁹ A. avūpasanaṇ; S. avupassayimanaṇ.

¹⁰ A. dano ti iminā vattabaṇ taṇ; C. taṇ vattabbataṇ.

¹¹ Skt. dravya, bhavya. Here A. Dabbo dabbo ti; B. drabyo gabbo ti; C. dabbo bhabbo; S. dabbo ti bra (?) gabbho ti.

¹² N. nibbedhenti.

¹³ A. samūladatthā.

¹⁴ B. viyojetabb°.

bheravo, abhayûparato. Puna *Dabbo* ti, nāma-kittanaṇ. *Parinibbuto* ti, dve parinibbānāni: kilesa-parinibbānaṇ ca yā sa-upādisesa-nibbāna-dhātu, khandha-parinibbānaṇ ca yā anupādisesa-nibbāna-dhātu; tesu idha kilesa-parinibbānaṇ adhippetanaṇ. Tasmā pahātabba-dhammānaṇ maggena sabbaso pahinattā kilesa-parinibbānena parinibbuto ti attho. *Thitatto* ti, thita-sabhāvo, acalo itthādisu tādi-bhāva-ppattiya loka-dhammehi akampaniyo. *Hi* ti ca hetu-aṭṭhe nipāto; tena yo pubbe duddamo hutvā thito, yasmā dabbattā¹ Satthārā uttamera damena damito, santusito, vitiṇṇa-kankho, vijitāvī, apeta-bheravo, tasmā so Dabbo parinibbuto, tato yeva ca thito; evaṇ-bhute ca tasmiṇ citta-ppasādo va kātabbo; ‘na pasād’ aññathattaṇ bhavēyyā’ ti² Buddhike satte anukampanto thero aññaṇ byākāsi.

Dabba-tthera-gāthā-vaṇṇanā Niṭṭhitā.

SAMBHŪTA (SĪTAVANIYA)³

Yo Sītavanana ti, āyasmato Sambhūta-ttherassa gāthā. *Kā* uppatti? Ito kira aṭṭhārassa-kappa-sata-matthake Attha-dassī nama Sambuddho loke uppajjitvā sadevakaṇ lokaṇ saṇsāra-mahoghato tārento, eka-divasaṇ mahatā bhikkhu-sanghena saddhiṇ Gangā-tīraṇ upagañchi. Tasmiṇ kāle ayaṇ gahapati-kule nibbatto. Tattha Bhagavantaṇ passitvā pasanna-mānaso upasankamitvā, ‘Kiṇ, bhante, pāraṇ gantukām’ atthā?’ ti pucchi. Bhagavā, ‘Gamissāmā’ ti avoca. So tāva-d-eva nāvā-sanghātaṇ yojetvā upanesi. Satthātaṇ anukampanto saha bhikkhu-sanghena nāvaṇ abhirūhi. So sayam pi nāvaṇ abhiruyha, sukhen’ eva para-tīraṇ sampāpetvā, Bhagavantaṇ bhikkhu-sanghaṇ ca dutiya-divase mahādānaṇ pavatteṭvā, anugantvā, pasanna-citto vanditvā, nivatti. So, tena puñña-kammēna deva-manussesu saṇsa-

¹ B. damattā.

² A. na pasādaññathattaṇ ti reṇeyya B. s.; B. n. p. aññatattaṇ ti paraneyya vuḍḍhike s.; C. nappasādaññathattaṇ phareyyā ti Bud. s.; S. na pasādaṇ ca caraṇeya buddhike s. Cf. SA. iii, 286 (ariya-sāva-kassa pasād’ aññathattam pi n’ atthi).

³ At v. 294 another Sītavaniyo.

ritvā; ito terasādhika-kappa-satassa matthake khattiya-kule nibbattitvā, rājā ahosi, cakkavatti dhammiko dhamma-rājā. So, satte sugati-magge patitṭhāpetvā,¹ tato cuto eka-navutikappe Vipassissa Bhagavato sāsane pabbajitvā, dhuta-dhamme samādāya, susāne vasanto samaṇa-dhammaṇ akāsi. Puna Kassapa-Bhagavato kāle pi tassa sāsane tihi sahāyehi saddhiṇ pabbajitvā, vīsati-vassa-sahassāni samaṇa-dhammaṇ katvā, ekaṇ Buddh' antaraṇ deva-manussesu saṇsaritvā, imasmiṇ Buddh' uppāde Rājagahe brāhmaṇa-mahāsālassa putto hutvā, nibbatti. Tassa Sambhūto ti nāmaṇ akaṇsu. So vayappatto brāhmaṇa-sippesu nipphattiṇ gato, Bhūmijo Jeyyaseno² Abhirādhano ti tihi sahāyehi saddhiṇ Bhagavato santikaṇ gato, dhamma-desanaṇ sutvā, paṭiladdha-saddho pabbaji. Ye sandhāya vuttaṇ:

Bhumijo Jeyyaseno ca Sambhūto³ Abhirādhano

Ete⁴ dhammaṇ abhiññaṇsu sāsane vara-tādino ti.

Atha Sambhūto Bhagavato santike kāya-gatā-sati-kammaṭṭhānaṇ gahetvā nibaddhaṇ⁵ Sītavane vasati. Ten' ev' ayam āyasmā⁶ Sītavaniyo ti paññayittha. Tena ca samayena Vessavano mahārājā kenaci-d-eva karaṇīyena Jambudīpe dakkhiṇa-disā-bhāgaṇ uddissa ākāsen' āgacchanto therāṇ abbhokāse nisīditvā va kammaṭṭhānaṇ manasikarantaṇ disvā vimānato oruṇha, therāṇ vanditvā; 'Yadā thero samādhito vuṭṭhahissati tadā mama āgamaṇaṇ ārocetha, ārakkhaṇ ca 'ssa karoṭhā' ti dve yakkhe āṇāpetvā pakkāmi. Te therassa samīpe ṭhatvā, manasikāraṇ paṭisaṇharitvā, nisinna-kāle ārocesuṇ. Taṇ sutvā thero: 'Tumhe mama vacanena Vessavaṇa-mahārājassa kathetha: "Bhagavatā attano sāsane ṭhitānaṇ sati-ārakkhā nāma ṭhapitā atthi. Sā yeva mādisse rakkhati. Tvaṇ, tāta, appossukko hohi. Bhagavato ovāde ṭhitānaṇ edisāya ārakkhāya karaṇīyaṇ n' atthi'" ti. Te vissajjetvā, tāva-d-eva vipassanaṇ vaḍḍhetvā, vijjā-ttayaṇ⁷ sacchākāsi. Tato Vessavaṇo nivatta-

¹ S. satte sugatiṇ ṭhapetvā.

² S. Jayaseno.

³ S. omits.

⁴ S. te tayo ete dhammaṇ.

⁵ A, B. nibandhaṇ.

⁶ B. ten' eva tassa; A. ten' eva vāyasmā; S. as above; C. ten' evāyasmā.

⁷ A. vijjantaṇ yaṇ.

māno therassa samīpaṇ patvā, mukhākāra¹-sallakkhaṇen' ev' assa kata-kicca-bhāvaṇ ñatvā, Sāvatthiṇ gantvā, Bhagavato ārocetvā, Satthu sammukhā therāṇ abhiṭṭhavanto:

Sati-ārakkha-sampanno dhitimā viriya-samāhito

Anujāto Satthu Sambhūto tevijjo maccu-pāragū ti imāya gāthāya therassa guṇe vaṇṇesi. Tena vuttaṇ Apadāne (i, 204)²:

Atthadassī tu Bhagavā dipadindo narāsabho

Purakkhato sāvakehi Gangā-tīraṇ upāgami . . . pe . . .

Ath' āyasmā Sambhūto Bhagavantaṇ dassanāyā gacchante bhikkhū disvā: 'Āvuso, mama vacanena Bhagavato pāde sirasā vandatha, evañ ca vadethā' ti vatvā, dhammādhikaraṇaṇ attano Satthu aviheṭṭhita³-bhāvaṇ pakāsento, *Yo Sītavanan* ti gātham āha. Te bhikkhū Bhagavantaṇ upasankamitvā, vanditvā, Sambhūta-ttherassa sāsanaṇ nive-dentā,⁴ 'Āyasmā, bhante, Sambhūto Bhagavato pāde sirasā vandati, evañ ca vadati' ti vatvā, taṇ gātham ārocesuṇ. Taṇ sutvā Bhagavā: 'Paṇḍito, bhikkhave, Sambhūto bhikkhū paccapādi⁵ dhammassānudhammaṇ, na ca maṇ dhammādhikaraṇaṇ viheṭṭhesi⁶ (M. iii, 247, etc.). Vessavaṇena tass' attho mayhaṇ ārocito' ti āha. Yam pana te bhikkhū Sambhūta-ttherena vuttaṇ *Yo Sītavanan* ti gāthaṇ Satthu nivedesuṇ.

Tattha *Sītavanan* ti, evaṇ nāmakaṇ Rājagaha-samīpe mahantaṇ bherava-susāna-vanaṇ.⁷ *Upāgā* ti, nivāsana-vasena upagacchi; etena Bhagavatā anuññātaṇ pabbajitānuruṇaṇ nivāsana-tṭhānaṇ dasseti. *Bhikkhū* ti, saṇsāre bhayassa ikkhaṇato bhinna-kilesatāya ca, bhikkhu. *Eko* ti, adutiyo; etena kāya-vivekaṇ dasseti. *Santusito* ti, santuṭṭho; etena catu-paccaya-santosa-lakkhaṇaṇ ariya-vaṇsaṇ dasseti. *Samāhitatto* ti, upacār' appaṇā-bhedena samādhinā samāhita-citto; etena citta-viveka-bhāvanā-mukhena

¹ S. sammukhāk°.

² Under title Taranīya.

³ B. avihedhita; A. avisodhita.

⁴ B. sampavedento.

⁵ A, C, S. paccayādi dhammassa; B. paccavādi. For the quotation cf. Ud. 8 (Bāhiya); S. iv, 63; v, 346, etc.

⁶ B. vihedesi; S. na mamaṇ vihesesi.

⁷ A, S. vanaṇ; B. vasaṇ; C. susānaṇ.

bhāvanārāmaṇaṃ ariya-vaṇsaṇaṃ dasseti. *Vijitāvī* ti, sāsane sammā paṭipajjantena vijetabbaṇaṃ kilesa-gaṇaṇaṃ vijitvā¹ t̥hi-to; etena upadhi-vivekaṇaṃ dasseti. Bhaya-hetūnaṇaṃ sabba-kilesānaṇaṃ apagatatā *apeta-lomahaṇso*; etena sammā paṭipattiyā phalaṇaṃ dasseti. *Rakkhaṇ* ti, rakkhanto. *Kayagatā satin* ti, kāyārammaṇaṇaṃ satinaṃ kāya-gatā-sati-kammaṭṭhānaṇaṃ paribrūhaṇa²-vasena avissajjento.³ *Dhitimā* ti, dhiro; samāhitattā vijitāvī, vibhāvī, taṇaṃ vā⁴ upāya-paṭipatti-dassanamaṇaṃ etaṇaṃ. Ayaṇaṃ h' ettha sankhepaṃ' attho: So bhikkhu viveka-sukhānupekkhāya eko Sītavanaṇaṃ upāgami, upagato ca lola-bhāvābhāvato santuṭṭho, dhitimā, kāya-gatā-sati-kammaṭṭhānaṇaṃ bhāvento, tathādhigataṇaṃ jhānaṇaṃ pādakaṇaṃ katvā, āraddha-vipassanaṇaṃ ussukkāpetvā adhigatena agga-maggena samāhito vijitāvī ca hutvā kata-kiccatāya bhaya-hetūnaṇaṃ sabbaso apagatatā *apeta-lomahaṇso* jāto ti.

**Sambhūta-tthera-gāthā-vaṇṇanaṃ
Niṭṭhitā.**

BHALLIYA⁵

Yo pānudī ti, āyasmato Bhalliya-ttherassa gāthā. Kā uppatti? Ayaṇaṃ kira ito ekatiṇṇse kappe anuppanne Buddhe Sumanassa nāma Pacceka-buddhassa pasanna-citto phalā-phalaṇaṃ datvā, sugatīsu eva saṅsaraṇto Sikhissa sammāsambuddhassa kāle Aruṇavatī-nagare brāhmaṇa-kule nibbatto. Sikhissa Bhagavato paṭhamābhisaṃbuddhassa Ujita-Ojitā⁶ nāma dve satthavāha-puttā paṭhamāhāraṇaṃ adaṇṇsū ti sutvā, attano sahāyakena saddhiṇaṃ Bhagavantaṇaṃ upasankamitvā, vanditvā, svātanāya nimantetvā, mahādānaṇaṃ pavattetvā, patthanaṇaṃ akaṇṇsu: 'Ubho pi mayaṇaṃ, bhante, anāgate tumhādisassa Buddhassa paṭhamāhāra-dāyakaṃ bhaveyyāmaṃ' ti.

¹ A. veditvā; S. vijitabbaṇaṃ kilesa-gaṇaṇaṇaṃ.

² A. paribrūdahāṇa; S. paribrahāṇa.

³ B. avisajjanto.

⁴ A, S. bhāvitaṇaṃ; B. bhāvataṇaṃ vā upādāya.

⁵ Cf. AA. i. 382, Tapassa-Bhallikā; JA. 80, Tapassu-Bhallukā; B. MSS., Taphusso and Phusso. I read Tapussa-Bhalliyā.

⁶ A, B, C. Ujita-Ojitā; S. Upatita-Otitā.

Te tattha tattha bhave puñña-kammaṇ katvā, deva-manus-sesu saṅsarantā, Kassapassa Bhagavato kāle gopālaka-setṭhissa puttā bhātaro hutvā nibbattā Bahūni vassāni bhikkhu-saṅhaṇ khīra-bhojanaena upatṭhahiṇsu. Amhākaṇ pana Bhagavato kāle Pokkharavatī-nagare satthavāhassa puttā bhātaro hutvā nibbattā. Tesu jeṭṭho Tapusso¹ nāma, kaniṭṭho Bhallīyo nāma. Te pañcamattāni sakāṣa-satāni bhaṇḍassa pūretvā, vāṇijjāya gacchantā, Bhagavati paṭhamābhisambuddhe satta-sattāhaṇ vimutti-sukha-dhamma-pac-cavekkhanāhi vītināmetvā, aṭṭhame sattāhe Rājāyatanamūle viharante, Rājāyatanassa avidūre mahāmaggena atikka-manti.

Tesaṇ tasmiṇ samaye same pi² bhūmi-bhāge akaddamo-dake sakatāni na pavattiṇsu. Kinnu kho kāraṇaṇ? ti ca cintentānaṇ porāṇa-sālohitā devatā rukkha-viṭaṇ' abbhan-tare attānaṇ dassenti āha: 'Mārisā, ayaṇ Bhagavā acirā-bhisambuddho sattasattāhaṇ anāhāro vimutti-sukhaṇ pa-tisaṇvedī idāni Rājāyatana-mūle nisinno. Taṇ āhārena paṭimānetha³; tad assa⁴ tumhākaṇ dīgha-rattaṇ hitāya sukhāyā' ti. Taṇ sutvā te ulāraṇ pīti-somanassaṇ pa-tisaṇvedentā, 'āhāra-sampādanaṇ papañcaṇ' ti maññamānā manthaṇ ca madhu-piṇḍaṇ ca⁵ Bhagavato datvā, dve-vācika-saraṇaṇ gantvā, kesa-dhātuyo labhivā agamaṇsu. Te hi paṭhamā upāsakā ahesuṇ.⁶ Atha Bhagavati Bārāṇasīṇ gantvā, dhamma-cakkaṇ pavattetvā, anupubbena Rājagahe viharante, Tapussa-Bhalliyā Rājagahaṇ upagatā Bhaga-vantaṇ upasankamitvā, vanditvā ekamantaṇ nisidiṇsu. Te-saṇ Bhagavā dhammaṇ desesi. Tesu Tapassu sotāpatti-phale patitṭhāya upāsako va ahosi; Bhallīyo pana pabbajitvā chaḷabhiñño ahosi. Tena vuttaṇ *Apadāne* (ii, 416)⁷:

¹ A. Phusso; S. Tapusso. Cf. also VinA. v. 959, Tapussa-Bhallikā (*Mahāvagg.* i, 4).

² A, C. omī same pi.

³ A, S. paṭimānessatha.

⁴ A. dassatha; C, S. yad assa.

⁵ A. madhuṇ ca; B. manthaṇ ca; JA. i, 81; AA. i, 383 manthaṇ ca.

⁶ Cf. A. i, 25.

⁷ Also ascribed to Bhāradvāja v. 177. At Ap. under title Vallikīra-phala-dāyaka.

Sumano nāma sambuddho Takkarāyaṇ vasi tadā.

Vallikāra¹-phalaṇ gayha sayambhussa sās' ahaṇ . . .

pe . . .

Ath' ekadivasaṇ Māro Bhalliya-ttherassa bhiṇsāpan' atthaṇ bhayānakaṇ rūpaṇ dassesi. So attano sabba-bhayātika-maṇ pakāsento *Yo pānudi* ti gātham abhāsi.² Tattha *yo pānudi* ti, yo apānudi, khipi, pajahi, viddhaṇsesi. *Mac-curājassā* ti, maccu nāma maraṇaṇ, khandhānaṇ bhedo; so eva ca sattānaṇ attano vase anuvattanato³ issar' aṭṭhena *rājā* ti, maccu-rājā; tassa. *Senan* ti, jarā-rogaḍīnaṇ hi 'ssa vasa-vattane anga-bhāvato⁴ senā nāma; tena h' esa mahatā nānā-vidhena vipulena mahāsenā ti vuccati. Yath' āha:

Na hi no sangaran⁵ tena mahāsenena maccuṇā ti.

(M. iii, 187; UdA. 89; Dhpa. iii, 430.)

Atha vā guṇa-māraṇ' aṭṭhena *maccū* ti idha deva-putta-māro adhippeto; tassa ca sahāya-bhāvūpagamanato kāmādayo senā. Tatha c' āha:

Kāmā te paṭhamā senā, dutiyārati vuccati,

Tatiyā khuppipāsā te, catutthī taṇhā pavuccati.

Pañcamaṇ thīna-middhan te, chaṭṭhā bhīrū pavuccati.

Sattamī vicikicchā te, māno makkho⁶ ca aṭṭhamo ti.

(Sn. v. 436; Nidd. i, 96.)

Naḷasetuṇ va sudubbalaṇ mahogho ti, sāra-virahitato naḷa-setu-sadisanaṇ, ativiya abala-bhāvato suṭṭhu dubbalaṇ sankilesa-senaṇ nava lokuttara-dhammānaṇ mahā-bbala-bhāvato mahogha-sadisena⁷ agga-maggena yo apānudi vijitāvi ape-ta-bheravo danto, so parinibbuto ṭhitatto ti yojanā.

Taṇ sutvā Māro: 'Jānāti maṇ samaṇo' ti tatth' ev' anta-radhāyi ti.

Bhalliya-tthera-gāthā-vapṇanā

Niṭṭhitā.

¹ A, C. vallikāra; B. bhattakara; S. vallakara.

² S. quotes whole gāthā.

³ A. anuvatt^o; B. vattanato; C. anuvattāpanato.

⁴ A, B. sanghabhāv^o.

⁵ A. no sapparaṇ; B. no sankaraṇ.

⁶ Sn. has makkho thambo te.

⁷ B. mogha-sād^o.

VIRA

Yo *duddamayo* ti, āyasmato Vira-ttherassa gāthā. Kā uppatti? Ayaṇ kira ito ekanavuti-kappe Vipassissa Bhagavato vasanāvāsaṇ¹ paṭijaggi; ekadivasaṇ ca sinduvāra-puppha-sadisāni nigguṇḍi-pupphāni gahetvā Bhagavanantaṇ pūjesi. So tena puñña-kammena deva-manussesu saṇsara-ranto, ito pañca-tiṇse kappe khattiya-kule nibbattitvā, Mahāpatāpo² nāma rājā ahosi cakkavattī. So dhammena samena rajjaṇ karento satte sagga-magge paṭiṭṭhāpesi. Puna imasmiṇ kappe Kassapassa Bhagavato kāle mahāvi-bhavo seṭṭhi hutvā, kapaṇaddhikādīnaṇ dānaṇ dento saṅghassa khīra-bhattaṇ adāsi. Evaṇ tattha tattha dāna-mayaṇ puñña-sambhāraṇ karonto itaraṇ ca nibbān' atthaṇ saṇharanto³ deva-manussesu saṇsaritvā imasmiṇ Buddh' uppāde Sāvatti-nagare rañño Pasenadissa amacca-kule nibbatti. Vīro ti 'ssa nāmaṇ akaṇsu. So vayappatto nā-mānugatehi patta-bala-javādi⁴-guṇehi samannāgato sangāma-sūro hutvā mātā-pitūhi nibandha⁵-vasena kārītena dāra-pariggahe ekaṇ yeva puttaṇ labhitvā, pubba-hetunā codi-yamāno kāmesu saṇsāre ca 'ādīnavaṇ disvā, saṇvega-jāto pabbajitvā, ghaṭento vāyamanto na cirass' eva chaḷabhiñño ahosi. Tena vuttaṇ *Apadāne* (i, 205)⁶:

Vipassissa Bhagavato āsiṇ ārāmiko ahaṇ;

Nigguṇḍi-pupphaṇ paggayha Buddhassa abhiropayaṇ

. . . *pe* . . .

Evaṇ pana arahattaṇ patvā phala-samāpatti-sukhena vītināmentaṇ therāṇ pana purāṇa-dutiyaikā uppabbājetu-kāmā antar' antarā nānā-nayehi palobhetuṇ parakkamantī⁷ ekadivasaṇ divā-vihāra-tṭhānaṇ gantvā, itthi-kuttādīni das-setuṇ ārabhi. Ath' āyasmā Vīro: 'Maṇ palobhetu-kāmā Sineruṇ makasa-pakkha-vātena cāletu-kāmā viya yāva bālā

¹ S, C. ca pana āvāsaṇ; A. vasina; B. vāsana-āvāsaṇ.

² A. Panāpo.

³ A. saṇsaranto; B. sambharanto.

⁴ A. jalavādi.

⁵ B. nibbandha; S. nibbāna.

⁶ *Under title* Nigguṇḍi-pupphiya.

⁷ A. upakkam°; S. uppātetukāma . . . parakkamantī.

vatāyan¹ itthi' ti. Tassa kiriyaṇa niratthaka-bhāvaṇṇa di-
pento *yo duddamayo* ti gātham abhāsi.²

Tattha *yo duddamayo* ti ādinaṇṇa padānaṇṇa attho heṭṭhā-
vutto yeva. Idaṇṇa pan' attha-yojanā-mattaṇṇa: *Yo pubbe*
adanta-kilesatāya paccatthikehi vā sangāma-sīse dametuṇṇa,
jetuṇṇa, asakkuṇṇeyyatāya duddamayo. Idāni pana uttamaṇa
damena danto catubbidha-sammappadhāna-viriya-sampattiya
vīro vutta-nayen' eva *santusito vitinṇa-kankho vijitāvi apeta-*
lomahaṇṇso viro vira-nāmakō anavasesato kilesa-parinibbānena
parinibbuto tato eva tṭhita-bhāvo, na tādisānaṇṇa satena pi
*sahassena pi cālaniyo*³ ti.

Taṇṇa sutvā sā itthi: 'Mayhaṇṇa sāmike evaṇṇa paṭipanne'⁴
ko mayhaṇṇa gharāvāsena attho?' ti saṇṇavega-jātā bhikkhuṇṇisu
pabbajitvā na cirass' eva tevijjā ahoṣi ti.

Vira-tthera-gāthā-vanṇanā

Niṭṭhitā.

PILINDA-VACCHA

*Svāgatan*⁵ ti, āyasmato Pilinda-vaccha-ttherassa gāthā.
Kā uppatti? Ayaṇṇa kira Padumuttara-buddha-kāle Haṇṇsa-
vatī-nagare mahābhoga-kule nibbatto. Heṭṭhā vutta-na-
yen' eva Satthu santike dhammaṇṇa suṇanto Satthāraṇṇa ekaṇṇa
bhikkhuṇṇa devatānaṇṇa piya-manāpa-bhāvena agga-tṭhāne tṭha-
pentaṇṇa disvā, taṇṇa tṭhān' antaraṇṇa patthetvā yāva-jīvaṇṇa kusa-
laṇṇa katvā, tato cuto deva-manussesu saṇṇsaranto Sumedhassa
Bhagavato kāle manussa-loke nibbattitvā, Bhagavati pari-
nibbuta Satthu thūpassa pūjaṇṇa katvā, sanghe ca mahādānaṇṇa
pavattetvā, tato cuto devamanussesu eva saṇṇsaranto anup-
panne Buddhe cakkavattī rājā hutvā, mahājanaṇṇa pañcasu
sīlesu patitṭhāpetvā, sagga-parāyanaṇṇa akāsi.

So anuppanne yeva ambhākaṇṇa Bhagavati Sāvattiyaṇṇa
brāhmaṇa-gehe nibbatti. Pilindo ti 'ssa nāmaṇṇa akaṇṇsu:

¹ A. balavatāyaṇṇa; B. balāvatāyaṇṇa.

² S. quotes whole gāthā.

³ B. cālaniyo; S. cālaniyo.

⁴ C. paṭipajjante.

⁵ A. adds nāvagaṇṇa. The verses occur again at v. 885; cf. AA. i, 276.

Vaccho ti pana gottaṇ.¹ Tena so aparabhāge Pilinda-Vaccho ti paññāyittha. Saṅsāre pana saṅvega-bahulatāya paribbājaka-pabbajjaṇ pabbajitvā, cūḷa-gandhāraṇ nāma vijjaṇ² sādhetvā,³ tāya vijjāya ākāśacārī paracitta-vidū ca hutvā, Rājagahe lābhagga-yasagga-ppatto paṭivasati. Atha yadā ambhākaṇ Bhagavā abhisambuddho hutvā anukkamena Rājagahaṇ upagato, tato paṭṭhāya Buddhānubhāvena tassa sā vijjā na sampajji, attano kiccaṇ na sādhesi. So cintesi: Sutaṇ kho pana me taṇ ācariya-pācariyānaṇ bhāsamanānaṇ: 'Yattha mahāgandhāra-vijjā dharati,⁴ tattha cūḷa-gandhāra-vijjā na sampajjati' ti. Samaṇassa pana Gotamassa āgata-kālato paṭṭhāya nāyaṇ mama vijjā sampajjati; nissaṇsayanaṇ samaṇo Gotamo mahāgandhāra-vijjaṇ jānāti. Yannūnāhaṇ payirupāsivā tassa santike taṇ vijjaṇ pariyāpuneyyan?' ti.

So Bhagavantaṇ upasankamitvā etad avoca: 'Ahaṇ, mahāsamaṇa, tava santike ekaṇ vijjaṇ pariyāpunitu-kāmo. Okāsaṇ me karohi' ti. Bhagavā: 'Tena hi pabbajā' ti āha. So: 'Vijjāya parikammaṇ pabbajā' ti maññamāno pabbaji. Tassa Bhagavā dhammaṇ kathetvā caritānukūlaṇ⁵ kammaṭṭhānaṇ adāsi. So upanissaya-sampannatāya na cirass' eva vipassanaṇ vaddhetvā arahattaṇ pāpuṇi. Yā pana purima-jātiyaṇ tass' ovade ṭhatvā sagge nibbattā devatā taṇ kataññutaṇ nissāya sañjāta-bahumānā sāyaṇ pātaṇ theranaṇ payirupāsivā gacchanti. Tasmā thero devatānaṇ piya-manāpatāya aggataṇ patto.⁶ Tena vuttaṇ *Apa-dāne* (i, 59)⁷:

Nibbute loka-nāthamhi Sumedhe agga-puggale

Pasanna-citto sumano thūpa-pūjaṇ akāś' ahaṇ ... pe ...

Tathā devatāhi ativiya piyāyitabba-bhāvato imaṇ theranaṇ Bhagavā devatānaṇ piya-manāpa-bhāvena agga-ṭṭhāne ṭhapesi: 'Etad aggaṇ, bhikkhave, mama sāvakanāṇ bhikkhūnaṇ devatānaṇ piya-manāpānaṇ yadidaṇ Pilindavaccho' ti (A. i, 24).

¹ AA. Pilindo ti pan' assa gottaṇ; Vaccho ti nāmaṇ. A, S. Pilindi. B. Pilindho.

² Cf. D. i, 213; J.A. iv, 493.

³ B. varati.

⁴ AA. i, 278.

⁵ A. sodhetvā.

⁶ A. cariyānu; B. caritvānu.

⁷ Another P. at i, 302.

So ekadivasan bhikkhu-sangha-majjhe nisinno attano guṇe paccavekkhitvā tesaṇ kāraṇa-bhūtaṇ vijjā-nimittaṇ Bhagavato santike āgamaṇaṇ pasaṇsanto, *svāgataṇ nāpagataṇ* ti gātham abhāsi. Tattha *svāgataṇ* ti, sundaraṇ āgataṇ¹ idaṇ mamā ti sambandho. Atha vā *svāgataṇ* ti suṭṭhu āgataṇ mayā ti vibhatti² parināmetabbā. *Nāpagataṇ*³ ti, na apagataṇ, na durāgataṇ, hitābhivuddhito⁴ na apetaṇ. *Na-y-idaṇ dummantitaṇ mamā* ti, idaṇ mama duṭṭhu kathitaṇ duṭṭhu vā vimaṇsitaṇ⁵ na hoti; idaṇ vuttaṇ hoti: Yaṇ Bhagavato santike mam' āgamaṇaṇ, yaṇ vā mayā vatta-gataṇ,⁶ taṇ svāgataṇ; taṇ svāgatattā yeva na durāgataṇ; nāpi duṭṭhu āgataṇ⁷ yaṇ Bhagavato santike dhammaṇ sutvā 'pabbajissāmi' ti mama mantitaṇ kathaṇ kathitaṇ⁸ cinte tvā vimaṇsitaṇ; idam pi na⁹ dummantitaṇ.

Idāni tattha kāraṇaṇ dassento *saṇvibhattesū* ti ādim āha. *Saṇvibhattesu*¹⁰ *dhammesū* ti, ñeyya-dhammesu samatha-dhammesu vā; nānā-titthiyehi pakati-ādi-vasena sammā-sambuddhehi dukkhādi-vasena saṇvibhajitvā vatta-dhammesu.¹¹ *Yaṇ seṭṭhaṇ tad upāgamin* ti, yaṇ tattha seṭṭhaṇ taṇ catu-sacca-dhammaṇ tassa vā bodhakaṇ sāsana-dhammaṇ upāgamin. 'Ayaṇ dhammo ayaṇ vinayo' ti upagañchiṇ. Sammā-sambuddhehi eva vā kusalādi-vasena khandhādi-vasena yathā-sabhāvato saṇvibhattesu sabhāva-dhammesu yaṇ tattha seṭṭhaṇ uttamaṇ pavaraṇ, taṇ magga-phala-nibbāna-dhammaṇ¹² upāgamin. Atthaṇ paccakkhato¹³ upagañchiṇ, sacchākāsiṇ, tasmā svāgataṇ mama na apagataṇ, sumantitaṇ na dummantitaṇ ti yojanā.

Pilindavaccha-tthera-gāthā-vanṇanā

Niṭṭhitā.

¹ A, C. āgamaṇaṇ. ² A. vibhatta-pari°. ³ B. durāgataṇ.

⁴ B, S. -buddhito. ⁵ C. omits. ⁶ B. tattha āgataṇ. ⁷ A, C. omit.

⁸ A mama santikaṇ gataṇ; C, mama cintitaṇ gaditaṇ kathitaṇ.

⁹ A. idam pi duppejjaṇ bhavamitaṇ.

¹⁰ A, C. pakārato vibhattesu; *Dhammesū* (C.) ti, dviṣu dhammesu vā nānātitthiyehi. *In this passage, where all differ widely, I follow B. (ñeyya-dhammesu, etc.).*

¹¹ A. vibbhajj°; B. saṇvibhajj°; C. suvibhajj°; V. vutta-dh°.

¹² A. magga-nibbānaṇ-dh.; B. as above; C. omits nibbāna.

¹³ A. atthaṇ paccavekkhato; B. atta-paccakkhato; S. agga-pacc°.

PUNṆAMĀSA

[3] *Vihari apekkhan* ti, āyasmato Punṇamāsa-ttherassa gāthā. Kā uppatti? So kira Vipassissa Bhagavato kāle cakkavāka-yoniyaṃ nibbatto Bhagavantaṃ gacchantaṃ disvā pasanna-mānaso attano mukha-tuṇḍena sāla-pupphaṃ gahe-tvā pūjaṃ akāsi. So tena puñña-kammaena deva-manussesu saṃsaranto ito sattarase kappe aṭṭhakhattuṃ cakkavatti rājā ahosi. Imasmiṃ pana kappe Kassapassa Bhagavato sāsane osakkamāne kuṭumbiya-kule nibbattitvā, pabbajitvā, samaṇa-dhammaṃ katvā, tato cuto deva-manussesu saṃsaranto imasmiṃ Buddh' uppāde Sāvatti-nagare Samiddhissa nāma¹ brāhmaṇassa putto hutvā nibbatti. Tassa jātadivase tasmiṃ gehe sabbā rittā kumbhiyo suvaṇṇa-māsānaṃ puṇṇā ahesuṃ. Ten' assa Punṇamāso nāmaṃ akaṃsu. So vayappatto brāhmaṇa-vijjāsu nipphattiṃ patvā, vivāha-kammaṃ katvā, ekaṃ puttaṃ labhitvā, upanissaya-sampannatāya gharāvāsaṃ jigucchanto Bhagavantaṃ upasankamitvā, dhammaṃ sutvā, paṭiladdha-saddho pabbajitvā, laddhūpa-sampado pubba-kicca-sampanno taca-pañcaka²-kammaṭṭhāne yutta-payutto vipassanaṃ ussukkāpetvā³ arahattaṃ pāpuṇi. Tena vuttaṃ *Apadāne* (i, 113)⁴:

Sindhuyā nadiyā tīre cakkavāko ahuṃ tadā;

Suddha-sevāla-bhakkho 'haṃ pāṇesu ca susaṇṇato⁵ . . .

pe . . .

Ath' assa purāṇa-dutiyikā taṃ palobhetu-kāmā alankata-paṭiyattā puttena saddhiṃ upagantvā vilāsa⁶-bhāvādikehi bhāva-vivaraṇa-kammaṃ⁷ nāma kātuṃ ārabhi. Thero tassa kāraṇaṃ disvā, attano katṭhaci pi alagga-bhāvaṃ pakāseto, *vihari apekkhan* ti gātham abhāsi. Tattha *vihari* ti, visesato ahariṃ, apahariṃ, apanesiṃ. *Apekkhan* ti, taṇhaṃ. *Idhā* ti, imasmiṃ loke attabhāve vā. *Huraṇ* ti, parasmiṃ anāgate attabhāve vā. *Idhā* ti vā ajjhattikesu āyatanesu. *Huraṇ*

¹ B. Samiddhināmassa.

² A. catupañca; B. catusacca.

³ B. usakkamētvā.

⁴ Under tillo Paccāgamaniya.

⁵ A. pāpuṇesu ca suṇṇato.

⁶ C. piyālāpa-; S. piyālāpahāsa-vādik°.

⁷ B. tāva viraka-kammaṃ; S. vigata-kammanā.

ti, bāhiresu; vā saddo samuccay' attho, 'apadā vā dvipadā vā' ti ādisu viya. Yo ti, attānam eva paraṇ viya dasseti. Vedagū ti, vedena gato, magga-ñāṇena nibbānaṇ gato, adhigato; cattāri va saccāni pariñña-ppahāna-sacchikiriya-bhāvanābhisamāya-vasena abhisamecca abhisamaye ca ṭhito. Yatatto ti, magga-saṇvarena saṇyata-sabbhāvo; sammā vāyāmena vā saṇyata-sabbhāvo.¹ Sabbesu dhammesu anupalitto ti, sabbesu ārammaṇesu dhammesu taṇhā-ditṭhi-lepa-vasena na upalitto; tena lābhādi-loka-dhamme samatikkamaṇ dasseti. Lokassā ti, upādāna-kkhandha-pañcakassa; taṇ hi lujjana-palujjan' aṭṭhena loko. Jaññā ti, jānitvā. Udayabbayaṇ² cā ti, uppādaṇ c' eva vayaṇ ca; etena yathā-vuttagunānaṇ pubba-bhāga-paṭipadaṇ dasseti. Ayam pan' ettha attho: Yo sakalassa khandhādi-lokassa sama-paṇṇāsākārehi³ udayabbayaṇ jānitvā vedagū yatatto katthaci anupalitto, so sabbattha apekkhaṇ vineyya⁴ santusito tādisānaṇ vipakārānaṇ na kiñci maññati.⁵ Tasmā tvaṇ, andha-bāle, yathāgata-maggen' eva gacchā ti. Atha sā itthi 'ayaṇ samaṇo mayi putte ca⁶ nirapekkho. Na sakkā imaṇ pasādetun '7 ti pakkāmi.

Puṇṇamāsa-tthera-gāthā-vanṇanā Niṭṭhitā.
Paramattha-dīpaniyā Theragāthā-vanṇanāya.
Paṭhama-vagga-vanṇanā Niṭṭhitā.

CŪLAGAVACCHA

Pāmojja-bahulo ti, āyasmato Cūlagavacchassa therassa gāthā. Kā uppatti? So kira Padumuttarassa Bhagavato kāle daliddā-kule nibbattitvā paresaṇ bhatiyā jīvikaṇ kap-pento Bhagavato sāvakaṇ Sujātaṇ nāma therāṇ paṇsukūlaṇ pariyesantaṇ disvā, pasanna-mānaso upasankamitvā, vatthaṇ datvā, pañca-paṭiṭṭhitena vandi. So tena puñña-kammena tettiṇsakkhattuṇ deva-rajjaṇ kāresi, satta-satakkhattuṇ cak-

¹ A. saṇyama-sabbh°.

² S. udayabbayaṇaṇ.

³ B. paññāsāya āk°.

⁴ B. vineyye.

⁵ A. kinti maññe.

⁶ A. mayi puññe ti; S. mayaṇ mutte ca.

⁷ A. pahāretuṇ; C. palobhetuṇ; S. paṭāretuṇ.

kavattī-rājā ahosi, aneka-vāre padesa-rājā. Evaṃ deva-manussesu saṃsaranto Kassapassa Bhagavato sāsane osakka-māne pabbajitvā, samaṇa-dhammaṃ katvā, ekaṃ Buddh' antaraṃ deva-manussa-gatīsu¹ aparāparaṃ parivattento amhākaṃ Bhagavato kāle Kosambiyaṃ brāhmaṇa-kule nibbatti. Cūlagavaccho ti 'ssa nāmaṃ ahosi. So veyyappatto brāhmaṇa-sippesu nipphattiṃ gato Buddha-guṇe sutvā, pasanna-mānaso Bhagavantaṃ upasankami. Tassa Bhagavā dhammaṃ kaṭhesi. So paṭiladdha-saddho pabbajitvā laddhūpasampado kata-pubba-kicco caritānukūlaṃ kammaṭṭhānaṃ bhāvento vihari. Tena samayena Kosambikā bhikkhū bhaṇḍana-jātā ahesuṃ. Tadā Cūlagavaccha-tthero ubhayesaṃ bhikkhūnaṃ laddhiṃ anādāya Bhagavatā dinn' ovāde ṭhatvā, vipassanaṃ brūhetvā arahattaṃ pāpuṇi. Tena vuttaṃ *Apadāne* (ii. 435)²:

Padumuttara-bhagavato Sujāto nāma sāvako

Paṇsukūlaṃ gavesanto sankāre caratī tadā . . . pe . . .

Atha Cūlagavaccha-tthero arahattaṃ patvā, tesāṃ bhikkhūnaṃ kalahābhiraṭṭiyā sakattha-vināsaṃ disvā, dhamma-saṃvega-ppatto attano ca patta³-viseṣaṃ paccavekkhitvā, pīti-somanassa-vasena *pāmojja-bahulo* ti gātham abhāsi.⁴ Tattha *pāmojja-bahulo* ti, supariśuddha-sīlatāya vippaṭṭisā-rābhāvato adhikusalessu dhammesu abhirati-vasena pamoda-bahulo. Ten' ev' āha *dhamme Buddha-ppavedite* ti. Tattha *dhamme* ti, satta-tiṇṣāya bodhi-pakkhiya-dhamme, nava-vidhe vā lokuttara-dhamme. So hi sabbaññu-buddhena samukkaṇṣikāya desanāya pakāsitattā sātisaṃsaṃ Buddha-ppavedito ti nāma; tassa pana adhigamūpaya-bhāvato desanā-dhammo pi idha labbhate va. *Padaṃ santaṃ* ṭi, nibbānaṃ sandhāya vadati. Evarūpo hi bhikkhu santaṃ padaṃ, santaṃ koṭṭhāsaṃ, sabba-sankhārānaṃ upasama-bhāvato *sankhā-rūpasamaṃ*, parama-sukhatāya *sukhaṃ*, nibbānaṃ adhigacchati, vindati yeva. Pariśuddha-sīlo hi bhikkhu vippaṭṭisā-rābhāvena *pāmojja-bahulo* saddhamme yutta-ppayutto vimutti-pariyosānā sabba-sampattiyo pāpuṇāti. Yathāha 'avip-

¹ S. devamanussa-sugatīsu.

² Under title Upaddha-dussa-dāyaka.

³ S. magga-viseṣaṃ.

⁴ S. quotes whole gāthā.

paṭisār' atthāni kho, Ānanda, kusalāni silāni: avippaṭisāro pāmujj' attho¹ ' ti ādi (A. v, 1 ff.).

Atha vā *pāmojja-bahulo* ti, ' sammāsambuddho Bhagavā, svākkhāto dhammo, supaṭipanno sangho ' ti (M. i, 37) ratana-ttayaṇ sandhāya² pamoda-bahulo. Tattha pana so pamoda-bahulo: ' Kiṇ vā koroti ? ' ti āha; ' dhamme Buddha-ppavedite ' ti ādi. Saddhā-sampannassa³ hi sappurisa-saṇsevana-saddhamma-savaṇa-yoniso-manasikāra-dhammā-nudhamma-paṭipattīnaṇ sukhena' eva sambhavato sampattiyo hattha-gatā eva honti; yath' āha: ' saddhā-jāto upasankamati, upasankamanto payirupāsati ' ti ādi (M. i, 480).

Cūlagavaccha-tthera-gāthā-vaṇṇanā
Niṭṭhitā.

MAHĀGAVACCHA

Paññābali ti, āyasmato Mahāgavaccha-ttherassa gāthā. Tassa kā uppatti? Ayaṇ kira Padumuttarassa Bhagavato bhikkhu-sanghassa ca pāṇiya-dānaṇ adāsi. Puna Sikhissa Bhagavato kāle upāsako hutvā vivattūpanissayaṇ bahuṇ puñña-kammaṇ akāsi. So tehi puñña-kammehi tattha tattha sugatīsu yeva saṇsaranto, imasmiṇ Buddh' uppāde Magadharatṭhe Nālakagāme Samiddhissa nāma brāhmaṇassa putto hutvā nibbatti. Tassa Mahāgavaccho ti nāmaṇ ahosi. So vayappatto āyasmato Sāriputtassa Bhagavato sāvaka-bhāvaṇ sutvā: ' So pi nāma mahāpañño. Yassa sāvakattaṇ upagato so eva maññe imasmiṇ loke agga-puggalo ' ti Bhagavati saddhaṇ uppādetvā, Satthu santike pabbajitvā, kammaṭṭhānaṇ anuyuñjanto na cirass' eva arahattaṇ pāpuṇi. Tena vuttaṇ *Apadāne* (ii, 437)⁴:

Padumuttara-Buddhassa bhikkhu-sanghe anuttare

Pasanna-citto sumano pāṇiya-ghaṭam⁵ apūjayiṇ . . .

pe . . .

¹ A, C, S. pīmujjatthāya; B. pāmojjatāya.

² S. tena tayaṇ saddhāya; B. ttayaṇ saddhāya.

³ B. saddhā-pasannassa.

⁴ Under title Udaka-dāyako.

⁵ A. pāṇiya-gh.; B. pāni-gh.

Evaṃ pana arahattaṃ patvā vimutti-sukhaṃ anubhavanto sāsanaassa niyyānika-bhāva-vibhāvanena¹ sābrahmacāriṇaṃ ussāha-janaṃ' atthaṃ paññābalī ti gātham abbhāsi. Tattha paññābalī ti, pārihāriya-paññāya vipassanā-paññāya ca vasena abhiñhaso sātisaṃyena paññā-balena samannāgato. *Sīlabbatūpapaṇṇo*² ti, ukkaṇṣa-gatena ca catu-pārisuddhisīlena dhuta-dhamma-sankhātehi vatehi ca upapaṇṇo samannāgato. *Samāhito* ti, upacār' appaṇā-bhedena samādhinā samāhito.³ *Jhānarato* ti, tato eva ārammaṃ' ūpanijjhāne lakkhaṃ' ūpanijjhāne ca nirato, satābhīyutto, sabba-kālaṃ satiyā avippavāsa-vasena *satimā*. *Yadatthiyaṃ* ti, atthato anapetaṃ, atthiyaṃ; yena atthiyaṃ, yad atthiyaṃ. Yathā paccaye paribhuñjantassa paribhuñjanaṃ atthiyaṃ hoti,⁴ tathā *bhojanaṃ bhuñjamāno* no. Sāmi-paribhogena hi taṃ atthiyaṃ hoti, dāyajja-paribhogena aññathā bhojanaṃ ti ca nidassan' atthaṃ datṭhabbaṃ.⁵ Bhuñjīyati paribhuñjīyatī ti vā bhojanaṃ, cattāro paccayā. *Yad atthikaṃ* ti vā pāṭho; yadatthaṃ yass' atthāya Satthārā paccayā anuññātā, tadatthaṃ kāyassa⁶ ṭhiti ādi atthaṃ; taṃ ca anupādisesa-nibbān' atthaṃ, tasmā anupāda-parinibbān' atthaṃ bhojanaṃ paccaye bhuñjamāno, tato eva *kankhetha kālaṃ*,⁷ attano anupāda-parinibbāna-kālaṃ āgameyya. *Idha*, imasmiṃ sāsane. *Vītarāgo*, bāhira-kassa pana kāmesu vītarāgassa idaṃ n' atthī ti adhippāyo.

Mahāgavaccha-tthera-gāthā-vapṇanā
Niṭṭhitā.

VANAVACCHA (A)

Nīlabbhavaṇṇā ti, āyasmato Vanavaccha-ttherassa gāthā. Tassa kā uppatti? So kira Atthadassino Bhagavato kāle kacchapa-yoniyaṃ nibbatto Vinatāya nāma nadiyā vasati. Tassa khuddaka-nāvā-ppamāno attabhāvo ahosi. So eka-

¹ A. S, tādibhāvena.

² Text silavat°.

³ As at UdA. 268.

⁴ Cf. VM. i, 44 (paribhogā).

⁵ S. hitaṃ atthaṃ yaṃ hoti . . . satidassanamattaṃ datṭhabbaṃ.

⁶ A. tad atthī kāyassa.

⁷ Text kankheta; so B.; S. kankhāta.

divasaṇ Bhagavantaṇ nadiyā tīre t̥hitaṇ disvā, 'Pāraṇ gantu-kāmo, maññe, Bhagavā' ti attano piṭṭhiyaṇ āropetvā netu-kāmo pāda-mūle nipajji. Bhagavā tassa ajjhāsayāṇ ñatvā taṇ akkamanto¹ āruhi. So pīti-somanassa-jāto sotaṇ chindanto jiyāya vegena khitta-saro viya tāva-d-eva para-tīraṇ pāpesi. Bhagavā tassa puññassa phalaṇ etarahi nibbattana-sampattiṇ ca² byākari tvā pakkāmi. So tena puñña-kammaena deva-manussesu saṇsaranto, aneka-satakkhattuṇ tāpasa-pabbajjaṇ pabbajitvā araṇña-vāsī yeva ahosi. Puna Kassapa-buddha-kāle kapotaka-yoniyaṇ nibbattitvā, araṇñe viharantaṇ mettā-vihāriṇ ekaṇ bhikkhuṇ disvā, cittaṇ pasādesi. Tato pana cuto Bārāṇasiyaṇ kula-gehe nibbattitvā, vayappatto saṇvega-jāto pabbajitvā, vivattūpanissayaṇ bahuṇ puñña-kammaṇ upaciṇi. Evaṇ tattha tattha deva-manussesu saṇsaritvā, imasmiṇ Buddh' uppāde Kapilavatthu-nagare Vacchagottassa nāma brāhmaṇassa gehe paṭisandhiṇ gaṇhi. Tassa mātā paripakka³-gabbhā araṇñaṇ dassan' atthāya sañjāta-dohaḷā, araṇñaṇ pavisitvā vicarati. Tāva-d-ev' assā kammaja-vātā caliṇsu. Tiro-karaṇiṇ parikkhipitvā adaṇsu. Sā dhaṇña-puñña-lakkhaṇa-puttaṇ vijāyi. So Bodhisattena saha paṇsu-kīlika⁴-sahāyo ahosi. Vaccho ti 'ssa nāmaṇ gotta-nāmaṇ ca ahosi; vanābhiritiyā vasena Vana-vaccho ti paññāyittha. Aparabhāge⁵ Mahāsatte mahābhikkhamanaṇ nikkhamitvā mahāpadhānaṇ padahante, 'aham pi Siddhattha-kumārena saha araṇñe viharissāmī' ti nikkhamitvā, pabbajjaṇ pabbajitvā, Himavante vasanto abhisambuddha-bhāvaṇ sutvā, Bhagavato santikaṇ upagantvā, pabbajitvā, kammaṭṭhānaṇ gahetvā araṇñe vasa-māno na ciren' eva vipassanaṇ ussukkāpetvā, arahattaṇ sacchākāsi. Tena vuttaṇ *Apadāne* (ii, 428)⁶:

Atthadassī tu Bhagavā sayambhū loka-nāyako

Vinatā nadiyā tīraṇ upagañchi Tathāgato . . . pe . . .

¹ B, C, S. anukampanto; A. akkamanto.

² A. nibbattana sampettig; B. nippattaṇ samp.; S. nibbattana-sampattiṇ ca karitvā.

³ A, C. paripuṇṇa.

⁴ S. paṇsukūlika.

⁵ B. omits a line.

⁶ Under title Taraniya; also for Nanda at v. 157.

Evaṃ pana arahattaṃ patvā, Bhagavati Kapilavatthūsmin viharante, tattha gantvā, Satthāraṃ vanditvā, bhikkhūhi sahaḡato¹ paṭisanthāra-vasena ‘Kiṃ, āvuso, araṇṇe phāsu-vihāro laddho?’ ti puṭṭho, ‘Ramaṇiya, āvuso, araṇṇe pabbatā’ ti attanā vuttha-pabbate olokento² nīlabbhavaṇṇā ti gātham abhāsi.

Tattha nīlabbha-vaṇṇā ti, nīla-valāhaka-nibhā, nīla-valāhaka-saṇṭhānā ca.³ Rucirā ti, rucirā sakaraṇīyā⁴ pabhassarā ca. Sītavārī ti, sītala-salilā. Sucindharā ti,⁵ suci-suddha-bhūmi-bhāgatāya suddha-citrānaṃ vā ariyānaṃ nivāsanaṭṭhānatāya suci[n]dharā; gāthā-sukh’ atthaṃ hi sānunaṣikaṃ katvā niddeso. Sītaṃ-vārī-sucindarā ti vā pāṭho: sīta-sucivārī-pūra⁶-sītala-vimala-salilāsaya-vaṇṇo⁷ ti attho. Indagopaka-saṇṭhannā ti, indagopaka-nāmakehi pavāla-vaṇṇehi ratta-kimīhi saṇṭhādītā. Pāvusa-kāla⁸-vasena evaṃ āha. Keci pana⁹ indagopaka-nāmāni ratta-tiṇāni ti vadanti. Apare kaṇikāra-rukkhā ti. Selā ti, sela-mayā pabbatā; na paṇsu-pabbatā ti attho. Ten’ āha: ‘Yathā hi pabbato selo’ ti (A. ii, 44). Ramayanti maṃ ti, maṃ ramāpenti, mayhaṃ vivekābhiraṭṭiṃ paribhūhenti.

Evaṃ therō attano cira-kāla-paribhāvitaṃ araṇṇābhiraṭṭiṃ pavedento tividhaṃ vivekābhiraṭṭim eva dīpeti. Tattha upadhi-vivekena aṇṇā-byākaraṇaṃ dīpitam eva hoti ti.

Vanavaccha-tthera-gāthā-vaṇṇanā
Nīṭṭhitā.

¹ A, C. saṃḡato.

² B, C. vaṇṇanto; S. vaṇṇento; A. olokento.

³ A. abbha-valāhaka-saṇṭhānā; and omits first item.

⁴ S. rucirāyaka-varamariyā.

⁵ A. sucikandarā and below.

⁶ So A., but B. variro; C, S. vāridhāra.

⁷ B. -abhayaavanto.

⁸ A. pāvussa-k.; C. tathā ussanna-k.

⁹ Def. thus at JA. iv, 258 (etassa vana-saṇḍassa bhūmi indagopaka-vaṇṇāya rattāya sukha-samphassīya tiṇa-jātiyā saṇṭhannā ti-vassika-sasakassa kucchi viya mudukā).

SĪVAKA (SĀMAṆERA)

Upajjhāyo ti, Sīvakassa sāmaṇerassa gāthā. Tassa kā uppatti? So kira ito ekatiṇṣa-kappe Vessabhussa Bhagavato kāle kula-gehe nibbatto ekadivasaṇ kenaci-d-eva karaṇiyena araṇṇaṇ pavitṭho tattha pabbat' antare nisinnaṇ. Vessabhuṇ Bhagavantaṇ disvā, pasanna-citto upasankamitvā, vanditvā, añjaliṇ paggayha aṭṭhāsi. Puna tattha manoharāni kāsū-mārika¹-phalāni disvā, tāni gahetvā, Bhagavato upanesi. Paṭiggahesi Bhagavā anukampaṇ upādāya. So tena puñña-kammaena deva-manussesu saṇsaranto Kassapassa Bhagavato sāsane mātule pabbajante, tena saddhiṇ pabbajitvā, bahuṇ vivattūpanissayaṇ kusalaṇ upacinitvā, imasmiṇ Buddh' uppāde Vanavaccha-ttherassa bhāgineyyo hutvā nibbatto. Sīvako ti 'ssa nāmaṇ ahosi. Tassa mātā attano jeṭṭha-bhātike Vanavacche sāsane pabbajitvā, pabbajja-kiccaṇ mattha-kaṇ pāpetvā, araṇṇe viharante taṇ pavattiṇ sutvā puttam āha: 'Tāta Sīvaka, therassa santike pabbajitvā therāṇ upaṭṭhaha; mahallako 'dāni thero' ti. So mātu eka-vacanen' eva ca pubbe katādhikārataya ca mātula-ttherassa santikaṇ gantvā, pabbajitvā, taṇ upaṭṭhahanto araṇṇe vasati. Tassa ekadivasaṇ kenaci-d-eva karaṇiyena gāmantāṇ gatassa kharo ābādho uppajji. Manussesu pi bhesajjaṇ karontesu pi na paṭipassambhi. Tasmiṇ cirāyante thero: 'Sāmaṇero cirāyati. Kinu kho kāraṇaṇ?' ti. Tattha gantvā, taṇ gilānaṇ disvā, tassa taṇ taṇ kattabba-yuttakaṇ² karonto, divasa-bhāgaṇ vītināmetvā ratti-bhāge balava-paccūsa-velāyaṇ āha: 'Sīvaka, na mayā pabbajita-kālato paṭṭhāya gāme vasita-pubbaṇ; ito araṇṇam eva gacchāmā' ti. Taṇ sutvā Sīvako: 'Yadi pi me, bhante, idāni kāyo gāmaṇte ṭhito, cittaṇ pana araṇṇe; tasmā sayāno pi araṇṇam eva gamissāmi' ti. Taṇ sutvā thero taṇ bhāyaṇ gahetvā, araṇṇam eva netvā, ovādaṇ adāsi. So therassa ovāde ṭhatvā vipassitvā arahattaṇ pāpuṇi. Tena vuttaṇ *Apadāne*³ (i, 294):

¹ ? Skt. kāmrya; A. sumārika.

² B. tanta-kattabb.; S. tassa taṇ gaṇ katapubbaṇ yuttaṇ.

³ Under title Kāsumāri-phala-dāyaka.

Kaṇikāraṇ va jotantaṇ nisinnaṇ pabbat' antare
Addasaṇ virajaṇ Buddhaṇ lokajetthaṇ narāsabhaṇ . . .
pe . . .

So arahattaṇ patvā upajjhāyena attanā ca vuttam atthaṇ
saṅsandetvā attano vivekābhiraṭṭiṇ kata-kiccataṇ ca pave-
dento, *upajjhāyo maṇ avacāsī* ti gātham abhāsi.

Tattha *upajjhāyo* ti, vajjāvajjaṇ upanijjhāyati; hitesitaṇ
paccupaṭṭhapetvā ñāṇa-cakkhunā pekkhati ti *upajjhāyo*.¹
Maṇ ti, attānaṇ vadati. *Avacāsī* ti, abhāsi. *Ito gacchāma*,
Sivakā ti, vuttākāra-dassanaṇ. Sivaka, ito gām' antarato
arañña-tṭhānam eva ehi gacchāma; tad eva amhākaṇ vasana-
yoggaṇ ti adhippāyo. Evaṇ pana upajjhāyena vutto Sivako
bhadro assājāniyo viya kasābhīhato² sañjāta-saṇvego hutvā
araññaṇ eva gantu-kāmataṇ pavedento;

Gāme me vasati kāyo, araññaṇ me gato mano.

Semānako pi gacchāmi; n' atthi sango vijānatan ti
āha. Tass' attho: Yasmā idāni yadi pi me idaṇ sarīraṇ
gām' antare ṭhitaṇ, ajjhāsayo pana araññaṇ eva gato;
tasmā semānako pi gacchāmi, gelaññaṇa ṭhāna-nisaṇṇa-
manesu asamatthatāya³ sayāno pi iminā sayitākārena sari-
sappo viya parisappanto,⁴ 'etha, bhante, araññaṇ eva
gacchāma.' Kasmā? N' atthi sango vijānatan ti. Yasmā
dhamma-sabbhāvā kāmesu saṅsāre ca ādīnavaṇ, nekkhamme
nibbāne ca ānisaṇsaṇ yathāvato jānantassa na katthaci
sango, tasmā ekapaden' eva upajjhāyassa āṇa anuṭṭhitā⁵ ti,
tad apadesena aññaṇ byākāsi.

Vanavaccha-tṭhēra-gāthā-vapṇanā
Nīṭṭhitā.

¹ Cf. VinA. v, 1033; S. quotes whole gāthā.

² A. kāsābhipāto.

³ S. addhānanisaṇṇa . . . asāṇsatthatāya.

⁴ A. sirīṇsappo viya sirīsammaṇṇo; B. sarisabbo . . . sarisabbanto;
C. sirīṇsappo parisappanto; S. sarisappo (cf. M. i, 10 note).

⁵ So A, B.; C, āṇa anuṭṭhito.

KUṆḌADHĀNA¹

Pañca chinde pañca jahe ti, āyasmato Kuṇḍadhāna-ttherassa gāthā. So kira Padumuttarassa Bhagavato kāle Haṇsavatī-nagare kula-gehe uppanno, vayappatto heṭṭhā vutta-nayen' eva Bhagavantaṇ upasankamitvā, dhammaṇ suṇanto Satthārā ekaṇ bhikkhuṇ paṭhamaṇ salākaṇ gaṇhantānaṇ agga-tṭhāne ṭhapiyamānaṇ disvā, taṇ ṭhān' antaraṇ patthetvā tad anurūpaṇ puññaṇ karonto vicari. So ekadivasaṇ Padumuttarassa Bhagavato nirodha-samāpattito vuṭṭhāya nisin-nassa manosilā-cuppa-piñjaraṇ² mahantaṇ kadali-phala-kaṇ-ṇikaṇ upanesi. Taṇ Bhagavā paṭiggahetvā paribhuñji. So tena puñña-kammaena ekādasakkhattuṇ devesu deva-rajjāṇ kāresi, catuvisati vāre rājā ahosi cakkavattī. Evaṇ so punappunaṇ puññāni katvā aparāparaṇ deva-manussesu saṇsaranto Kassapa-buddha-kāle bhumma-devatā hutvā nibbatti. Dighāyuka-buddhānaṇ ca nāma na aṇvaḍḍha-māsiko³ uposatho hoti. Tathā hi Vipassissa Bhagavato chabbass' antare chabbass' antare uposatho ahosi. Kassapa-dasabalo paṇa chaṭṭhe chaṭṭhe māse pāṭimokkhaṇ osāresi. Tassa pāṭimokkhasa osaraṇa⁴-desanā-kāle disā-vāsikā dve sahā-yakā bhikkhū 'uposathaṇ karissāmā' ti gacchanti. Ayaṇ bhumma-devatā cintesi: Imesaṇ dvinnāṇ bhikkhūnaṇ metti ativiya dāhā. Kinnu' kho bhedake sati bhijjeyya na bhijjeyyā? ti.⁵ Sā tesāṇ okāsaṇ olokayamānā tesāṇ avidūren' eva gacchati. Ath' eko thero ekassa hatthe cīvaraṇ datvā, sarīra-valañjan' atthaṇ udakaṇ phāsuka-tṭhānaṇ gantvā, dhota-hattha-pādo hutvā, gumbato⁶ nikkhami. Bhumma-devatā tassa therassa pacchato pacchato gacchanti uttamarūpā iṭṭhi hutvā, kese vidhunitvā⁷ saṇvidhāya sambandhanti

¹ All MSS. both *Koṇḍa* and *Kuṇḍa*. Cf. S. i, 5; SA. i, 24; Ud. 8; UdA. 122; Dh. 370; DhA. iv, 108; A. i, 24; Nettī 170 for *pañca chinda*, etc.

² A. cuppavihāraṇ; S. vaṇnavihāraṇ; B. cuppapiñcaraṇ.

³ S. addhamāsiko. ⁴ A. osāna-d. k.; B. osāra; C. S. osāraṇa.

⁵ A. paṭibhijjeyyaṇ na bhijjeyyaṇ; B. bhijjeyyaṇ.

⁶ B. gumba-bhāgato; C. g. samāpato; S. g. sabhāgato.

⁷ A. vidhupanitvā.

viya, piṭṭhiyaṇ paṇsuṇ puñjamānā viya, sātakaṇ saṇvidhāya nivāsamānā viya ca hutvā, therassa padānupadikā¹ gumbato nikkhantā, ekamante tṭhitā. Sahāyaka-tthero taṇ kāraṇaṇ disvā va domanassa-jāto, 'Naṭṭho 'dāni me iminā bhikkhunā saddhiṇ digha-rattānugato sineho. Sac' āhaṇ² evaṇ viraddha-bhāvaṇ³ jāneyyaṇ, ettakaṇ addhānaṇ iminā saddhiṇ vissāsaṇ na kareyyaṇ 'ti cintetvā, āgacchantass' ev' assa, 'Harāvuso,⁴ tuyhaṇ patta-cīvaraṇ. Tādisena pāpena saddhiṇ ekamaggena na gacchāmi 'ti āha.

Taṇ kathaṇ sutvā tassa lajjī-bhikkhuno hadayaṇ tikhīṇa-sattiṇ⁵ gahetvā viddhaṇ viya ahosi. Tato naṇ āha: 'Āvuso, kiṇ nām' etaṇ vadasi? Ahaṇ ettakaṇ kālaṇ dukkaṭa-mattam pi āpattiṇ na jānāmi. Tvaṇ pana maṇ ajja 'Pāpo' ti vadasi. Kin te diṭṭhaṇ?' ti. 'Kiṇ aññena diṭṭhena? Kin tvaṇ evaṇ-vidhena alankata-paṭiyattena mātugāmena saddhiṇ ekaṭṭhāne hutvā na nikkhanto?' ti. 'N' atth' etaṇ, āvuso, mayhaṇ. Nāhaṇ evarūpaṇ mātugāmaṇ passāmi' ti. Tassa yāva tatiyaṇ kathentassāpi itaro thero kathaṇ asaddahitvā attanā diṭṭha-kāraṇaṇ yeva bhūtattaṇ katvā,⁶ gaṇhanto tena saddhiṇ ekamaggena agantvā, aññena maggena Satthu santikaṇ gato. Itaro pi bhikkhu aññena maggena Satthu santikaṇ yeva gato.

Tato bhikkhu-sanghassa uposathāgāraṇ pavisana-velāya so bhikkhu taṇ bhikkhuṇ uposath' agge sañjānitvā: 'Imasmiṇ uposath' agge evarūpo nāma pāpa⁷-bhikkhu atthi. Nāhaṇ tena saddhiṇ uposathaṇ karissāmi' ti nikkhamitvā bahi atṭhāsi. Atha bhumma-devatā: 'Bhāriyaṇ mayā kammaṇ katan' ti mahallakī-upāsaka-vanna tassa santikaṇ gantvā: 'Kasmā, bhante, ayyo imasmiṇ tṭhāne tṭhito?' ti āha. 'Upāsaka, imaṇ uposath' aggaṇ eko pāpa-bhikkhu pavitṭho.

¹ B. padānupatiko.

² A. svāhaṇ; B. sajaṇaṇ.

³ A. viraddha; C. viddha-bh.; S. viruddha-bh.; B. visabhāgaṇ; AA. (i, 261) evaṇ-vidha-b.

⁴ AA, C. gaṇhāvuso; S. handāvuso.

⁵ B. tikhīṇaṇ satthiṇ.

⁶ A. diṭṭhakāraṇe pesatuttaṇ katvā; C. bhūtattikaṇ katvā; AA. atthaṇ gahetvā (v. atṭhikatvā).

⁷ A. hīna.

“Nāhaṇ tena saddhiṇ uposathaṇ karomī” ti bahi ṭhito ‘mhi’ ti vatvā, ‘Bhante, mā evaṇ gaṇhatha. Parisuddha-sīlo esa bhikkhu. Tumhehi diṭṭha-mātugāmo nāma ahaṇ. Mayā tumhākaṇ vīmaṇsaṇ’ atthāya “daḥhakā nu kho imesaṇ therānaṇ metti no daḥhakā” ti lajjī-alajjī-bhāvaṇ bhijja-nābhijjana-bhāvaṇ¹ olokontena taṇ kammaṇ katan’ ti. ‘Ko pana tvaṇ, sappurisā?’ ti. ‘Ahaṇ eka bhumma-devatā, bhante’ ti. Devaputto kathento kathento va dibbā-nubhāvena ṭhatvā therassa padesu pativā: ‘Mayhaṇ, bhante, kamatha. Etaṇ dosaṇ thero na jānāti: uposathaṇ karoṭhā’ ti therāṇ yācitvā uposath’ aggaṇ pavesesi. So thero uposathaṇ tāva ekaṭṭhāne akasi, mitta-santhava-vasena pana puna tena saddhiṇ na ekaṭṭhāne vasi. Imassa therassa kammaṇ na kathiyati.² Cudita³-tthero pana aparāparaṇ vipassanāya kammaṇ karonto arahattaṇ pāpuṇi.

Bhumma-devatā tassa kammassa nissandena⁴ ekaṇ Buddh’ antaraṇ apāya-bhayato na muccittha⁵; sace pana puna kismiñci kāle manuss’ attāṇ āgacchati, aññena yena kenaci kato doso tass’ eva upari patati.⁶ So amhākaṇ Bhagavato kāle Sāvattiyaṇ brāhmaṇa-kule nibbatti. Dhānamāṇavo ti ‘ssa nāmaṇ akaṇsu. So vayappatto tayo vede uggaṇhitvā, mahallaka-kāle Satthu dhamma-desanaṇ sutvā, paṭiladdha-saddho pabbaji. Tato pan’ assa upasampanna-divasato paṭṭhāya ekā alankata-paṭiyattā itthi tasmiṇ gāmaṇ pavisante saddhiṇ yeva gāmaṇ pavisati, nikkhamante nikkhamati, vihāraṇ pavisante pi saddhiṇ pavisati, tiṭṭhante pi tiṭṭhati ti, evaṇ niccānubaddhā paññāyati. Thero taṇ na passati, tassa pana purima-kamma-nissandena sā aññesaṇ upaṭṭhāti. Gāme yāgu-bhikkhaṇ ca dadamānā itthiyo: ‘Bhante, ayaṇ eko yāgu-ullunko’⁷ tumhākaṇ, eko imissā amhākaṇ⁸ sahāyikāyā’ ti pariḥasaṇ karonti. Therassa mahatī vihesā hoti. Vihāragatam pi naṇ sāmaṇerā c’ eva daharā bhikkhū ca parivāretvā: ‘Dhāno Koṇḍo⁹ jāto’ ti pariḥasaṇ karonti. Atha ‘ssa

¹ A, C. omī.

² A. na kathi; B. na kathiyya ti; C, S, AA. na kathiyati.

³ B. cuditaka.

⁴ B. nissaddhena.

⁵ A, B. muñc°.

⁶ A. yāti; B. pahati.

⁷ B. ullungo; C, S. ulunko.

⁸ ? tumhākaṇ.

⁹ A. kuṇḍo; B, C. koṇḍo; S. kuṇṭha.

ten' eva kāraṇena Kuṇḍadhāna-tthero ti nāmaṇ jātaṇ. So utthāya samutthāya tehi kariyamānaṇ keḷiṇ sahituṇ asak-konto va ummādaṇ¹ gahetvā: 'Tumhe koṇḍā, tumhākaṇ upajjhāyā koṇḍā, ācariyā koṇḍā' ti vadati. Atha naṇ Satthu ārocesuṇ: 'Koṇḍadhāno dahara-sāmaṇerehi saddhiṇ evaṇ pharusa-vācaṇ vadatī' ti. Satthā taṇ pakkosāpetvā: 'Saccaṇ kira tvaṇ, Dhāna, sāmaṇerehi saddhiṇ pharusa-vācaṇ vadasī?' ti vatvā tena, 'Saccaṇ, Bhagavā' ti vutte, 'Kasmā evaṇ vadesī?' ti āha. 'Bhante, nibbaddhaṇ vihesaṇ asahanto evaṇ kathemi' ti. 'Tvaṇ pubbe kata-kammaṇ yāv' ajja-divasā jīrāpetuṇ na sakkosi; puna evarūpaṇ pharu-saṇ mā vadi, bhikkhū' ti vatvā āha:

Māvoca pharusaṇ kiñci, vuttā paṭivadeyyu taṇ;

Dukkhā hi sārambha-kathā, paṭidaṇḍā phuseyyu taṇ.

Sace n' eresi attānaṇ, kaṇso upahato yathā,

Esa patto 'si nibbānaṇ, sārambho te na vijjatī ti.

(Dhp. v. 133-4.)

Imañ ca pana tassa therassa mātugāmena saddhiṇ vica-raṇa-bhāvaṇ Kosalarañño pi kathayiṇsu. Rājā: 'Gacchatha, bhāṇe, vīmaṇsathā' ti pesetvā sayāṇ manden' eva² parivārena therassa vasana-tthānaṇ gantvā ekamante olokento aṭṭhāsi. Tasmiṇ khaṇe thero sūci-kammaṇ karonto nisinno hoti. Sā pi 'ssa itthi avidūre tthāne tthitā viya paññāyati. Rājā disvā: 'Atth' idaṇ kāraṇaṇ' ti tassā tthita-tthānaṇ agamāsi. Sā tasmiṇ āgacchante āgacchante therassa vasana-panna-sālaṇ pavitthā viya ahosi. Rājāpi tāya saddhiṇ tam eva panna-sālaṇ pavisitvā, sabbattha olokento adisvā: 'Nāyaṇ mātugāmo; therassa eso kamma-vipāko' ti saññaṇ katvā, paṭhamāṇ therassa samīpena gacchanto pi therāṇ avanditvā, tassa kāraṇassa abhūta-bhāvaṇ ñatvā, āgamma therāṇ vanditvā ekamantaṇ nisinno: 'Kacci, bhante, piṇḍakena³ na kilamathā?' ti pucchi. Thero: 'Vattati, mahārājā' ti āha. 'Jānām' ahaṇ, bhante, ayyassa kathaṇ. Evarūpena parikkilesena saddhiṇ carantānaṇ tumhākaṇ ke nāma paṣi-dissanti⁴? Ito paṭṭhāya vo katthaci gamana-kiccaṇ n' atthi.

¹ S. ummāraṇ.

² B. mahantena.

³ B. piṇḍapātena.

⁴ A. rājā nāma . . . ayyassa kathaṇ . . . kena paṣīdiyanti; C. ayyakāṇaṇ evarūpena . . . ; S. ayyakassa taṇ.

Ahaṇ catūhi paccayehi tumhe upaṭṭhahissāmi. Tumhe yoniso manasikāre mā pamajjathā' ti, nibaddhaṇ bhikkhaṇ paṭṭhapesi. Thero rājānaṇ¹ upatthambhaṇ labhivā bhojana-sappāyena ekagga-citto hutvā, vipassanaṇ vaḍḍhetvā arahattaṇ pāpuṇi.

Tato paṭṭhāya sā itthi antaradhāyi. Tadā Mahāsubhaddā² Ugga-nagare micchā-diṭṭhika-kule vasamānā, 'Satthā maṇ anukampatū' ti uposathaṇ adhiṭṭhāya, nirāma-gandhā hutvā, upari-pāsāda-tale ʈhitā: 'imāni pupphāni antare aṭhatvā Dasabalassa matthake vitānaṇ hutvā tiṭṭhantu. Dasabalo imāya saññāya, "Sve pañcahi bhikkhu-satehi saddhiṇ mayhaṇ bhikkhaṇ gaṇhatū"' ti sacca-kiriyaṇ katvā aṭṭha-sumana-puppha-muṭṭhiyo vissajjesi. Pupphāni gantvā dhamma-desanā-velāyaṇ Satthu matthake vitānaṇ hutvā aṭṭhaṇsu. Satthā taṇ sumana-puppha-vitānaṇ disvā, citten' eva Subhaddāya bhikkhaṇ adhivāsetvā, punadivase aruṇe utṭhite Ānanda-ttheraṇ āha: 'Ānanda, mayaṇ ajja dūraṇ bhikkhā-cāraṇ gamissāma. Puthujjanānaṇ adatvā ariyānam eva salākaṇ dehi' ti. Thero bhikkhūnaṇ ārocesi: 'Āvuso, Satthā ajja dūraṇ bhikkhā-cāraṇ gamissati. Puthujjanā mā gaṇhantu, ariyā 'va salākaṇ gaṇhantū' ti. Kuṇḍadhāna³-tthero 'Āharāvuso salākan' ti paṭhamaṇ yeva hatthaṇ pasāresi. Ānando: 'Āvuso, Satthā tādisānaṇ bhikkhūnaṇ salākaṇ na dāpeti; ariyānaṇ yeva dāpeti' ti vitakkaṇ uppādetvā gantvā Satthu ārocesi. Satthā 'āharāpentassa⁴ salākaṇ dehi' ti āha. Thero cintesi: 'Sace Kuṇḍadhānassa salākā dātuṇ na yuttā assa, atha Satthā paṭibāheyya, "bhavissati etaṇ kāraṇaṇ" ti, Kuṇḍadhānassa salākaṇ dassāmi' ti gamaṇaṇ abhinīhari. Kuṇḍadhāno tassa pure āgamaṇā 'va⁵ abhiññā-pādakaṇ catuttha-jjhānaṇ samāpajjitvā iddhiyā ākāse ʈhatvā, 'āharāvuso Ānanda; Satthā maṇ jānāti. Mādisaṇ bhikkhuṇ paṭhamaṇ salākaṇ gaṇhantaṇ na Satthā nivāreti' ti hatthaṇ pasāretvā salākaṇ gaṇhi. Satthā taṇ aṭṭhuppattiṇ katvā therāṇ imasmiṇ sāsane paṭhamaṇ salākaṇ

¹ B. thero jānaṇ; S. thero jātaṇ.

² Cf. AA. i, 265.

³ Here S. Kuṇṭha°.

⁴ S. Satthā āha dāpentassa.

⁵ A. tassa puna āgamaṇo eva; B. tassa pūrāgamaṇo eva.

gaṇhantānaṃ agga-tṭhāne tṭhapesi. Yasmā ayaṃ therō rājā-
naṃ upatthambhaṃ labhitvā sappāyāhāra-lābhena samāhita-
citto vipassanāya kammaṃ karonto upanissaya-sampanna-
tāya chaḷabhiñño ahoṣi. Tena vuttaṃ *Apadāne* (i, 81):

Sattāhaṃ paṭisallīnaṃ sayambhuṃ agga-puggalaṃ

Pasanna-citto sumano Buddha-seṭṭhaṃ upatṭhahiṃ . . .

pe . . .

Evaṃ bhūtassa pi imassa therassa guṇe ājānantā ye puthu-
janā bhikkhū tadā paṭhama-salāka-gaḥaṇe: 'Kinnu kho
etan?' ti samacintesuṃ; tesāṃ vimati-vidhaman' atthaṃ
thero ākāsaṃ abbhuggantvā, iddhi-pāṭihāriyaṃ dassetvā,
aññā-padesena aññaṃ byākaronto *Pañca chinde* ti gātham
abhāsi.¹

Tattha *pañca chinde* ti, apāy' upapatti-nibbattanakāni²
pañc' orambhāgiyāni saṃyojanāni pāde bandhana-rajjukaṃ
viya puriso satthena heṭṭhima-magga-ttayena chindeyya,
pajaheyya. *Pañca jahe* ti, upari-devalok' upapatti³-hetu-
bhūtāni pañc' uddhambhāgiya-saṃyojanāni puriso gīvāya
bandhana-rajjukaṃ viya arahatta-maggena jaheyya, chindey-
ya vā ti attho. *Pañca v' uttari*⁴ *bhāveye* ti, tesāṃ yeva ud-
dhambhāgiya-saṃyojanānaṃ pahānāya saddhādīni pañc' indri-
yāni uttariṃ bhāveyya, anāgāmi-maggādhigamanato ca
upariṃ bhāveyya, agga-maggādhigamana⁵-vasena vaddheyya.
Pañca-sangātigo ti, evaṃ-bhūto pana pañcannaṃ rāga-dosa-
moha-māna-ditṭhi-sangānaṃ atikkamanena pahānena pañca-
sangātigo hutvā, *bhikkhu oghatinṇo ti vuccatī* ti, sabbathā
bhinna-kilesatāya *bhikkhū* ti kāma-bhava-ditṭhi-avijj' oghe
taritvā tesāṃ pārabhūte nibbāne tṭhito ti ca vuccatī ti
attho.

Kuṇḍadhāna-tthera-gāthā-vanṇanā

Niṭṭhitā.

¹ S. quotes whole gāthā.

² B. nippattinakāni; C. nibbattapānakāni.

³ MSS. uppatti.

⁴ B, C. Text, o' uttari; A, S, Netti. v' uttari.

⁵ S. -maggādimagganato. Comy. repeats on v. 633.

BELAṬṬHASĪSA ¹

Yathāpi bhaddo ājañño ti, āyasmato Belaṭṭhasīsa-ttherassa gāthā. Kā uppatti? So kira Padumuttarassa Bhagavato kāle kula-gehe nibbatto Bhagavantaṇ upasankamitvā, dhammaṇ sutvā, paṭiladdha-saddho pabbajitvā, samaṇa-dhammaṇ karonto upanissaya-sampattiyā abhāvena visesaṇ nibbat-tetuṇ nāsakkhi. Vivatṭ' ūpanissayaṇ pana bahuṇ kusalaṇ upacinitvā, deva-manussesu saṇsaranto ito ekatiṇse kappe Vessabhuṇ Bhagavantaṇ passitvā pasanna-citto mātulunga-phalaṇ adāsi. So tena puñña-kamma devesu nibbattitvā aparāparaṇ puññāni katvā, sugatito sugatiṇ upagacchanto imasmiṇ Buddh' uppāde Sāvattiyaṇ brāhmaṇa-kule nibbatto. Bhagavato abhisambodhiyā puretaram eva Uruveḷa-Kassapassa santike tāpasa-pabbajaṇ pabbajitvā, aggiṇ paricaranto Uruveḷa-Kassapa-damane *Āditta-pariyāya*² desanāya jaṭila-sahassena saddhiṇ arahattaṇ pāpuṇi. Tena vuttaṇ *Apadāne* (ii, 446)³:

Kaṇikāraṇ va jotantaṇ⁴ puṇṇa-māse va candimaṇ
Jalantaṇ dīpa-rukkhaṇ va addasaṇ loka-nāyakaṇ . . .
pe . . .

Evaṇ adhigatārahatto āyasmato Dhammabhaṇḍāgārikas-
sa upajjhāyo ayaṇ thero ekadivasaṇ phala-samāpattito
utthāya taṇ santaṇ paṇītaṇ nirāmiṇaṇ sukhaṇ attano pubba-
yogaṇ ca paccavekkhitvā, pīti-vega-vasena yathāpi bhaddo
ājañño ti gātham abhāsi.

Tattha *yathāpi* ti opamma-paṭipādan' atthe nipāto. *Bhaddo* ti, sundaro,⁵ thāma-bala-samattha-java-parakka-mādi-sampanno. *Ājañño* ti, ājāniyo jātimā kāraṇākāraṇa-
naṇ ājānanako. So tividho: usabhājañño assājañño hatthi-
ājañño ti. Tesu usabhājañño idhādhippeto; so ca cheko⁶
kasana-kicce niyutto. Ten' āha *nangalāvattanī* ti; nanga-
lassa phālassa āvattanato nangalaṇ; ito c' ito ca āvattetvā
khetto kasanato ti attho. Nangalaṇ vā āvattiyati⁷ etthā

¹ S. Belaṭṭhi.² Vin. i, 34; S. iv, 168.³ Under title Mātulunga-phala-dāyako.⁴ Ap. jaṭitaṇ.⁵ S. sindhavo.⁶ B. ^a ca kho.⁷ A. vattayati; S. āvattissati.

ti, nangalāvattan; khetto nangala-patho, tasmiṃ nanga-lāvattanī. Gāthā-sukh' atthaṃ h' ettha vattanī ti dighaṃ katvā vuttaṃ. *Sikhī* ti, matthake avatthānato sikhā-sadisa-tāya sikhā, singaṃ; tad ass' atthī ti, sikhī. Apare pana ka-kudhaṃ¹ idha sikhā ti adhippetan ti vadanti. Ubhayathāpi padhān' anga-kittanam² ev' etaṃ sikhī ti. *Appakasirenā* ti, appa-kilamathena. *Rattindivā* ti, rattiyo ca divā ca. *Evaṃ mamaṃ appakasirena gacchantī* ti yojanā. Idaṃ vuttaṃ hoti: Yathā bhaddo usabhājāṇīyo kasane niyutto ghana-tiṇa-mūlādike pi nangala-patho taṃ agantento appakasirena ito c' ito ca parivattento gacchati, yāva kasana-tiṇānaṃ parissamaṃ dasseti, evaṃ mamaṃ rattindivāpi appa-kasiren' eva gacchanti, atikkamantī ti. Tattha kāraṇaṃ āha: *Sukhe laddhe nirāmise* ti; yasmā kāmāmisā-lokāmisā-vattāmisehi asammissaṃ santaṃ paṇītaṃ phala-samāpatti-sukhaṃ laddhaṃ, tasmā ti attho. Paccatte c' etaṃ bhumma-vacanaṃ, yathā vana-ppagumbe (Sn. 233),³ ten' ev' etare vattabbe ti ca.⁴ Atha vā tato-ppabhūti rattindivā appakasirena gacchantī ti vicāraṇāya āha; sukhe laddhe nirāmise ti, nirāmise sukhe laddhe sati tassa laddha-kālate paṭṭhāyā ti attho.

Belatṭhasisa-tthera-gāthā-vannaṃ
Nīṭṭhitā.

DĀSAKA

[4] *Middhi yadā* ti, āyasmato Dāsaka-ttherassa gāthā. Kā uppatti? So kira ito ekanavūti-kappe anuppanne Tathāgate Ajitassa nāma pacceka-sambuddhassa Gandhamādanato manussa-pathaṃ otarivā, aññatarasmiṃ gāme piṇḍāya carantassa manoramāni amba-phalāni adāsi. So tena puñña-kammaena deva-manussesu saṃsaranto Kassapaṃ Bhagavato kāle sāsane pabbajitvā, vivatṭ' ūpanissayaṃ bahuṃ puññaṃ akāsi. Evaṃ kusala-kamma-pasuto hutvā,

¹ A. katamaṃ idha; B. kakudaṃ.

² A, B. padhānanga; C. yathā nangala-k.; S. pathāni vala.

³ Cf. KhA. 192.

⁴ A. tenavatare; B. tenavatare vattabbehi; S. tena vattabbe ti ca. (Etare—itare.)

sugatito sugatiṃ upagacchanto imasmiṃ Buddh' uppāde Sāvattiyaṃ kula-gehe nibbatti. Dāsako ti 'ssa nāmaṃ ahosi. So Anāthapiṇḍikena gahapatinā vihāra-paṭijaggana-kamme ṭhapito. Sakkaccaṃ vihāraṃ paṭijagganto abhinhaṃ Buddha-dassanena dhamma-saṃaṇa ca paṭiladdha-saddho pabbaji. Keci pana bhananti 'ayaṃ Kassapassa Bhagavato kāle kula-gehe nibbattitvā, vayappatto aññatarāṃ khīṇā-sava-ttheraṃ upaṭṭhahanto kiñci kammaṃ kārāpetu-kāmo therāṃ ānāpesi. So tena kammena amhākaṃ Bhagavato kāle Sāvattiyaṃ Anāthapiṇḍikassa dāsiyā kucchimhi nibbatta' ti. Vayappatto ca seṭṭhinā vihāra-paṭijaggane ṭhapito vutta-nayaṇ' eva paṭiladdha-saddho ahosi. Mahāseṭṭhi tassa sīlācāraṃ ajjhāsayaṇ ca ñatvā, bhujissaṃ¹ katvā, 'yathā-sukhaṃ pabbajā' ti āha. Taṃ bhikkhū pabbājesuṃ. So pabbajita-kālato paṭṭhāya kusīto hīna-viriyo hutvā na kiñci vatta-paṭivattaṃ karoti, kuto samaṇa-dhammaṃ. Kevalaṃ yāva-d-atthaṃ bhuñjitvā niddā-bahulo hutvā viharati. Dhamma-saṃaṇa-kāle pi ekaṃ koṇaṃ pavisitvā parisa-pariyante nisinna ghuru-ghuru-passāsiṃ² niddāyat' eva. Ath' assa Bhagavā pubbūpanissayaṃ oloketvā saṃvega-janaṇ' atthaṃ *middhi yadā hoti mahagghaso cā* ti gāthaṃ abhāsi.

Tattha *middhi* ti, thīna-middhābhībhūto; yaṃ hi middhaṃ abhibhavati tam enaṃ abhibhavat' eva. *Yadā* ti, yasmiṃ kāle. *Mahagghaso* ti, mahā-bhojano; āhāra-hatthaka-alāṇsā-ṭaka-tatra-vaṭṭaka³-kākāmāsaka-bhutta-vamitakānaṃ aññataro viya. *Niddāyitā* ti, supana-sīlo. *Samparivattasāyī* ti, samparivattakaṃ samparivattakaṃ nipajjitvā ubhayena pi seyya-sukhaṃ phassa-sukhaṃ middha-sukhaṃ anuyutto ti dasseti. *Nivāpa-putṭho* ti, kuṇḍakādinā sūkara-bhattena⁴ putṭho bharito. Ghara-sūkaro hi bāla-kālato paṭṭhāya posiyamāno thūla-sarīra-kāle gehā bahi nikkhamituṃ ala-

¹ A. bhujissan.

² A. -passāpi; B. gharu-gharu p.; S. ghururussani. Cf. JA. i, 160; S. i, 117.

³ B. atthavattaka; S. tatthavattaka. Cf. VM. 33; DhA. iv, 16 (of Pasenadi).

⁴ A. kuṇḍakādīsu s. hatthena (cf. v. 101, where MSS. have also putṭho).

bhanto hetthā mañcādīsu samparivattetvā samparivattetvā sayate va.¹

Idaṇ vuttaṇ hoti: Yadā puriso middhi ca hoti mahagghaso ca nivāpa-puttho mahāvarāho viya aññena iriyāpathena yāpetuṇ asakkonto niddāyana-sīlo samparivatta-sāyī, tadā so aniccaṇ dukkhaṇ anattā ti, tīpi lakkhaṇāni manasikātuṇ na sakkoti, tesāṇ manasikārā manda-pañño punappunaṇ gabbhaṇ upeti, gabbha-vāsato na parimuccat' evā ti.² Taṇ sutvā Dāsaka-tthero saṇvega-jāto vipassanaṇ paṭṭhapetvā na cirass' eva arahattaṇ sacchākāsi. Tena vuttaṇ *Apa-dāne(?)*³:

Ajito nāma sambuddho Himavante vasi tadā

Carāṇena ca sampanno samādhi-kusalo muni . . .

pe . . .

Arahattaṇ pana patvā thero: 'Imāya gāthāya maṇ Bhagavā ovadī' ti. Ayaṇ gāthā mayhaṇ ankusa-bhūtā' ti tam eva gāthaṇ paccudābhāsi.⁴ Tayidaṇ therassa parivattāhāra-nayena aññā-byākaraṇaṇ jātaṇ.

Dāsaka-tthera-gāthā-vaṇṇanā

Niṭṭhitā.

SINGĀLAKAPITĀ⁵

Ahū Buddhassa dāyādo ti, Singāla-pitu-ttherassa gāthā. So kira ito catu-navuti-kappe Sataṇṇsi-nāma-paccēka-buddhaṇ piṇḍāya carantaṇ disvā, pasanna-mānaso vanditvā attano hattha-gataṇ tāla-phalaṇ adāsi. Tena puñña-kammena deva-loke nibbatto aparāparaṇ puññāni katvā, sugatīsu yeva saṇsaranto, Kassapassa Bhagavato kāle manussa-yoniyaṇ nibbatto sāsane paṭiladdha-saddho hutvā, pabbajitvā, atthika-saññaṇ bhāvesi. Puna imasmiṇ Buddh' uppāde Sāvattiyaṇ kula-gehe nibbattitvā, vayappatto dāra-pariggaṇ katvā, ekaṇ puttaṇ labhitvā, tassa Singālako ti nāmaṇ

¹ B. suyateva; S. sayaneva.

² A. C. parimuṇo.

³ Not in *Ap.*, but two *Nos.*, 385, 504, have the first two lines with Ajjuno for Ajita.

⁴ A. paccu ahosi; B. paccudābhāsi.

⁵ Text, Singāla-pitā.

akāsi; tena naṅ Singālaka-pitā ti voharanti. Tassa apara-bhāge ghara-bandhanaṅ pahāya sāsane pabbaji. Tassa Bhagavā ajjhāsayaṅ oloketvā aṭṭhika-sañña-kammaṭṭhānaṅ adāsi. So taṅ gahetvā Bhaggesu¹ viharati Suṇsumāragire Bhesakaḷā-vane. Ath' assa tasmiṅ vane adhivatthā devatā: 'Ussāha-janaṅ' atthaṅ bhāvanā-balaṅ na ciren' eva hatthagataṅ karissatī² ti imam atthaṅ aññā-padesena vibhāventī, *Ahū Buddhassa dāyādo* ti gātham abhāsi.

Tattha *Ahū* ti, hoti; vattamān' atthe hi idaṅ atīta-kāla-vacanaṅ. *Buddhassā* ti, sabbaññu-Buddhassa. *Dāyādo* ti, dhamma-dāyādo, nava-vidhassa lokuttara-dhammassa³ attano sammā-paṭipattiyā ādāyako gaṇhaṇako. Atha vā *ahū* ti, ahosi. Evaṅ-nāmassa Buddhassa dāyāda-bhāvena koci vibandho idān' eva bhavissatī ti adhippāyo. Ten' āha: *Maññe 'haṅ kāmārāgaṅ so khippam eva pahiyatī* ti.

*Bhesakaḷā-vane*⁴ ti, Bhesakena nāma yakkhena labhitattā pariggahitattā Bhesakaḷā-vanaṅ; bhesakaḷānaṅ vā kaṭṭhādīnaṅ bahulatāya Bhesakaḷā-vanaṅ ti laddha-nāme araññe. Tassa bhikkhuno Buddhassa dāyāda-bhāva-kāraṇaṅ vadantī, *kevalaṅ aṭṭhi-saññāya aphari paṭhaviṅ imān* ti āha. Tattha *kevalaṅ* ti, sakalaṅ, anavasesaṅ. *Aṭṭhi-saññāya* ti, aṭṭhika-bhāvanāya. *Apharī* ti, 'aṭṭhī' ti adhimuccana-vasena paṭthari. *Paṭhaviṅ* ti, attabhāva-paṭhaviṅ. Attabhāvo hi idha paṭhavi ti vutto, 'Ko imaṅ paṭhaviṅ vicesatī?' ti⁵ ādisu viya (Dhp. v. 44). *Maññe 'haṅ* ti, maññe ahaṅ; maññāhan ti pi pāṭho. *So* ti, so bhikkhu. *Khippam eva*, na cirass' eva, *kāma-rāgaṅ pahiyatī*,⁶ pajahissatī ti maññe. Kasmā? Aṭṭhika-saññāya kāma-rāgassa uju-paṭipakkhabhāvato. Idaṅ vuttaṅ hoti: Yo ekasmiṅ padese laddhāya aṭṭhika-saññāya sakalaṅ attano sabbesaṅ vā attabhāvaṅ 'aṭṭhī' tveva pharitvā ṭhito bhikkhu, so taṅ aṭṭhika-jjhānaṅ pādakaṅ katvā, vipassanto na ciren' eva anāgāmi-maggena

¹ B. Sakkesu.² B. karissasi; C. karissāmi.³ B. dhammadāyassa; C. dhammadāyādassa.⁴ All confuse passage. Bhesakaḷā is probably from √bhaish (a sort of fennel).⁵ A, B. vicesati; C, S. Dhp. vijessati.⁶ A, C. pajahati; B. pahissati; S. and T. pahiyati.

kāma-rāgaṇ sabbāṇ vā kāmaṇ' atthēna kāmo, rajjan' atthēna rāgo ti ca laddha-nāmaṇ taṇhaṇ agga-maggena pajahissati ti.¹

Imaṇ gāthaṇ sutvā so thero: 'Ayaṇ devatā mayhaṇ ussāha-janaṇ' atthaṇ evaṇ aḥā' ti, appaṭivāna-viriyaṇ² adhiṭṭhāya vipassanaṇ vadḍhetvā arahattaṇ pāpuni. Tena vuttaṇ *Apadāne* (i, 294)³:

Sataranṣi nāma sambuddho sayambhū aparājito

Vivekā vuṭṭhahitvāna gocarāyābhinikkhami . . . pe . . .

Arahattaṇ pana patvā tāya devatāya vutta-vacanaṇ paṭimānento tam eva gāthaṇ udāna-vasena abhāsi. Tad eva 'ssa therassa aññā-byākaraṇaṇ ahoṣi ti.

Singālapitu-tthera-gāthā-vannaṇ

Niṭṭhitā.

KUNḌALA⁴

Udakaṇ hi nayaṇti ti, āyasmato Kuṇḍala-ttherassa gāthā. Ayaṇ kira thero pubbe pi vivaṭṭ' ūpanissayaṇ bahuṇ kusalaṇ upacinitvā adhikāra-sampanno Vipassiṇ Bhagavantaṇ ākā-sena gacchantaṇ disvā pasanna-mānaso nālikera-phalaṇ dātu-kāmo atthāsi. Satthā tassa cittaṇ ñatvā otaritvā paṭiggaṇhi. So ativiya pasanna-citto hutvā ten' eva saddhā-paṭilābhena Satthāraṇ upasankamitvā pabbajjaṇ yāci. Satthā aññātaraṇ bhikkhuṇ āṇāpesi: 'Imaṇ purisaṇ pabbā-jehi' ti. So pabbajitvā laddh' ūpasampado samaṇa-dhammaṇ katvā, ito cuto cha pi Buddh' antarāni deva-manussesu saṇsaranto imasmiṇ Buddh' uppāde Sāvattiyaṇ brahmaṇa-kule nibbatti. Kuṇḍalo⁵ ti 'ssa nāmaṇ ahoṣi. So vayas-patto sāsane laddha-ppasādo Bhagavato santike pabbajitvā vikkhepa-bahulatāya visesaṇ nibbattetuṇ nāsakkhi. Ath' ekadivasaṇ gāmaṇ piṇḍāya pavisanto antara-magge bhūmiṇ

¹ A. paṭipajjissati; S. jahissati.

² A. appaṭihāriyaṇ.

³ No. 501 under title Avata-phaliya (but in our text tāla-ph.).

⁴ A, B. *Text*, Kuḷa; C. Kuṇḍala; S. Kuḍḍa. For gāthās *infr.* v. 877; Dh. 80; U. 45; M. ii, 105; Dh. A. ii, 141.

⁵ A. tassa Tissa nāmaṇ; S. Kuḍḍho.

khaṇitvā, udaka-vāhakaṇ katvā icchit' icchita-tṭhānena udakaṇ nente purise disvā, taṇ sallakkhetvā, gāmaṇ pavitṭho¹ aññataṇ usu-kāraṇ usu-daṇḍakaṇ usu-yante pakkhipitvā, akkhi-kotiyā oloketvā ujuṇ karontaṇ disvā, tam pi sallakkhetvā, gacchanto purato gantvā ara-nemi-nābhi-ādike rathacakkāvayave tacchante tacchake disvā, tam pi sallakkhetvā, vihāraṇ pavisitvā, kata-bhatta-kicco patta-cīvaraṇ paṭi-sāmetvā,² divā-vihāre nisinno attano diṭṭha-nimittāni upamābhāvena gahetvā, attano citta-damanena upanento 'acetanaṇ udakam pi manussā icchit' icchita-tṭhānaṇ nayanti; tathā acetanaṇ vankam pi³ sara-daṇḍakaṇ upāyena damentā ujuṇ karonti; tathā acetanaṇ kaṭṭha-kalingarādiṇ tacchakā nemi-ādi-vasena vankaṇ ujuṇ ca karonti; atha kasmā ahaṇ mama cittaṇ ujuṇ na karissāmi?' ti cintetvā, vipassanaṇ paṭṭhapetvā ghaṭento vāyamanto na cirass' eva arahattaṇ pāpuṇi. Tena vuttaṇ *Apadāne* (ii, 447)⁴:

Nagare Bandhumatiyā ārāmiko ahaṇ tadā

Addasaṇ virajaṇ Buddhaṇ gacchantaṇ anilañjase . . .

pe . . .

evam-ādi nimittāni ankuse katvā, vipassanaṇ vaḍḍhetvā, arahattaṇ pāpuṇi. Tehi saddhiṇ attano citta-damanaṇ saṇsandetvā aññaṇ byākaronto *udakaṇ hi nayanti nettikā* ti gātham abhāsi.

Tattha *udakaṇ hī* ti; *hi* saddo nipāta-mattaṇ. *Nayanti* ti, paṭhaviyā taṇ taṇ thala-tṭhānaṇ khaṇitvā, ninna-tṭhānaṇ pūretvā, mātikaṇ vā katvā, rukkha-dopiṇ⁵ vā ṭhapetvā, attanā icchit' icchita-tṭhānaṇ nenti. Tathā te nenti, *nettikā*. *Tejanaṇ* ti, kaṇḍaṇ. Idaṇ vuttaṇ hoti: *Nettikā* attano ruciyā icchit' icchita-tṭhānaṇ udakaṇ nayanti; usukārāpi tāpetvā tejanaṇ namayanti, ujuṇ karonti; namana-vasena tacchakā nemi-ādīnaṇ atthāya tacchantā dāruṇ namayanti, attano ruciyā ujuṇ vā vankaṇ vā karonti; evaṇ ettakaṇ

¹ B. gāmaṇ yitṭho.

² A. paṭisandhimetvā.

³ C. vankam idaṇ saradaṇḍakaṇ. See below No. 29.

⁴ Nos. 379, 464 similar, under titles of *Labuja°* and *Labuja-phala-dāyako*.

⁵ A. dopi; B. dopiṇ; C. dopiyo; S. dopiyā.

ārammaṇaṇ katvā *subbatā*¹ yathā samādinnena silādinā sundara-vatā dhirā sotāpatti-maggādini uppādentā attānaṇ damenti; arahatte pana patte ekanta-dantā nāma hontī ti.

Kuṇḍala-tthera-gāthā-vanṇanā -
Niṭṭhitā.

AJITA

Marāṇe me bhayaṇ n' atthī ti, āyasmato Ajita-ttherassa gāthā. So kira ekanavuti-kappe Vipassiṇ Bhagavantaṇ passitvā pasanna-citto kapiṭṭha-phalaṇ adāsi. Tato param pi taṇ taṇ puññaṇ katvā, deva-manussesu saṅsaranto imasmiṇ kappe anuppanne eva amhākaṇ Satthari Sāvattiyaṇ mahākosala-rañño agghāpaniyassa² brāhmaṇassa putto hutvā nibbatti. Tassa Ajito ti nāmaṇ ahosi. Tasmiṇ ca samaye Sāvatti-vāsi Bāvari³ nama brāhmaṇo tīhi mahāpurisalakkhaṇehi samannāgato, tinnaṇ vedānaṇ pāragū, Sāvattitho nikkhamitvā, tāpasa-pabbajjaṇ pabbajitvā, Godhāvare-tīre⁴ kapiṭṭhārāme vasati. Atha Ajito tassa santike pabbajito attha-kāminiyā devatāya⁵ coditena Bāvarinā Satthu santikaṇ pesito Tissa-Metteyyādihi⁶ saddhiṇ Bhagavantaṇ upasankamitvā, manasā ca pañhe pucchitvā, tesu vissajjitesu pasanna-citto Satthu santike pabbajitvā, kammaṭṭhānaṇ gahetvā, vipassanaṇ vaḍḍhetvā, arahattaṇ pāpuṇi. Tena vuttaṇ *Apadāne* (No. 509):

Suvaṇṇavanṇaṇ Sambuddhaṇ ahutinaṇ paṭiggahaṇ

Rathiyaṇ paṭipajjantaṇ kapiṭṭham adadaṇ phalaṇ . . .

pe . . .

Arahattaṇ pana patto, siha-nādaṇ nadanto *marāṇe me bhayaṇ n' atthī* ti gātham abhāsi.

Tattha *marāṇe* ti, maraṇa-nimittaṇ maraṇa-hetu. *Me* ti, mayhaṇ. *Bhayaṇ n' atthī* ti, ucchinna-bhava-mūlatāya

¹ Dhp. paṇḍitā.

² A. attāpanissayassa; B. agghāpanissa; C. S. agghāsanissayassa; S₁ atthūpanissayassa.

³ S, A. Pāvari.

⁴ A. Godāvaṇ; B. Godāvare; C, S. Godhāvare.

⁵ Cf. Sn. v. 986.

⁶ B. Tissa-M; others tassa.

parikkhīṇa-jātikattā; anucchinna-bhava-mūlānaṃ hi 'kīdisi nu kho mayhaṃ āyatiṃ upapatti?' ti¹ maraṇato bhayaṃ bhaveyya. *Nikanti*² ti, apekkhā, taṇhā; sā n' *atthi jīvite*, superimaddita-sankhāratāya; upādāna-kkhandhānaṃ dukkha - bhāra - khādakādi - bhāvena³ suṭṭhu upatṭhahanato. Evaṃ-bhūto cāhaṃ *sandehaṃ*, sarīraṃ, sakaṃ vā dehaṃ, deha-sankhātāṃ dukkha-bhāraṃ *nikkhipissāmi*, chaḍḍessāmi; nikkhipanto ca iminā sarīrakena sādhetabbaṃ sādhitāṃ idāni taṃ ekaṃsena chaḍḍaniyam evā ti paññā-vepulla-ppattiyaṃ *sampajāno*, sati-vepulla-ppattiyaṃ *paṭissato* nikkhipissāmi ti. Imaṃ pana gāthaṃ vatvā therō jhānaṃ samāpajjitvā tadantaraṃ parinibbāyi ti.

Ajita-tthera-gāthā-vannaṃ niṭṭhitā.

Dutiya-vagga-vannaṃ niṭṭhitā.

NIGRODHA

Nāhaṃ bhayassa bhayāmi ti, āyasmato Nigrodha-ttherassa gāthā. Ayaṃ kira ito atṭhārāse kappa-sate brāhmaṇa-mahāsāra⁴-kule nibbattitvā vayappatto kāmesu ādīnavaṃ nikkhamme ca ānisaṃsaṃ disvā, ghara-bandhanaṃ pahāya, araṇṇāyatanaṃ pavisitvā, aññatarasmiṃ sāla-vane paṇṇa-sālaṃ katvā, tāpasa-pabbajjaṃ pabbajitvā, vana-mūla-phalāhāro vasati. Tena samayena Piyadassī nāma Sammā-sambuddho loke uppajjitvā, sadevakassa lokassa dhammā-mata-vassena kilesa-santāpaṃ nibbāpento ekadivasaṃ tāpase anukampāya taṃ sāla-vanaṃ pavisitvā, nisīditvā nirodha-samāpattiṃ samāpanno. Tāpaso pana mūla-phal' atthāya gacchanto Bhagavantaṃ disvā, pasanna-mānaso pupphita-sāla-daṇḍa-sākhāyo gahetvā, sākha-maṇḍapaṃ katvā, taṃ sabbatthakam eva sāla-pupphehi sañchādetvā, Bhagavantaṃ vanditvā, pīti-somanassa-vasen' eva āhār' atthāya pi agantvāna namassamāno⁵ atṭhāsi. Satthā nirodhato vuṭṭhāya tassa anukampāya 'Bhikkhu-sangho āgacchatū' ti cintesi;

¹ A, C, S. uppatti.

² Cf. SA. i, 147.

³ A, C. dukkha-sāra; S. dukkha-bhāva-khād. For d. bhāra-nikkhepana cf. VM. 512; SA. ii, 263.

⁴ B. mahāsāla; A. omits.

⁵ B. passamāno.

'bhikkhu-sanghe pi cittaṇ pasādessatī' ti. Tāva-d-eva bhikkhu-sangho āgato. So bhikkhu-sangham pi disvā pa-sanna-mānaso vanditvā, añjaliṇ paggayha aṭṭhāsi. Bhagavā sitaṇ-pātukaraṇāpadesena¹ tassa bhāginiṇ² sampattiṇ pakāsentō dhammaṇ kathetvā pakkāmi saddhiṇ bhikkhu-sanghena.

So tena puñña-kammena deva-manussesu yeva saṇsaranto vivatt' ūpanissayaṇ bahu-kusalaṇ upacinitvā, imasmiṇ Bud-dh' uppāde Sāvattiyaṇ brāhmaṇa-mahāsāra-kule nibbatti; Nigrodho ti 'ssa nāmaṇ ahoṣi. So Jetavana-paṭiggahana-divase Buddhānubhāva-dassanena sañjāta-pasādo pabba-jitvā, vipassanaṇ ārabhitvā, na cirass' eva chaḷabhiñño ahoṣi. Tena vuttaṇ *Apadāne* (ii, 431)³:

Ajjhogahetvā sāla-vanaṇ sukato assamo mama

Sāla-pupphehi sañchanho; vasāmi pavane tadā . . .
pe . . .

Evaṇ pana chaḷabhiñño hutvā phala-sukhena vītināmento sāsanaṣṣa niyyānika-bhāva-vibhāvan' atthaṇ aññā-byāka-ṛaṇa-vasena *nāhaṇ bhayassa bhayāmi* ti gātham abhāsi.⁴

Tattha *bhayaṇ* ti, etasmā ti bhayaṇ jāti-jarādi. *Bhayassā* ti, nissakke sāmi-vacanaṇ; bhayato bhayitabba-nimittaṇ jāti-jarā-maraṇādinaṇ hetunā *nāhaṇ bhayāmi* ti attho. Tattha kāraṇam āha: *Satthā no amatassa kovido* ti, amhākaṇ Satthā amate kusalo veneyyānaṇ amata-dāne c' eva kovido.⁵ *Yattha bhayaṇ nāvatiṭṭhati* ti, yasmiṇ nibbāne yathā-vutta-bhayaṇ na tiṭṭhati, okāsaṇ na labhati. *Tenā* ti, tato nibbānato. *Vajanti* ti, abhaya-ṭṭhānam eva gacchanti, nibbānaṇ hi abhayaṇ ṭṭhānaṇ nāma. Kena pana vajanti⁶ ti āha? Maggena vajanti bhikkhavo ti, aṭṭhangikena ariya-maggena Satthu ovāda-kārakā bhikkhū, saṇsāre bhayassa ikkhaṇato⁷ ti attho. *Yatthā* ti vā, yaṇ nimittaṇ yassa ariya-

¹ A. titāṇ pāt.; B. Satthā sitaṇ-p.; C. Bhagavā sitassa.

² B. bhāvini-s.

³ Under title sāla-maṇḍapiya. Also for Tissa v. 153.

⁴ S. quotes in full.

⁵ B. -dāne cheko; S. amata-dāyako.

⁶ C. tena pavaj.

⁷ A, S. bhayassa khaṇakā ti; B. bhaya ikkhaṇato; C. bhayassa ikkhaṇakā ti. Cf. UdA. 263 (saṇsāre bhayaṇ ikkhaṇa-sīlo bhikkhu).

maggassa adhigamana-hetu attānuvādādikaṃ pañca-vīsati-vidham pi bhayaṃ nāvatiṭṭhati, patiṭṭhaṃ na labhati; tena ariya-maggena vajanti abhayaṃ tñānaṃ¹ Satthu-sāsane bhikkhū; tena maggena aham pi gato, tasmā nāhaṃ bhayassa bhayāmi ti thero aññaṃ byākāsi.

Nigrodha-tthera-gāthā-vapṇanā
Niṭṭhitā.

CITTAKA

Nilā sugīvā ti, āyasmato Cittaka-ttherassa gāthā. So kira Padumuttara-buddha-kālato paṭṭhāya vivatṭ' ūpanissayaṃ kusalaṃ ācinanto ito eka-navute kappe manussa-yoniyaṃ nibbattitvā, viññutaṃ patto Vipassiṃ Bhagavantaṃ passitvā, pasanna-māṇaso pupphehi pūjaṃ katvā, vanditvā, 'santa-dhammena nāma ettha bhavitabban' ti Satthari nibbāne ca adhimucchi. So tena puñña-kammena tato cuto Tāvatiṃsa-bhavane nibbatto aparāparaṃ puññāni katvā, devamanussesu saṃsaranto imasmiṃ Buddh' uppāde Rājagahe vibhava-sampannassa brāhmaṇassa putto hutvā nibbatti, Cittako-nāma nāmena. So, Bhagavati Rājagahaṃ gantvā Veluvane viharante, Satthāraṃ upasāṅkamitvā, dhammaṃ sutvā, paṭiladdha-saddho pabbajitvā, cariyānukūlaṃ kammaṭṭhānaṃ gahetvā, araṇṇāyatanaṃ pavisitvā, bhāvanā-nuyutto jhānaṃ nibbattetvā, jhāna-pādaṃ vipassanaṃ vaddhetvā, na ciren' eva arahattaṃ pāpuṃ. Tena vuttaṃ *Apadāne* (ii, 433)²:

Kaṇikāraṃ va jotantaṃ nisinnaṃ pabbat' antare

Addasaṃ virajaṃ Buddhaṃ Vipassiṃ loka-nāyakaṃ . . .

pe . . .

Arahattaṃ pana patvā, Satthāraṃ vanditvā Rājagahaṃ upagato. Tattha bhikkhūhi: 'Kiṃ, āvuso, araṇṇe appamatto vihāsi?' ti puṭṭho, attano appamāda-vihāra-nivedanena aññaṃ byākaronto, *nilā sugīvā* ti gātham abhāsi.

Tattha *nilā sugīvā* ti; nila-sugīvā; gāthā-sukh' atthañ

¹ B. ayatṭhānaṃ.

² Under title Tīpi-kinkani-pupphiya.

c' ettha dīghaṇ katan. Rājimantiyā¹ sundarāya gīvāya samannāgatā ti attho. Te yebhuyyena ca nila-vannatāya nilā; sobhaṇa-kaṇṭhatāya² sugivā. *Sikhino* ti, matthake jātāya sikhāya sassirika-bhāvena sikhino. *Morā* ti, mayūrā. *Kāraṇviyan* ti,³ kāraṇva-rukkhaṇ. Kāraṇvī ti vā tassa vanassa nāmaṇ; tasmā Kāraṇviyan ti kāraṇvi-nāmake vane ti attho. *Abhinandantī* ti, pāvusa-kāle megga-gajjitaṇ su-tvā: *ke-ka-saddaṇ* karontā utu-sampadā-siddhena sare haṇṣā-dike abhibhavatā viya nadanti.

Te ti, te morā. *Sīta-vāta-kalitā* ti, sītena megga-vātena sañjāta-kalitā⁴ madhura-vassitaṇ vassantā. *Suttan* ti, bhatta-sammada-vinodaṇ' atthaṇ sayitaṇ kāya-kilamatha-paṭi-passambhanāya vā anuññata-velāyaṇ supantaṇ. *Jhāyan* ti, samatha-vipassanā jhāne jhāyana-sīla-bhāvanānuyuttaṇ. *Nibodhenti* ti, pabodhenti. Ime pi nāma niddaṇ anupagantvā⁵ jāgarantā attanā kattabbaṇ karonti; kimangaṇ pan' āhan? ti evaṇ-sampajaññ' uppādanena sayanato vuṭṭhāpentī ti adhippāyo.

Cittaka-tthera-gāthā-vannanā
Niṭṭhitā.

GOSĀLA

[5] *Ahaṇ kho Velugumbasmin* ti, āyasmato Gosāla-ttherass gāthā. So kira purima-buddhesu katādhikāro tattha tattha vivatṭ' ūpanissayaṇ kusalaṇ ācinanto ito eka-navute kappe aññatarasmiṇ pabbate rukkhā-sākhāya olambamānaṇ Pacceka-buddhassa paṇsu-kūla-cīvaraṇ disvā, 'araha-ddhajo vatāyan' ti pasanna-citto pupphehi pūjesi. So tena puñña-

¹ Cf. VvA. 134 (rājati vijjotati ti, rāji; rāji ti matā; paññatā, rājimati); A. has rājivantaṇ tāya; B, S. rājivantāya; C. rājivantatāya.

² A. taṇhā; B. kaṇḍa; C. kaṇha; S. kaṇṭha°.

³ A. nonsense; B. Kārambhiyan ti, karambha-rukkhe; C. kāraṇva-rukkho; kāraṇvī ti vā; S. kāraṇaṇ rukkhāṇ; kāravani vā . . . kārava-nāmake.

⁴ A. nonsense; B. kilitā; C. -kaddita-kalitā . . . sañjāta-kilī ti; S. kalī ti.

⁵ A. anupavattā; S. middhiṇ apagantvā.

kammena Tāvatiṇsa-bhavane nibbatto. Tato paṭṭhāya deva-manussesu yeva saṅsaranto imasmiṇ Buddh' uppāde Magadha-raṭṭhe ibbha¹-kule nibbatto, Gosālo² nāma nāmena. Soṇena³ pana Kotikaṇṇena kata-paricayattā tassa pabbajita-bhāvaṇ sutvā: 'So pi nāma mahāvibhavo pabbajissati; kimangaṇ pan' āhan?' ti sañjāta-saṇvego Bhagavato santike pabbajitvā, cariyānukūlaṇ kammaṭṭhānaṇ gahetvā, sap-pāyaṇ vasana-tṭhānaṇ⁴ gavesanto, attano jāta-gāmassa avidūre ekasmiṇ sānu-pabbate vihāsi. Tassa mātā divase divase bhikkhaṇ deti. Ath' ekadivasaṇ gāmaṇ piṇḍāya pavitṭhassa mātā madhusakkharābhisankhataṇ pāyāsaṇ adāsi. So, taṇ gahetvā, tassa pabbatassa chāyāyaṇ⁵ aññatarassa veḷugumbassa mūle nisīditvā, paribhuñjitvā, dhovita⁶-patta-pāṇi vipassanaṇ ārabhito bhojana-sappāya-lābhena kāya-cittānaṇ kallatāya samāhito, udayabbaya-ñāṇādike tikkhe sūre vahante,⁷ appakasiren' eva vipassanaṇ ussuk-kāpetvā, magga-paṭipāṭiyā bhāvanaṇ matthakaṇ pāpento saha-paṭisambhidāhi arahattaṇ sacchākāsi. Tena vuttaṇ *Apadāne* (ii, 434)⁸:

Himavantass' avidūre Urago nāma pabbato;

Tatth' addasaṇ paṇsu-kūlaṇ dum' aggamhi vilambitaṇ

. . . pe . . .

Arahattaṇ pana adhigantvā, diṭṭha-dhamma-sukha-vihār' atthaṇ adhiccatāya⁹ pabbata-sānum eva gantu-kāmo attano paṭipattiṇ pavedento *ahaṇ kho Veḷugumbasmin* ti gātham abhāsi.¹⁰ Tattha *Veḷugumbasmin* ti, veḷu-gacchassa samīpe, tassa chāyāyaṇ. *Bhutvāna madhu-pāyāsaṇ* ti, madhu-sittha-pāyāsaṇ¹¹ bhuñjitvā. *Padakkhiṇaṇ* ti, padakkhiṇa-ggāhena, Satthu ovādassa sammā-sampaticchanenā¹² ti attho. *Sam-*

¹ C. iddha-.

² B. Gopālo.

³ A. sotena; C. so pana.

⁴ A. vasaṇāsaṇaṇ; C. saṇāsaṇaṇ.

⁵ B. upacch°.

⁶ C. S. dhota.

⁷ Cf. UdA. 191; SA. iii, 91 (sūraṇ vata me hutvā ñāṇaṇ vahati); and 235 (na maggo tikkho hoti, na sūraṇ ñāṇaṇ vahati).

⁸ *Under title* Paṇsukūla-pūjaka; A, C. Urago; B. Ugo; S. Kharako; Ap. Udako.

⁹ B. adhiccatāya.

¹⁰ S. quotes in full.

¹¹ A. madhu-payittha; C. m. pasitta; S. m. pāsitta.

¹² A, C. -paticchann°.

masanto khandhānaṃ udayabbayaṃ ti, pañcannaṃ upādāna-kkhandhānaṃ udayabbayaṃ ca vipassanto, yadi pi idāni kata-kicco phala-samāpattiṃ pana samāpajjitun vipassanaṃ paṭṭhapento ti adhippāyo. *Sānuṃ paṭigamissāmī* ti, pubbe mayā vuttha¹-pabbata-sānum eva uddissa gacchissāmī ti. Evaṃ pana vatvā therō tatth' eva gato. Ayam eva ca imassa therassa aññā-byākarāṇa-gāthā ahoṣi.

**Gosāla-tthera-gāthā-vapṇaṇā
Niṭṭhitā.**

SUGANDHA

Anuvassiko pabbajito ti, āyasmato Sugandha-ttherassa gāthā. So kira ito dvānavute kappe Tissassa nāma Sammā-sambuddhassa kāle manussa-yoniyaṃ nibbattitvā viññutaṃ patto miga-byasanena² araññe vicarati. Satthā tassa anukampāya pada-valaññaṃ dassetvā gato. So Satthu pada-cetiyaṇi disvā 'Purima-buddhesu katādhikāratāya sadevake loke agga-puggalassa imāni padāni' ti³ pītisomanassa-jāto kuraṇḍaka⁴-pupphāni gahetvā, pūjaṃ katvā, cittaṃ pasādesi. So tena puñña-kammaṇa deva-loke nibbattitvā, tato aparāparaṃ puññaṇi katvā, deva-manussesu saṃsaranto Kassa-passa Bhagavato kāle kuṭimbiko hutvā, Satthu bhikkhusaṃghassa ca mahādānaṃ pavattetvā, gandha-kuṭiṃ mahaggha-gosīsa⁵-candanaṃ piṇṣitvā, tena paribhaṇḍaṃ katvā, patthanaṃ paṭṭhesi: 'Bhagava, nibbatta-nibbatta-tṭhāne mayhaṃ sarīraṃ eva sugandhaṃ hotū' ti. Evaṃ aññāni pi tattha tattha bhava bahūni puñña-kammāni katvā, sugatīsu yeva parivattamāno, imasmiṃ Buddh' uppāde Sāvattiyaṃ vibhava-sampannassa brāhmaṇassa gehe nibbatti. Nibbattassa ca tassa mātu-kucchi-gata-kālato paṭṭhāya mātu sarīraṃ sakalam pi gehaṃ surabhi-gandhaṃ vāyati. Jāti-divase pana visesato parama-sugandhaṃ samantā gehesu pi vāyat' eva. Tassa mātā-pitaro, 'ambhākaṃ putto

¹ A, B. vutta-.

² A. C. -byasanena; B. byadh°; S. -vasan°.

³ Cf. DhA. iii, 194.

⁴ A, C, S. Kur°; B. ko°.

⁵ A. gosika; B. gosita.

attanā va attano nāmaṇ gahetvā āgato ' ti Sugandho tveva nāmaṇ akaṇṣu. So anupubbena vayappatto Mahāselattheraṇ disvā, tassa santike dhammaṇ sutvā, pabbajitvā, vipassanāya kammaṇ karonto sattāh' abbhantare yeva arahattaṇ pāpuṇi. Tena vuttaṇ *Apadāne* (ii, 434)¹:

Vana-kammiko pure āsiṇ pitu-pitāmahen' ahaṇ

Para-ruhireṇa jīvāmi; kusalaṇ me na vijjati . . .

pe . . .

Arahattaṇ pana patvā aññaṇ byākaronto *anuvassiko pabbajito* ti imaṇ gātham abhāsi. Tattha *anuvassiko* ti, anugato, upagato vassaṇ, anuvasso; anuvasso vā, anuvassiko. *Pabbajito* ti, pabbajjaṇ upagato, pabbajito hutvā; upagata-vassa-matto,² eka-vassiko ti attho. Atha vā anugataṇ, pacchā-gataṇ apagataṇ vassaṇ, anuvassaṇ; taṇ assa atthi ti, anuvassiko. Yassa pabbajitassa vassaṇ aparipunnatāya na gaṇ' ūpagataṇ,³ so evaṇ vutto; tasmā avassiko ti vuttaṇ hoti. *Passa dhamma-sudhammatan* ti, tava Satthu dhammassa sudhamma-bhāvaṇ svākkhātataṇ ekanta-niyyānikataṇ passa. Pass' ettha: anuvassiko tuvaṇ⁴ pabbajito: pubbe-nivāsa-ñāṇaṇ, dibba-cakkhu-ñāṇaṇ, āsava-kkhaya-ñāṇaṇ ti, tisso vijjā tayā *anuppattā*, sacchikatā. Tato eva *kataṇ Buddhassa sāsanaṇ*, Sammāsambuddhassa sāsanaṇ anusatthi ovādo anupaviṭṭho⁵ ti kata-kiccataṇ nissāya pīti-somanassa-jāto thero attānaṇ paraṇ viya katvā vadati ti.

Sugandha-tthera-gāthā-vanṇanā

Niṭṭhitā.

¹ Under title Korāṇḍa-pupphiyo. Same for v. 149. [In line 1] B. pitu-mātu-malenahaṇ; C, S. p. m. aposahaṇ; [in line 2] A. (as in text); B, C. pasumāreṇa; S. pasuhinsena; Ap. (as in text).

² A. upagata-vasamattho; B. up. vassimpatto; C. up. vasso; S. up. maggo.

³ A. nagarānupagataṇ; B. aparipunnāya na gaṇanup^o; S. na gaṇapagataṇ.

⁴ A. yattha anuvassiko tuvaṇ; B. passittha anuvass^o; C. yattha anuvassiken' evaṇ pabbajjāto.

⁵ A. anusatthi ovādo anusatṭhito; B. annasitṭhi ovādānupatṭhito; C. annasitṭhi ovādo anusikkhito; S. annasatthi ovādo anusato.

NANDIYA

Obhāsajātan ti, āyasmato Nandiya-ttherassa gāthā. So kira Padumuttarassa Bhagavato kāle Satthari parinibbute cetiye candana-sārena vedikaṃ kāretvā ulāraṃ pūja-sakkāraṃ pavattesi. Tato paṭṭhāya ajjhāsaya-sampanno hutvā tattha tattha vivatṭ' ūpanissayaṃ bahuṃ puñña-kammaṃ ācinitvā devesu c' eva manussesu ca saṃsaranto imasmiṃ Buddh' uppāde Kapilavatthusmiṃ Sākya-rāja-kule nibbatti. Tassa mātā-pitaro: 'Nandiṃ janento jāto' ti Nandiyo ti nāmaṃ akaṃsu. So vayappatto Anuruddhādīsu Satthu santike pabbajantesu sayam pi pabbajitvā vipassanāya kammaṃ karonto katādhikāratāya na cirass' eva arahattaṃ pāpuṇi. Tena vuttaṃ *Apadāne* (i, 172)¹:

Padumuttaro nāma jino loka-jetṭho narāsabho

Jalitvā aggi-kkhandho va Sambuddho parinibbuto

. . . pe . . .

Arahattaṃ pana patvā Anuruddha-ttherādīhi saddhiṃ Pācīnavaṇsa-migadāye viharante imasmiṃ there ekadivasaṃ Māro Papimā bhīṇsāpetu-kāmo tassa bherava-rūpaṃ dassesi. Thero taṃ 'Māro ayan' ti ñatvā: 'Pāpima, ye Māra-dhey-
aṃ vītivattā, tesāṃ tava kiriyaṃ kiṃ karissati? Tato-nidā-
naṃ pana tvaṃ eva vighātaṃ anattaṃ² pāpuṇissasi' ti dassento *obhāsa-jātaṃ phalagaṇa* ti gātham abhāsi. Tattha *obhāsa-jātan* ti, ñāṇ' obhāsena jāt' obhāsaṃ agga-magga-
ñāṇassa adhigatattā, tena anavasesato kiles' andhakārassa vihata-viddhaṇṣita-bhāvato ca ativiya pabhassaraṇaṃ ti attho. *Phalagaṇa* ti, phalaṃ gataṃ upagataṃ agga-phala-ñāṇa-sahitaṃ ti adhippāyo. *Cittan* ti, khīṇāsavassa cittaṃ sāmāññena vadati. Ten' āha *abhiñhaso* ti. Taṇhā-nirodha-ninnatāya khīṇāsavānaṃ nicca-kappaṃ arahatta-phala-samāpatti-samā-pajjanato phalena sahitaṃ ti vattabbataṃ arahati. *Tādīsaṇ* ti, tathārūpaṃ arahantaṃ ti attho. *Āsajjā* ti, viheṭhetvā³ paribhuyya. *Kaṇhā* ti, Māraṃ ālapati. So hi kaṇha-

¹ Under title Sapaṇivāriya. The same verses ascribed to v. 98.

² A. aranabhattaṃ; B. anattaṃ.

³ A. visodhetvā; B. vihedhetvā; C. virodhetvā; S. vihetvā.

kammattā kaṇhābhijāti-bhabbatāya ca¹ kaṇho ti vuccati. *Dukkhaṇ nigacchasi* ti; idha kucchi-anupavesādinā niratthakaṇ kāya-parissamaṇ dukkhaṇ samparāye ca appaṭikāraṇ² apāya-dukkhaṇ upagamissasi, pāpuṇissasi ti.

Taṇ sutvā Māro: 'Jānāti maṇ samaṇo' ti tatth' ev' anta-radhāyi.

Nandiya-tthera-gāthā-vapṇanā
Niṭṭhitā.

ABHAYA (A).

Sutvā subhāsitaṇ vācan ti, āyasmato Abhaya-ttherassa gāthā. So kira Padumuttarassa Bhagavato sāsane pabbajitvā dhamma-kathiko hutvā, dhamma-kathana-kāle paṭhamā catūhi gāthāhi Bhagavantaṇ abhiththavitvā pacchā dhammaṇ kathesi. Tena 'ssa puñña-kamma-phalena kappānaṇ sata-sahassaṇ apāya-paṭisandhi nāma nāhosi. Tathā hi vuttaṇ:

Abhiththavitvā Padumuttaraṇ jinaṇ
Pasanna-citto Abhaya sayambhuṇ
Na gañchi kappāni apāya-bhūmiṇ
Sata-sahassāni ulāra-saddho ti.

(Ap. ii, 504.)³

Khetta-sampattiyādihi tassa ca pubba-majjhīma-sanniṭṭhāna-cetanānaṇ ativiya ulāra-bhāvena so aparimeyyo puññābhissandho kusalābhissandho tādiso ahosi:

Acintiyesu pasannānaṇ vipāko hoti acintiyō

(VinA. i, 89)

ti hi vuttaṇ.

Tattha tattha hi bhava upacitaṇ puññaṇ tassa upatthambhakam ahosi. Tathā hi so Vipassissa Bhagavato keṭaka⁴-pupphehi pūjam akāsi. Evaṇ ulārehi puñña-visesehi sugatīsu yeva saṅsaranto imasmiṇ Buddh' uppāde rañño Bimbisā-

¹ A. kannattā . . . samanāya ca; B. -sabbatāya ca; C. -samatāya; S. bhabbatāya. Cf. DA. i, 162; MA. iii, 405 (kaṇhābhijāti).

² A. tappaṭikāraṇ; B. tappaṭikāyaṇ; C, S. appaṭikāraṇ.

³ Ap. has asamaṇ for jinaṇ and ends with phalena tassa.

⁴ A. omits; Keṭaka-pupphiyo is the title of Ap. below.

rassa putto hutvā nibbatti. Abhayo ti 'ssa nāmaṃ ahosi; tassa uppatti parato āvibhavissati. So Nigaṇṭhena Nāta-puttena ubhato-koṭika-pañhaṃ sikkhāpetvā, imaṃ pañhaṃ pucchitvā: 'Samaṇassa Gotamassa vādaṃ āropehi' ti (M. i, 392) vissajjito Bhagavantaṃ upasankamitvā, taṃ pañhaṃ pucchitvā, tassa pañhassa anekassa-byākaraṇa-bhāve Bhagavatā kathite, Nigaṇṭhānaṃ parājayaṃ Satthu ca Sammā-sambuddha-bhāvaṃ viditvā,¹ upāsakattaṃ paṭivedesi.² Tato raññe Bimbisāre kālankate sañjāta-saṃvego sāsane pabbajitvā, *Tālacchigaḷ'* upamā-sutta³-desanāya sotāpanno hutvā, puna vipassanaṃ ārabhitvā arahattaṃ sacchākāsi. Tena vuttaṃ *Apadāne* (ii, 449):

Vinatā⁴ nadiyā tīre vihāsi purisuttamo;

Addasaṃ virājaṃ Buddhaṃ ekaggaṃ susamāhitaṃ . . .
pe . . .

Arahattaṃ pana patvā attano paṭipatti-kittanena aññaṃ byākaronto *sutvā subhāsitaṃ vācaṃ* ti gātham abhāsi.⁵ Tattha *sutvā* ti, sotaṃ odahitvā, sota-dvārānusaṛena upadhāretvā. *Subhāsitaṃ* ti, suṭṭhu bhāsitaṃ, samma-d-eva bhāsitaṃ Sammā-sambuddha-bhāvato mahākāruṇikatāya ca kiñci avisaṃvādetvā, yathādhippetassa atthassa ekantato sādhanavasena bhāsitaṃ catu-sacca-vibhāvanīyaṃ⁶ dhamma-kathaṃ. Na hi sacca-vinimuttā⁷ Bhagavato dhamma-desanā atthi. *Buddhassā* ti, sabbaññu-buddhassa. *Ādicca-bandhuno* ti, ādicca-vaṇse sambhūtattā ādicco bandhu etassā ti, 'ādicca-bandhu Bhagavā; tassa ādicca-bandhuno. Ādiccassa vā bandhū ti, ādicca-bandhu Bhagavā; tassa Bhagavato orasa-putta-bhāvato. Ten' āha Bhagavā:

Yo andhakāre tamasi pabhankaro

Verocano maṇḍali ugga-tejo,

Mā, Rāhu, gilī, caram antalikkhe

Pajaṃ mama, Rāhu, pamuñca sūriyaṃ ti.

(S. i, 51.)⁸

¹ *Abhaya-rājakumāra-sutta*, M. i, 396.

² A. vedesi; S₁ pavedesi.

³ DhA. i, 288; S. v, 453.

⁴ Ap. Vitthaya; B. Vitatā.

⁵ S. *quotes in full*.

⁶ A, B. -vibhavanaṃ.

⁷ B. vimuttā.

⁸ Cf. VvA. 116.

Paṇḍarāyādhiṇ ti, paṭivijjhiṇ. *Hī* ti, nipāta-mattaṇ. *Nipunaṇ* ti, saṇhaṇ, parama-sukhumaṇ nirodha-saccaṇ, catu-saccam eva vā. *Hī* ti vā hetu-aṭṭhe nipāto. Yasmā so paccavyādhiṇ¹ nipunaṇ catu-saccaṇ, tasmā na 'dāni kiñci paṭivijjhitabbaṇ atthi ti attho. Yathā kiṇ paṭivijjhi ti āha? *Vāḷaggaṇ usunā yathā* ti. Yathā sattadhā bhinnassa vāḷassa koṭiṇ susikkhito kusalo issāso² usunā kaṇḍena avirajjhan-to vijjheyya, evaṇ paccavyādhiṇ nipunaṇ ariya-saccan ti, yojanā.

Abhaya-tthera-gāthā-vanṇanā
Nīṭṭhitā.

LOMASAKANGIYA

Dabbaṇ kusalan ti, āyasmato Lomasakangiya-ttherassa gāthā.³ So kira ekanavute kappe Vipassiṇ Bhagavantaṇ passitvā pasanna-mānaso nāga⁴-pupphehi pūjितvā, tena puñña-kamma deva-loke nibbatta puna aparāparaṇ puññāni katvā sugatīsu yeva saṇsaranto Kassapassa Bhagavato sāsane pabbajitvā samaṇa-dhammaṇ karoti. Tena samaye-na Satthārā *Bhaddekaratta*⁵-paṭipadāya kathitāya aññataro bhikkhu *Bhaddekaratta-sutta*-vasena tena sākacchaṇ karoti. So taṇ na sampāyāsi; asampāyanto: 'Ahaṇ anāgate tuyhaṇ *Bhaddekarattaṇ* kathetuṇ samattho bhaveyyan' ti paṇi-dhānaṇ akāsi. Itaro 'Puccheyyan' ti. Etesu paṭhamo ekaṇ Buddh' antaraṇ deva-manussesu saṇsaritvā amhākaṇ Bhagavato kāle Kapilavatthusmiṇ Sākya-rāja-kule nibbatti. Tassa sukhumāla-bhāvena soṇassa⁶ viya pāda-tesu lomāni jātāni. Ten' assa Lomasakangiyo ti nāmaṇ ahosi. Itaro deva-loke nibbattitvā Candano ti paññāyittha. Lomasa-kangiyo Anuruddhādīsu Sākya-kumāresu pabbajantesu pabbajituṇ na icchi. Atha naṇ saṇvejetuṇ Candano devaputto upasankamitvā *Bhaddekarattaṇ* pucchi. Itaro na jānāti. Puna devaputto: "Atha kasmā tayā 'imassa *Bhaddekarattaṇ*

¹ A. paccavyādhi; S. paccabādhinti.

² C. issāyaso.

³ A, C. nāga (Ap. ii, 450); B. nānā.

⁴ Cf. M. iii, 187.

⁵ = v. 233.

⁶ A. sotassa.

katheyyan' ti sangaro¹ kato; idāni pana nāma-mattam pi na jānāsi?" ti codesi. Itaro tena saddhiṃ Bhagavantaṃ upasankamitvā: "Mayā kira, bhante, pubbe imassa 'Bhaddekarattaṃ kathessamī' ti sangaro kato?" ti pucchi. Bhagavā: 'Āma, kulaputta. Kassapassa Bhagavato kāle tayā evaṃ katan' ti āha. [Svāyam attho upari-paṇṇāse āgata-nayena vitthārato veditabbo.] Atha Lomasakangiyo: 'Tena hi, bhante, pabbājetha man' ti āha. Bhagavā: 'Na kho Tathāgatā mātā-pitūhi ananuññātaṃ puttaṃ pabbājenti' ti² paṭikkhipi. So mātu santikaṃ gantvā: 'Anujānāhi maṃ, amma, pabbajituṃ; pabbajissām' ahan' ti vatvā, mātara: 'Tāta, sukhumālo tvaṃ. Kathaṃ pabbajissasi?' ti vutte, attano parissaya-sahana-bhāvaṃ pakāseto, *Dabbaṃ kusaṃ potakilaṃ* ti gātham abhāsi.³

Tattha *dabbaṃ* ti, dabba-tiṇaṃ āha, yaṃ saddalo⁴ ti pi vuccati. *Kusaṃ* ti, kusa-tiṇaṃ, yo kāso ti vuccati. *Potakilaṃ* ti, sakaṇṭakaṃ akaṇṭakaṃ ca gacchaṃ. Idha pana sakaṇṭakam eva adhippettaṃ. *Usīrādini* suviññeyyāni, dabbādini tiṇāni kharaka⁵-tiṇāni pādehi akkantassāpi dukkha-janakāni gaman' antarāya-karāni ca; tāni ca panāhaṃ urasā panudissāmi urasāpi apanessāmi; evaṃ apanento taṃ-nimittaṃ dukkhaṃ sahanto araññāyatane gumb' antaraṃ pavisitvā samaṇa-dhammaṃ kātuṃ sakkhissāmi, ko pana vādo pādehi akka-mane ti dasseti.

Vivekaṃ anubrūhayan ti, kāya-vivekaṃ citta-vivekaṃ ca anubrūhayanto, gaṇasangaṇikaṃ hi pahāya kāya-vivekaṃ anubrūhantass' eva, aṭṭha-tiṇsāya ārammaṇesu yattha katthaci cittaṃ samādahantassa citta-viveko. Na sangaṇikāratassa, samāhitass' eva vipassanāya kammaṃ karontassa samatha-vipassanaṃ ca yuganandhaṃ karontassa kilesānaṃ khepanena upadhi-vivekādhigamo; na asamāhitassa. Tena vuttaṃ *vivekaṃ anubrūhayan* ti, kāya-vivekaṃ citta-vivekaṃ ca anubrūhanto ti.

Evaṃ pana puttena vutte mātā: 'Tena hi, tāta, pabbajā' ti anujāni. So Bhagavantaṃ upasankamitvā pabbajjaṃ yāci.

¹ A, B. sankaro.

² Cf. M. ii, 56; UdA. 71.

³ S. quotes in full.

⁴ Def. at PvA. 158 (taruṇa-tiṇa).

⁵ A. kharapa; C. bhīrapa.

Taṇ Satthā pabbājesi. Pabbajitvā kata-pubba-kiccaṇ kammatthānaṇ gahetvā araṇñaṇ pavisaṇaṇ bhikkhū āhaṇsu 'Āvuso, tvaṇ sukhumālo. Kiṇ sakkhissasi araṇṇe vasitun?' ti. So tesam pi tam eva gāthaṇ vatvā, araṇñaṇ pavisitvā, bhāvanaṇ anuyūñjanto na cirass' eva chaḷabhiñño ahosi. Tena vuttaṇ *Apadāne* (ii, 450):

Suvaṇṇavaṇṇaṇ Sambuddhaṇ āhutaṇaṇ paṭiggahaṇ

Vithiyaṇ paṭipajjantaṇ nāga¹-pupphēhi 'pūjayaṇ . . .
pe . . .

Arahattaṇ pana patvā pi thero aññaṇ byākaronto taṇ yeva gātham abhāsī ti.

Lomasakangiya-tthera-gāthā-vaṇṇanā
Niṭṭhitā.

JAMBUGĀMIYA-PUTTA

Kacci no vatthapasuto ti, āyasmato Jambugāmiya-ttherassa gāthā. So kira purima-buddhesu katādhikāro hutvā, tattha tattha vivaṭṭ' ūpanissayaṇ kasalaṇ ācinanto ito ekatiṇse kappe Vessabhussa Bhagavato kāle ekadivasaṇ kiṇsukāni pupphāni disvā, tāni pupphāni gahetvā, Buddha-guṇe anusaranto Bhagavantaṇ uddissa ākāse khipanto pūjesi. So tena puñña-kammena Tāvatiṇsesu nibbatto. Tato paraṇ puññāni katvā aparāparaṇ deva-manussesu saṇsaranto imasmiṇ Buddh' uppāde Campāyaṇ Jambugāmiyassa nāma upāsakassa putto hutvā nibbatti. Ten' assa Jambugāmiya-putto tveva samañña ahosi. So vayappatto Bhagavato santike dhammaṇ sutvā, paṭiladdha-ṣaṇvego pabbajitvā kata-pubba-kiccaṇ kammatthānaṇ gahetvā Sākete Añjanavane vasati. Ath' assa pitā: 'Kinna kho mama putto sāsane abhirato viharati udāhu no?' ti vimaṇsaṇ' atthaṇ *Kacci² no vatthapasuto* ti gāthaṇ likhitvā pesesi. So taṇ vācetvā³: 'Pitā me pamāda-vihāraṇ āsankhati; ahañ ca ajjāpi puthujana-bhūmiṇ nātivatto' ti ṣaṇvega-jāto, ghaṭento vāyamanto na cirass' eva chaḷabhiñño ahosi. Tena vuttaṇ *Apadāne*⁴ (ii, 435):

¹ Ap. B. nānā°.

² Cf. SA. i, 84.

³ A. kiñci throughout.

⁴ Under title Kipsuka-pupphiya.

Kiṇsukaṇ pupphitaṇ disvā paggaheṭvāna añjaliṇ
Buddha-seṭṭhaṇ saritvāna ākāse abhipūjayaṇ . . .

pe . . .

Arahattaṇ pana patvā ñātinaṇ vasana-nagaraṇ gantvā, sāsaṇassa niyyānika-bhāvaṇ pakāseṇto iddhi-pāṭihāriyaṇ dasesi. Taṇ disvā ñātakā pasanna-mānasā bahū sanghārāme kāresuṇ. Thero pi yaṇ pitarā pesitaṇ gāthaṇ ankusaṇ katvā ghaṭeṇto vāyamanto arahattaṇ sacchākāsi, aññaṇ byākaronto pi pitu-pūjan' atthaṇ¹ *kacci no vattha-pasuto ti gātham abhāsi*.²

Tattha *kacci* ti, pucchāyaṇ nipāto. *No* ti, paṭisedhe. *Vattha-pasuto* ti, vatthe pasuto, vattha-pasuto, cīvara-maṇḍanābhīrato; nidassana-mattañ c' etaṇ, patta-maṇḍanādi-cāpalla-paṭipakkhassa³ pi adhippetattā. *Kacci na vattha-pasuto* ti pi pāṭho. So ev' attho. *Bhūsanā*⁴-rato ti, attabhāva-vibhūsanāya rato abhirato. Yath' ekacce pabbajitvā pi capalā⁵ kāya-daḍḍhi-bahulā cīvarādi-parikkhārassa attano sarīrassa ca maṇḍana-vibhūsaṇa-ṭṭhānānuyuttā honti, kim evaṇ parikkhāra-pasuto bhūsaṇa-rato ca nāhoṣi? ti; ayam ettha pada-dvayassāpi attho. *Sīlamayaṇ gandhaṇ* ti, akhaṇḍādi-bhāvāpadānena⁶ supārisuddhassa catubbidhassa sīlassa vasena, yvāyaṇ⁷:

Yo ca sīlavataṇ gandho vāti⁸ devesu uttamo ti

(Dhp. 56)

vutto sīla-mayo gandho. Kiṇ tvaṇ vāyasi? ti; sīla-sampatti-sambhavana kalyāṇena kitti-saddena kiṇ tvaṇ sabba-disā pattharasī? ti attho.

Netarā pajā ti, na itarā dussīla-pajā. Dussīlattā yeva dussīla-mayaṇ⁹ duggandhaṇ vāyati, na sīla-mayaṇ gandhaṇ; evaṇ tvaṇ duggandhaṇ avāyitvā, kiñci sīla-mayaṇ gandhaṇ

¹ A. pīti-janaṇ' atthaṇ; S, C. sa-pitu-pūj°.

² S. *quotes in full*.

³ Cf. DA. i, 286; C. patta . . . paṭikkhepassāpi; S. c' ettha pana na maṇḍanādihi paṭikkhepassa pi.

⁴ A. bhūjāna°. ⁵ A. pi ca balo k.; C. pi ca kāya°; B. pi capalā k°.

⁶ A. bhava-pātanena.

⁷ A. yāvāyaṇ; C, S. *omit*. Cf. Dhp. *loc. cit.* *First half* (yvāyaṇ tagara-candani).

⁸ Dhp. vāti; B. vāyati.

⁹ B. dussīlyam ayaṇ.

vāyasī ? ti attho. Atha vā *netarā pajā* ti; itarā dussilā pajā taṇ kiñci na hoti,¹ yato sila-mayaṇ gandhaṇ vāyasī ti, byatirekena sila-gandha-vāyanam eva vibhāveti.

Jambugāmiya-tthera-gāthā-vappanā
Nīṭṭhitā.

HĀRITA

Samunnamayam attānan ti, āyasmato Hārita-ttherassa gāthā. So kira purima-buddhesu katādhikāro hutvā tattha tattha vivatṭ' ūpanissayaṇ puñña-sambhāraṇ upacinanto ito ekatiṇse kappe Sudassanaṇ nāma Pacceka-sambuddhaṇ disvā, pasanna-mānaso kuṭaja-pupphhehi pūjaṇ katvā, tena puñña-kammena sugatīsu yeva parivattanto imasmiṇ Buddh' uppāde Sāvatti-nagare brāhmaṇa-mahāsāla-kule nibbatti. Hārito ti 'ssa nāmaṇ ahosi. Tassa vaya-ppattassa mātā-pitaro kula-rūpādīhi anucchavikaṇ kumārikaṇ brāhmaṇa-dhītaṇ ānesuṇ. So tayā saddhiṇ bhoga-sukhaṇ anubhavanto ekadivasaṇ attano tassā ca rūpa-sampattiṇ oloketvā, dhammatāya ca codiyamāno, 'Idisaṇ nāma rūpaṇ na cirass' eva jarāya maccuno ca abhippamaddissati' ti saṇvegaṇ paṭilabhi. Katipaya-divasātikkamen' eva c' assa bhariyaṇ kaṇha-sappo daṇsitvā māresi. So tena bhiyyoso-mattāya sañjāta-saṇvego Satthu santikaṇ gantvā, dhammaṇ sutvā, ghara-bandhane chinditvā pabbaji. Tassa cariyānukūlaṇ kammaṭṭhānaṇ gahetvā, viharantassa kammaṭṭhānaṇ na sampajjati, cittaṇ uju-gataṇ nāhosi. So gāmaṇ piṇḍāya pavitṭho aññataṇ usukāraṇ usu-daṇḍaṇ² yante pakkhipitvā ujuṇ karontaṇ disvā 'Ime acetanam pi nāma ujuṇ karonti. Kasmā ahaṇ cittaṇ ujuṇ na karissāmi?' ti cintetvā, tato va paṭinivattitvā divā-tṭhāne nisinnō vipassanaṇ ārabhi. Ath' assa Bhagavā upari ākāse nisīditvā ovādaṇ dento *Samunnamayam attānan* ti gātham abhāsi. Ayam eva thero attānaṇ paraṇ viya ovadanto abhāsi ti ca vadanti.

Evaṇ tattha *samunnamayan* ti, sammā unnamento samā-

¹ B. na itarā dussilapajāhaṇ kacci na hoti.

² Cf. *supr.* No. 19. A, C. daṇḍakaṇ; B. daṇḍiṇ.

patti-vasena kosajja-pakkhe patitun¹ adatvā tato uddharanto¹ viriya-samathan² yojento ti attho. *Attānan* ti, cittaṇ. Atha vā *samunnamayā* ti, kosajja-pakkhato samunnamehi³: *ma-kāro* pada-sandhi-karo: hina-viriyatāya tava cittaṇ kammat-ṭhāna-vīthi na ppaṭivijjhati ce,⁴ taṇ viriyārambha-vasena sammā unnamehi, anonaṭaṇ anapaṇaṭaṇ⁵ karohi ti adhip-pāyo. Evaṇ pana karonto *usukāro* 'va *tejanaṇ*,

Cittaṇ ujuṇ karitvāna avijjaṇ chinda, Hāritā ti, yathā nāma usukāro kaṇḍaṇ isakam pi oṇeti, apaṇeti ca, taṇ vijjhanto⁶ lakkaṇaṇ bhindaṇ' atthaṇ ujuṇ karoti, evaṇ kosajja-pātato ārakkhanena oṇehi, uddhacca-pātato ārakkhanena apaṇehi, taṇ vijjhanto appaṇā-pattiyā cittaṇ ujuṇ karitvāna, samāhita-citto vipassanaṇ usukkāpetvā, siṅhaṇ⁷ agga-magga-ñāṇena avijjaṇ bhinda, padālehi ti.

Taṇ sutvā thero vipassanaṇ vaḍḍhetvā na ciren' eva arahā ahoṣi. Tena vuttaṇ *Apadāne* (ii, 451).⁸

Himavantass' avidūre Vasalo⁹ nāma pabbato;

Buddho Sudassano nāma vasate pabbat' antare . . .

pe . . .

Arahattaṇ pana patvā aññaṇ byākaronto pi tam eva ca gātham abhāsi.

Hārita-tthera-gāthā-vannaṇ
Ṇiṭṭhitā.

UTTIYA

Ābādhe me samuppanne ti, āyasmato Uttiya-ttherassa gāthā. So kira purima-buddhesu katādhikāro tattha tattha vivatṭ' ūpanissayaṇ puññaṇ upacinanto ito catu-navuti-kappe¹⁰ Siddhatthassa Bhagavato kāle Candabhāgāya nadiyā

¹ A. unnavanto.

² B. -samayaṇ.

³ A, B. samunnameti.

⁴ B. vīthinā paṭivijjhā ti jetaṇ.

⁵ For anonaṭaṇ cittaṇ kosajje see UdA. 186; Pts. ii, 206; VM. 386. A. has anapaṇaṇ; B, S. anavaṇaṇ; C. anamantaṇ; C. rewrites much of the passage.

⁶ B. vajantaṇ; S. vajanto; C. vijjhanto.

⁷ A. siṅhaṇ; B. siṅhaṇ.

⁸ Under title Kuṭaja-pupphiya.

⁹ A. Vasalo; Ap. Cāvalo; C, S. Vassalo.

¹⁰ A. omits down to amataṇ.

mahārahade¹ suṇsumāro hutvā nibbatto. So pāraṇ gantuṇ nadiyā tīraṇ upagantaṇ Bhagavantaṇ disvā, pasanna-citto pāraṇ netu-kāmo tīra-samīpe nipajji. Bhagavā tassa anukampāya piṭṭhiyaṇ pāde ṭhapesi. So haṭṭho udaggo pīti-vegena diguṇ' ussaho hutvā sotaṇ chindanto siḡhena javena Bhagavantaṇ pāra-tīraṇ nesi. Bhagavā tassa citta-ppasādaṇ oloketvā: 'Ayaṇ ito cuto deva-loke nibbattitvā tato paṭṭhāya sugatīsu yeva saṇsaranto ito catu-navuti-kappe amataṇ pāpuṇissatī' ti byākaritvā pakkāmi.

So tathā sugatīsu yeva pariḃbhamanto imasmiṇ Buddh' uppāde Sāvattiyaṇ aññatarassa brāhmaṇassa putto hutvā nibbatti, Uttiyo nāma nāmena. So vayappatto: 'Amataṇ pariyesissāmi' ti pariḃbājako hutvā, vicaranto ekadivasaṇ Bhagavantaṇ disvā, upasankamitvā, dhammaṇ sutvā, sāsane pabbajitvā pi sīlādīnā avisodhitattā visesaṇ nibbattetuṇ asakkonto, aññe bhikkhū visesaṇ nibbattetvā aññaṇ byākaronte disvā, Satthāraṇ upasankamitvā, sankhepena ovādaṇ yāci. Satthāpi tassa: 'Tasmātiha tvaṇ, Uttiya, ādim eva visodhehi' ti² ādinā sankhepena ovādaṇ adāsi. So tassa ovāde ṭhatvā vipassanaṇ ārabhi. Tassa āraddha-vipassanassa ābādho uppajjati. Uppanne pana ābādhe sañjāta-saṇvego viriyārambha-vatthuṇ katvā, vipassanāya kammaṇ karonto vipassanaṇ ussukkāpetvā arahattaṇ pāpuṇi. Tena vuttaṇ *Apadāne* (i, 79):

Candabhāgā-nadī-tīre suṇsumāro ahaṇ tadā;

Sagocaraṇ³ pasutāhaṇ nadī-tīraṇ⁴ agacch' ahaṇ . . .
pe . . .

Arahattaṇ pana patvā attano sammā-paṭipattiyaṇ paripunnākāra-vibhāvanā-mukhena aññaṇ byākaronto *Ābādhe me samuppanne* ti gātham abhāsi.

Tattha *ābādhe me samuppanne* ti, sarīrassa ābādhanato. Ābādho ti laddha-nāme visabhāga-dhātu-khobha-hetuke roge *me*, mayhaṇ, sañjāte. *Sati me upapajjathā* ti, uppanno kho *me* ābādho ṭhānaṇ kho pan' etaṇ vijjati yadidaṇ ābādho vaḍḍheyya; yāva panāyaṇ ābādho ca na vaḍḍhati

¹ B. mahārūpo.

² Ap. C. sabhojana°.

³ Cf. S. v, 143 (aññataro bhikkhu).

⁴ Ap. -titthaṇ.

handāhaṇ viriyaṇ ārabhāmi. Appattassa pattiyaṇ anadhi-gatassa adhiḡamāya asacchikatassa sacchikiriyaṇ ti, viri-yārambha-vatthu-bhūtā sati tass' eva ābādhassa vasena dukkhāya vedanāya pīliyamānassa mayhaṇ udapādi. Ten' āha:

Ābādhe me samuppanne kālo me na ppamajjitun ti.

Evaṇ uppannaṇ hi satīṇ ankuṣaṇ katvā ayaṇ thero ara-hattaṇ patto ti.

Uttiya-tthera-gāthā-vannaṇā

Niṭṭhitā.

Tatiya-vagga-vannaṇā niṭṭhitā.

GAHVARATĪRIYA¹

[6] *Phuṭṭho ḡaṇsehī* ti, āyasmato Gahvaratīriya-ttherassa gāthā. So kira purima-buddhesu katādhikāro ito ekatiṇse kappe Sikhissa Bhagavato kāle miga-luddo hutvā, araṇṇe vicaranto addasa Sikhīṇ Bhagavantaṇ aṇṇatarasmiṇ rukkha-mūle deva-nāga²-yakkhānaṇ dhammaṇ desentaṇ; disvā pa-sanna-mānaso, 'Dhammo esa vuccatī' ti sare nimittaṇ agga-hesi. So tena citta-ppasādena deva-loke upapanno, puna aparāparaṇ sugatīsu yeva saṇsaranto, imasmiṇ Buddh' uppāde Sāvattiyaṇ brāhmaṇa-kule nibbattitvā Aggidatto ti laddha-nāmo: vayappatto Bhagavato yamaka-pāṭihāriyaṇ disvā, saṇjāta-pasādo sāsane pabbajitvā, kammaṭṭhānaṇ gahetvā, Gahvaratīre³ nāma araṇṇe-tṭhāne vasati. Ten' assa Gahvara-tīriyo ti samaṇṇā ahosi. So vipassanaṇ vaḡdhetvā na cirass' eva arahattaṇ pāpuṇi. Tena vuttaṇ *Apadāne* (ii, 451)⁴:

Migahuddo pure āsiṇ araṇṇe vivane⁵ ahaṇ:

Addasaṇ virajaṇ Buddhaṇ deva-saṇgha-pūrakkhataṇ . . .

pe . . .

¹ *Skt.* gahvara, 'impenetrable' (*thicket*). A gangātīre; C. Gavhara; S. Nahūratiīriya.

² B. vedanāgayakkh°.

³ A. gangātīre; B. ratīre; C. gavhatīre; S. nahūrātīre.

⁴ *Under title* Ghosasaṇṇāka. ⁵ A, Ap. vivane; C. vicaraṇ; S. vicare.

Arahattaṇ patvā Bhagavantaṇ vandituṇ Sāvattiṇ aga-māsi. Tassa āgata-bhāvaṇ sutvā ñātakā upagantvā mahā-dānaṇ pavattesuṇ. So katipaya-divase vasitvā araṇṇam eva gantu-kāmo ahosi. Taṇ ñātakā: 'Bhante, araṇṇaṇ nāma ḍaṇsa-makasādi-vasena bahu-parissayaṇ. Idh' eva vasathā' ti ahaṇsu. Taṇ sutvā therō: 'Araṇṇa-vāso yeva mayhaṇ ruccatī' ti vivekābhirati-kittana-mukhena aṇṇaṇ byākaronto *phuṭṭho ḍaṇsehi* ti gātham abhāsi.

Tattha *phuṭṭho ḍaṇsehi makasehi* ti, ḍaṇsana-sīlatāya ḍaṇsā ti laddha-nāmāhi andhaka-makkhikāhi makasa-saṇṇi-tehi ca sūci-mukha-pāṇehi phusito, ḍaṭṭho ti attho. *Araṇ-ṇasmin* ti, pañca-dhanu-satikaṇ pacchiman ti¹ vutta-araṇṇa-lakkhaṇa-yogato araṇṇe. *Brahāvane* ti, mahā-rukkha-gaccha-gaṇatāya mahāvane araṇṇe.² *Nāgo sangāmasīse vā* ti, sangāmāvacarō hatthi-nāgo viya sangāma-muddhani-para-senā-sampahāraṇ. Araṇṇa-vāso nāma Buddhādihi vaṇ-ṇito thomito ti ussāha-jāto sato satimā hutvā tatra tasmiṇ araṇṇe tasmiṇ vā ḍaṇsādi-samphassee upaṭṭhite *adhivāsaye* adhivaseyya; ḍaṇsādayo maṇ ābādhentī ti, araṇṇa-vāsaṇ na jaheyyā ti attho.

Gahvaratiriya-tthera-gāthā-vaṇṇanā
Niṭṭhitā.

SUPPIYA

Ajaraṇ jīramānenā ti, āyasmato Suppiya-ttherassa gāthā. So kira Padumuttarassa Bhagavato kāle kula-gehe nibbattitvā tāpa-pabbajjaṇ pabbajitvā, araṇṇāyatane vasanto tattha Bhagavantaṇ disvā, pasanna-mānaso phalāphalaṇ adāsi: tathā bhikkhu-sanghassa. So tena puṇṇa-kammena deva-manussesu saṇsaranto Kassapassa Sammāsambuddhassa kāle khattiya-kule nibbattitvā anukkamena viññutaṇ patto kal-yāṇa-mitta-sannissayena laddha-saṇvego sāsane pabbajitvā bahussuto ahosi. Jāti-madena suta-madena attānaṇ uk-kaṇsento pare ca vambhento vihāsi. So imasmiṇ Buddh'

¹ Cf. Vin. iv, 183; MA. ii, 215.

² C. araṇṇaniyaṇ; S. araṇṇaniyaṇ (?).

uppāde tassa kammassa nissandena Sāvattiyaṃ paribhūta-rūpe susāna¹-gopaka-kule nibbatti. Suppiyo ti 'ssa nāmaṃ ahoṣi. Atha viññutaṃ patto attano sahāya-bhūtaṃ Sopakatttheraṃ upasankamitvā, tassa santike dhammaṃ sutvā, paṭiladdha-saṃvego pabbajitvā, sammā-paṭipattiṃ pūretvā *ajaraṃ jīramānenā* ti gātham abhāsi.

Tattha *ajaraṃ* ti, jarā-rahitaṃ nibbānaṃ sandhāy' āha; taṃ hi ajarattā n' atthi ettha jarā, etasmiṃ vā adhigate puggalassa sā n' atthi ti jarābhāva-hetuto pi *ajaraṃ* nāma. *Jīramānenā* ti, jīrantena khaṇe khaṇe jaraṃ pāpuṇantena. *Tappamānenā* ti, santappamānenena, rāgādihi ekādasāhi agghiṃ dayhamānenena. *Nibbutin* ti, yathā-vutta-santāpābhāvato nibbuta-sabhāvo nibbānaṃ. *Nimissaṃ*² ti, parivatteyyaṃ cetāpeyyaṃ. *Paramaṃ santiṃ* ti, anavasesa-kilesābhisankhāra-parilāha-vūpasama-dhammatāya uttamaṃ santiṃ. Catūhi yogehi ananubandhattā *yoga-kkhemaṃ* attano uttari tarassa kassaci abhāvato *anuttaraṃ*. Ayaṃ h' ettha sankhep' attho: Khaṇe khaṇe jarāya abhibhuyyamānattā jīramānenena tathā-rāg' agghi-ādihi santappamānenena, tato³ evaṃ aniccena dukkheṇa asātena sabbatthā pi anupasanta-sabhāvena sa-uppaddavena tappaṭipakkha-bhāvato *ajaraṃ* paramūpasama-bhūtaṃ kenaci anupaddutaṃ anuttaraṃ nibbānaṃ *nimissaṃ*,⁴ parivatteyyaṃ, 'mahā vata me lābho, mahā udayo⁵ hattha-gato' ti. Yathā hi manussā yaṃ kiñci bhaṇḍaṃ parivattentā nirapekkhā, gayhamānenena sambāhumānā honti, evaṃ ayaṃ thero pahitatto viharanto attano kāye ca jīvite ca nirapekkhataṃ, nibbānaṃ paṭipesitattaṃ ca⁶ pakāsentto *nimissaṃ paramaṃ santiṃ yoga-kkhemaṃ anuttaraṃ* ti

¹ A. susāsanassa; B. susāne.

² A. nibbanamiyanti; B. nimiyaṃ ti; C, *Text*, nimissaṃ (*from verb nimināti*). Cf. JA. v, 27, Pāṇena te pāṇaṃ ahaṃ *nimissaṃ*. [*Comy* = pāṇena mama pāṇaṃ parivattessaṃ (-eyyaṃ).]

³ A, C. gato.

⁴ A. namiya; B. niyaṃ; C. nimmissaṃ; S. nirāmisāṃ, *altered to nimissaṃ*.

⁵ S. udayo.

⁶ A. paṭisevitatthaṃ ca; B. paṭipesi tatthaṃ ca; C. paṭisevitabba-taṃ ca.

vatvā tam eva paṭipattiṃ paribrūhanto vipassanaṃ ussukkāpetvā arahattaṃ pāpuṇi. Tena vuttaṃ *Apadāne* (ii, 452)':

Varuṇo nāma nāmena brāhmaṇo manta-pāragū

Chaddetvā dasa me putte² vanam ajjhogaḥiṇṇ tadā . . .

pe . . .

Arahattaṃ pana patvāpi tam eva gāthaṃ aññā-byākarana-vasena abhāsi.

Suppiya-tthera-gāthā-vanṇanā

Niṭṭhitā.

SOPĀKA (A)

Yathāpi ekaputtasmin ti, āyasmato Sopāka-ttherassa gāthā. So kira purima-buddhesu katādhikāro hutvā tattha tattha vivatṭ' ūpanissayaṃ kusalaṃ upacinanto Kakusandhassa Bhagavato kāle aññatarassa kuṭimbikassa³ putto hutvā nibbatto. Ekadivasaṃ Satthāraṃ disvā, pasanna-citto bīja-pūra-phalāni Satthu upanesi. Paṭiggahesi Bhagavā anukampaṃ upādāya. Bhikkhu-sanghe ca abhippasanno salāka-bhattaṃ paṭṭhapetvā sangh' uddesa-vasena tiṇṇaṃ bhikkhūnaṃ yāvatāyukaṃ khīra-bhattaṃ adāsi. So tehi puñña-kammehi aparāparaṃ deva-manussesu sampattiṃ anubhavanto ekadā manussa-yoniyaṃ nibbatto ekassa Pacceka-buddhassa khīra-bhattaṃ adāsi. Evaṃ tattha tattha puññāni katvā, sugatissu yeva paribbhamanto⁴ imasmiṃ Buddh' uppāde purimakamma-nissandena Sāvattiyaṃ aññatarāya duggat' itthiyā kucchimhi paṭisandhiṃ gaṇhi. Tassa mātā dasa māse kucchinā pariharitvā, paripakkhe gabbhe vijāyana-kāle vijāyituṃ asakkonti mucchaṃ⁵ āpajjitvā, bahu-velaṃ matā viya nipajji. Taṃ nātakā, 'matā' ti saññāya, susānaṃ netvā, citakaṃ āropetvā, devatā-viggahena⁶ vāta-vuṭṭhiyā utṭhitāya aggiṃ adatvā pakkamiṃsu.

¹ Under title Sabbaphaladāyaka.

² Ap. puttāni; B, C. dasa me putte; S. omis.

³ A. kuṭimb°; B. kutumpiyassa; S. kutumbikassa.

⁴ C. saṃsaranto.

⁵ A. muñcaṇ.

⁶ So A; B. -viggahitena; C. devatānubhāvenā; S₁ -adhigahena.

Dārako pacchima-bhavikattā¹ devatānubhāvena mātū kucchito ārogo hutvā nikkhami. Mātā kālam akāsi. Devatā taṇ gahetvā manussa-rūpena susāna-gopakassa gehe vāsetvā, katipaya-kālaṇ paṭirūpena āhārena posesi. Tato paraṇ susāna-gopako ca naṇ attano puttaṇ katvā vadḍheti. So tathā vadḍhanto tassa puttena Suppiyena nāma dārakena saddhiṇ kiḷanto vicarati. Tassa susāne jāta-saṇvaddha-bhāvato Sopāko ti samaññā ahosi.

Ath' ekadivasāṇ satta-vassikaṇ taṇ Bhagavā paccūsa-velāya ñāṇa-jālaṇ pattharivā, veneyya-bandhave oloketvā, ñāṇa-jāl' antogataṇ² disvā, susāna-tṭhānaṇ agamāsi. Dārako pubba-hetunā codiyamāno pasanna-mānaso Satthāraṇ upasankamivā, vanditvā, aṭṭhāsi. Satthā tassa dhammaṇ kathesi. So dhammaṇ sutvā pabbajjaṇ yācitvā, 'pitarā annuññāto' si? ti vutte pitarāṇ Satthu santikaṇ nesi: tassa pitā Satthāraṇ upasankamivā vanditvā: 'Bhante, imaṇ dārakaṇ pabbājethā' ti anujāni. Satthā taṇ pabbā-jetvā mettā-bhāvanāya niyojesi. So mettākammaṭṭhānaṇ gahetvā susāne viharanto na cīrass' eva mettā-jjhānaṇ nibbattetvā, jhānaṇ pādakaṇ katvā, vipassanaṇ vadḍhetvā, arahattaṇ sacchākāsi. Tena vuttaṇ *Apadāne* (ii, 396)³:

Kakusandho mahāvīro sabba-dhammāna-pāragū

Gaṇamhā vūpakaṭṭho so agamāsi vanantaraṇ . . .
pe . . .

Arahā hutvā pana aññesaṇ sosānika-bhikkhūnaṇ mettā-bhāvanā-vīthiṇ⁴ dassento *yathāpi ekaputtasmin* ti gātham abhāsi.

Tattha *yathā* ti, opamm' aṭṭhe nipāto. *Ekaputtasmin* ti; punāti⁵ kula-vaṇsaṇ, tāyati ti vā, putto, atrajādi-bhedo putto; eko putto, ekaputto; tasmiṇ ekaputtasmiṇ; visaye c' etaṇ bhumma-vacanaṇ. *Piyasmin* ti, piyāyitabbatāya c' eva ekaputtatāya ca rūpa-silācārādīhi ca pema-karaṇa-tṭhāna-bhūte. *Kusalī* ti, kusalaṇ vuccati khemaṇ sotthi-bhāvo. Taṇ labhitabbaṇ etassa atthi ti, kusali: sattānaṇ

¹ B. dāyako macchima.

² Under title Vibhīṭaka-miñjiya.

³ A. punti kula^o; S. pāpunāti k.

⁴ A, B. ogadhaṇ.

⁵ B. -vidhiṇ.

hitesī mett' ajjhāsayo. *Sabbesu pāṇesū* ti, sabbesu sattesu. *Sabbatthā* ti, sabbāsu disāsu, sabbesu vā bhavādīsu, sabbāsu vā avatthāsu.¹ Idaṃ vuttaṃ hoti: Yathā ekaputtake piye maṇāpe mātā² kusali ekanta-hitesī bhaveyya, evaṃ puratthimādibhedāsu sabbāsu disāsu kāma-bhavādibhedesu sabbesu vā bhavesu, daharādibhedāsu sabbāsu avatthāsu ca ṭhitesu sabbesu sattesu ekanta-hitesitāya kusali bhaveyya, 'mitto udāsīno³ paccatthiko' ti sīmaṃ akatvā, sīma-sambheda-vasena sabbattha eka-rasaṃ mettaṃ bhaveyyā ti.

Imaṃ pana gāthaṃ vatvā, 'sabbe⁴ tumhe āyasmanto evaṃ mettā-bhāvanaṃ anuyuñjeyyātha, ye te Bhagavatā 'sukhaṃ supatī' ti (A. v, 342) ādinā ekādasa-mettānisaṃsā vuttā, ekaṃsena tesāṃ bhāgino bhavathā' ti ovādam adāsi.

Sopāka-tthera-gāthā-vanṇanā
Nīṭṭhitā.

POSIYA

Anāsannavarā ti, āyasmato Posiya-ttherassa gāthā. So kira purima-buddhesu katādhikāro tattha tattha vivaṭṭ' ūpanissayaṃ bahuṃ kusalaṃ upacinitvā, sugatīsu yeva saṃsaranto ito catu-navuti-kappe Tissassa Bhagavato kalē miga-luddo hutvā araṇṇe vicarati. Atha Bhagavā tassa anuggahaṃ kātuṃ araṇṇaṃ gantvā tassa cakkhu-pathe attānaṃ dassesi. So Bhagavantaṃ disvā pasanna-citto āvudhaṃ nikhipitvā, upasankamitvā, añjaliṃ paggayha aṭṭhāsi. Bhagavā nisīditu-kāmaṃ dassesi. So tāva-d-eva tiṇa-muṭṭhiyo gahetvā, same bhūmi-bhāge sakkaccaṃ santharitvā⁵ adāsi. Nisīdi tattha Bhagavā anukampaṃ upādāya. Nisinne pana Bhagavati anappakaṃ pīti-somanassaṃ paṭisaṃvedento, Bhagavantaṃ vanditvā, sayam pi ekamantaṃ nisīdi. Atha Bhagavā 'Ettakaṃ vaṭṭati⁶ imassa kusala-bījaṃ' ti vuṭṭhāyāsanaṃ pakkāmi.

Acira-pakkante Bhagavati tam pi siho miga-rājā ghātesi.

¹ A. atthesu. ² A. mātā-pitā vusali poso; C. mātāpitā kusali.

³ Udāsīno (*neutral*); C, S. amitto udāhu no.

⁴ C. sace. ⁵ A. sampaharitvā. ⁶ B. omits.

So kālankato deva-loke nibbatti. So kira Bhagavati anupagacchante sīhena ghātito niraye nibbattissatī ti, taṇḍisvā Bhagavā sugatiyaṇ nibbattan' atthaṇ kusala-bhāropan' atthañ ca upasankami. So tattha yāvatāyukaṇ ṭhatvā, tato deva-lokato cavitvā, sugatīsu yeva parivattanto imasmiṇ Buddh' uppāde Sāvattiyaṇ aññatarassa mahāvibhavassa seṭṭhino putto, Sanghāmajita¹-ttherassa kṛnīṭṭha-bhātā hutvā nibbatti. Posiyo ti 'ssa nāmaṇ ahoṣi. So vayappatto dāra-pariggahaṇ katvā, ekaṇ puttaṇ labhitvā antima-bhavikatāya² dhammatāya codiyamāno jāti-ādi-paṭicca uppanna-saṇvego pabbajitvā, araññaṇ pavasitvā, vūpakaṭṭho hutvā, catu-sacca³-kammaṭṭhāna-bhāvanaṇ anuyuñjanto na cirassa eva vipassanaṇ ussukkāpetvā arahattaṇ pāpuṇi. Tena vuttaṇ *Apadāne* (i, 280)⁴:

Himavantass' avidūre Lambako nāma pabbato;

Tattha ca Tisso Sambuddho abbhokāsamhi cankami . . .

pe . . .

Arahattaṇ pana patvā Bhagavantaṇ vandituṇ Sāvattiyaṇ gato ñatīnam anukampāya ñāti-gehaṇ agamāsi. Tattha naṇ purāṇa-dutiyaikā vanditvā, āsana-dānādīnā paṭhamaṇ upāsikā viya vattaṇ dassetvā, ttherassa ajjhāsayaṇ ajānantī pacchā itthi-kuttādīhi palobhetu-kāmā ahoṣi. Thero: 'Aho andha-bālā mādisse pi nāma evaṇ paṭipajjati' ti cintetvā, kañci avatvā, utṭhāyāsanaṇ araññaṇ eva gato. Taṇ araññaṇ bhikkhū: 'Kiṇ, āvuso, atilahuṇ āvatto 'si'; ñātakehi na diṭṭho 'si?' ti pucchīṇsu. Thero tattha pavattiṇ ācikkhanto *anāsanna-varā* ti gātham abhāsi.

Tattha *anāsanna-varā* ti, etā⁵ itthiyo na āsannā anupa-gatā, dure eva ṭhitā hutvā varā purisassa, seṭṭhā hitāvahā: tañ ca kho *niccā eva*, sabba-kālam eva; na rattim eva na divāpi, na raho velāyāpi. *Vijānatā* ti, vijānantena. *Anāsannā-carā*⁷ ti pi pālī; so ev' attho. Ayaṇ h' ettha⁸ adhippāyo: Caṇḍa-hatthi-assa-mahisa-sīha-byaggha-yakkha-rakkhasa - pi-

¹ B. Sangāmaji; cf. Ud. i, 8.

² U. -sacca-paṭicca.

³ B. nivatto; C. anivatto.

⁴ A. -carā; B. -varā; C. -parā.

⁵ A. -kāyattāya.

⁶ Under title *Tiṇamuttādhāyaka*.

⁷ A. ettha tā.

⁸ B. vihekkha (? vihettha).

sācā pi manussānaṃ anupasankamantā varā, seṭṭhā, na anattāhāvahā. Te pana upasankamantā diṭṭha-dhammikaṃ yeva anattāhaṃ kareyyuṃ. Itthiyo pana upasankamitvā diṭṭha-dhammika-samparāyikaṃ vimokkha-nissitam pi attāhaṃ vināsetvā mahantaṃ anattāhaṃ āpādentī. Tasmā *anāsanna-varā etā niccā eva vijānatā* ti.

Idāni tam attāhaṃ attāhūpanāyikaṃ katvā dassento *gāmā* ti ādim āha. Tattha *gāmā* ti, *gāmaṃ*; upayog' attāhe hi etaṃ nissakka-vacanaṃ. *Araññaṃ āgammā* ti araṇṇato āgantvā; *ma-kāro* pada-sandhi-karo; nissakke o' etaṃ upaya-vacanaṃ. *Tato* ti, mañcakato. *Anāmantetvā* ti, anālapitvā purāṇa-dutiyaṃ; 'appamattā hohi' ti¹ ettekam pi avatvā. *Posiyo* ti, attānam eva paraṃ viya vadati. Ye pana *pakkāmin* ti pathanti, tesāṃ 'ahaṃ Posiyo pakkāmin' ti yojanā. Ye pana 'sā itthi therāṃ gharāṃ upagataṃ bhojetvā² palobhetu-kāmā jātā; taṃ disvā therō tāva-d-eva gehato nikkhamitvā, viharāṃ gantvā, attano vasana-tṭhāne mañcake nisīdi. Sā pi kho itthi pacchā-bhattaṃ alankata-paṭiyattā viharē therassa vasana-tṭhānaṃ upasankami; taṃ disvā therō kiñci avatvā utthāya divā-tṭhānaṃ eva gato' ti vadanti, tesāṃ *gāmā araṇñaṃ āgammā* ti gāthā-padassa attho yathā-vuttavaseṇ³ eva³ niyyati. Vihāro ti idha araṇṇaṃ ti adhippāyo.

Posiya-tthera-gāthā-vannaṃ

Niṭṭhitā.

SĀMAÑÑAKĀNI

Sukhaṃ sukhatto ti, āyasmato Sāmaññakāni-ttherassa gāthā. So kira purima-buddhesu katādhikāro hutvā tattha tattha bhava kusalaṃ upacinanto ito ekanavute kappe Vipassissa Bhagavato kāle manussa-yoniyaṃ nibbatto. Vipassinṃ Bhagavantaṃ disvā pasanna-mānaso ekaṃ mañcaṃ⁴ adāsi. So tena puñña-kammaṇa deva-manussesu saṃsaranto imasmiṃ Buddh' uppāde aññatarassa paribbājakassa putto

¹ A. aggappattā hoti.

² A. bho yojetvā (1).

³ B. yathāruteneva.

⁴ A. vaka-picchaṃ; B, C. mañcaṃ; S. pīthaṃ; S₂ ekaṃ picchaṃ.

hutvā nibbatti. Sāmaññakāni ti 'ssa nāmaṇ ahoṣi. So viññutaṇ patto Satthu yamaka-pāṭihāriyaṇ disvā pasanna-mānaso sāsane pabbajitvā, cariyānukūlaṇ kammaṭṭhānaṇ gahetvā, jhānaṇ nibbattetvā, jhānaṇ pādakaṇ katvā, vipasanaṇ vadḍhetva, arahattaṇ pāpuṇi. Tena vuttaṇ *Apadāne* (i, 284)¹:

Vipassino Bhagavato loka-jetṭhassa tādino

Ekam mañcaṇ² mayā dinnāṇ pasannena sapāṇinā . . .
pe . . .

Therassa pana gihi-sahāyako Kāṭiyāno³ nāma paribbā-jako Buddh' uppādato paṭṭhāya titthiyānaṇ⁴ hata-lābha-sakkāratāya ghāsa-cchādana-mattam pi alabhanto ājīvaka-pakato therāṇ upasankamitvā: 'Tumhe Sakya-puttiyā nāma mahālābh' agga-yas' agga-ppattā sukhena jivatha: Mayaṇ pana dukkhitā kicchājīvika. Kathaṇ nu kho paṭipajjamānassa diṭṭha-dhammikaṇ c' eva samparāyikaṇ ca sukhaṇ sampajjati?' ti pucchi. Ath' assa thero: 'Nippariyāyato sukhaṇ nāma lokuttara-sukham eva, tañ ca tad-anurūpaṇ paṭipattiṇ paṭipajjantass' evā' ti attanā tassa adhigata-bhāvaṇ pariyāyena vibhāvento sukhaṇ sukhatto *labhate tad ācaran* ti gātham abhāsi.

Tattha *sukhan* ti, nirāmisāṇ sukhaṇ idhādhippetāṇ; tañ ca phala-samāpattiṇ c' eva nibbānaṇ ca. Tathā hi ayaṇ samādhī-paccuppanna-sukho c' eva āyatiṇ ca sukha-vipāko; 'nibbānaṇ paramaṇ sukhan' ti ca vuttaṇ (Dhp. v. 203). *Sukhattho* ti, sukha-ppayojano; yathā-vuttena sukhena atthiko. *Labhate* ti, pāpuṇāti. Atthikass' ev' etaṇ sukhaṇ, na itarassa. Ko pana 'atthiko' ti āha? *Tad-ācaran* ti, tad-atthaṇ ācaranto. Yāya paṭipattiya? Taṇ paṭipattiṇ paṭipajjanto ti attho. Na kevalaṇ tad-ācaraṇ sukham eva labhate, atha kho *kittiā ca pappoti*. 'Iti pi silavā superisuddha-kāya-vaci-kammanto superisuddhājivo jhāyi jhāna-yutto' ti ādinā kittiṇ⁵ parammukhā patthaṭa-yasataṇ⁶ pāpuṇāti. *Yas' assa*

¹ Under title Sajjhadāyaka.

² i.e. sajja, pecca, chatta, etc., but MSS. support mañca°.

³ A. Kaccāno.

⁴ B. hatthi-yānaṇ; A, C, S. titth°.

⁵ Cf. UdA. 204 (sadda-siloka-nissita . . . patthaṭa-yasatā).

⁶ A. yasa-kathā.

vaḍḍhaṭi ti, sammukhā¹ guṇābhitthavana-sankhāto parivāra-sampadā-sankhāto ca yaso assa paribrūhati.

Idāni *tad-ācāraṇ* ti, sāmañña²to vuttam atthaṇ sarūpato dassento: *Yo ariyam aṭṭhangikaṇ aṇjaṣaṇ ujuṇ bhāveti maggaṇ amatassa pattiyaṇ* ti āha. Tass' attho: Yo puggalo kilesehi ārakattā pariśuddh' atthena paṭipajjantānaṇ ariya-bhāvakaṇ' atthena ca, *ariyaṇ*; sammā-diṭṭhi-ādi-aṭṭhanga-samudāyatāya³ *aṭṭhangikaṇ*; anta-dvāya-rahita-majjhima-paṭipatti-bhāvato akuṭil' atthena, *aṇjaṣaṇ*; kāya-vankādi-ppahānato, *ujuṇ*; nibbān' atthikehi maggaṇiy' atthena kilese mārento gaman' atthena ca, *maggaṇ* ti laddha-nāmaṇ; dukkha-nirodha-gāminī-paṭipadaṇ, *amatassa*, asankhatassa dhātuyaṇ *pattiyaṇ*, adhigamāya bhāveti, attano santāne uppādeti vaḍḍheti ca, so nippariyāyena *sukh' attho tad-ācāraṇ* ti vuccati. Tasmā yathā vuttaṇ sukhaṇ labhati.

Taṇ sutvā paribbājako pasanna-mānaso pabbajitvā sammā-paṭipajjanto na cirass' eva vipassanaṇ vaḍḍhetvā arahattaṇ pāpuṇi. Idam eva therassa añña-byākaraṇaṇ ahosi.

Sāmañña-kāni-tthera-gāthā-vannaṇā
Niṭṭhitā.

KUMĀPUTTA³

Sādhu sutan ti, āyasmato Kumāputta-ttherassa gāthā. So kira purima-buddhesu katādhikāro ito ekanavute kappe ajina-camma-vasano tāpaso hutvā, Bandhumatiyā nagare rāj' uyyāne vasanto Vipassiṇ Bhagavantaṇ passitvā, pasanna-mānaso pada-bbhañjana-telaṇ⁴ adāsi. So tena puñña-kammena devaloke nibbatto. Tato paṭṭhāya sugatīsu yeva saṇsaranto imasmiṇ Buddh' uppāde Avanti-ratṭhe Velukaṇḍa-nagare gahapati-kule nibbatto. Nando ti 'ssa nāmaṇ akaṇsu. Mātā pan' assa Kumā nāma; tena Kumāputto ti paññāyittha. So āyasmato Sāriputtassa santike dhammaṇ sutvā, laddha-ppasādo pabbajitvā kata-pubba-kicco pariyan-ta-pabbata-passe samaṇa-dhammaṇ karonto visesaṇ nib-

¹ A. C. -e.

² B. samohatāya.

³ A. throughout Kumāra-.

⁴ B. -tesaṇ.

battetuṇ asakkonto Bhagavantaṇ upasankamitvā, dhammaṇ sutvā, kammaṭṭhānaṇ sodhetvā, sappāya-tṭhan' eva vasanto vipassanaṇ vaḍḍhetvā, arahattaṇ sacchākāsi. Tena vuttaṇ *Apadāne* (ii, 456)¹:

Nagare Bandhumatiyā rājuyyāne vasām' ahaṇ;

Camma-vasi tadā āsiṇ; kamaṇḍalu²-dharo ahaṇ . . .

pe . . .

Arahattaṇ pana patvā aññe kāya-daḍḍhi³-bahule bhikkhū disvā, te ovadanto sāsanaassa niyyānika-bhāvaṇ pakāsento *sādhū sutaṇ sādhū caritakaṇ* ti gātham abhāsi. Tattha *sādhū* ti sundaraṇ. *Sutaṇ* ti savaṇaṇ; tañ ca kho vivaṭṭ' ūpanissitaṇ visesato appicchatādi-paṭisaṇyuttaṇ dasa-kathāvatthu-savaṇaṇ idhādhippetāṇ. *Sādhū* caritakaṇ ti, tad eva appicchatādi-caritaṇ cittaṇ *sādhū*-caritam eva hi caritakaṇ ti vuttaṇ; pada-dvāyenāpi⁴ bahu-saccaṇ tadanurūpaṇ paṭipattiṇ ca sundaraṇ ti dasseti. *Sadā* ti, sabba-kāle; nava-majjhima-tthera-kāle sabbesu va iriyāpatha-khaṇesu. *Aniketavihāro* ti, kilesānaṇ nivāsana-tṭhan' atṭhena⁵ pañca-kāmaguṇa-niketā nāma; lokiya vā chaḷārammaṇa-dhammā. Ya-thāha: 'Rūpa-nimitta-niketa-vihāra-vinibaddho⁶ kho, gahapati, niketasārī ti vuccati' ti (S. iii, 10) ādi. Tesāṇ niketānaṇ pahān' atthāya paṭipadā aniketa-vihāro. *Atthapucchanaṇ* ti, taṇ ājānitu-kāmassa kalyāṇa-mittaṇ upasankamitvā diṭṭha-dhammika-samparāyika-paramattha-ppabhedassa pucchanaṇ; kusalādi-bhedassa vā atthassa sabhāva-dhammassa. 'Kiṇ, bhante, kusalaṇ? Kiṇ akusalaṇ? Kiṇ sāvajjaṇ? Kiṇ anavajjaṇ?' ti ādinā pucchanaṇ, attha-pucchanaṇ.

Padakkhiṇa-kammaṇ ti, taṇ pana pucchitvā padakkhiṇa-ggāhi-bhāvena tassa ovāde adhiṭṭhānaṇ sammā-paṭipatti; idhāpi *sādhū* ti padaṇ ānetvā yojetabbaṇ. *Etāṇ sāmāññaṇ* ti, *sādhū* sutā ti ādinā vuttaṇ yaṇ sutāṇ yaṇ ca caritaṇ, yo

¹ Under title Abbhāñjana-dāyaka.

² A. kamaṇḍalaṇ; B. -lu; C. -la.

³ A, B. -daḍhi; C. daḍḍhi; S. daḍḍha.

⁴ C. -vasena.

⁵ B. -tṭhāne.

⁶ B. yathā-saruppa . . . vihāra-vinibandho; C. vihāra-vinibaddho; S. iii, and SA. ii, 259, -sāra and -visāra-vinibandhā. Cf. Sn. v. 844 (quoted Nidd. i, 494) aniketa-sārī.

ca aniketa-vihāro, yañ ca attha-pucchanañ, yañ ca padakkhiṇa-kammañ, etañ sāmāññañ, eso samaṇa-bhāvo.¹

Yasmā imāya yeva paṭipadāya samaṇa-bhāvo, na aññathā, tasmā sāmāññaṇ ti nippariyāyato magga-phalassa adhivacanañ. Tassa vā pana ayañ appaṇṇaka-paṭipadā, tam pan' etañ sāmāññañ yādisassa sambhavati, tañ dassetuṇ *akiñcanassā* ti vuttañ. Putta²-apariggāhakassa khetta-vatthu-hirañña-suvaṇṇa-dāsādi-pariggaha-rahitassā³ ti attho.

Kumāputta-tthera-gāthā-vapṇanā
Niṭṭhitā.

KUMĀPUTTASSA SAHĀYA

Nānā-janapadan yaṇṭi ti, āyasmato Kumāputta-sahāya-ttherassa gāthā. So kira purima-buddhesu katādhikāro tattha tattha vivatṭ' ūpanissayañ kusalañ upacinanto, ito catu-navute kappe Siddhatthassa Bhagavato kāle kula-gehe nibbattitvā, viññutañ patto araññañ pavisitvā, bahuñ rukkha-daṇḍaṇ chinditvā, kattara-yaṭṭhiṇ⁴ katvā, sanghassa adāsi. Aññañ ca yathā vibhavañ puññañ katvā, devesu nibbattitvā, tato paṭṭhāya sugatīsu yeva parivattanto imasmiṇ Buddh' uppāde Veḷukaṇḍaka-nagare ibbha⁵-kule nibbatti. Sudanto ti 'ssa nāmañ ahosi. Vasulo ti keci vadanti. So Kumāputtassa piya-sahāyo hutvā vicaranto 'Kumāputto pabbajito' ti sutvā, 'na hi nūna so orako dhamma-vinayo yattha Kumāputto pabbajito' ti. Tad anubandhena sayam⁶ pi pabbajitu-kāmo hutvā, Satthu santikañ upasankami. Tassa dhammañ desesi. So bhiyyoso-mattāya pabbajjāya pi sañjāta-cchando pabbajitvā Kumāputten' eva saddhiṇ pariyanta-pabbate bhāvanānuyutto viharati.

Tena ca samayena sambahulā bhikkhū nānā-janapadesu janapada-cārikañ carantā pi gacchantā pi āgacchantā pi

¹ C. samañña-bhāvo.

² B. vutta^o; C. omitta.

³ B. pariggaha-rati tassa.

⁴ A. -satṭhi; C. -yaṭṭhiyo; in Ap. eq. to ālambana (*balustrade*).

⁵ A. ibbha; B, C. iddha.

taṇ ṭhānaṇ upagacchanti. Tena tattha kolāhalaṇ hoti. Taṇ disvā Sudanto thero: 'Ime bhikkhū niyyānika-sāsane pabbajitvā janapada-vitakkaṇ anuvattentā citta-samādhiṇ virādhenti' ti saṇvega-jāto tam eva saṇvegaṇ attano citta-damanāya ankusaṇ karonto, *nānājanapadaṇ yaṇṭi* ti gātham abhāsi.

Tattha *nānā-janapadaṇ yaṇṭi* ti, visuṇ visuṇ nānā-vidhaṇ janapadaṇ; Kāsi-kosalādibhedaṇ aneka-raṭṭhaṇ ti attho. *Yaṇṭi* ti, gacchanti. *Vicaranti* ti, asuko janapado subhikkho sulabha-piṇḍo, asuko khemo arogo ti ādi vitakka-vasena janapada-cārikaṇ carantā. *Asaṇyatā* ti, tass' eva janapada-vitakkassa appahīnatāya citte na saṇyatā.¹ *Samādhiṇ ca virādhenti* ti, sabbassa uttari²-manussa-dhammassa mūla-bhūtaṇ upacār' appaṇā-bhedaṇ samādhiṇ ca nāma virādhenti. *Ca-saddo sambhāvane*. Desantara-caraṇena jhāyituṇ okā-sābhāvena, adhigataṇ samādhiṇ anadhigacchanta, adhigataṇ ca vasi-bhāvanāpādanena jīrantā³ virādhenti nāma. *Kiṇ su raṭṭhaṇcariyā karissatī* ti. *Sū* ti nipāta-mattaṇ. Evaṇ bhūtānaṇ raṭṭha-cariyā janapada-cārikā kiṇ karissatī ti, kiṇ nāma atthaṇ sādheyyatī? *Niratthakā vā* ti garahanto vadati. *Tasmā* ti, yasmā idisi desantara-cariyā bhikkussa na atthāvahā, api ca kho anattāvahā,⁴ samāpattinaṇ virā-dhanato, *tasmā vineyya sārambhaṇ* ti, vasana-padese arati-vasena uppannaṇ sārambhaṇ citta-sankilesaṇ tadanurūpeṇa paṭisankhāneṇa⁵ vinetvā vūpasametvā.

Jhāyeyyā ti, ārammaṇ' ūpanijjhāneṇa lakkhaṇ' ūpanijjhāneṇa cā ti, duvidhena pi jhāneṇa jhāyeyyā. *Apurakkhato* ti, micchā-vitakkehi taṇhādīhi vā na purakkhato ti, tesāṇ vasaṇ anupagacchanto kammaṭṭhānam eva manasikāreyyā ti attho.

Evaṇ pana vatvā thero tam eva saṇvegaṇ ankusaṇ katvā, vipassanaṇ vadhetvā, arahattaṇ pāpuṇi. Tena vuttaṇ *Apadāne* (ii, 456)*:

¹ A. saṇyathā; B. saṇsayatā; C. āsaṇyatā; S. na saṇñatā.

² B. viññattari.

³ A, C. bhāvanāpādanena; B. pādanena jiyantā.

⁴ C. omits second phrase.

⁵ A, C. -khāreṇa.

⁶ Under title Daṇḍa-dāyaka.

Kānanaṃ vanam ogayha¹ veḷuṇ² chetvān' ahaṇ tadā
 Ālambanaṃ karitvāna sanghassa adadiṇ bahuṇ . . .
 pe . . .

Yam pan' atthaṇ ankusaṇ katvā ayaṇ thero arahattaṇ
 patto tam ev' atthaṇ hadaye ṭhapetvā arahattaṇ patto pi
nānā-janapadaṇ yaṇṭi ti, imam eva gātham abhāsi; tasmā
 tad ev' assa aññā-byākaraṇaṇ ahoṣi ti.

Kumāputta-tthera-sahāya-gāthā-vappanā
 Niṭṭhitā.

GAVAMPATI

Yo iddhiyā Sarabhū ti, āyasmato Gavampati-ttherassa
 gāthā. So kira purima-buddhesu katādhikāro ito ekatiṇṇse
 kappe Sikhiṇ Bhagavantaṇ passitvā, pasanna-mānaso pup-
 phehi pūjaṇ akāsi. So tena puñña-kammena devaḷoke
 uppanno aparāparaṇ puññāni karonto Konāgamanassa Bha-
 gavato cetiye chattaṇ ca vedikaṇ ca kāresi. Kassapassa
 pana Bhagavato kāle aññatarasmiṇ kula-gehe nibbatto,
 tasmiṇ ca kule bahuṇ go-maṇḍalaṇ ahoṣi. Taṇ go-pālakā
 rakkhanti. Ayaṇ tattha antar' antarā yutta-payuttaṇ
 vicārento vicarati. So ekaṇ khīṇāsava-ttheraṇ gāme piṇḍāya
 caritvā bahi-gāme devasikaṇ etasmiṇ padese bhatta-kiccaṇ
 karontaṇ disvā: 'Ayyo suriyātapena kilamissati' ti cintetvā
 cattāro sirisa-daṇḍe³ ussāpetvā tesāṇ upari sirisa-sākhāyo
 ṭhapetvā sākhā-maṇḍapaṇ katvā adāsi. 'Maṇḍapassa samīpe
 sirisa-rukkaṇ ropeṣi' ti ca vadanti.⁴ Tassa anukampāya
 devasikaṇ⁵ thero tattha nisīdi. So tena puñña-kammena
 tato cavitvā Cātumahārājikeṣu nibbatti. Tassa purima-
 kamma-saṅsūcakaṇ vimāna-dvāre mahantaṇ sirisa-vanaṇ
 nibbatti, vaṇṇa-gandha-sampannehi pupphehi sabba-kāle
 upasobhamānaṇ; tena taṇ vimānaṇ Serisakan ti paññāyit-
 tha. So ca devaputto ekaṇ Buddh' antaraṇ devesu ca manus-
 sesu ca saṅsaritvā, imasmiṇ Buddh' uppāde Yasa-ttherassa

¹ A, B. oggayha.

² A, C, S. daṇḍaṇ.

³ B. sīrisa; S. sirasa. *The story is told at VvA. 331 (Serisaka-vimāna).*

⁴ A. vandi; VvA. vandanti.

⁵ A. devesikā; B. devesikaṇ.

catusu gihī-sahāyesu Gavampati nāma hutvā, āyasmato Yasassa pabbajita-bhāvaṇ sutvā, attano sahāyehi saddhiṇ Bhagavato santikaṇ agamāsi. Satthā tassa dhammaṇ desesi. So desanāvasāne sahāyehi saddhiṇ arahatte patitṭhāsi. Tena vuttaṇ *Apadāne* (ii, 457)¹:—

Miga-luddo pure āsiṇ; pavane vicariṇ ahaṇ;

Addasaṇ virajaṇ Buddhaṇ sabba-dhammāna-pāraguṇ

. . . pe . . .

Arahattaṇ patvā pana thero vimutti-sukhaṇ paṭisaṇvedento Sākete viharati Añjanavane. Tena ca samayena Bhagavā mahatā bhikkhu-sanghena saddhiṇ Sāketāṇ gantvā Añjanavane vihāsi; senāsanaṇ na ppahosi; sambahulā bhikkhū vihāra-sāmantā Sarabhūyā nadiyā vālika-puḷine² sayiṇsu. Ath' addha-ratti-samaye³ nadiyā udak' oghe āgacchante sāmaṇerādayo uccāsadda-mahāsaddā ahesuṇ. Bhagavā taṇ ṇatvā āyasmantaṇ Gavampatiṇ āṇāpesi: 'Gaccha, Gavampati, jal' oghaṇ vikkhambhetvā bhikkhūnaṇ phāsu-vihāraṇ karohi' ti. Thero 'sādhu, bhante' ti iddhi-balena nadi-sotaṇ vikkhambhesi. Taṇ vikkhambhitaṇ dūrato va pabbata-kūṭaṇ viya atṭhāsi. Tato paṭṭhāya therassa ānubhāvo loke pākato ahosi. Ath' ekadivasaṇ Satthā mahatiyā deva-parisāya⁴ majjhe nisīditvā, dhammaṇ desentaṇ therāṇ disvā, lokānukampāya tassa guṇānaṇ vibhāvaṇ' atthaṇ taṇ pasaṇsanto, *Yo iddhiyā Sarabhun* ti gātham abhāsi.

Tattha *iddhiyā* ti, adhiṭṭhān' iddhiyā. *Sarabhun* ti; evaṇ-nāmikaṇ nadiyaṇ; loke sara-bhun ti vadanti. *Paṭṭhapesi*⁵ ti, sandituṇ adento sotaṇ nivattetvā, pabbata-kūṭaṇ viya mahantaṇ jala-rāsiṇ katvā, ṭhapesi. *Asito* ti, na sito; taṇhā-ditṭhi-nissaya-rahito bandhana-sambhūtānaṇ⁶ vā sabba-saṇyojanānaṇ vā samucchinnattā; kenaci pi bandhanena abaddho.

Tato eva eja-karānaṇ kilesānaṇ abhāvato, *anejo*⁷ so Gavampati.⁸ *Taṇ sabba-saṅgātigaṭaṇ*, tādisaṇ sabbe pi rāga-dosa-

¹ Under title Girinela-pūjaka.

² B. gālikā. Cf. JA. ii, 366.

³ A. atha rattiṇ-samayena.

⁴ B. mahati yāvadeva.

⁵ Text, C. S. atṭhapesi; A, B. paṭṭh°.

⁶ C. saṅkhātānaṇ.

⁷ Cf. UdA. 188; A. evaṇ jānaṇ kil°; C. ejaṇaṇ.

⁸ A. so dhammati (1).

moha-māna-diṭṭhi-sange atikkamitvā t̥hitattā sabba-sangā-tigataṇ. Asekha-muni-bhāvato, *maḥāmuni*¹; tato eva kāmakkamma-bhavādibhedassa sakalassa pi bhavassa pāraṇ nibbānaṇ gatattā bhavassa *pāraguṇ*. *Devā namassanti* ti, devāpi namassanti, pag' eva itarā pajā ti. Gāthā-pariyo-sāne mahato janakāyassa dhammābhisamayo ahosi. Thero aññaṇ byākaronto 'Satthāraṇ pūjissāmi' ti imam eva gātham abhāsi ti.

Gavampati-tthera-gāthā-vanṇanā
Niṭṭhitā.

TISSA (A)

Sattiyā viya omaṭṭho ti, āyasmato Tissa-ttherassa gāthā. Ayam pi kira purima-buddhesu katādhikāro tattha tattha bhava vivatṭ' ūpanissayaṇ puññaṇ upacinanto Tissassa Bhagavato bodhiyā mūle pūrāna-paṇṇāni¹ niharitvā sodhesi. So tena puñña-kammena deva-manussesu saṇsaranto imasmiṇ Buddh' uppāde Kapilavatthu-nagare Bhagavato pitucchāputto hutvā nibbatti; Tisso nāma nāmena. So Bhagavantaṇ anupabbajitvā upasampanno hutvā, araṇṇāyatanē viharanto jātiṇ paṭicca mānaṇ karoti. Kodhūpāyāsa-bahulo ujjhāna-bahulo hutvā vicarati. Samaṇa-dhamme ussukkaṇ na karoti. Atha naṇ Satthā ekadivasaṇ divā-tṭhāne vivaṭa-mukhaṇ niddāyantaṇ dibba-cakkhunā olokento, Sāvattṭhito ākāseṇa gantvā, tassa upari ākāse yeva t̥hatvā, obhāsaṇ pharitvā, ten' obhāseṇa paṭibuddhassa satīṇ uppādetvā, ovādaṇ dento *sattiyā viya omaṭṭho* ti gātham abhāsi.

Tattha *sattiyā* ti, desanā-sisam etaṇ. Ekato-dhārādinā² satthenā ti attho. *Omaṭṭho*³ ti, pahato. Cattāro hi pahārā: omaṭṭho, ummaṭṭho, maṭṭho, vimaṭṭho ti. Tattha upari t̥hatvā adho-mukhaṇ dinna-ppahāro omaṭṭho nāma; heṭṭhā t̥hatvā uddha-mukhaṇ dinna-ppahāro ummaṭṭho nāma;

¹ A. pettakā nih.; C. paṇṇasankataṇ; S. paṇṇasataṇ.

² B. ekato dhārāmi. Cf. JA. iv, 12 (ekato-dhāra-ubhato-dhārassa satthassa).

³ D. here repeats the whole passage from SA. i, 43 (S. i, 13).

aggala-sūci viya vinivijjhivā gato¹ maṭṭho nāma; seso sabbo pi vimaṭṭho nāma. Imasmiṇ pana tḥāne omaṭṭho gahito. So hi sabba-dārūṇo duruddharāṇa-sallo duttikiccho anto-doso anto-pubbalohito 'va hoti. Pubbalohitaṇ anikkhamitvā vaṇa-mukhaṇ pariyonanditvā tiṭṭhati. Pubbalohitaṇ nīhāritu-kāmehi² mañcena saddhiṇ bandhitvā adho-siro katabbo hoti. Maraṇaṇ vā maraṇa-mattaṇ vā dukkhaṇ pāpuṇāti. *Dayhamāne* ti, agginā jhāyamāne. *Matthake* ti, sise.

Idaṇ vuttaṇ hoti: Yathā sattiyā omaṭṭho puriso sall' abbāhana-vaṇa-tikicchanānaṇ atthāya viriyaṇ ārabhati, tādisaṇ payogaṇ karoti, parakkamati, yathā ca dayhamāne matthake āditta-siso puriso tassa nibbāpan' atthaṇ viriyaṇ ārabhati, tādisaṇ payogaṇ karoti, evam eva bhikkhu kāmā-rāga-ppahānāya sato³ appamatto ativiya ussāha-jāto hutvā vihareyyā ti.

Evaṇ Bhagavā tassa therassa kodhūpāyāsa-vūpasamāya ovādaṇ dento tad-ekaṭṭhatāya kāmā-rāga-ppahāna-sīsena-desanaṇ niṭṭhāpesi. Thero imaṇ gāthaṇ sutvā saṇviggahadayo vipassanāya yutta-payutto vihāsi. Tass' ajjhāsayaṇ ñatvā Satthā *Saṇyuttake Tissaṭṭhara-suttaṇ* (S. iii, 106) desesi. So desanā-pariyosāne arahatte patitṭhāsi. Tena vuttaṇ *Apadāne* (ii, 458, ll. 20-25)⁴;

Devaloke manussesu anubhotvā ubho yase

Avasāne ca nibbānaṇ sivaṇ pappot' anuttaraṇ . . .
pe . . .

Arahattaṇ pana patvā thero aññaṇ byākaronto Satthāraṇ pūjetuṇ tam eva gātham abhāsi.

Tissa-ṭṭhara-gāthā-vaṇṇanā
Niṭṭhitā.

¹ A. tato; B, C. gato; S. kato.

² B. -kāmo.

³ A, B. satto.

⁴ Under title Bodhi-sammajjaka (part only quoted).

VADDHAMĀNA¹

[7] *Sattiyā viya omaṭṭho* ti, āyasmato Vaḍḍhamāna-ttherassa gāthā. Ayam pi kira purima-buddhesu katādhikāro ito catu-navute kappe Tissassa Bhagavato kāle kula-gehe nibbatitvā, viññutaṇ patto Tissaṇ Bhagavantaṇ piṇḍāya carantaṇ passitvā, pasanna-mānaso superipakkāni vaṇṇato muttāni amba-phalāni adāsi. So tena puñña-kammena devaloke nibbatto aparāparaṇ puñña-kammāni upacinanto imasmiṇ Buddh' uppāde Vesāliyaṇ Licchavi-rāja-kule nibbatto. Vaḍḍhamāno ti 'ssa nāmaṇ ahoṣi. So vayappatto saddho pasanno dāyako kārako² sangha-paṭṭhāyako hutvā, tathārūpe aparādhe Satthārā patta-nikkujjana-kamme kārapite, aggiṇ akkanto viya sanghaṇ khamāpetvā, kammaṇ paṭipassambhetvā, sañjāta-saṇvego pabbaji. Pabbajitvā pana thīna-middhā-bhibhūto vihāsi. Taṇ Satthā saṇvejento *sattiyā viya omaṭṭho* ti gātham abhāsi.³

Tattha *bhava-rāga-pahānāyā* ti, bhava-rāgassa rūpa-rāgassa arūpa-rāgassa ca pajahan' atthāya. Yadi pi ajjhata-saṇyojanāni appahāya bahiddhā-saṇyojanānaṇ pahānaṇ nāma n' atthi, nānantariyaka-bhāvato pana uddhambhāgiya-saṇyojana-ppahāna-vacanen' eva orambhāgiya-saṇyojana-ppahānam pi vuttam eva hoti. Yasmā vā samucchinn' orambhāgiya-saṇyojanānam pi kesañci ariyānaṇ uddham-bhāgiyāni duppajaheyyāni honti, tasmā suppajaheyyato duppajaheyyam eva dassento Bhagavā bhava-rāga-ppahāna-sīsenā sabbasāpi. uddhambhāgiya-saṇyojana-ppahānam āha. Therass' eva vā ajjhāsaya-vasen' eva vuttaṇ. Sesāṇ vutta-nayam evā ti.

Vaḍḍhamāna-tthera-gāthā-vannaṇā

Niṭṭhitā.

Catuttha-vagga-vannaṇā Niṭṭhitā.

¹ Ap. not quoted here.

² C. inserts dānarato.

³ S. quotes in full.

SIRIVADḌHA¹

Vivaram anupatanti vijjūtā ti, āyasmato Sirivadḍha-ttherassa gāthāyo. Ayaṇ purima-buddhesu katādhikāro tattha tattha vivatṭ' ūpanissayaṇ kusalaṇ upacinanto ito ekanavute kappe Vipasisa Bhagavato kāle kula-gehe nibbatitvā, viññutaṇ patto Vipassi-bhagavantaṇ passitvā, kinkhaṇi²-puppehi pūjaṇ katvā, tena puñña-kammaena devaloke nibbatto aparāparaṇ puññāni katvā, sugatīsu yeva saṅsaraṇto imasmiṇ Buddh' uppāde Rājagahe vibhava-sampannassa brāhmaṇassa gehe nibbatti. Sirivaddho ti 'ssa nāmaṇ ahoṣi. So vayappatto Bimbisāra-samāgame Satthari sadhamme ca uppanna-ppasādo hetu-sampannatāya pabbaji. Pabbajitvā kata-pubba-kicco Vebhāra-Paṇḍava-pabbatānaṇ avidūre aññatarasmiṇ araññāyatane pabbata-guhāyaṇ kammatṭhānam anuyutto viharati. Tasmiṇ ca samaye mahā akāla-megho utṭhahi. Vijjulatā pabbata-vivaraṇ pavisantiyo asaniyo viya³ vicaranti. Therassa ghamma⁴-parilāhābhībhūtassa sāra⁵-gabbhehi megga-vātehi ghamma-parilāho vūpasami, utu-sappāya-lābhena cittaṇ ekaggaṇ ahoṣi; samāhitacitto vipassanaṇ ussukāpetvā arahattaṇ pāpuni. Tena vuttaṇ *Apadāne* (i, 204)⁶;

Kaṇcan' agghika-sankāso sabbaññu lokanāyako

Odaka-daham oggayaḥ sināsi⁷ aggapuggalo . . . pe . . .

Arahattaṇ pana patvā aññā-padesena atta-sannissayaṇ⁸ udānaṇ udānento *vivaram anupatanti vijjūtā* ti gātham abhāsi. Tattha *vivaraṇ* ti, antarāḷa-vemajjhaṇ.⁹ *Anupatanti* ti; anū ti lakkhane, patanti, pavattanti; vijjotanti ti attho. Vijjotanam eva hi vijjulatānaṇ¹⁰ pavatti nāma. *Anu-sadda-yogena* c' ettha upayoga-vacanaṇ, yathā 'rukham anu-

¹ =v. 1167.

² A, C. kinkipi; Ap. kinkhaṇi.

³ A. pavisanto viya; B. pavisantiyo viya; C. pavisantā asaniyo viya.

⁴ A. samma°.

⁵ B. bhāra.

⁶ Under title Kinkhaṇika-pupphiya.

⁷ Ap. sinayi.

⁸ C, S. atthūpanissayaṇ.

⁹ A. antarenabhavem°; C. antarā vem°; S. antarāḷamajjhaṇ (antarāḷa=interval).

¹⁰ A. vijjūtānaṇ; B. vijjatānaṇ.

vijjotanti' ti.¹ *Vijjutā* ti, sateritā.² *Vebhārassa ca Paṇḍavassa cā* ti, Vebhāra-pabbatassa ca Paṇḍava-pabbatassa ca; vivaram anupatanti ti yojanā. *Nagavivara-gato* ti, nagara-vivaraṇ³ pabbata-gūhaṇ upagato. *Jhāyati* ti, ārammanūpanijjhānena lakkhaṇūpanijjhānena ca jhāyati; samatha-vipassanaṇ ussukkāpento bhāveti. *Putto appaṭimassa tādino* ti, sila-kkhandhādi-dhammakāya⁴-sampattiyā rūpa-kāya-sampattiyā ca anupamassa upamā-rahitassa iṭṭhāniṭṭhādīsu tādī-lakkhaṇa-sampattiyā tādino Buddhassa Bhagavato orasa-putto. Putta-vacanen' eva c' ettha therena Satthu anujāta⁵-bhāva-dīpanena aññaṇ byākatan ti veditabban ti.

Sirivaḍḍha-tthera-gāthā-vannaṇā
Niṭṭhitā.

KHADIRAVANIYA

Cāle Upacāle ti, āyasmato Khadira-vaniya-Revata-ttherassa gāthā. Ayaṇ kira Padumuttarassa Bhagavato kāle Haṇsa-vatī-nagare tittha-nāvika⁶-kule nibbattitvā Mahāgangāya payoga-patitṭhāna-titthe⁷ tittha-nāvā-kammaṇ karonto ekadivasaṇ sasāvaka-sanghaṇ Bhagavantaṇ Gangā-tīraṇ upagataṇ disvā, pasanna-mānaso nāvā-sanghātaṇ yojetvā, mahan-tena pūja-sakkārena para-tīraṇ pāpetvā aññatarāṇ bhikkhuṇ Satthārā araññakānaṇ agga-tṭhāne ṭhapiyamānaṇ disvā, tadatthaṇ patthanaṇ patṭhapetvā, Bhagavato bhikkhusaṅghassa ca mahādānaṇ pavattesi. Bhagavā ca tassa patthanāya avañjha-bhāvaṇ byākāsi. So tato patthāya tattha tattha vaṭṭ' ūpanissayaṇ kusalaṇ katvā, deva-manussesu saṇsaranto imasmiṇ Buddh' uppāde Magadha-raṭṭhe Nāla-kagāme Rūpasāriyā brāhmaṇiyā kucchismiṇ nibbatti. Vayappattaṇ mātā-pitaro ghara-bandhanena bandhitu-kāmā

¹ Quoted *Saddanīti*, 883: rukkhamaṇu vijjotati vijju.

² A, B. sateritā; C. vāteritā (?). Cf. VvA. 82 (sateritā vā ti vijjutatā viya).

³ B. nabha-viv°.

⁴ B. dhammitīya.

⁵ A. anubhāvanena.

⁶ A. attanāvika.

⁷ So S., but A. pahādāsa-titṭhānaṇ titthe; B. omits; C. payoga-titthe tittha-nāvā.

jātā tassa ārocesuṇ.¹ So Sāriputta-ttherassa pabbajita-bhāvaṇ sutvā: 'Mayhaṇ jettha-bhātā ayyo Upatisso imaṇ vibhavaṇ chaḍḍetvā pabbajito. Tena vanta-vamanaṇ kathāhaṇ paccāvamissāmi?' ti² jāta-saṇvego, pāsaṇ anupagacchanaka-migo viya, ñātake vañcetvā, hetu-sampattiyā codiyamāno bhikkhūnaṇ santikaṇ gantvā, Dhammasenāpatino kaniṭṭha-bhāvaṇ nivedetvā, attano pabbajjāya chandaṇ ārocesi. Bhikkhu taṇ pabbājetvā, paripunṇa-vassaṇ upasampādetvā, kammaṭṭhāne niyyojesuṇ. So kammaṭṭhānaṇ gahetvā, Khadiravanaṇ pavisitvā, 'arahattaṇ patvā Bhagavantaṇ Dhammasenāpatiṇ ca passissāmi' ti ghaṭento vāyamanto ñāṇassa paripāka-gatattā na cirass' eva chaḷabhiñño ahoṣi. Tena vuttaṇ *Apadāne* (i, 51)³:

Gangā Bhāgīrasī nāma pabhūtā Himavantato:

Titthassa nāviko āsiṇ; orime ca tarim p' ahaṇ . . .

pe . . .

Chaḷabhiñño pana hutvā thero Satthāraṇ Dhammasenāpatiṇ ca vandituṇ senāsanaṇ saṇsāmetvā, patta-civaram ādāya, anupubbena Sāvattaṇ patvā, Jetavanaṇ pavisitvā, Satthāraṇ Dhammasenāpatiṇ ca vanditvā, katipāhaṇ Jeta-

¹ A, B. *omit last two words.*

² A. tena vacanaṇ; S. tena vantavacanaṇ; C. tena vantaṇ khela-piṇḍaṇ kathāhaṇ paccāḥ gilissāmi. *But cf.* SA. ii, 245 (ahaṇ pabbajissāmi. Na tehi vanta-vamanaṇ jivh' agge ṭhaṇṇaṇ) and DhA. ii, 123 [ko rañño chaḍḍita-khela-piṇḍaṇ . . . mukhena gaṇhissāti?]. A. paccāgilissāmi; S. paccāḥgamissāmi.

³ *Confusion of names here. The last six lines of this Apadāna are from that of Kankhā-Revata (No. 539). All differ also in these first two given here.*

A. Gangā Bhagīrathī nāma pabhūtā Himavantato

Titthassa nāviko āsiṇ cavalañcakavāri(?) mayhaṇ tadā . . .

B. Gāṅgā Bhāgīrasī nāma pabhūtā himavatato(?).

T. n. a. carāmi mahiyaṇ tadā.

C. Gangā Bhagīrathī (as A.) . . .

T. n. a. orime ca tarim pahan.

S. (*omits first half*) pabhūtā Himavantato

T. n. a. pārāṇimhi mayaṇ tadā . .

Ap. *as* Himavantaṇ pabbhāvitaṇ

Kuṭitthe(?) nāviko āsiṇ orime ca tarim ahaṇ.

Here Revata is described as jhāyīnaṇ vāsiṇaṇ bhikkhūnaṇ aggo.

vane vihāsi. Atha naṃ Satthā ariya-gaṇa-majjhe nisinno araṇṇakānaṃ bhikkhūnaṃ agga-tṭhāne tṭhapesi: 'Etadaggaṃ, bhikkhave, mama sāvakānaṃ bhikkhūnaṃ araṇṇakānaṃ yadidaṃ Khadiravaniyo Revato' ti (A. i, 24). So aparabhāge attano jāta-gāmaṃ gantvā, *Cāle Upacāle Sīsupacāle* ti, tisaṇaṃ bhaginīnaṃ putte 'Cālā, Upacālā, Sīsupacālā' ti tayo bhāgineyye ānetvā, pabbājetvā, kammaṭṭhāne niyyojesi. Te kammaṭṭhānaṃ anuyuttā viharanti.

Etasmiṃ ca samaye therassa koci-d-eva ābādho uppanno. Taṃ sutvā Sāriputta-tthero: 'Revataṃ gilāna-pucchanaṃ adhigama-pucchanaṃ ca karissāmi' ti upagacchati. Revata-tthero Dhammasenāpatiṃ dūrato va āgacchantaṃ disvā tesāṃ sāmaṇeraṇaṃ sat' uppādana-vasena ovādaṃ dento *Cāle Upacāle* ti gātham abhāsi.

Tattha *Cāle Upacāle Sīsupacāle* ti, tesāṃ ālapanāṃ. Cālā, Upacālā, Sīsupacālā ti hi itthi-linga-vasena laddha-nāmā te tayo dārakā pabbajitāpi tathā vohariyyanti. Cālī, Upacālī, Sīsupacālī ti tesāṃ naman ti ca vadanti. Yadatthaṃ Cāle ti ādinā āmantanaṃ kataṃ. Taṃ dassento *paṭissatikā nu kho viharathā?* ti vatvā tattha-kāraṇam āha *āgato vo vāḷaṃ viya vedhī* ti.

Paṭissatikā ti, paṭissatā. *Kho* ti, avadhāraṇe. *Āgato* ti, āgacchi. *Vo* ti, tumhākaṃ. *Vāḷaṃ viya vedhī* ti, vāla-vedhī viya. Ayaṃ h' ettha sankhep' attho: Tikkha-javana-nibbedhika-paññatāya vāla-vedhī-rūpo Satthu-kappo tumhākaṃ mātula-tthero āgato. Tasmā samaṇa-saṇṇaṃ upaṭṭhapetvā paṭisati-sampajañña-yuttā¹ eva hutvā viharatha, yathādhi-gate vihāre appamattā bhavathā ti.

Taṃ sutvā te sāmaṇerā Dhammasenāpatissa paccuggama-nādi-vattaṃ katvā ubhinnaṃ mātula-ttherānaṃ paṭisanthāra²-velāyaṃ nātidūre samādhīya samāpajjitvā nisīdiṃsu. Dhammasenāpati Revata-ttherena saddhiya paṭisanthāraṃ³ katvā utthāyāsanaṃ te sāmaṇere upasankami. Te tathā kāla-paricchadassa katattā³ there upasankamante eva utthahitvā vanditvā aṭṭhaṃsu. Thero: 'Katara-katara-vihārena viha-

¹ B. sampajañña-yuttā.

² B. paṭisandhāya.

³ B. kattā.

rathā?' ti pucchitvā, tehi 'imāya imāyā' ti vutte; 'dārake pi nāma evaṇ vinento mayhaṇ bhātiko sacca-vādi¹ vata dhammassa anudhamman' ti therāṇ pasaṇsanto pakkāmi.

**Khadiravaniya-tthera-gāthā-vaṇṇanā
Niṭṭhitā.**

SUMANGALA

Sumuttiko ti, āyasmato Sumangala-ttherassa gāthā. So pi purima-buddhesu katādhikāro tattha tattha bhava vivaṭṭ' ūpanissayaṇ puññaṇ upacinanto Siddhatthassa Bhagavato kāle rukkha-devatā hutvā nibbatti. So ekadivasaṇ Satthāraṇ nhāyitvā eka-cīvaraṇ ṭhitaṇ disvā, somanassa-ppatto hutvā appoṭesi.² So tena puñña-kammena deva-manus-sesu saṇsaranto imasmiṇ Buddh' uppāde Sāvattihiyā avidūre aññatarasmiṇ gāmake tādisena kamma-nissandena dalidda-kule nibbatti. Tassa Sumangalo ti nāmaṇ ahosi. So vayappatto khuddakāsita-nangala-kudāla-parikkhāro hutvā kasiyā jīvati.

So ekadivasaṇ raññā Pasenadi-Kosalena Bhagavato bhikkhu-sanghassa ca mahādāne pavattiyamāne dān' upakaraṇāni gahetvā, āgacchantehi manussehi saddhiṇ daddhi-ghaṭaṇ gahetvā āgato; bhikkhūnaṇ sakkāra-sammānaṇ disvā, 'Ime samaṇā Sakyaputtiyā sukhuma-vattha-nivatthā subhojanāni bhuñjitvā nivātesu senāsanesu viharanti. Yaṇnū-nāham pi pabbajeyyan?' ti cintetvā, aññatarāṇ mahātherāṇ upasankamitvā attano pabbajjādhippāyaṇ nivedesi. So taṇ karuṇāyanto pabbājetvā kammaṭṭhānaṇ ācikkhi. So araṇṇe viharanto ekaka-vihāre nibbinno ukkaṇṭhito hutvā, vibbhamitu-kāmo ñati-gāmaṇ gacchanto antarā-magge kacchaṇ bandhitvā, khettaṇ kasante kiliṭṭha-vattha-nivatthe saman-tato rajokinna-sarīre vātātapena sussante³ kassake disvā; 'Mahantaṇ vat' ime sattā jīvikā-nimittaṇ⁴ dukkhaṇ paccā-

¹ A. paccupāti; B. paccupādi; C. saccavādi; S. saccadivassa tassa tanudh°.

² A, B, S. appoṭesi.

³ B. phusante.

⁴ A. jivita-vittaṇ; B. jivaka-nimitta; for jivikā-nimittaṇ cf. UdA. 204.

nubhontī' ti saṇvegaṇ paṭilabhi; ñāṇassa paripākaṇ gatattā yathā-gahitaṇ kammaṭṭhānaṇ upaṭṭhāsi. So aññatarāṇ rukha-mūlaṇ upagantvā, vivekaṇ labhitvā, yoniso manasikaronto vipassanaṇ vaddhetvā, magga-paṭipātiyā arahattaṇ pāpuṇi. Tena vuttaṇ *Apadāne* (i, 147)¹:

Atthadassī jinavaro loka-jetṭho narāsaḃho

Vihārā abhinikkhamma taḷakaṇ upasankami . . . *pe* . . .

Arahattaṇ pana patvā sampattiṇ attano dukkha-vimuttikittana-vasena udānaṇ udānento *sumuttiko* ti ādim āha.

Tattha *sumuttiko* ti, suṇḍarā accantikataḷā apuna-bbhavikā mutti etassā ti, sumuttiko. Tassa pana vimuttiyā paṇḍisiyatāya acchariyatāya ca apphotento² āha 'sumuttiko' ti; puna tattha vimuttiyaṇ attano pasāḍassa daḷhī-bhāvaṇ dassento, *sāhu sumuttiko* 'mhi ti āha. 'Sādhu suṭṭhu sumuttiko vat' amhi' ti attho. Kuto paṇāyaṇ sumuttikatā ti? Kāmaṇ cāyaṇ thero sabbasmā pi vaṭṭa-dukkhato suvimutto; attano pana tāva³ upaṭṭhitaṇ ativiya anitṭha-bhūtaṇ dukkhaṇ desento *tīhi khujjakhehi* ti ādim āha. Tattha *khujjakhehi* ti, khujja-sabhāvehi khujjākārehi vā. Nissakka-vacanaṇ c' etaṇ mutta⁴-saddāpekkhāya. Kassako hi akhujjako pi samāno tīsu ṭhānesu attānaṇ khujjaṇ katvā dasseti; lāyane, kasane, kuddāla-kamme ca. Yo hi pana kassako lāyanādīni karoti, tāni pi asitādīni kuṭilākārato khujjakāni ti vuttaṇ, *tīhi khujjakhehi* ti.

Idāni tāni sarūpato dassento, *asitāsu mayā nangalāsu mayā khujja-kuddālāsu*⁵ *mayā* ti āha. Tattha *asitāsu mayā* ti, lavittehi⁶ *mayā* muttan ti attho. Nissakke c' etaṇ bhumma-vacanaṇ; sesesu pi es' eva nayo. Apare pana *asitāsu mayā* ti, lavittehi kāraṇa-bhūtehi *mayā* mucchitan⁷ ti vādanti. Tesāṇ matena⁸ kāraṇ' aṭṭhe hetumhi vā bhumma-vacanaṇ. *Nangalāsū* ti, linga-vipallāsaṇ katvā vuttaṇ. Nangalehi kasirehi ti attho. Attanā vaḷañjita-kuddālassa sabhāvato vaḷañjanena vā appakatāya vuttaṇ.

¹ Under same title.

² Here A. āpoṭh.; B. apphoṭ°.

³ B. bhāvaṇ; A, C. tāva; S₁ tāya.

⁴ B. putta°; S. matta°.

⁵ Text, B. khudda°; S. uddha°.

⁶ B. lacittehi; A. kilacittehi (and below).

⁷ A, B. khujjitaṇ; S. omiṭa.

⁸ B. patena.

*Khuddakuddālāsū*¹ ti pi pāli; vaḷañjanen' eva atikhiṇa-khanittisū² ti attho. *Idham evā* ti; *ma-kāro*³ pada-sandhi-karo. *Athavā pi* ti; *pi-saddo*³ nipāta-mattaṇ. Gāmake tthittā tāni asitādini, kiñcāpi idh' eva mama samīpe yeva tathāpi alam eva tehi ti attho. Turita-vasena c' etaṇ āmenḍita-vacanaṇ. *Jhāyā* ti, phala-samāpatti-jhāna-vasena diṭṭha-dhamma-sukha-vihār' atthaṇ dibba-vihārādi-vasena ca jhāya. *Sumangalā* ti, attānam ālapati; jhāne pana ādara-dassan' atthaṇ āmenḍitaṇ kataṇ. *Appamatto viharā* ti, sati-paṇṇā-vepulla-ppattiyā sabb' atthakam eva appamatto 'si tvaṇ; tasmā idāni sukhaṇ vihara, Sumangala. Keci pana arahattaṇ appatvā⁴ eva, vipassanāya vīthi-pannāya⁵ sāsane sañjātābhīratīyā⁶ tathānubhūtaṇ gharāvāsa-dukkhaṇ jigucchanto thero imaṇ gāthaṇ vatvā, pacchā vipassanaṇ vaddhetvā arahattaṇ pāpuṇi ti vadanti; tesā matena *jhāya appamatto viharā* ti padānaṇ attho vipassanā-magga-vasenā pi yujjati eva.

Sumangala-tthera-gāthā-vaṇṇanā
Nīṭṭhitā.

SĀNU

Matā vā amma rodantī ti, āyasmato Sānu-ttherassa gāthā. So kira purima-buddhesu katādhikāro tattha tattha bhava vivatṭ' ūpanissayaṇ puṇṇaṇ upacinanto ito catu-nāvute kappe Siddhatthassa Bhagavato hattha-pāda-dhovana-mukha-vikkhālanānaṇ atthāya udakaṇ upanesi. Satthā hi bhojana-kāle hattha-pāde dhovitu-kāmo ahosi. So Satthu ākāraṇ sallakkhetvā udakaṇ upanesi. Bhagavā hattha-pāde dhovitvā, bhuñjitvā, mukhaṇ vikkhāletu-kāmo ahosi. So

¹ B. kuṇḍikuddhālāsū; S. kuṇḍakuddāl°.

² A. atikhiṇa-khaṇantesu; B. at.-khaṇitthesu; C. atikhiṇaṇ khaṇantesu; S. at.-khaṇittesu. [Perhaps a confusion with atikhaṇaṇ khaṇantesu (of digging too deep) at JA. ii, 296.]

³ B. va-kāro; and below vā-saddo. A. athavā pi vad pi-saddo.

⁴ A. avatvā.

⁵ A. vīthi-pannāya; B. v. sandhāya; S. vīthi-paṭipann°.

⁶ C. pabbajjābhīratīyā; A. sāsane pabbajatha.

tam pi ñatvā mukhodakaṇ upanesi. Satthā mukhaṇ vikkhāletvā, mukha-dhovana-kiccaṇ niṭṭhapesi. Evaṇ Bhagavā anukampaṇ upādāya tena kariyamānaṇ veyyāvaccaṇ sādīyi. So tena puñña-kammaena devaloke nibbattitvā aparāparaṇ puññāni katvā, deva-manussesu saṅsaranto imasmiṇ Buddh' uppāde Sāvattiyaṇ aññatarassa upāsakassa gehe paṭisandhiṇ gaṇhi. Tasmiṇ gabbha-gate yeva pitā pavasaṇ gato.¹ Upāsikā dasa-mās' accayena puttaṇ vijāyitvā Sānū ti 'ssa nāmaṇ akāsi. Tasmiṇ anukkamena vaḍḍhante² satta-vassikaṇ yeva taṇ bhikkhūnaṇ santike pabbājesi. 'Evam ayaṇ anantarāyena³ vaḍḍhitvā accanta-sukha-bhāgi⁴ bhavissati' ti. So Sānu sāmaṇero ti paññāto, vatta-sampanno, bahussuto dhamma-kathiko sattesu mett' ajjhāsayo⁵ hutvā deva-manussānaṇ piyo ahosi, manāpo ti. Sabbaṇ Sānu-sutte (S. i, 208)⁶ āgata-nayena veditaḥḥaṇ.

Tassa atita-jātiyaṇ mātā yakkha-yoniyaṇ nibbatti. Taṇ yakkhā: 'Sānu-ttherassa ayaṇ mātā' ti garu-cittikāra-bahulā hutvā mānenti.⁷ Evaṇ gacchante kāle puthujjana-bhāvassa ādīnavaṇ vibhāventaṇ viya, ekadivasaṇ Sānussa yoniso manasikārābhāvā ayoniso ummujjantassa, vibbhamitu-kāmatā cittaṇ uppajjitaṇ tassa yakkhīni mātā ñatvā, manussa-mātuyā ārocesi: "Tava putto Sānu 'vibbhamissāmi' ti cittaṇ uppādesi. Tasmā tvaṇ

Sānuṇ pabuddhaṇ vajjāsī: Yakkhānaṇ vacanam idaṇ:

'Mākāsi pāpakaṇ kammaṇ āviṇ vā yadivā raho.

Sace va pāpakaṇ kammaṇ karissasi karosi vā,

Na te dukkhā pamutt' atthi uppaccāpi palāyato' ti⁸
evaṇ bhaṇāhi" ti.

Evaṇ ca pana vatvā yakkhīni-mātā tath' ev' antaradhāyi. Manussa-mātā pana taṇ sutvā parideva-soka-samāpannā ceto-dukkha-samappitā ahosi. Atha Sānu-sāmaṇero pub-

¹ A, B. kato.

² A, C, S. anantarāyo.

³ B. -ajjhāyako.

⁴ A. nāmenti; C. paṇāmenti.

⁵ A. vaḍḍhento; C. vaḍḍhente.

⁶ A. antasukhakāri.

⁷ Cf. SA. i, 305.

⁸ Quoted UdA. 295; Netti 131; DhA. iv, 21; PvA. 103 [where see ill.; DhA. pamokkhanti; upacchāpi; upecca, etc.]. ThigA. on v. 246 (mokkhā n' atthi; upecca eq. to sañcicca).

baṇḍa-samayaṇ nivāsetvā, patta-cīvaram ādāya, mātu santi-kaṇ upagato, mātaraṇ rodamaṇaṇ disvā: ‘Amma, kiṇ nissāya rodasī?’ ti vatvā, ‘Taṇ nissāyā’ ti ca vutte¹: ‘*Mātuṇ vā, amma, rodanti, yo vā jīvaṇ na dissati*’ ti² gātham abhāsi. Tass’ attho: ‘Amma, rodantā nāma nātakā mittā vā attano nātaka-mittaṇ vā mataṇ vā uddissa rodanti, paralokaṇ gatattā. Yo vā nātako mitto vā jīvaṇ jīvanto des’ antaraṇ pakkantatāya ca na dissati, taṇ vā uddissa rodanti. Ubhayaṃ p’ etaṇ mayi na vijjati; evaṇ sante jīvaṇtaṇ dharamāṇaṇ maṇ purato tṭhitaṇ³ passanti, kasmā, amma, rodasī? Maṇ uddissa tava rodanassa kāraṇam eva n’ atthi’ ti.

Taṇ sutvā tassa mātā: ‘Maraṇaṇ h’ etaṇ, bhikkhave, (ariyassa vinaye) yo sikkhaṇ paccakkhāya hināyāvattati’ ti (S. ii, 271)⁴ sutta-padānusārena ‘uppabbajjanaṇ⁵ ariyassa vinaye maraṇaṇ’ ti dassenti

Matan vā puttaṇ rodanti yo vā jīvaṇ na dissati.

Yo ca kāme cajitvāna puna-rāgacchate idha,

Taṇ vāpi, putta, rodanti; puna jīvaṇ mato hi so.

Kukkuḷā ubbhato, tāta, kukkuḷaṇ patitū icchasi? ti

(S. i, 209)

gātham abhāsi. Tattha *kāme cajitvānā* ti, nekkhamm’ ajjhāsayena vatthu-kāme pahāya, taṇ ca kilesa-kāmassa tadanga-ppahāna-vasena veditabbaṇ; pabbajjā h’ ettha kāma-pariccāgo adhippeto. *Puna-rāgacchate idhā* ti, idha gehe puna-d-eva āgacchati; hināyāvattantaṇ sandhāya vadatai. *Taṇ vāpi* ti, yo pabbajitvā vibbhamati, taṇ vāpi puggalaṇ mataṇ viya mādisiyo rodanti. Kasmā? ti ce, *puna jīvaṇ mato hi so*; vibbhanto pacchā yo jīvanto so guṇa-maraṇena atthato mato yeva. Idāni ’ssa visesa-saṇvegaṇ⁶ janetuṇ, *kukkuḷā* ti ādi vuttaṇ. Tass’ attho: Ahorattiṇ’ ādahantaṇ viya hutvā, ḍahan’ atṭhena kukkuḷā-niraya-

¹ A, B. *insert* mātu.

² Cf. MA. iii, 102.

³ A, B. *tṭhitaṇ*.

⁴ Cf. SA. i, 308 (uppabbajitvā puna jīvanto pi so matako va); ThigA. on v. 246.

⁵ B. *uppabbajjaṇ*.

⁶ A. *sivisa*; B. *savisesa*; S. *yaṇ visesaṇ*.

⁷ A, S. *arahattaṇ* (!); C. *ādittaṇ and omits ādahantaṇ*.

sadisattā kukkulā, gihī-bhāvā, anukampantiyā mayā ubbhato, uddhato, tāta, Sānu, kukkulaṇ patituṇ icchasi, patitukāmo 'sī?' ti. Taṇ sutvā, Sānu sāmaṇero saṇvega-jāto hutvā, vipassanaṇ paṭṭhapetvā, na cirass' eva arahattaṇ pāpuṇi. Tena vuttaṇ *Apadāne* (i, 205)¹:

Bhuñjantaṇ samaṇaṇ disvā vippasannam anāvilan
Ghaṭen' odakam ādāya Siddhatthassa adās' ahaṇ . . .
pe . . .

Arahattaṇ pana patvā thero: 'Imassa gāthāya vasena mayhaṇ vipassanārambho arahatta-ppatti ca jāto' ti udāna-vasena tam eva gāthaṇ paccudābhāsi.

Sānu-tthera-gāthā-vaṇṇanā
Niṭṭhitā.

RAMANĪYAVIHĀRI

*Yathā pi bhaddo ājañño*² ti, āyasmato Ramanīyavihāri-ttherassa gāthā. So pi purima-buddhesu katādhikāro tattha tattha puññāni upacinanto, ito eka-navute kappe Vipassiṇ Bhagavantaṇ disvā, pasanna-mānaso pañca-paṭiṭṭhena vānditvā, koraṇḍa-pupphehi pūjaṇ akāsi. So tena puñña-kammaena devesu nibbattitvā aparāparaṇ puññāni katvā, deva-manussesu saṇsaranto imasmiṇ Buddh' uppāde Rājagahe aññatarassa seṭṭhissa putto hutvā nibbatto yobbana-madena kāmesu mucchaṇ āpanno viharati.

So ekadivasaṇ aññatarāṇ pāradārikaṇ rāja-purisehi vividhā-kamma-kāraṇā kayiramānaṇ disvā, saṇvega-jāto Satthu santike dhammaṇ sutvā pabbaji. Pabbajito ca rāga-caritatāya nicca-kālaṇ susammaṭṭhaṇ³ parivenaṇ supaṭiṭṭhitaṇ pāṇiya-paribhojanaṇ supaññattaṇ mañca-piṭṭhaṇ⁴ katvā viharati. Tena so Ramanīya-vihāri tveva paññāyittha. So rāg' ussannatāya⁵ ayoniso manasikaritvā sañcetanikaṇ sukka-visaṭṭhi-āpattiṇ āpajjitvā, 'Dhī-r-atthu, yaṇ evaṇbhū-

¹ Under title Udaka-dāyaka.

² Cf. Dh. v. 326.

³ A. C. susammaṭṭhaṇ; B. susamaṭṭhaṇ; S. susammaṭthaṇ.

⁴ A. sumañca-paññattaṇ pañca-p.

⁵ A. rāgavūpasantatāya.

to saddhā-deyyaṇ bhuñjeyyan!'¹ ti,¹ vippaṭisārī hutvā, 'vibbhamissāmi' ti gacchanto antarā-magge rukkha-mūle nisīdi.

Tena ca maggena sakātesu gacchantesu eko sakāṭa-yutto goṇo parissamato² visama-tṭhāne khalitvā pati. Taṇ sākāṭikā yugato muñcitvā tiṇodakaṇ datvā, parissamaṇ vinodetvā, punāpi dhure yojetvā agamaṇsu. Thero taṇ disvā: 'Yathāyaṇ goṇo sakiṇ khalitvāpi utṭhāya sakaṇ dhuraṇ vahati, evaṇ mayāpi kilesa-vane³ sakiṇ khalitenāpi utṭhāya samaṇa-dhammaṇ kātuṇ vaṭṭati' ti yoniso ummuj-janto⁴ nivattitvā, Upāli-ttherassa attano pavattiṇ ācikkhitvā, tena vutta-vidhinā āpattito vuṭṭahitvā, sīlaṇ pākāṭikaṇ katvā, vipassanaṇ paṭṭhapetvā, na cirass' eva arahattaṇ pāpuṇi. Tena vuttaṇ *Apadāne* (i, 206)⁵:

Akkantañ ca⁶ padaṇ disvā cakkālankāra-bhūsitāṇ

Padenānupadaṇ yanto Vipassissa mahesino . . . pe . . .

Arahattaṇ pana patvā, vimutti-sukhaṇ anubhavanto attano pubba-bhāga-paṭipattiyā saddhiṇ ariya-dhammādhi-gamana-dīpaniṇ *yathāpi bhaddo ājaṇṇo khalitvā paṭiṭṭhati* ti gātham abhāsi. Tattha *khalitvā* ti, pakkhalitvā. *Paṭiṭṭhati* ti, paṭiṭṭhahati, puna-d-eva yathā-tṭhāne tiṭṭhati. *Evaṇ* ti, yathā bhaddo usabhājanīyo bhāraṇ vahanto parissama-ppatto visama-tṭhānaṇ āgamma ekavāraṇ pakkhalito, pa-tito, na tattakena dhuraṇ chaḍḍeti, thama-java-parakkama-sampannatāya pana khalitvāpi paṭiṭṭhati, attano sabhāven' eva ṭhatvā bhāraṇ vahati; *Evaṇ* kilesa-parissamato⁷ kiri-yāparādhena⁸ khalitvā, taṇ khalitaṇ thāma-viriya-sampat-tiyā paṭipākātikaṇ katvā, magga-sammā-diṭṭhiyā *dassana-sampannaṇ*, tato eva *Sammāsambuddhassa* (dhamma-)sa-vaṇante⁹ ariyāya jātiyā jātitāya *sāvakaṇ*, tassa uro-vāyāma-

¹ C, S. dhīratthu mayaṇ . . . bhuñjeyyāmā; A, B. yaṇ . . . bhuñ-jeyyan.

² C. parissanto.

³ A, C. kilesa-vasena.

⁴ A. uppajjento; B, S. ummajjanto; C. upapajjanto. Cf. on v. 62 (ayoniso ummujjanto).

⁵ Under title Koraṇḍa-pupphiya.

⁶ S. asakkaṇ tañ ca.

⁷ A. -parissayammappano; C. -parissamappatto.

⁸ S. -pabhedena.

⁹ A. pavanante. Cf. UdA. 125 (Bhagavato dhamma-savaṇante jātattā).

janitābhijātītāya¹ orasaṇ puttāṇ, bhaddājāniya-sadisa-kiccatāya ājānīyaṇ ti ca maṇ dhāretha, upadhārethā ti attho.

Ramaniyavihari-tthera-gāthā-vannaṇā
Niṭṭhitā.

SAMIDDHI

Saddhāyāhaṇ pabbajito ti, āyasmato Samiddhi-ttherassa gāthā. Ayam pi purima-buddhesu katādhikāro tattha tattha puññāni upacinanto ito catu-navute kappe Siddhatthaṇ Bhagavantaṇ passitvā, pasanna-mānaso savaṇṭāni pupphāni kaṇṇika-baddhāni gahe tvā pūjesi. So tena puñña-kammena devaloke nibbattitvā aparāparaṇ puññāni katvā, sugatisu yeva parivattanto imasmiṇ Buddh' uppāde Rājagahe kula-gehe nibbatti. Tassa jāta-kālato paṭṭhāya taṇ kulaṇ dhana-dhaññādihi vadḍhi; attabhāvo c' assa abhirūpo dassaniyo guṇavā iti vibhava-samiddhiyā ca guṇa-samiddhiyā ca Samiddhi tveva paññāyittha.

So Bimbisāra-samāgame Buddhānubhāvaṇ disvā, paṭiladdha-saddho pabbajitvā bhāvanāya yutta-payutto viharanto, Bhagavati Tapodārāme viharante, ekadivasaṇ evaṇ cintesi: 'Lābhā vata me! Satthā arahaṇ Sammāsambuddho; svākkhāte cāhaṇ dhamma-vinaye pabbajito; sabrahmacārino ca² me silavanto kalyāṇa-dhammā!' ti. Tass' evaṇ cinfentassa ulāraṇ pīti-somanassaṇ udapādi. Taṇ asahanto Māro Pāpimā therassa avidūre mahantaṇ bherava-saddam akāsi³; paṭhaviyā udriyana⁴-kālo viya ahosi. Thero Bhagavato tam atthaṇ ārocesi. Bhagava: 'Māro tuyhaṇ vicakkhu-kammāya ceteti.⁵ Gaccha, bhikkhu. Taṇ acintetvā tattha viharāhi' ti āha. Thero tattha gantvā viharanto na cirass' eva vipassanaṇ ussukkāpetvā arahattaṇ pāpuṇi. Tena vuttaṇ *Apadāne* (i, 206)⁶:

¹ A. uredhāyājanitāhi jātiyā; B. urovāyāma-janitābhijātītāya; C ure vāsamajani ti tāyābhijātītāya; S. ure vāyāmajanitābhijātītāya.

² A. -cariyā ca; C. -cārī ca.

³ Cf. S. i, 119; SA. i, 176.

⁴ A. udriyana.

⁵ B. ceti; S. ceto ti.

⁶ Under title Saiaḷa-māliya.

Kaṇikāraṇ va jotantaṇ nisinnaṇ pabbatantare
Obhāsentaṇ disā sabbā Siddhatthaṇ narāsabhiṇ . . .
pe . . .

Arahattaṇ pana patvā tath' eva viharantassa therassa
khīṇāsava-bhāvaṇ ajānanto purima-nayen' eva Māro ma-
hantaṇ bherava-saddaṇ akāsi. Taṇ sutvā thero abhito
acchambhī, 'tādisānaṇ Mārānaṇ satam pi¹ sahasam pi
mayhaṇ lomam pi na kampeti' ti² aññaṇ byākaronto *sad-
dhāyāhaṇ pabbajito* ti gātham abhāsi. Tattha *saddhāyā*
ti, dhamma-cchanda-samuṭṭhānāya kamma-phala-saddhāya
c' eva ratana-ttaya-saddhāyā ti, *Ahan* ti, attānam uddisati.³
Pabbajito ti, pabbajjaṇ upagato. *Agārasmā* ti, gehato,
gharāvasato vā. *Anagāriyaṇ*⁴ ti, pabbajjaṇ. Sā hi yaṇ
kiñci kasi-vaṇijjādi-kammaṇ agāra-ssahitan ti, agāriyaṇ
nāma; tad-abhāvato anagāriyaṇ ti vuccati. *Sati paññā*
ca me vuḍḍhā ti, saraṇa-lakkhaṇā-sati, pajānana-lakkhaṇā-
paññā ti, ime dhammā vipassanā-lakkhaṇato paṭṭhāya
magga-paṭipātiyā yāva arahattā me vuḍḍhā vadḍhitā,⁵
na 'dāni vadḍhetabbā, sati-paññā-vepulla-ppattā ti dasseti.

Cittaṇ ca susamāhitaṇ ti, aṭṭha-samāpatti-vasena c' eva
lokuttaraṇ samādhī-vasena ca cittaṇ me suṭṭhu samāhitaṇ;
na 'dāni tassa samādhātappaṇaṇ atthi⁶ samādhī-vepulla-ppatto
ti dasseti. Tasmā *kāmaṇ karassu rūpānī* ti; 'Pāpima, maṇ
uddissa yāni kānici vippakārāni yathā-ruciṇ karohi. Tehi
pana *n' eva maṇ byādhayissasi*. Mama sarīra-kampana-
mattam pi kātuṇ na sakkhissasi; kuto citt' aññathattaṇ?⁷
Tasmā tava kiriya, apaṭicchita-ppaheṇakaṇ⁸ viya na kiñci
atthaṇ sādheti,⁹ kevalaṇ tava citta-vighāta-matta-phalā' ti
thero Māraṇ tajjesi. Taṇ sutvā Māro: 'Jānāti maṇ samaṇo'
ti tatth' ev' antaradhāyi.

Samiddhi-tthera-gāthā-vaṇṇanā
Niṭṭhitā.

¹ B. sakam pi.

² B. nikampeti.

³ B. niddisati.

⁴ Cf. UdA. 174; SA. ii, 180; C. agārasa hitaṇ.

⁵ A. vadḍha-vadḍhita.

⁶ Cf. SA. i, 107.

⁷ B. aññatittāṇ.

⁸ A, B. pahonakaṇ.

⁹ B. bhaveti.

UJJAYA

[8] *Namo te Buddhavīr' atthū ti*, āyasmato Ujjaya¹-ttherassa gāthā. Ayam pi purima-buddhesu katādhikāro tattha tattha bhava puññāni karonto ito dvā-navute kappe Tissaṇ Bhagavantaṇ passitvā, pasanna-mānaso kaṇikāra-pupphēhi pūjaṇ akāsi. So tena puñña-kammena devaloke nibbatitvā, aparāparaṇ puññāni katvā, deva-manussesu saṇsaranto imasmiṇ Buddh' uppāde Rājagahe aññatarassa sotthiya-brāhmaṇassa putto hutvā nibbatti. Ujjayo ti 'ssa nāmaṇ ahosi. So vayappatto tiṇṇaṇ vedānaṇ pāragū hutvā, tattha sāraṇ apassanto upanissaya-sampattiyā codiyamāno Veḷuvanaṇ gantvā, Satthu santike dhammaṇ sutvā paṭiladdha-saddho pabbajitvā, cariyānukūlaṇ kammaṭṭhānaṇ gahetvā, araṇṇe viharanto vipassanaṇ vaḍḍhetvā, na cirass' eva arahattaṇ pāpuṇi. Tena vuttaṇ *Apadāne* (i, 203)²:

Kaṇikāraṇ pupphitaṇ disvā ocinitvān' ahaṇ tadā

Tissassa abhiropesiṇ ogha-tiṇṇassa tādino . . . *pe* . . .

Arahattaṇ pana patvā, Satthu santikaṇ gantvā, vanditvā, ekamantaṇ nisiditvā, Bhagavato thomaṇākārena aññaṇ byākaronto *Namo te Buddha-vīr' atthū ti* gātham abhāsi.

Tattha *namo ti*, paṇāma-kittanaṇ. *Te ti*, paṇāma-kiriyāya sampadāna-kittanaṇ tuyhaṇ ti attho. *Buddhavīrā ti* ca Bhagavato ālapanaṇ. Bhagavā hi yathā abhiññeyyādi³-bhedenā sayambhū-ñāṇena anavasesato buddhattā Buddhō ti vuccati; evaṇ pañcannam pi Mārānaṇ abhimaddana-vasena padahantena mahatā-viriyena samannāgatattā vīro ti vuccati. *Atthū ti*, hotu; tassa nāmo ti iminā sambandho.

Vippamutto 'si sabbadhī ti, sabbehi kilesēhi sabbasmiṇ ca sankhāra-gate bhava vippamutto, viṣaṇyutto asi, bhavasi⁴; na tayā kiñci avippamuttaṇ nāma atthi. Yato 'haṇ *tuyhāpadāne*⁵ *vihāraṇ viharāmi anāsavo*, tuyhaṇ, tava apadāne,

¹ A. Ujjaya, and below Uppajjaya.

² Under title Kaṇikāra-pupphiya.

³ A, C. insert -bhedassa atthassa abhiññeyyādi-bh°.

⁴ A, B. abhibhavasi.

⁵ B. tuyhaṇ padāne.

ovāde, gata-magge, paṭipatti-cariyāya viharan, yathā-satti¹ yathā-balan paṭipajjanto, kāmāsavādīnan catunnam pi āsa-vānan suppahinattā *anāsavo* viharāmi; tādisassa, namo te Buddha-vīr' atthū ti.

Ujjaya-tthera-gāthā-vanṇanā
Nīṭṭhitā.

SAÑJAYA

Yato ahan ti, āyasmato Sañjaya²-ttherassa gāthā. So purima-buddhesu katādhikāro tattha tattha bhava vivatṭ' ūpanissayan puññaṇ upacinanto Vipassissa Bhagavato kāle mahatī pūge sankitti-vasena³ vatthun saṅharitvā, ratana-ttayan uddissa puññaṇ karonto sayan daliddo hutvā, nezan gaṇādīnan⁴ puñña-kiriyāya byāvato ahosi. Kālena kālan Bhagavantan upasankamitvā vandi, pasanna-mānaso bhikkhūnañ ca taṇ taṇ veyyāvaccan akāsi. So tena puñña-kammena devaloke nibbatto aparāparan puññāni katvā, sugatīsu yeva saṅsaranto imasmiṇ Buddh' uppāde Rājagahe vibhava-sampannassa brāhmaṇassa putto hutvā nibbatti, Sañjaya nāma nāmena. So vayappatto Brahmāyu Pokkharasāṭi-ādike abhiññāte brāhmaṇe⁵ sāsane abhipasanne disvā, sañjāta-pasādo Satthāran upasankami. Tassa Satthā dhamman desesi. So dhamman sutvā sotāpanno ahosi. Aparabhāge pabbajī, pabbajanto ca khur' agge yeva chaḷabhiñño ahosi. Tena vuttan *Apadāne* (i, 138)⁶:

Vipassissi Bhagavato mahāpūga-gaṇo⁷ ahu,

Veyyāvacca-karo āsiṇ sabba-kiccesu vyāvato . . .

pe . . .

¹ A. -satthi.

² B. Sañcara.

³ A. mahatī sūheyan kitti; C. mahatīsu parisāsu (?) kitti; S. sakitti-vasena. Ap. [line 1] *supports* pūga; viz. mahāpūga-gaṇo ahu. For sankitti see P. Dict.

⁴ A. dhana-sangharenādīnā; B. nezan nodīnan (*altered to gaṇādīnan*); C. jana-sangahenādī^o; S. janasanghānādīnā.

⁵ Cf. Sn. 112; P.J. ii, 462; Dialog. i, 135.

⁶ Under title Veyyāvaccaka.

⁷ A. sūri-gaṇo; Ap. B. pūga-gaṇo; C. bhūrigaṇo; S. parāputa-gaṇā; Ap. vl. subha-gato.

Chaḷabhiñño pana hutvā aññaṇ byākaronto yato ahaṇ pabbajito ti gātham abhāsi. Tattha yato ahaṇ pabbajito ti, yato pabhuti, yato paṭṭhāya; ahaṇ pabbajito, pabbajita-kālato paṭṭhāya. Nābhijānāmi sankappaṇ anariyaṇ dosa-saṇhitaṇ ti, rāgādi-dosa-saṇhitaṇ; tato eva anariyaṇ nihīnaṇ, ariyehi vā na iriyatāya, anariyehi iriyatāya ca, anariyaṇ vā pāpakaṇ; ārammaṇe abhūta-guṇādi-sankappanato, sankappo ti laddha-nāmaṇ kāma-vitakkādi micchā-vitakkaṇ uppāditaṇ nābhijānāmi ti. Khur'agge yeva mayā arahattaṇ pattaṇ ti aññaṇ byākāsi.

Sañjaya-tthera-gāthā-vanṇanā
Niṭṭhitā.

RĀMAṆEYYAKA

Ciha-cihābhinadite¹ ti, āyasmato Rāmaṇeyya-ttherassa gāthā. Ayam pi purima-buddhesu katādhikāro tattha tattha bhava puññāni upacinanto Sikhissa Bhagavato kāle kula-gehe nibbattitvā, viññutaṇ patto Bhagavantaṇ disvā, pasanna-mānaso pupphehi pūjaṇ akāsi. So tena puñña-kammena devaloke nibbatto aparāparaṇ puññāni katvā, sugatīsu yeva parivaṭṭanto imasmiṇ Buddh' uppāde Sāvattiyaṇ ibbha²-kule nibbattitvā, vayappatto Jetavana-paṭiggahaṇe³ sañjāta-pasādo pabbajitvā, cariyānukūlaṇ kammaṭṭhānaṇ gahetvā, araṇṇe viharati. Tassa attano sampattiyā pabbajita-sārūpāya⁴ yeva paṭipattiyā pāsādika-bhāvato Rāmaṇeyyo tveva samañña ahoṣi. Ath' ekadivasaṇ Māro therāṇ bhiṇsāpetu-kāmo bherava-saddaṇ akāsi. Taṇ sutvā thero thira⁵-pakatikāya tena asantasanto, 'Māro ayan' ti ñatvā, tattha anādarāṇ dassento Ciha-cihābhinadite ti gātham abhāsi.

Tattha ciha-cihā⁶ ti abhiṇhaṇ pavatta-saddatāya ciha-cihā ti laddha-nāmānaṇ parillakānaṇ⁷ abhinādana-nimittaṇ

¹ I read ciha with B. and other MSS. (birds cannot sound vi-).

² C. iddha-.

³ A. -gahamāne; C. -gahaṇakāle.

⁴ A. pārupp°.

⁵ A. thira°; B. vira°.

⁶ A, B. cihaciha; C, S. vihaviha.

⁷ A. carillakānaṇ; B. byattikānaṇ; C. vaṭṭakānaṇ; S. parillakānaṇ.

vira-virāva¹-hetū ti attho. *Sippikābhirutehi cā ti*; sippikā vuccanti devakāpara-nāmakā gelaññena chāt' ajjhata-kisa-dārakākārā sākā-migā²; mahā-kalandakā ti keci. Sippikānaṃ abhirutehi mahā-viravehi; hetumhi c' etaṃ karaṇa-vacanaṃ; taṃ hetū ti attho.

Na me taṃ phandati cittaṃ ti, mama cittaṃ na phandati, na calati.³ Idaṃ vuttaṃ hoti: Imasmiṃ araññe vira-virāva⁴-hetu sippikābhiruta-hetu viya ca, Pāpima, tava vissara-karaṇa-hetu mama cittaṃ kammaṭṭhānato na parivattati ti.⁵ Tattha kāraṇam āha: *ekatta-nirataṃ hi me ti*; hi-saddo hetu attho. Yasmā mama cittaṃ gaṇa-saṅgaṇikaṃ pahāya ekatte ekī-bhāve bahiddhā vā vikkhepaṃ pahāya ekatte ekaggaṭṭhāya ekatte vā eka-sabbhāve va, nibbāne nirataṃ atirataṃ,⁶ tasmā kammaṭṭhānato na phandati; na calati ti. Imaṃ kira gāthaṃ vadanto eva thero vipassanaṃ vadḍhe-tvā arahattaṃ pāpuni. Tena vuttaṃ *Apadāne* (i, 203)⁷:

Suvaṇṇavaṇṇo Bhagavā sataṃsi patāpavā⁸

Cankamanaṃ samārūḷho metta-citto Sikhī sato . . .

pe . . .

Ayam eva therassa aññā-byākarana-gāthā ahosi.

Rāmaṇeyya-tthera-gāthā-vaṇṇanā

Niṭṭhitā.

VIMALA

*Dharaṇī va siccāṇī*⁹ ti, āyasmato Vimala-ttherassa gāthā. So pi purima-buddhesu katādhikāro tattha tattha bhava vivaṭṭ' ūpanissayaṃ kusalaṃ upacinanto Vipassissa Bhagavato kāle sankha-dhamana-kule nibbattitvā, viññutaṃ patto

¹ A. virivirā; B. virivibhava; C. virāva; S. vira-virāma.

² A. nonsense; B. najjhakittakisa; C. chāta-kisa-dārak°. On Sippikābhirutehi C. has note: jhampikābhirutehi cā ti (Skt. 'jumping') jhampikā vuccanti vānara-nāmakā; te araññe jhampana-silattā jhampikā, sākā-migā (monkeys).

³ S. sandati; B. cavati.

⁴ B. virivibhava°.

⁵ A, C. paripatati; B. paripakanti; S. parivattati.

⁶ C. abhirataṃ; S. nibbānarataṃ abhirataṃ.

⁷ Under title Vinelapupphiya.

⁸ A. mahāpavā.

⁹ Text rightly siccati (passive); MSS. siñcati; A. dharaṇīva siñciti.

tasmiṇ sippe nipphatti¹-gato ekadivasaṇ Vipassiṇ Bhagavantaṇ passitvā, pasanna-mānaso sankha-dhamanena pūjaṇ katvā, tato paṭṭhāya kālena kālaṇ Satthu upaṭṭhānaṇ akāsi. So tena puñña-kammaena devaloke nibbattitvā, aparāparaṇ puññāni katvā, deva-manussesu saṇsaranto Kassapassa Bhagavato kāle 'Anāgate me vimalo visuddho kāyo hotū' ti bodhi-rukkhaṇ gandhodayakehi nahāpesi,² cetiyangana-bodhi-anganesu āsanāni dhovāpesi; bhikkhūnam pi kiliṭṭhe samaṇa-parikkhāre dhovāpesi.

So tato cavitvā devesu c' eva manussesu ca parivattanto imasmiṇ Buddh' uppāde Rājagahe ibbha³-kule nibbatti. Tassa mātu kucchiyaṇ vasantassa ca nikkhamantassa ca kāyo⁴ pitta-semhādīhi asankiliṭṭho paduma-palāse udakabindu viya alaggo, pacchima-bhavika-bodhisattassa viya visuddho ahosi. Ten' assa Vimalo tveva nāmaṇ akaṇsu. So vayappatto Rājagaha-ppavesane⁵ Buddhānubhāvaṇ disvā, paṭiladdha-saddho pabbajitvā, kammaṭṭhānaṇ gahe-tvā, Kosala-ratṭhe pabbata-gūhāyaṇ viharati. Ath' ekadivasaṇ cātuddīpaka-mahāmegho sakalaṇ cakkavāḷa-gabbhaṇ paṭṭharitvā pavassi—vivatta-tṭhāyimihi Buddhānaṇ ca cakkavattinaṇ ca dharamāna-kāle evaṇ kira evaṇ vassati. Ghamma⁶-parilāha-vūpasamato utu-sappāya-lābhena therassa cittaṇ samāhitaṇ ahosi, ekaggaṇ. So samāhita-citto tāva-deva vipassanaṇ ussukkāpetvā magga-paṭipātiyā arahattaṇ pāpuṇi. Tena vuttaṇ *Apadāne* (i. 100)⁷:

Vipassino Bhagavato ahosiṇ sankha-dhamanako⁸;

Nicc' upaṭṭhāna-yutto 'mhi Sugatassa mahesino . . .
pe . . .

Arahattaṇ pana patvā kata-kiccatāya tuṭṭha-mānaso udānaṇ udānento *Dharaṇī va siccātī⁹ vāti māluto* ti gātham abhāsi. Tattha *dharaṇī* ti, paṭhavī: sā hi sakalaṇ dharā-dhāraṇ dhāretī ti, *dharaṇī* ti vuccati, *Siccātī⁹* ti, samantato nabhaṇ pūretvā abhipavassato mahāmeghassa vuṭṭhi-dhā-

¹ A. B. nipp°.

² C. iddha°.

³ B. avasāne.

⁴ Under title Buddhūpaṭṭhāka.

⁵ A. dhamako.

⁶ A. nāpesi; B. nhāpesi.

⁷ A. kāle.

⁸ A, C. sabba. . .

⁹ MSS. siṇcatī.

rāhi siñciyati.¹ *Vāti māluto* ti, udaka-phusita-sammissatāya sītalo vāto vāyati. *Vijjutā carati nabhe* ti, tattha tattha gajjatā gaḷa-gaḷāyatā² mahāmeghato nicchayantiyo sateratā³ ākāse ito c' ito ca vicaranti. *Upasammanti vitakkā* ti, utu-sappāya-siddhena samatha-vipassanādhigamena pubbabhāge tadangādi-vasena vūpasantā hutvā kāma-vitakkādayo sabbe pi nava mahāvitakkā ariya-maggādhigamane upasammanti; anavasesato samucchiñjanti ti vattamāna-samīpatāya ariya-magga-kkhaṇaṇ vattamānaṇ katvā vadati; atit' atṭhe vā etaṇ paccuppanna-vacanaṇ. *Cittaṇ susamāhitaṇ mamā* ti, tato eva lokuttara-samādhinā mama cittaṇ suṭṭhu samāhitaṇ; na 'dāni tassa samādhāne kiñci katabbaṇ atthi ti, thero aññaṇ byākāsi.

Vimala-tthera-gāthā-vappanā

Niṭṭhitā.

Pañcama-vagga-vappanā Niṭṭhitā.

GODHIKA

Vassati devo ti ādikā catasso; Godhiko, Subāhu, Valliyo, Uttiyo ti imesaṇ catunnaṇ therānaṇ gāthā. Ime pi purima-buddhesu katādhikārā tatthatattha bhava puññāni upacinantā ito catu-navute kappe Siddhatthassa Bhagavato kāle kula-gehe nibbattitvā, viññutaṇ patvā, aññaamaññaṇ sahāyā hutvā, vicariṇsu. Tesu eko Siddhatthaṇ Bhagavantaṇ piṇḍāya carantaṇ disvā, kaṭacchu-bhikkhaṇ adāsi; dutiyo pasanna-citto hutvā pañca-paṭiṭṭhitena vanditvā añjaliṇ paggaṇhi; tatiyo pasanna-citto ekena puppha-hatthena Bhagavantaṇ pūjesi; catuttho sumana-pupphehi pūjam akāsi. Evaṇ te Satthari cittaṇ pasādetvā pasutena tena puñña-kammena devaloke nibbattitvā, puna aparāparaṇ puññāni katvā deva-manussesu saṅsaraṇtā Kassapassa Bhagavato kāle kula-gehe nibbattitvā, sahāyakā hutvā sāsane pabbajitvā, samaṇa-dhammaṇ katvā, amhākaṇ Bhagavato kāle Pāvāyaṇ catunnaṇ Malla-rājūraṇ puttā hutvā nibbattiṇsu.

¹ A. simiyati; B, C. siñcati; S. siñciyyati.

² A. B. gajjato gaḷagaḷāyato.

³ A. C. S. sateratā; B. sateritā. Cf. VvA. 161, 271.

Tesaṇ Godhiko,¹ Subāhu, Valliyo, Uttiyo ti nāmāni akaṇṇsu. Aññamaññaṇ suci-sahāyā ahesuṇ. Te kenaci-d-eva karaṇi-yena Kapilavatthuṇ agamiṇṇsu.

Tasmaṇ samaye Satthā Kapilavatthuṇ gantvā Nigrodhā-rāme vasanto yamaka-pāṭihāriyaṇ dassetvā Suddhodana-pamukhe Sakya-rājāno dāmesi. Tadā te pi cattāro Malla-rājā-puttā pāṭihāriyaṇ disvā, laddha-pasādā pabbajitvā, vipassanāya kammaṇ karontā na cirass' eva saha-paṭisambhidaḥi arahattaṇ pāpuṇṇsu. Tena vuttaṇ *Apadāne* (i, 140)²:

Suvaṇṇavaṇṇaṇ Sambuddhaṇ āhutaṇ paṭiggahaṇ
Pavanā abhinikkhantaṇ addasaṇ loka-nāyakaṇ . . .

pe . . .

Godhika-ttherāpadānaṇ.

Suvaṇṇavaṇṇaṇ Sambuddhaṇ nisabhājāniyaṇ yathā
Tidhāpabhinnaṇ mātangaṇ kuñjaraṇ va mahesinaṇ . . .

pe . . .

(i, 140)³

Subāhu-ttherāpadānaṇ.

Tivarāyaṇ⁴ nivaṣi 'haṇ; ahosiṇ mālika tadā;
Addasaṇ virajaṇ Buddhaṇ Siddhatthaṇ loka-nāyakaṇ
. . . *pe . . .*

(i, 141)⁵

Valliya-ttherāpadānaṇ.

Siddhatthassa Bhagavato jāti-puppham adās' ahaṇ;
Padesu satta pupphāni hāsena kāritāni⁶ me . . . *pe . . .*

(i, 141)⁷

Uttiya-ttherāpadānaṇ.

Arahattaṇ pana patvā ime cattāro pi therā loka pākataṇ
paññatā rāja-rāja-mahāmaccehi sakkatā garukatā hutvā,

¹ A. Godhiyo; B. Godhiro.

² Under title Bhikkhādāyaka.

³ Under title Ñāṇa-sañña.

⁴ A. tivarāhaṇ; C. nivarāyaṇ; S. tidhārayaṇ.

⁵ Under title Uppala-hatthiya.

⁶ A. bhāsento kirit°; B. hāsento kirit°; C. hasatā k.; S. hāsento tiritāni; Ap. hāsena kāritāni.

⁷ Under title Pada-pājaka.

araññe sah' eva viharanti. Ath' ekadā rājā Bimbisāro te cattāro there Rājagahaṇ upagate upasankamitvā, vanditvā, temāsaṇ vassāvās' atthāya nimantetvā, tesāṇ pāṭiyekkaṇ kuṭikāyo kāretvā¹ sati-sammosena na cchādeti. Therā acchannāsu kuṭikāsu viharanti. Vassa-kāle devo na vassati. Rājā: 'Kinnu kho kāraṇaṇ devo na vassati?' ti cintetvā, taṇ kāraṇaṇ ñatvā, tā kuṭikāyo chādāpetvā, mattika-kammaṇ citta-kammañ ca kārāpetvā, kuṭikā-mahaṇ karonto mahato bhikkhu-saṅghassa dānaṇ adāsi. Therā rañño anukampāya kuṭikāyo pavisitvā mettā-samāpattiyo samāpajjīsu. Ath' uttarā-pācīna-disato mahāmegho utṭhahitvā therānaṇ samāpattito vuṭṭhāna-kkhaṇe yeva vassituṇ ārabhi.² Tesu Godhika-tthero samāpattito vuṭṭhāya saha-megha-gajjitena,

Vassati devo yathā sugītaṇ,
Channā me kuṭikā sukhā³ nivātā;
Cittaṇ susamāhitañ ca mayhaṇ.

Atha ce patthayasi pavassa, devā ti

imaṇ gātham abhāsi. Tattha vassatī ti, siñcati, vuṭṭhi-dhāraṇ paveccati.⁴ Devo ti, megho. Yathā sugītaṇ ti, sundaraṇ gītaṇ viya gajjanto⁵ ti adhippāyo. Megho hi vassana-kāle sata-paṭala-saḥassa-paṭalo utṭhahitvā thananto⁶ vijjutā nicchārento ca sobhati, na kevalo. Tasmā siniddhamadhura-gambhīra-nigghoso vassati devo ti dasseti. Tena saddato anupplītaṇ⁷ aha. Channā me kuṭikā sukhā nivātā ti; yathā na devo vassati, evaṇ tiṇādihi chādītā ayaṇ me kuṭikā; tena vuṭṭha-vassena anupplītaṇ āha, paribhoga-sukhassa utu-sappāya-utu-sukhassa ca sabbhāvato⁸ sukhā; phusit'⁹ aggala-pihita-vātapānatāhi vāta-parissaya-rahitā; ubhayena pi āvāsa-sappāya-vasena anupplītaṇ āha. Cittaṇ susamāhitañ ca mayhaṇ ti, cittañ ca mama suṭṭhu samāhitaṇ, anut-

¹ A. padāpetvā (? padatvā).

² B. vassi āraṭi.

³ Perhaps sukhā.

⁴ A. pavaccheti; B. pavacchati.

⁵ A. gacchanto; S. tajjento.

⁶ A. tananto; B. thananto; C. thanayanto; S. thanento.

⁷ C. anupapī°. ? to read -pīlataṇ.

⁸ A, C. samabbhāvato; B. sabbhāvato.

⁹ A. passit°; B. phusit°; C. phussit°. Cf. v. 385.

tara-samādhinā nibbānārammaṇe suṭṭhu appitaṇ; etena abbhantara-parissayābhāvato appossukkataṇ dasseti. *Atha ce patthayasi* ti, atha idāni patthayasi ce, yadi icchasi. *Pavaṣṣā* ti, siñca udakaṇ, pagghara vuṭṭhi-dhāraṇ, pavecca.¹ *Deṁvā* ti, meghaṇ ālapati.

Itarehi vutta-gāthāsu dutiya-pade yeva viseso.

Godhika-tthera-gāthā-vanṇanā
Niṭṭhitā.

SUBĀHU

Tattha Subāhunā vutta-gāthāyaṇ: *Cittaṇ susamāhitaṇ ca kāye* ti, mama cittaṇ karaḇa-kāye² kāya-gatā-sati-bhāvanā-vasena suṭṭhu samāhitaṇ, samma-d-eva appitaṇ. Ayaṇ hi thero kāya-gatā-sati-bhāvanā-vasena paṭiladdha-jjhānaṇ pādakaṇ katvā, vipassanaṇ vaḍḍhetvā, arahattaṇ pāpuṇi. Taṇ sandhāyāha 'cittaṇ susamāhitaṇ ca kāye' ti.

Subāhu-tthera-gāthā-vanṇanā
Niṭṭhitā.

VALLIYA

Valliya-ttherassa gāthāyaṇ: *Tassaṇ viharāmi appamatto* ti, tassaṇ kuṭikāyaṇ appamāda-paṭipattiyā matthakaṇ pāpitaṭṭā appamatto ariya-vihār' ūpaṇḇhitena dibba-vihārādisahitena ca iriyāpatha-vihārena viharāmi. Atta-bhāvaṇ pavatteṃ ti vuttaṇ hoti.

Valliya-tthera-gāthā-vanṇanā
Niṭṭhitā.

UTTIYA (A)

[9] Uttiya-ttherena vutta-gāthāyaṇ: *adutiyo* ti, asahāyo, kilesa-saṇḇnikāya gaṇa-saṇḇnikāya ca virahito³ ti attho.

Uttiya-tthera-gāthā-vanṇanā
Niṭṭhitā.

Catunnaṇ therānaṇ vatthu.

¹ A. paccoha; B. pavaccha.

² A. rājakāye.

³ A. viharato; B. parahito.

AÑJANAVANIYA

Āsandiṇ kuṭikaṇ katvā ti, āyasmato Añjanavaniya-ttherassa gā¹hā. So kira Padumuttarassa Bhagavato kāle Sudassano nāma mālā-kāro hutvā, sumana-pupphhehi Bhagavantaṇ pūjetvā¹ aññaṃ pi tattha tattha² bahu-puññaṇ katvā, deva-manussesu yeva saṅsaranto Kassapassa Bhagavato sāsane pabbajitvā, samaṇa-dhammaṇ akāsi. Atha imasmiṇ Buddh' uppāde Vesāliyaṇ Vajjirāja-kule nibbattitvā tassa vayappatta-kāle Vajji-raṭṭhe avuṭṭhi-bhayaṇ byādhi-bhayaṇ amanussa-bhayaṇ ti tīpi bhayāni uppajjiṇsu. Taṇ sabbaṇ *Ratana-sutta-vaṇṇanāyaṇ*³ vutta-nayen' eva veditabbaṇ. Bhagavati pana Vesāliṇ pavitṭhe bhayesu ca vūpasantesu, Satthu dhamma-desanāya sambahulānaṇ deva-manussānaṇ dhammābhisamaye ca jāte, ayaṇ rāja-kumāro Buddhānubhāvaṇ disvā, paṭiladdha-saddho pabbaji. Yathā cāyaṇ evaṇ anantaraṇ vuccamānā cattāro pi janā, te pi hi imassa sahāya-bhūtā Licchavī-rāja-kumārā iminā va nihārena pabbajiṇsu.

Kassapa-sambuddha-kāle piya-sahāyā hutvā iminā, sāha yeva pabbajitvā, samaṇa-dhammaṇ akaṇsu. Padumuttarassa pi Bhagavato pāda-mūle kusala-bīja-ropanādiṇ akaṇsū ti. Tatthāyaṇ kata-pubba-kicco Sākete Añjana-vane susāna-tṭhāne vasanto upakaṭṭhāya vass' upanāyikāya⁴ manussehi chadditaṇ⁵ jīṇṇakaṇ āsandiṇ labhitvā, taṇ catūsu pāsānesu ṭhapetvā, upari tiriyaṇ ca tiṇādihi chādetvā, dvāraṇ yojetvā, vassaṇ upagato. Paṭhama-māse yeva ghaṭento vāyamanto arahattaṇ pāpuṇi. Tena vuttaṇ *Apadāne* (i, 142)⁶:

Sudassano ti nāmena mālā-kāro ahaṇ tadā;

Addasaṇ virajaṇ Buddhaṇ loka-jeṭṭhaṇ narāsabhaṇ . . .

pe . . .

Arahattaṇ pana patvā vimutti-sukhaṇ paṭisaṇvedento samāpattito vuṭṭhāya, yathā-laddhaṇ sampattiṇ paccavekkhitvā, pīti-vegena udānento⁷ *āsandiṇ kuṭikaṇ katvā* ti gātham

¹ A. pucchitvā; B. pūjitvā.

² B. aññaṇ vitakkavitakka.

³ KhpA. 157 ff. (tīhi dubbhikkhā-amanussa-roga-bhayehi).

⁴ Cf. Vin. i, 253.

⁵ A. chaṭṭhaṇ; B. chaṭṭitaṇ.

⁶ Under title Muṭṭhi-pupphaṇa.

⁷ B. uppādentento.

abhāsi. Tattha āsandiṃ kuṭikanṃ katvā ti, āsandi nāma¹ digha-pādaṃ catu-r-assaṃ pīṭhaṃ, āyataṃ² catu-r-assam pi hoti yeva, yattha³ nisīdituṃ eva sakkā na nippajjitū. Taṃ āsandiṃ kuṭikanṃ katvā, vās' atthāya heṭṭhā vutta-nayena kuṭikanṃ katvā, yathā tattha nisinnassa utu-parissayābhāvena sukhena samaṇa-dhammaṃ kātuṃ sakkā. Evaṃ kuṭikanṃ katvā, etena param' ukkaṇsa-gata-senāsane attano appicchatāṃ santuṭṭhiṃ ca dasseti. Vuttam pi c' etaṃ Dhammasenā-patinā:

Pallankena nisinnassa jaṇṇuke nābhivassati;

Alaṃ phāsu-vihārāya pahitattassa bhikkhuno ti.⁴

Apare āsandi-kuṭikan ti pāṭhaṃ vatvā,⁵ 'āsandi-ppamāṇaṃ kuṭikanṃ katvā' ti atthaṃ vadanti. Aññe pana āsana-nisaj-jādi-gate manusse uddissa mañcakassa upari-kata-kuṭikā āsandi nāma, 'taṃ āsandiṃ kuṭikanṃ katvā' ti atthaṃ vadanti.

Ogayhā ti, ogahetvā, anupavisitvā.⁶ Añjanaṃ vanaṃ ti, evaṃ nāmaṃ vanaṃ; añjana-vaṇṇa-puppha-bhāvato⁷ hi añjanā vuccanti valliyo; tabbahulatāya taṃ vanaṃ Añjana-vanaṃ ti nāmaṃ labhi. Apare pana 'Añjanā nāma mahāgacchā⁸' ti vadanti. Taṃ Añjanaṃ vanaṃ ogayha,⁹ āsandiṃ kuṭikanṃ katvā. Tisso vijjā anuppattā, kataṃ Buddhassa sāsanaṃ ti, viharatā mayā ti vacanaṃ sesen' eva yojanā. Idam eva therassa aññā-byākaraṇaṃ ahoṣi ti.

Añjanavaniya-tthera-gāthā-vaṇṇanā

Niṭṭhitā.

KUṬIVIHĀRĪ (A)

Ko kuṭikāyaṃ ti, āyasmato Kuṭivihāriya-ttherassa gāthā. So kira Padumuttarassa Bhagavato ākāśena gacchantassa

¹ Cf. Vin. (Culla.) vi, 8; anujānāmi (āsandiṃ) . . . gihī-vikataṃ, abhinisīdituṃ, na tveva abhinipajjitū.

² A. āsanaṃ.

³ A. tattha; B. ettha; C. yattha nis°; S. pahoti yeva yattha nis°.

⁴ Cf. Thag. v. 984 (Sāriputta), quoted Mil. 366 (trans. is wrong); jaṇṇuke is acc.

⁵ A. āsanādi-kuṭikan ti ṭhapetvā.

⁶ A. uggaḥetvā; B. ogapetvā; S. ogahetvā anupassitvā.

⁷ A, C. bhāsato.

⁸ B, S. -kacchā.

⁹ B. (as above) ogayha.

'udaka-dānaṃ dassāmi' ti sītaṃ udakaṃ gahetvā pīti-somanassa-jāto uddhaṃmukho hutvā ukkhipi. Satthā tassa ajjhāsaṃ ṇatvā, pasāda-saṃvaḍḍhaṃ¹ atthaṃ ākāse ṭhito va sampaticchi. So tena anappakaṃ pīti-somanassaṃ paṭi-saṃvedesi. Sesaṃ *Añjanavaniya-tiherassa vatthumhi* vuttasadisam eva; ayaṃ pana viseso: Ayaṃ kira vutta-nayena pabbajitvā, kata-pubba-kicco vipassanaṃ anuyuñjanto sāyaṃ khetta-samīpena gacchanto deve phusāyante khetta-pālakassa suññaṃ tiṇa-kuṭikaṃ disvā, pavisitvā tattha tiṇa-santhārake nisīdi. Nisinna-matto va utu-sappāyaṃ labhitvā, vipassanaṃ ussukkāpetvā, arahattaṃ pāpuṇi. Tena vuttaṃ *Apadāne* (i, 143)²:

Suvaṇṇavaṇṇaṃ Sambuddhaṃ gacchantāṃ anilañjase

Ghatāsaṇaṃ va³ jalitaṃ ādittaṃ va hutāsaṇaṃ . . .

pe . . .

Arahattaṃ pana patvā there tattha nisinne khetta-pālako āgantvā, 'Ko kuṭikāyaṃ?' ti āha. Taṃ sutvā thero, 'Bhikkhu kuṭikāyaṃ' ti ādim āha. Tayidaṃ khetta-pālassa therassa ca vacanaṃ ekajjhaṃ katvā,

Ko kuṭikāyaṃ? Bhikkhu kuṭikāyaṃ,

Vitarāgo susamāhita-citto.

Evaṃ jānāhi, āvuso;

Amoghā te kuṭikā katā ti

tathā-rūpena sangītiṃ āropitaṃ. Tattha *Ko kuṭikāyaṃ* ti, imissaṃ kuṭikāyaṃ ko nisinno? ti khetta-pālassa pucchāvacanaṃ. Tassa *bhikkhu kuṭikāyaṃ* ti therassa paṭivacana-dānaṃ. Atha naṃ attano anuttara-dakkhiṇeyya-bhāvato kuṭi-paribhogaṃ anumodāpetvā ulāraṃ tam eva puññaṃ patitṭhāpetuṃ, *vitarāgo* ti ādi vuttaṃ. Tass' attho: Eko bhinna-kilesa bhikkhu te kuṭikāyaṃ nisinno. Tato eva so agga-maggena sabbaso samucchinna-rāga-tāya, vitarāgo; anuttara-samādhinā nibbānaṃ ārammaṇaṃ katvā suṭṭhu samāhita-cittatāya susamāhita-citto. Imaṃ ca atthaṃ: *āvuso*, khetta-pāla, yathāhaṃ vadāmi *evaṃ jānāhi*, saddaha, adhi-

¹ Under title Udaka-pūjaka.

² B, S. ghatāsaṇaṃ; A. yathāsaṇaṃ; C. yathāsaṇaṃ va (?). Cf. VvA. 326, ādittaṃ vata maṃ santaṃ ghata-sittaṃ va pāvakaṃ.

muñcassu,¹ *amoghā te kuṭikā katā*; yaṇ² tayā katā kuṭikā amoghā, avañjhā, saphalā,³ udrayā, yasmā arahatā khīṇāsa-vena paribhuttā⁴; sace tvaṇ anumodasi, taṇ te bhavissati dīgha-rattaṇ hitāya sukhāyā ti.

Taṇ sutvā khetta-pālo: 'Lābhā vata me! Suladdhaṇ vata me, yassa me kuṭikāyaṇ ediso ayyo pavisitvā nisīdati' ti pasanna-citto anumodanto aṭṭhāsi. Imaṇ pana tesāṇ kathā-sallāpaṇ Bhagavā dībbāya sota-dhātuyā sutvā, anumodanañ c' assa ñatvā, bhāvinīṇ sampattiṇ⁵ vibhāvento khetta-pālaṇ imaṇi gāthāhi ajjhābhasi:

Vihari kuṭikāyaṇ bhikkhu santa-citto anāsavo;

Tena kamma-vipākena devindo tvaṇ bhavissasi.

Catuttiṇsa-kkhattuṇ devindo deva-rajjaṇ karissasi.

Catuttiṇsa-kkhattuṇ cakkavattī rājā ratṭhe bhavissasi.

Ratana-kuṭi nāma Pacceka-buddho vitarāgo bhavissasi ti.

Kuṭikāyaṇ laddha-visesattā pana therassa tato ppabhūti Kuṭivihārī tveva samaññā udapādi. Ayam eva therassa aññā-byākarāṇa-gāthā pi ahoṣi ti.

Kuṭivihārī-tthera-gāthā-vaṇṇanā

Niṭṭhitā.

KUṬIVIHĀRĪ (B)

Ayam āhu purāṇiyyā ti, āyasmato Kuṭivihārīya-ttherassa gāthā. So kira Padumuttarassa Bhagavato pasanna-mānaso pariḷāha-kāle naḷa-vilivehi viracitaṇ⁶ vijaniṇ adāsi. Taṇ Satthā anumodana-gāthāya sampahaṇsesi. Sesāṇ yadatthe vattabbaṇ taṇ *Añjana-vaṇiyya-tthera-vatthumhi* vutta-sadisam eva. Ayam pana viseso: Ayaṇ kira vutta-nayena pabbajitvā aññatarāya purāṇa-kuṭikāya viharanto samaṇa-dhammaṇ acintetvā: 'Ayaṇ kuṭikā jinnā; aññaṇ kuṭikaṇ kātuṇ vaṭṭati' ti nava-kamma-vasena cittaṇ uppādeti. Tassa attha-kāmā devatā saṇvega-janan' atthaṇ imaṇ uttān' obhāsaṇ⁷ gambhīr' atthaṇ *ayam āhū* ti gātham āha.

¹ B. adhipuñcasu.

² B. avañchasa phalassā.

³ B. bhavinipattiṇ; A, C. tambhav°.

⁷ A. uttānahāsaṇ.

² A, C. ayaṇ.

⁴ B. parisuttā.

⁶ A. vivehi vicarataṇ.

Tattha *ayan* ti, āsanna-paccakkha¹-vacanaṇ. *Āhū* ti, ahośi ti attho. *Gāthā-sukh'* atthaṇ hi dīghaṇ katvā vuttaṇ. *Purāṇiyā* ti, purātanā,² addhaṇgatā. *Aññaṇ patthayase navaṇ kutin* ti, imissa kuṭiyā purāṇa-bhāvena jinnatāya ito aññaṇ idāni nibbatta-niyatāya navaṇ kuṭiṇ patthayase, patthayasi, āsiṇsasi. Sabbena sabbaṇ pana āsaṇ kuṭiyā *virājaya purāṇiyā* ti, purāṇiyaṇ viya navāya pi kuṭiyaṇ āsaṇ,³ taṇhaṇ, apekkhaṇ virājehi. Sabbaso tattha viratta-citto hohi. Kasmā? *Yasmā dukkhā, bhikkhu, puna navā nāma kuṭi*; bhikkhu, puna idāni nibbattiyamānā dukkhāvahattā⁴ dukkhā; tasmā aññaṇ navaṇ dukkhaṇ anuppādentō yathā-nibbattāyaṇ purāṇiyaṇ yeva kuṭiyaṇ thatvā, attanā kattabbaṇ taṇ karohi ti. Ayaṇ h' ettha adhippāyo: Tvaṇ, bhikkhu, 'ayaṇ purāṇiyā tiṇa-kuṭikā jinnā' ti aññaṇ navaṇ tiṇa-kuṭikaṇ kātuṇ icchasi, na samaṇa-dhammaṇ. Evaṇ icchanto pana bhāvanāya ananuyuñjanaena punabbhavābhinibbattiyā⁵ anativattanato āyatiṇ attabhāva-kuṭim pi patthento, kātuṇ icchanto yeva nāma hoti. Sā pana navā tiṇa-kuṭi viya karaṇa-dukkhena tato bhiyyo pi jarā-maraṇa-soka-paridevādi-dukkha-saṇsatthātāya dukkhā; tasmā tiṇa-kuṭiyaṇ viya attabhāva-kuṭiyaṇ āsaṇ, apekkhaṇ virājaya; sabbaso tattha viratta-citto hohi ti. Evaṇ te vaṭṭa-dukkhaṇ na bhavissati ti. Devatāya vacanaṇ sutvā therō saṇvega-jāto vipassanaṇ paṭṭhapetvā, ghaṭento vāyamanto na cirass' eva arahatte patiṭṭhāsi. Tena vuttaṇ *Apadāne* (i, 143)*:

Padumuttara-buddhassa santa-cittassa tādino

Tiṇa-santhāre nisinnassa upasantassa tādino . . . *pe* . . .

Arahatte pana patiṭṭhito: 'Ayaṇ me arahatta-pattiyā ankusa-bhūtā' ti tam eva gāthaṇ paccudābhāsi. Sā yeva ca therassa aññā-byākaraṇa-gāthā ahośi ti. Kuṭi-ovādena ladha-visesattā c' assa Kuṭivihāriyo tveva samañña ahośi ti.

Kuṭivihāri-tthera-gāthā-vannaṇ

Niṭṭhitā.

¹ B. paccavekkha°.

² A, C. purātanā.

³ B. āsajja; S. āsangaṇ.

⁴ B. nippattiyamānā dukkhā pahattha.

⁵ B. punabbhavāsi nippattiyā; A. punavāpi.

⁶ Under title Nalamāliya.

RAMAÑIYA-KUṬIKA

Ramañiyā me kuṭikā ti, āyasmato Ramañiya-kuṭiya-ttherassa gāthā. So pi kira Padumuttarassa Bhagavato kāle kusala-bīja-ropanaṇ katvā deva-manussesu saṅsaranto ito aṭṭhārassa-kappa-sata-matthake Atthadassissa Bhagavato kāle kula-gehe nibbattitvā, viññutaṇ patto Buddhārahaṇ āsanaṇ Bhagavato adāsi, pupphehi ca Bhagavantaṇ pūjetvā,¹ pañcapatitṭhitena vanditvā, padakkhiṇaṇ katvā pakkāmi. Sesaṇ *Añjana-vaniya-ttherassa vatthumhi* vutta-sadisam eva. Ayaṇ pana viseso: Ayaṇ kira vutta-nayena pabbajitvā kata-pubba-kicco Vajji-raṭṭhe aññatarasmiṇ gāmaka-vāse kuṭikāyaṇ viharati. Sā hoti kuṭikā abhirūpā dassaniyā pāsādikā suparikamma-kata-bhitti-bhūmikā, ārāma-pokkharani-kāmaṇeyyādi sampannā, muttā - jāla - sadisa - vālikākappa - bhūmi-bhāgā; therassa ca vatta-sampannatāya susammatṭh' angaṇa-tādinā bhiyyoso-mattāya ramañiyatarā hutvā tiṭṭhati. So tattha viharanto vipassanaṇ paṭṭhapetvā na cirass' eva arahatte patiṭṭhāsi. Tena vuttaṇ *Apadāne* (i, 144)²:

Kānanaṇ vanam ogaṇha appa-saddaṇ nirākulaṇ

Sihāsanaṇ mayā dinnaṇ Atthadassissa tādino . . .
pe . . .

Arahattaṇ pana patvā, there tattha viharante kuṭikāya, ramañiya-bhāvato vihāra-pekkekā manussā tato tato āgantvā kuṇṇaṇ passanti. Ath' ekadivasaṇ katipayā dhutta³-jātikā itthiyo tattha gatā kuṭikāya ramañiya-bhāvaṇ disvā: 'Ettha vasanto ayaṇ samaṇo siyā amhehi ākaḍḍhaniya-hadayo⁴ daharo' ti adhippāyena; 'Ramañiyaṇ vo, bhante, vasana-tṭhānaṇ. Mayam pi ramañiya-rūpā paṭhama-yobbane tṭhitā' ti vatvā itthi-kuttādini dassetuṇ ārabhiṇsu. Thero attano vīta-rāga-bhāvaṇ pakāsento: *Ramañiyā me kuṭikā saddhādeyyā manoramā* ti gātham abhāsi. Tattha *ramañiyā me kuṭikā* ti, ramañiyā te, bhante, kuṭikā ti, yaṇ tumhehi vuttaṇ taṇ saccaṇ. Ayaṇ mama vasana-kuṭikā ramañiyā manuñña-rūpā; sā ca kho saddhā-deyyā, evarū-

¹ A. pūjitvā; S. pujayitvā.

² Under title Āsenūpaṭṭhāyaka.

³ A. katiyavuttaṇ; B. kathipayā dhutti°.

⁴ As at VvA. 207; B. -niyo daharo.

pāyaṇ manāpaṇ katvā pabbajitānaṇ dinnāyaṇ. Idaṇ nāma phalaṇ hotī ti kamma-phalāni saddahitvā, saddhāya dhamma-cchandena dātabbattā, saddhā-deyyā,¹ na dhanena nibbattitā; sayaṇ ca tathā-dinnā ti, saddhā-deyyā. Passantānaṇ paribhuñjantānaṇ ca mano ramatī ti, manoramā. Saddhā-deyyattā eva hi manoramā, saddhā hi deyya-dhammaṇ sakkaccaṇ abhisankharitvā denti, saddhā-deyyaṇ ca paribhuñjantā sappurisā dāyakassa² avisaṇvādan' attham pi saṇyogāsaya³-sampaṇṇā honti; na tumhehi cintit' ākārena payogāsaya-vippanā ti adhippāyo.

Na me attho kumārīhī ti; yasmā sabbaso kāmehi vinivaṭṭita⁴-mānaso ahaṇ, tasmā na me attho kumārīhi. Kappiya-kāraka-kamma-vasenāpi hi mādisānaṇ itthihi payojanaṇ nāma n' atthi, pageva rāga-vāsena. Tasmā na me attho kumārīhī ti. Kumāri-gaḥaṇaṇ c' ettha upalakkaṇaṇ daṭṭhabbaṇ. Mādisassa nāma santike evaṇ paṭipajjantihi⁵ ayutta-kāriṇihi yāva aparaddhaṇ ca tumhehi samān' ajjhāsayānaṇ purato ayaṇ kiriya sobheyyā⁶ ti dassento āha: *yesaṇ attho tahiṇ gacchatha, nāriyo* ti. Tattha *yesaṇ* ti, kāmesu avīta-rāgānaṇ. *Attho* ti, payojanaṇ. *Tahiṇ* ti, tattha, tesāṇ santikaṇ. *Nāriyo* ti, ālapanaṇ.

Taṇ sutvā itthiyo manku-bhūtā patta-kkhandhā āgata-maggen' eva gatā. Evam pana 'na me attho kumārīhī' ti kāmehi anattika-bhāva-vacanen' eva therena arahattaṇ byākatan ti daṭṭhabbaṇ.

Ramaṇiyakuṭika-tthera-gāthā-vapṇaṇā
Niṭṭhitā.

KOSALAVIHĀRĪ⁷

Saddhāyāhaṇ pabbajito ti, āyasmato Kosalavihāri-ttherassa gāthā. Ayam pi kira Padumuttarassa Bhagavato kāle kusala-bijaṇ ropetvā taṇ taṇ puññaṇ akāsi. Sesaṇ *Añjana-*

¹ B. saddhadeyyo nāma.

² B. dāyakassa.

³ B. payosāya°; C. payogāsaya°; S. saṇyogāsaya°.

⁴ A. vinivaṭṭana.

⁵ A. -pajjohi; C, S. -pajjāhi.

⁶ S. yo sobh°.

⁷ Text, A. Kosali°.

vaniya-tthera-vatthu-sadisam eva; ayam pana viseso: Ayaṇ kira vutta-nayena pabbajitvā kata-pubba-kicco Kosala¹-ratṭhe aññatarasmiṇ gāme ekaṇ upāsaka-kulaṇ nissāya araṇṇe viharati. Taṇ so upāsako rukkha-mūle vasantaṇ disvā, kuṭikaṇ kāretvā adāsi. Thero kuṭikāyaṇ viharanto āvāsa-sappāyena samādhānaṇ labhitvā, vipassanaṇ ussuk-kāpento na cirass' eva arahattaṇ pāpupi. Tena vuttaṇ *Apadāne* (i, 145)²:

Himavantass' avidūre vasāmi paṇṇa-santhare

Ghāsesu gedha-sampanno³ seyya-silo va' haṇ tadā . . .

pe . . .

Arahattaṇ pana patvā vimutti-sukhaṇ paṭisaṇvedanena uppanna-pīti-vegena udānaṇ udānento *saddhāyāhaṇ pabbajito*-ti gātham abhāsi. Tattha *saddhāyā* ti, Bhagavato Vesāliṇ upagamane ānubhāvaṇ disvā, 'Ekanta-niyyānikaṇ idaṇ sāsanaṇ; tasmā addhā⁴ imāya paṭipattiyā jarā-maraṇato muccissāmi' ti⁵ uppanna-saddhā-vasena pabbajito, pabbaj-jaṇ upagato ti. *Araṇṇe me kuṭikā katā* ti, tassa pabbajjāya anurūpa-vasena araṇṇe vasato me kuṭikā katā, pabbajjā-nurūpaṇ araṇṇako hutvā vūpakatṭho viharāmi ti dasseti. Ten' āha: *appamatto va ātāpī sampajāno paṭissato* ti; araṇṇa-vāsa-laddhena kāya-vivekena jāgariyaṇ anuyuñjanto, tattha satiyā avippavāsena *appamatto*, āradha-viriya-katāya *ātāpī*; pubbabhāgiya-saṭisampajāñña-pāripūriyā vipassanaṇ vad-dhetvā arahattādhigamena pañña-sati-vepulla-ppattiyā ac-cantam eva *sampajāno paṭissato* viharāmi ti attho. Appa-matta-bhāvādi-kittanena c' assa idam eva añña-byākaraṇaṇ ahoṣi. Kosala-ratṭhe cira-nivāsi-bhāvena pana Kosala-vihārī ti samañña jāta ti.

Kosalavihārī-tthera-gāthā-vaṇṇanā

Niṭṭhitā.

¹ *Text*, A. Kosall°.

² *Under title* Bilālidāyaka.

³ A. ghāsesu rodha°; C. ghāsesu rodh°; B, S. ghāsesu gedha°. *For* l. 3, cf. JA. vi, 578.

⁴ A. iddhā.

⁵ *All but* S. muñc°.

SĪVALI

Te me ijjhitsu sankappā ti, āyasmato Sīvali-ttherassa gāthā. Ayam pi¹ Padumuttarassa Bhagavato kāle heṭṭhā vuttanayena vihāraṇ gantvā, parisa-pariyante t̥hito dhammaṇ supanto Satthāraṇ ekaṇ bhikkhuṇ lābhīnaṇ agga-t̥ṭhāne t̥hapentaṇ disvā: ‘Mayā pi anāgate evarūpena bhavituṇ vaṭṭatī’ ti Dasabalaṇ nimantetvā, sattāhaṇ Satthu bhikkhusanghassa ca mahādānaṇ datvā: ‘Bhagavā, ahaṇ iminā adhikāra-kammena aññaṇ sampattiṇ na patthemī; anāgate pana ekassa Buddhassa sāsane aham pi tumhehi, so etad-agge t̥hapita-bhikkhu viya, lābhīnaṇ aggo bhaveyyan’ ti patthanānaṇ akāsi. Satthā anantarāyaṇ disvā: ‘Ayan te patthanā anāgate Gotama-buddhassa santike samijjhissatī’ ti byākaritvā pakkāmi. So pi kulaputto yāvajīvaṇ kusalaṇ katvā, deva-manussesu saṇsaranto Vipassī-buddha-kāle Bandhumatī-nagarato avidūre ekasmiṇ gāmake paṭisandhiṇ gaṇhi.

Tasmiṇ samaye Bandhumatī-nagara-vāsino raññā saddhiṇ sākacchitvā Dasabalassa dānaṇ denti. Te ekadivasaṇ sabbe va ekato hutvā dānaṇ dentā: ‘Kin nu kho amhākaṇ dāna-mukhe n’ atthī?’ ti,² madhuñ ca guḷa-dadhiñ ca na addasaṇsu.³ Te ‘yato kutoci āharissāmā?’ ti janapadato nagara-pavisana-magge purisaṇ t̥hapesuṇ. Tadā esa kulaputto attano gāmato guḷa-dadhi-vārakaṇ gahetvā, ‘Kiñci-d-eva āharissāmī?’ ti nagaraṇ gacchanto, ‘mukhaṇ dhovitvā dhotā-hattha-pādo pavisissāmī’ ti phāsuka-t̥ṭhānaṇ olokento nangala-sīsa-mattaṇ nimmakkhikaṇ daṇḍaka-madhuṇ disvā: ‘Puññaena va me idaṇ uppannan’ ti⁴ gahetvā nagaraṇ pavisati. Nāgarehi t̥hapita-puriso taṇ disvā,

‘Bho purisa, kass’ imaṇ āharasī?’ ti.

‘Na kassaci, sāmi. Vikkiṇituṇ pana me idaṇ ābhatan’ ti.

¹ First part at AA. i, 243; second at Ud. ii, 8; DhA. on v. 414; A. ii, 62; JA. i, 407.

² A. dānamahekinnatthi; B. d. mukhena; C. dānamahe; S. dāne mukhe.

³ B. naddasanthu *alt.* to addaṇsu.

⁴ AA. nipphanṇaṇ; MSS. uppanṇaṇ.

'Tena hi, bho,¹ imaṇ kahāpaṇaṇ gahetvā etaṇ madhuñ ca guḷa-dadhiñ ca dehi' ti.

So cintesi: 'Idaṇ na bahu-mūlaṇ, ayañ ca ekappahāren' eva bahuṇ deti; vīmaṇsituṇ vaṭṭati' ti. Tato naṇ 'Nāhaṇ eka-kahāpaṇena demī' ti āha.

'Yadi evaṇ, dve gahetvā dehi' ti.

'Dvīhi pi na demī' ti. Eten' upāyena vaḍḍhetvā² sahasaṇ pāpuṇi. So cintesi: 'Ativaḍḍhituṇ³ na vaṭṭati; hotu tava iminā kattabba-kiccaṇ pucchissāmi' ti. Atha naṇ āha:

'Idaṇ na bahu-agghanakaṇ, tvañ ca bahuṇ desi. Kena kammena idaṇ gaṇhāsī?' ti.

'Idha, bho, nagara-vāsino raññā saddhiṇ paṭivirujjhivā⁴ Vipassissa Dasabalassa dānaṇ dentā idaṇ dvayaṇ dāna-mukhe apassantā pariyesanti.⁵ Sace idaṇ dvayaṇ na labhis-santi nāgarānaṇ parājayo bhavissati; tasmā sahasaṇ datvā gaṇhāmi' ti.

'Kim pan' etaṇ nāgarānam eva vaṭṭati, aññesaṇ dātuṇ na vaṭṭati?' ti.

'Yassa kassaci dātuṇ avāritam⁶ etan' ti.

'Atthi pana koci nāgarānaṇ dāne ekadivasaṇ sahasaṇ dātā?' ti.⁷

'N' atthi, sammā' ti.

'Imesaṇ pana⁸ dvinnaṇ sahasa' agghanaka-bhāvaṇ jānāsī?' ti.

'Āma, jānāmi' ti.

'Tena hi gaccha, nāgarānaṇ ācikkha: "Eko puriso imāni dve mūlena na deti; sahatthen' eva dātu-kāmo. Tumhe imesaṇ dvinnaṇ kāraṇā nibbitakkā hothā" ti. Tvaṇ pana me imasmaṇ dāna-mukhe jeṭṭhaka-bhāvassa kāya-sakkhi hohī' ti.

So (gāma-vāsī) paribbay' atthaṇ gahita-māsakena pañca-

¹ A. C. me.

² AA. vaḍḍhantaṇ vaḍḍhantaṇ; A. vaḍḍhitvā.

³ S. ativācītuṇ.

⁴ A. -vijjhivā.

⁵ B. viriyesanti.

⁶ A. C. pavāritaṇ.

⁷ B. dāhā.

⁸ A. idaṇ pana; C. eam pana.

kaṭukaṇ gahetvā, cunṇaṇ katvā, dadhito kañjikaṇ vāhetvā,¹ tattha madhu-paṭalaṇ pīletvā, pañca-kaṭuka-cunṇena yoje-tvā, ekasmiṇ padimini-paṭte pakkipitvā, taṇ saṇvidahitvā, ādāya, Dasabalassa avidūra-tṭhāne nisīdi. Mahājanena āharyamānassa sakkārassa avidūre attano hattha-vāraṇ² olokiyamāno so okāsaṇ ñatvā, Satthu santikaṇ gantvā; 'Bhagavā, ayaṇ uppanna-duggata-paṇṇākāro. Imaṇ me anukampaṇ paṭicca paṭigaṇhathā' ti. Satthā tassa anukampaṇ paṭicca cātummahārāja-dattiyena sela-maya-pattena taṇ paṭiggahe-tvā, yathā aṭṭha-saṭṭhissa bhikkhu-sata-sahassassa diyya-mānaṇ na khīyati, evaṇ adhiṭṭhāsi.

So hi kulaputto niṭṭhita-bhatta-kiccaṇ Bhagavantaṇ abhi-vādetvā ekamantaṇ ṭhito āha: 'Diṭṭho me, Bhagavā, ajja Bandhumatī-nagara-vāsikehi³ tumhākaṇ sakkāro āharyamāno. Aham pi imassa kammassa nissandena nibbatta-nibbatta-bhave lābh' agga-yas' agga-ppatto bhaveyyan' ti. Satthā: 'Evaṇ hotu, kulaputtā' ti vatvā, tassa ca nagara-vāsīnaṇ ca bhattānumodanaṇ katvā, pakkāmi.

So pi kulaputto yāva-jīvaṇ kusalaṇ katvā, deva-manussesu saṇsaranto imasmiṇ Buddh' uppāde Suppavāsāya rāja-dhītāya kucchimhi paṭisandhiṇ gaṇhi. Tassa paṭisandhi-gaṇato paṭṭhāya māsaṇ māsaṇ pañca-paṇṇākāra-satāni sakaṭenādāya⁴ upanīyanti. Atha naṇ puñña-vīmaṇsan' atthaṇ hatthena bīja-pacchiṇ phusāpenti. Ekeka-bījato sa-lāka-satam pi salāka-sahassam pi nigacchanti. Eka-karisa-khette paṇṇāsam pi saṭṭhi pi sakaṭāni⁵ uppajjanti. Koṭṭha-pūraṇa-kāle pi koṭṭha-dvāraṇ hatthena phusāpenti. Rāja-dhītāya puññaṇa gaṇhantānaṇ gaṇita-gaṇita-tṭhānaṇ⁶ puna pūrat' eva. Paripunṇa-bhatta-bhājanato pi 'rāja-dhītāya puññaṇ' ti vatvā yassa kassaci dentānaṇ yāva na ukkaṇṭhanti, na tāva bhattaṇ khīyati.⁷

¹ A, C. katvā ṭhito kiñcikaṇ (kuñcikaṇ) gahetvā; B. katvā dadhiṇ thokaṇ kiñcikaṇ gahetvā; AA. dadhito kañjiyaṇ; S. dadhito kañjikaṇ. Cf. VvA. 186.

² A, C. hattha-pāsa; B. hatthavāraṇ, as AA.

³ A. -cārakehi; A, C. omiṭ nagara.

⁴ AA, C. sāyaṇ pātaṇ; MSS. māsaṇ māsaṇ.

⁵ B. sakaṇṭhāni; C. adda pamāṇāni. ⁶ A, C. insert na khīyanti.

⁷ B. yāva na utṭhāhi; A, S. yāva na sakkonti na tāva ca kh.

Dārake kucchi-gate yeva satta-vassāni atikkamiṃsu. Gabbhe pana paripakke sattāhaṇ mahādukkhaṇ anubhosi. Sā sāmikaṇ āmantesi: 'Pure maraṇā jīvamānā 'va dānaṇ dassāmi' ti, Satthu santikaṇ pesenti, 'gaccha, imaṇ pavattiṇ Satthu ārocetvā, Satthāraṇ nimantehi; yañ ca Satthā vadati taṇ sādhuṇ upalakkhetvā,¹ āgantvā, mayhaṇ kathehi' ti. So gantvā tassa sāsanaṇ Bhagavato ārocesi, ('Satthu, bhante, Koliya-dhītā pāde vandati' ti. Satthā tassa anukampaṇ paṭicca)²: 'Sukhini hotu Suppavāsā Koliya-dhītā. Sukhini arogā arogaṇ puttaṇ vijāyatū' ti āha. Rājā taṇ sutvā Bhagavantaṇ abhivādetvā antogāmābhimukho pāyāsi. Tassa pure āgamanā yeva Suppavāsāya kucchito dhamma-karakato³ udakaṇ viya gabbho nikkhami. Parivāretvā nisinna-jano assu-mukho 'va hasituṇ āradhho, tuṭṭha-hatṭho mahājano rañño sāsanaṇ ārocesuṇ.⁴ Rājā tesāṇ gamaṇaṇ disvā va, 'Dasabalena kathita-kathā nipphanā, maññe' ti cintesi. So āgantvā Satthu sāsanaṇ rāja-dhītāya ārocesi. Rāja-dhītā: 'Tayā nimantitaṇ jīvita-bhattam eva mangala-bhattaṇ bhavissati. Gaccha, sattāhaṇ Dasabalaṇ nimantehi' ti. Rāja tathā akāsi. Sattāhaṇ Buddha-pamukhassa sanghassa mahādānaṇ pavattayiṃsu.

'Dārako sabbesaṇ nātīnaṇ santatta-cittaṇ nibbāpento jāto' ti Sīvali-dārako tveva nāmaṇ akaṇsu. So satta-vassāni gabbhe vasitattā jāta-kālato paṭṭhāya sabba-kamma-kkhamo ahoṣi. Dhammasenāpati Sāriputto sattame divase tena saddhiṇ kathā-sallāpaṇ akāsi. Satthāpi *Dhammapade* (v. 414) gātham abhāsi:

Yo 'maṇ paḷipathaṇ duggaṇ saṇsāraṇ moham accagā,

Tiṇṇo pāragato jhāyī anejo akathaṇ-kathī,

Anupādāya nibbuto, tam ahaṇ brūmi brāhmaṇaṇ ti.⁵

Atha naṇ therō evam āha: 'Kim pana tayā evarūpaṇ dukkha-rāsiṇ anubhavitvā pabbajituṇ na vaṭṭati?' ti. 'Labhamāno⁶ pabbajeyyaṇ, bhante' ti. Suppavāsā taṇ

¹ A, B. upalakkhetvā; AA. sallakkhetvā; C, S. upaparikkhitvā.

² Words bracketed not in AA. or BS.

³ B. dhamma-karaṇā; AA. -karakā (vñ. kārakā, kārāṇā).

⁴ AA. vaḍḍhi-sāsanaṇ; and AA, C. ārocetuṇ agamāsi.

⁵ Cf. DhA. iv, 192.

⁶ B. gasamāno; S. labbhamāno.

dārakaṇ therena saddhiṇ kathentaṇ disvā: ‘Kin nu kho me putto Dhammasenāpatinā saddhiṇ katheti?’ ti therāṇ upasankamitvā pucchi: ‘Mayhaṇ putto tumhehi saddhiṇ kiṇ katheti, bhante?’ ti. ‘Attanā anubhūtaṇ gabbha-vāsa-dukkhaṇ kathetvā, ‘Tumhehi anuññāto pabbajissāmi’ ti. ‘Sādhu, bhante, pabbajetha nan’ ti. Thero taṇ vi-hāraṇ netvā, taca-pañcaka-kammaṭṭhānaṇ datvā, pabbājento, ‘Sivali, na tuyhaṇ aññena ovādena kammaṇ atthi; tayā va satta-vassāni anubhūta-dukkham eva paccavekkhāhi’ ti. ‘Bhante, pabbajanaṇ¹ yeva tumhākaṇ bhāro; yam pana mayā kātuṇ sakkā tam ahaṇ jānissāmi’ ti. So pana paṭhamakesa-vatṭhiyā oropita-kkhaṇe yeva sotāpatti-phale patitṭhāsi; dutiyāya oropita-kkhaṇe sakadāgāmi-phale; tatiyāya anāgāmi-phale; sabbesaṇ yeva pana kesānaṇ oropanaṇ ca arahatta-sacchikiriyā ca apacchā apurimā ahosi. Tassa pabbajita-divasato paṭṭhāya bhikkhu-sanghassa cattāro paccayā yāvat’ icchakaṇ uppajjanti. Evaṇ ettha vatthuṇ samutṭhi-taṇ.

Aparabhāge Satthā Sāvatthiṇ agamāsi. Thero Satthāraṇ abhivādetvā: ‘Bhante, mayhaṇ puññaṇ vīmaṇsissāmi; pañca me bhikkhu-satāni dethā’ ti āha. ‘Gaṇha, Sivali’ ti. So pañca-sate bhikkhū gaṇetvā Himavantābhimukhaṇ gacchanto aṭavi-maggaṇ gacchati.² Tassa paṭhamāṇ ditṭhā nigrodhe adhivatṭhā devatā satta-divasāni dānaṇ adāsi. Iti so

Nigrodhaṇ paṭhamāṇ passi, dutiyaṇ Paṇḍava-pabbataṇ,
Tatiyaṇ Aciravatiyaṇ, catutthaṇ Vara-sāgaraṇ,

Pañcamaṇ Himavantaṇ, so chaṭṭhaṇ Chaddant’ upāga-mi,

Sattamaṇ Gandhamādanaṇ, aṭṭhamaṇ atha Revatan ti.³

Sabba-tṭhānesu satta-satta-divasān’ eva dānaṇ adaṇsu. Gandhamādana-pabbate pana Nāgadatta-deva-rājā nāma sattasu divasesu ekadivasaṇ khīra-piṇḍa-pātaṇ adāsi, ekadivasaṇ sappi-piṇḍa-pātaṇ. Bhikkhu-sangho āha: ‘Imassa deva-rañño n’ eva dhenuyo duyhamānā paññāyanti, na

¹ A. pabbajjanaṇ; B. pabbajjē; C. pabbājanaṇ; AA, S. pabbājanam.

² Sentence not in A, B, or AA.

³ Cf. Ap. ii, 495 (Sivali), gantvā Revatam addasaṇ.

dadhi-nimmathanāṇ. Kuto te, deva-rāja, idaṇ uppajjati? ti. 'Bhante, Kassapa-dasabalassa kāle khīra-salāka-bhatta-dānass' etaṇ phalaṇ' ti deva-rājā āha. Aparabhāge Satthā Khadiravaniya-Revatassa paccuggamanāṇ aṭṭh' uppattiṇ katvā therāṇ attano sāsane lābh' aggappattānaṇ agga-tṭhāne tḥapesi.¹

Evaṇ lābh' agga-yas' aggappattassa² pana imassa therassa arahatta-ppattiṇ ekacce ācariyā evaṇ vadanti: Heṭṭhā vuttanayena Dhammasenāpatinā ovāde dinne, 'Yaṇ mayā kātuṇ sakkā, tam ahaṇ jānissāmi' ti, pabbajitvā vipassanā-kammaṭṭhānaṇ gaheṭvā, taṇ divasaṇ yeva aññataṇ vivittaṇ kuṭikaṇ disvā, taṇ pavisitvā, mātu kucchismiṇ satta-vassāni attanā anubhūtaṇ dukkhaṇ anussaritvā, tad anusārena atitānāgatena yantena³ ādittā viya taṇo bhavā upaṭṭhahīṇsu. Nāṇassa paripākaṇ gatattā vipassanā-vīthiṇ otari. Tāva-deva magga-paṭipātiyā sabbe pi āsave khepento arahattaṇ pāpuṇi ti. Ubhayathā pi therassa arahatta-ppatti yeva pakāsītā.⁴ Thero pana pabbhinna-paṭisambhido chaḷabhiñño ahoṣi. Tena vuttaṇ *Apadāne* (i, 149)⁵:

Varuṇo nāma nāmena devarājā⁶ ahaṇ tadā

Upaṭṭhapesiṇ sambuddhaṇ sayogga-bala-vāhano . . .
pe . . .

Arahattaṇ pana patvā, vimutti-sukhaṇ paṭisaṇvedento pīti-vegena udānaṇ udānento, *Te me ijjhīṇsu sankappā* ti gātham abhāsi. Tattha

Te me ijjhīṇsu sankappā yadattho pāvisiṇ kuṭiṇ

Vijjā vimuttiṇ paccassaṇ ti

ye pubbe mayā kāma-sankappādīnaṇ samucchadaka-nekkhamma-sankappādayo abhipatthitā yeva mayhaṇ; kadā nu khvāhaṇ tadāyatanāṇ upasampajja viharissāmi? yad

¹ A. i, 24.

² B. -mattassa.

³ Yanta—i.e., kamma-yanta or attabhāva-yanta. A. atitāgatenassa adentassa; B. as above; C. atitānāgate tassa avekkhantassa (?); S. as above with tassa. [See below on v. 419, kamma-yanta-vighātano.]

⁴ A, C. -ppattiyo pak°.

⁵ Under title Ekāsaṇiya, but Sivali's own verses at Ap. ii, 495 are not mentioned.

⁶ A, C. ekarājā.

ariyā etarahi upasampajja viharantī ti; vimuttādhippāya-saññitā, vimuttiṃ uddissa *sankappā*, manorathā, abhinhaso appamattā; *yadattho*, yaṇ-payojano, yesaṇ nipphādan' atthaṇ kuṭi-suññāgāraṇ vipassituṇ *pāvisiṇ*; tisso *viñjā* phala-*vimuttiṇ* ca paccessanto, gavesanto, *te me ujjhiṇsu*, te sabbe va idāni mayhaṇ ijhiṇsu, samijhiṇsu; nipphanna¹-kusala-sankappo paripuṇṇa-manoratho jāto ti attho. Tesā samiddhi-bhāvaṇ dassetuṇ, *mānānusayam ujjahan* ti vuttaṇ; yasmā mānānusayam ujjahaṇ, pajahiṇ, samucchindiṇ, tasmā te me sankappā ijhiṇsū ti yojanā. Mānānusaye pahīne appahīno nāma anusayo n' atthi: arahattaṇ ca adhigatam eva hotī ti, mānānusaya-ppahānaṇ yathā-vuttaṇ sankappa-samiddhiyā kāraṇaṇ katvā vuttaṇ.

Sivali-tthera-gāthā-vappanā

Niṭṭhitā.

Chaṭṭha-vagga-vappanā niṭṭhitā.

VAPPA

Passati passo ti, āyasmato Vappa-ttherassa gāthā. So kira Padumuttarassa Bhagavato kāle Haṇsavatī-nagare kula-gehe nibbattitvā, viññutaṇ patto, 'Asuko ca asuko ca thero Satthu paṭhamaṇ dhamma-paṭiggāhakā ahesun' ti thomanāṇ sutvā, Bhagavantaṇ upasankamitvā patthanaṇ paṭṭhapesi: 'Aham pi, Bhagavā, anāgate tādisassa Sammā-sambuddhassa paṭhamaṇ dhamma-paṭiggāhakānaṇ añña-taro bhavēyyan' ti Satthu santike saraṇa-gamanaṇ ca pave-desi. So yāva-jīvaṇ puññāni katvā tato cuto deva-manussesu yeva saṇsaranto imasmiṇ Buddh' uppāde Kapilavatthusmiṇ Vāsetthassa nāma brāhmaṇassa putto hutvā nibbatti; Vappo ti 'ssa nāmaṇ ahosi. So 'Asitena isinā Siddhattha-kumāro sabbaññu bhavissatī' ti byākato Kondañña-pamukhehi brāhmaṇa-puttehi saddhiṇ gharāvāsaṇ pahāya tāpasa-pabbajjaṇ pabbajitvā tasmiṇ sabbaññutaṇ patte tassa santike dhammaṇ sutvā, 'Amataṇ pāpunissāmi' ti Uruvelāyaṇ viharanto mahāsattaṇ chabbassāni padhānaṇ padahantaṇ upaṭṭhahitvā, olārikāhāra-paribhogena nibbijjitvā,² Isipatanaṇ gato abhisambujjhivā, Satthārā satta-sattāhāni viti-

¹ A, B. *throughout* nippanna.

² A, C. *nissajjitvā*.

nāmetvā, Isipatanāṇ gantvā, dhamma-cakke pavattite paṭipada-divase sotāpatti-phale patitṭhito pañcamiyaṇ pak-khassa¹ Aññā-Koṇḍaññādihi² saddhiṇ arahattaṇ pāpuṇi. Tena vuttaṇ *Apadāne* (i, 148)³:

Ubhinnaṇ devarājānaṇ sangāmo paccupaṭṭhito

Ahosi samupabbūho⁴ mahāghoso pavattatha . . .
pe . . .

Arahattaṇ pana patvā attanā paṭiladdha-sampattiṇ pac-cavekkhana-mukhena Satthu gaṇa-mahantataṇ⁵ paccavekkhitvā idisaṇ nāma Satthāraṇ bahulikādi-vādena⁶ samudā-carimha⁷: 'Aho puthujjana-bhāvo nāma andha-karaṇo acakkhu-karaṇo, ariya-bhāvo yeva cakkhu-karaṇo' ti dassento, *passati passo* ti gātham abhāsi. Tattha *passati passo* ti,⁸ *passati sammā-ditṭhiyā*; dhamme aviparitaṇ *passati*, jānāti, bujjhatī ti *passo*; dassana-sampanno ariyo so passantaṇ aviparita-dassaviṇ 'ayaṇ aviparita-dassāvi' ti *passati*; paññā-cakkhunā dhammādhammaṇ yathā-sabhāvato jānāti; na kevalaṇ passantam eva, atha kho *apassantaṇ ca passati*. Yo paññā-cakkhu-virahito dhamme yathā-sabhāvato na *passati*, tam pi *apassantaṇ puthujjanaṇ* 'andho vatāyaṇ bhavaṇ, acakkhuko' ti attano paññā-cakkhunā *passati*. *Apassanto apassantaṇ passantaṇ ca na passati* ti, *apassanto paññā-cakkhu-virahito andha-bālo*; tādisaṇ andha-bālaṇ 'ayaṇ dhammādhammaṇ yathā-sabhāvato na *passati*' ti yathā *apassantaṇ na passati*, na jānāti; evaṇ attano paññā-cakkhunā dhammādhammaṇ yathā-sabhāvato *passantaṇ ca paṇḍitaṇ* 'ayam evaṇ-vidho' ti na *passati*, na jānāti. Tasmā aham pi pubbe dassana-rahito sakalaṇ ñeyyaṇ hatthāmalakaṇ viya passantaṇ Bhagavantaṇ *apassantam* pi pūraṇādiṇ yathā-sabhāvato na *passiṇ*. Idāni pana Buddhānubhāvena sampanno ubhaye pi yathā-sabhāvato *passāmi* ti *sevitab-bāsevitabbesu*⁹ attano aviparita-paṭipattiṇ dasseti.

Vappa-tthera-gāthā-vapṇanā

Niṭṭhitā.

¹ A. pakkhasaya. ² B. Aññāsi°. ³ Under title Saraṇāgamaniya.

⁴ B. -pabyūḷho.

⁵ B. mahattaṇ taṇ.

⁶ A. bahulitvādi°; B. bahullik°.

⁷ B. samukhācarimhi.

⁸ A, B. omit phrases throughout this passage.

⁹ A. veditabbā sev°.

VAJJIPUTTA¹

[10] *Ekakā mayaṇ araṇṇe* ti, āyasmato Vajjiputta-ttherassa gāthā. Ayam pi purima-buddhesu katādhikāro tattha tattha bhavē vivaṭṭ' ūpanissayaṇ puṇṇaṇ upacinanto ito ekanavute kappe Vipassissa Bhagavato kāle kula-gehe nibbattitvā viññutaṇ patto ekadivasaṇ Vipassiṇ Bhagavantaṇ disvā, pasanna-mānaso nāga-puppha-kesarehi pūjaṇ akāsi. So tena puṇṇa-kammaena deva-manussesu saṅsaranto imasmiṇ Buddh' uppāde Vesāliyaṇ amacca-kule nibbatti; Vajjiputto ti 'ssa nāmaṇ ahosi. So Bhagavato Vesāli-gamane Buddhānubhāvaṇ disvā, paṭiladdha-saddho pabbajitvā kata-pubba-kicco kammaṭṭhānaṇ gahetvā, Vesāliyā avidūre aññatarasmiṇ vana-saṇḍe viharati. Tena ca samayena Vesāliyaṇ ussavo ahosi; tattha tattha nacca-gīta-vāditaṇ pavattati; mahājano haṭṭha-tuṭṭho ussava-sampattiṇ paccānubhavati. Taṇ sutvā so bhikkhu ayoniso ummujjanto² vivekaṇ cajamāno³ kammaṭṭhānaṇ vissajjetvā, attano anabhiraṭṭiṇ pakāsento,

Ekakā mayaṇ araṇṇe viharāma

Apaviḍḍhaṇ va vanasmiṇ dārukaṇ.

Etādisikāya rattiya

Ko su nāma amhehi pāpiyo ? ti (S. i, 202)

gātham āha. Taṇ sutvā vana-saṇḍe adhiyaṭṭhā devatā taṇ bhikkhuṇ anukampamānā, 'Yadi pi tvaṇ, bhikkhu, araṇṇa-vāsaṇ hiṇento vadasi, viveka-kāmā pana viddasuno taṇ bahu-maññanti yevā' ti imam atthaṇ dassenti,

Ekako tvaṇ araṇṇe viharasi

Apaviḍḍhaṇ va vanasmiṇ dārukaṇ.

Tassa te bahukā pihayanti,

Nerayikā viya sagga-gāminan ti

gāthaṇ vatvā, 'Kathaṇ hi nāma tvaṇ, bhikkhu, niyyānike Sammāsambuddha-sāsane pabbajitvā aniyānikaṇ vitakkaṇ vitakkeṣi?' ti santaṇjenti saṇvejesi. Evaṇ so bhikkhu tāya devatāya saṇvejito, kasābhīhato⁴ viya bhadro assājanīyo

¹ Cf. S. i, 201; SA. i, 295.

² Cf. *supr.* on v. 45.

³ A. nicamāno; B. cajjamāno; C. S. riñcamāno.

⁴ A. kasāhito.

vipassanā-vithiṇ¹ otaritvā na cirass' eva vipassanaṇ ussukkā-petvā arahattaṇ pāpuṇi. Tena vuttaṇ *Apadāne* (i, 146)²:

Suvaṇṇavaṇṇaṇ Sambuddhaṇ sata-raṇsiṇ bhānumaṇ³

Obhāsentaṇ disā sabbā ulu-rājaṇ va pūritaṇ⁴ . . .

pe . . .

Arahattaṇ pana patvā: 'Ayaṇ me arahatt' uppattiyā ankuso jāto' ti attano devatāya ca vutta-nayaṇ sankadḍhitvā,⁵

Ekakā mayaṇ araṇṇe viharāma

Apaviddhaṇ va vanasmiṇ⁶ dārukaṇ;

Tassa me bahukā pihayanti

Nerayikā viya sagga-gāminan ti

gātham abhāsi. Tass' attho: Anapekkha-bhāvena vane chaḍḍita-dāru-kkhaṇḍaṇ viya yadi pi mayaṇ ekakā ekākinō⁷ asahāyā imasmiṇ araṇṇe viharāma, evaṇ viharato pana tassa me bahukā pihayanti maṇ bahū attha-kāma-rūpā kulaputtā abhipatthenti, 'Aho vat' assa mayam pi Vajjiputta-tthero viya ghara-bandhanaṇ pahāya araṇṇe vihareyyāmā' ti. Yathā kiṇ? Nerayikā viya sagga-gāminan, Yathā nāma nerayikā attano pāpa-kammena niraye nibbatta-sattā sagga-gāminan sagga' upagāminam pi pihayanti: 'Aho vata mayam pi niraya-dukkhaṇ pahāya sagga-sukhaṇ paccanubhaveyyāmā' ti, evaṇ sampadam idan ti⁸ attho. Ettha ca attani garu-bahuvacana-ppayogassa icchitabbattā *ekakā mayaṇ viharāmā* ti, puna tassa atthassa ekattaṇ sandhāya *tassa me* ti eka-vacana-ppayogo kato. So ca *sagga-gāminan* ti ca ubhayaṇ pihayanti ti padaṇ apekkhitvā, upayog' atṭhe sampadāna-niddeso datṭhabbo. Taṇ abhipatthenti ti ca tādise araṇṇa-vāsādi-guṇe abhipatthentā nāma honti ti katvā vuttaṇ. *Tassa me* ti vā, tassa mama santike guṇe ti adhippāyo.

Vajjiputta-tthera-gāthā-vaṇṇanā
Nīṭṭhitā.

¹ B. vidhaṇ.

² Under title *Reṇupūjaka*.

³ A. mahānumaṇ; B. Ap. bhānumaṇ; C, S. -iva bhāsuraja.

⁴ A. sālarājaṇ va pupphitaṇ.

⁵ A. saṇsaritvā; B. sankadḍhitvā; C. saritvā.

⁶ B. pavana saddhiṇ; S. apavittṭhaṇ.

⁷ Or ekākiyo; cf. v. 540.

⁸ B. evaṇ piyanti ti attho.

PAKKHA

Cutā patantī ti, āyasmato Pakkha-ttherassa gāthā. So pi purima-buddhesu katādhikāro tattha tattha bhava puññāni karonto ito ekanavute kappe yakkha-senāpati hutvā, Vipassin Bhagavantaṃ disvā, pasanna-mānaso dibba-vatthena pūjaṃ akāsi. So tena puñña-kammena deva-manussesu saṃsaranto imasmiṃ Buddh' uppāde Sakkesu Devadaha-nigame Sākiya-rāja-kule nibbatti; Sammoda-kumāro ti 'ssa nāmaṃ ahosi. Ath' assa dahara-kāle vāta-rogena¹ pādā na vahiṃsu.² So katipayāṃ kālaṃ piṭṭha-sappi viya vicari: ten' assa Pakkho ti samañña jātā. Pacchā aroga-kāle pi tath' eva naṃ sañjānanti. So Bhagavato ñāti-samāgame pāṭihāriyaṃ disvā paṭiladdha-saddho pabbajitvā kata-pubba-kicco kammaṭṭhānaṃ gahetvā araṇṇe viharati. Ath' ekadivasaṃ gāmaṃ piṇḍāya pavasiṃ gacchanto antarā-magge aññatarasmiṃ rukkha-mūle nisīdi. Tasmiṃ ca samaye aññataro kulalo maṃsa-pesiṃ ādāya ākāseṇa³ gacchati. Taṃ bahū kulalā anupatitvā pātesuṃ⁴; pātitaṃ maṃsa-pesiṃ eko kulalo aggaheṣi; taṃ añño acchinditvā gaṇhi.

Taṃ disvā thero: 'Yathāyaṃ maṃsa-pesi, evaṃ kāmā nāma bahu-sādhāraṇā bahu-dukkhā bah' ūpāyāsā' ti kāmesu ādīnavaṃ nekkhamme ca ānisaṃsaṃ paccavekkhitvā, vipassanaṃ paṭṭhapetvā, aniccan ti ādinā manasikaronto piṇḍāya caritvā, kata-bhatta-kicco divāṭṭhāne nisīditvā vipassanaṃ vadḍhetvā, arahattaṃ pāpuṇi. Tena vutaṃ *Apadāne* (i, 146)⁵:

Vipassī nāma Bhagavā loka-jetṭho narāsabho

Aṭṭha-saṭṭhi-sahasseehi pāvise nagaraṃ tadā . . . pe . . .

Arahattaṃ pana patvā, yad eva saṃvega-vatthuṃ ankusaṃ katvā, vipassanaṃ vadḍhetvā, añña adhigatā: tassa sankhita-mukhena aññaṃ byākaronto, *cutā patantī* ti gātham abhāsi. Tattha *cutā* ti, bhaṭṭhā. *Patantī* ti, anupatanti.

¹ Cf. SA. ii, 291, vāta-rogo . . . hattha-pāda-piṭṭhi-ādini bhindati . . . piṭṭha-sappiṃ karoti.

² A. naṃ vatipsu; C. na vayhiṃsu.

³ A. āgata-vasena.

⁴ A. vātesu.

⁵ Under title Mahāparivāra.

Patitā ti, cavana-vasena bhūmiyaṇ patitā, ākāse vā sampatana¹-vasena patitā. *Giddhā* ti, gedhaṇ āpannā. *Puna-r-āgatā* ti, puna-d-eva upagatā; ca-saddo sabbattha yojetabbo. Idaṇ vuttaṇ hoti: Patanti, anupatanti kulalā²; itarassa mukhato cutā ca maṇsa-pesi; cutā pana sā bhūmiyaṇ, patitā ca giddhā gedhaṇ āpannā sabbe va kulalā puna-r-āgatā. Yathā c' ime kulalā, evaṇ saṅsāre paribbhamantā sattā: ye kusala-dhammato cutā te patanti nirayādisu; evaṇ patitā ca, apatitā vā,³ sampatti-bhave t̥hitā, tattha kāma-sukhā-nuyoga-vasena kāma-bhavesu rūpārūpa-bhavesu ca bhava⁴-nikanti-vasena giddhā ca puna-r-āgatā. Aparimuttattā⁵ tena tena bhava-gāminā kammena taṇ taṇ bhava-saññitaṇ dukkhaṇ āgatā eva. Evaṇbhūtā ime sattā: mayā pana *katāṇ kiccaṇ* pariññādibhedāṇ soḷasa-vidham pi kiccaṇ katāṇ. Na 'dāni taṇ kātabbaṇ atthi. Taṇ *rataṇ, rammaṇ, ramitabbaṇ* ariyehi, sabbaṇ sankhata-vinissaṭaṇ nibbānaṇ rataṇ, abhiraṭaṇ; tena ca *sukheṇ' anvāgataṇ sukhaṇ*, phala-samāpatti-sukhena anuāgataṇ accanta-sukhaṇ nibbānaṇ; *sukhena* vā sukha-paṭipadā-bhūtena vipassanā-sukhena magga-sukhena ca *anvāgataṇ* phala-sukhaṇ nibbāna-sukhaṇ cā ti attho veditabbo.

VIMALA-KONḌAÑÑA

Dumavhayāya uppano ti, Vimala-konḍañña-ttherassa gāthā. Ayam pi purima-buddhesu katādhikāro tattha tattha bhave vivaṭṭ' ūpanissayaṇ puññaṇ upacinanto ito ekanavute kappe Vipassissa Bhagavato kāle vibhava-sampanne kule nibbatitvā, viññutaṇ patto ekadivasaṇ Vipassiṇ Bhagavantaṇ mahatiyā parisāya parivutaṇ dhammaṇ desentaṇ disvā, pasanna-mānasaso catuhi suvaṇṇa-pupphehi pūjesi. Bhagavā tassa pasāda-saṇvaḍḍhaṇ' atthaṇ tathā-rūpaṇ iddhābhi-sankhāraṇ abhisankhāresi yathā suvaṇṇābhā sakalaṇ taṇ parisāṇ otthari.⁶ Taṇ disvā so bhiyyoso-mattāya pasanna-

¹ B. ākāse vāsanpahanā.

² A. kusalā.

³ A, C. omīti.

⁴ A, C. prefix jhana-.

⁵ A. -vuttattā; B. -muttatthā; C. -muttatā.

⁶ A. otatthari; B. ottharati; A, C. padessaṇ ot°.

mānaso hutvā, Bhagavantaṃ vanditvā, taṃ nimittaṃ gahetvā, attano gehaṃ gantvā, Buddhārammaṇaṃ pītiṃ avijahanto, kenaci rogena kālaṃ katvā, Tusitesu upapanno, aparāparaṃ puññāni katvā, deva-manussesu saṃsaranto imasmiṃ Buddh' uppāde rājānaṃ Bimbisāraṃ paṭicca Ambapāliyā kucchimhi paṭisandhiṃ gaṇhi.¹ Rājā Bimbisāro taruṇa-kāle Ambapāliyā rūpa-sampattiṃ sutvā, sañjātābhilāso katipaya-manussa-parivāro aññātaka-vesena Vesāliyaṃ gantvā, ekarattiṃ tāya saṃvāsaṃ kappesi.

Tadā ayaṃ tassā kucchimhi paṭisandhiṃ aggahesi. Sā ca gabbhassa paṭiṭṭhita-bhāvaṃ tassa ārocesi. Rājāpi attāpi ātanaṃ jānāpetvā dātābba-yuttakaṃ datvā pakkāmi. Sā gabbhassa paripākam anvāya puttaṃ vijāyi. Vimalo ti 'ssa nāmaṃ ahosi; pacchā Vimala-Koṇḍañño ti paññāyittha. So vayapatto Bhagavato Vesāli-gamane Buddhānubhāvaṃ disvā, pasanna-mānaso pabbajitvā, kata-pubba-kicco vipassanaṃ paṭṭhapetvā, na cirass' eva arahattaṃ pāpuṇi. Tena vuttaṃ *Apadāne* (i, 150)²:

Vipassī nāma Bhagavā loka-jetṭho narāsaḥ

Nisinno jana-kāyassa desesi amataṃ padaṃ . . . pe . . .

Arahattaṃ pana patvā aññā-padesena aññaṃ byākaronto *dumavhayāyā* ti gātham abhāsi. Tattha *dumavhayāyā* ti, dumena ambena avhātābhatāya³ Ambapāliyā ti attho. Ādhāre⁴ c' etaṃ bhumma-vacanaṃ. *Uppanno* ti, tassā kucchiyaṃ uppanno: uppajjamāno ca *jāto Paṇḍara-ketunā* ti, dhavala-vattha⁵-dhajattā Paṇḍara-ketū ti paññātena⁶ Bimbisāra-raññā hetu-bhūtena jāto; taṃ paṭicca nibbatta ti attho. *Uppanno* ti vā, paṭhamābhiniḥḥatti-dassana-pubbaṃ tato hi jāto⁷ ti abhijāti-dassanaṃ. Vijāyana-kālato paṭṭhāya hi loke jāta-vohāro. Ettha ca *dumavhayāyā uppanno* ti, iminā att' ukkaṃsana-bhāvaṃ apaneti,⁸ aneka-puttānam pi visesādhigama-sabbhāvaṃ ca dipeti. *Jāto paṇḍara-ketunā* ti,

¹ Cf. ThigA. on Ambapāli, v. 270.

² Under title Suvanna-pupphiya.'

³ A. attha ambāya.

⁴ A. avadhāre.

⁵ A. C. omī vattha; B. vata; S. vaddha-vatthaṃ.

⁶ A. saññātena; C. saññātena.

⁷ B. tathā hi jāti.

⁸ B. omī apaneti.

iminā viññāta-pītika-dassanena para-vambhanaṇ apaneti. *Ketuhā* ti, māna-ppahāyi. Māno hi unṇati-lakkhaṇattā ketu-viyā ti, ketu.¹ Tathā hi so ketu kamyatā-paccuppaṭṭhāno ti vuccati. *Ketunā yevā* ti, paññāya eva; paññā hi anavajja-dhammesu paccuggat' aṭṭhena, Māra-sena-ppamad-danena pubbangam' aṭṭhena ca ariyānaṇ dhajā nāma. Ten' āha: 'Dhammo hi isiṇaṇ dhajo' ti (S. ii, 280; A. ii, 51; J.A. v, 509). *Mahāketuṇ padhaṇsayi* ti, mahā-visayatāya mahantā, seyya-māna-jāti-mānādi-bhedato bahavo ca māna-ppakārā, itare ca kilesa-dhammā samussit' aṭṭhena ketu etassā ti, mahāketu, Māro Pāpimā; taṇ balaṇ vidhaṇsana²-visayātik-kamana-vasena abhibhavi; nibbisevanaṇ akāsi ti. *Mahāketuṇ padhaṇsayi* ti, attānaṇ paraṇ viya dassento aññā-padesena arahattaṇ byākāsi.

Vimala-koṇḍañña-tthera-gāthā-vaṇṇanā
Niṭṭhitā.

UKKHEPA-KATA-VACCHA

Ukkhepakata-vacchassā ti, āyasmato Ukkhepa-kata-vaccha-ttherassa gāthā. So pi kira purima-buddhesu katādhikāro tattha tattha bhava vivaṭṭ' ūpanissayaṇ puññaṇ upacinanto ito catunavute kappe Siddhatthassa Bhagavato kāle kula-gehe nibbattitvā, viññutaṇ patto Satthāraṇ uddissa mālaṇ³ karontassa pūgassa ekaṇ thambhaṇ alabhantassa thambhaṇ datvā, sahāya-kiccaṇ akāsi. So tena puñña-kammena deva-loke nibbattitvā, aparāparaṇ puññāni katvā, deva-manussesu saṇsaranto imasmiṇ Buddh' uppāde Sāvattiyaṇ aññatarassa brāhmaṇassa putto hutvā nibbatti; Vaccha ti 'ssa gottato āgata-nāmaṇ. So Satthu santike dhammaṇ sutvā, paṭi-laddha-saddho pabbajitvā, Kosala-raṭṭhe gāmakāvāse vasantō āgatāgatānaṇ bhikkhūnaṇ santike dhammaṇ pariyā-

¹ Based on Nidd. ii (Culla-N.), p. 226 (duvidhena māno); att' ukkaṇsana-māno para-vambhana-māno . . . yo evarūpo māno maññaṇa maññitattaṇ unṇati unṇalo [unṇāmo at Vibh. 356] dhajo sampaggāho ketu-kamyatā cittassa.

² B. balavidhamana; A. nonsense throughout.

³ A. C. S. sālā; B. mālaṇ (acc. to Ap. I. 3).

puṇāti, 'Ayaṇ Vinayo, idaṇ Suttantaṇ, ayaṇ Abhidhammo¹' ti pada-paricchedaṇ na jānāti.

Ath' ekadivasaṇ āyasmantaṇ Dhammasenāpatiṇ pucchitvā, yathā²-paricchedaṇ sabbaṇ sallakkhesi. Dhamma-sangītiyā pubbe pi Piṭakādi³-samaññā pariyatti saddhamme vavattitā⁴ eva: yato bhikkhūnaṇ Vinaya-dharādi-vohāro so Tepiṭakaṇ Buddha-vacanaṇ uggaṇhanto, paripucchanto tattha vutte rūpārūpa-dhamme sallakkhetvā, vipassanaṇ paṭṭha-petvā, sammasanto na cirass' eva arahattaṇ pāpuṇi. Tena vuttaṇ *Apudāne* (i, 56)⁵:

Siddhatthassa Bhagavato mahāpūga-gaṇo ahu:

Saraṇaṇ gatā va te Buddhaṇ saddahanti Tathāgataṇ . . .
pe . . .

Arahattaṇ pana patvā kata-kiccattā akilāsu-bhāve ṭhito attano santikaṇ upagatānaṇ gahaṭṭha-pabbajitānaṇ anukampaṇ upādāya, Tepiṭakaṇ Buddha-vacanaṇ vīmaṇsitvā, dhammaṇ desesi. Desento ca ekadivasaṇ attānaṇ paraṇ viya katvā dassento,

Ukkhepa-kata-vacchassa sankalitaṇ bahūhi vassehi

Taṇ bhāsati gahaṭṭhānaṇ sunisinno ulāra-pāmojjo ti gātham abhāsi. Tattha *ukkhepa-kata-vacchassā* ti ca, Kata-ukkhepa-vacchassa bhikkhuno santike visuṇ visuṇ uggaḥitaṇ Vinaya-padesaṇ Sutta-padesaṇ Abhidhamma-padesaṇ ca yathā-paricchedaṇ Vinaya-suttābhidhammānaṇ yeva upa-parikkhitvā,⁶ sajjhāyana-vasena tattha tatth' eva, pakkhipitvā,⁷ vācīta-vasenā⁸ ti attho. Karaṇ' aṭṭhe hi idaṇ sāmi-vacanaṇ.

*Sankalitaṇ*⁹ *bahūhi vassehī* ti, bahuṇkehi saṇvaccharehī sampiṇḍana-vasena hadaye ṭhapitaṇ, sankalitaṇ. Sankhalitaṇ ti pi pāṭho; sankhalitaṇ viya kataṇ, ekābaddha-vasena

¹ B. atidhammo; S. ariya-dhammo.

² A. tathā.

³ A. piṭakāni.

⁴ A, B. vavattitā.

⁵ Under title *Elatthambjika*. [In v. 6 of Ap. read paṭicchisṇu for pavecchisṇu; vll. pavajjisṇu; pavacchisṇu.]

⁶ A. uparikkhipitvā; B. -khīpitvā; C, S. parikkhipitvā;

⁷ A, B. pakkhipitvā; C, S. parikkh°.

⁸ B. ṭhita vacchena; C. ṭhita-vasena.

⁹ B. sampakalitaṇ.

vâc' uggataṇ kataṇ yaṇ Buddha-vacanan ti vacana-seso. *Tan* ti, taṇ pariyatti-dhammaṇ bhāsati, katheti. *Gahaṭṭhānan* ti, tesaṇ yebhūyyatāya vuttaṇ. *Sunisinno* ti, tasmiṇ dhamme sammā niccalo nisinno, lābha-sakkārādiṇ apaccāsiṇsanto, kevalaṇ vimuttāyatana-sīse yeva ṭhatvā katheti ti attho.

Ten' āha *ulāra-pāmojjo* ti, phala-samāpatti-sukha-vasena dhamma-desanā-vasen' eva ca uppanna-ulāra-pāmojjo ti. Vuttaṇ h' etaṇ: 'Yathā yathāvuso bhikkhu yathā-sutaṇ yathā-pariyattaṇ dhammaṇ vitthārena paresaṇ deseti,¹ tathā tathā so tasmiṇ dhamme labhati attha-vedaṇ, labhati dhamma-vedaṇ, labhati dhamm' ūpasanhitāṇ pāmujaṇ' ti (D. iii, 241; M. i, 37; A. v, 329) ādi.²

Ukkhepakatavaccha-tthera-gāthā-vaṇṇanā
Niṭṭhitā.

MEGHIYA³

Anusāsi mahāvīro ti, āyasmato Meghiya-ttherassa gāthā. Ayam pi purima-buddhesu katādhikāro tattha tattha bhavē kusala-bijāni ropento, ito ekanavute kappe Vipassissa Bhagavato kāle kula-gehe nibbattitvā viññutaṇ pāpuṇi. Tasmiṇ ca samaye Vipassī Bhagavā Buddha-kiccassa pariyosānam āgamma āyu-sankhāraṇ osajji. Tena paṭhavi-kampādīsu uppannesu mahājano bhūta-tasito ahoṣi. Atha naṇ Vessavaṇo mahārājā yam atthaṇ vibhāvetvā samassāsesi. Taṇ sutvā mahājano saṇvega-ppatto ahoṣi. Tatthāyaṇ kula-putto Buddhānubhāvaṇ sutvā Satthari sañjāta-gārava-bahumāno ulāraṇ pīti-somanassaṇ paṭisaṇvedesi. So tena puñña-kammena deva-manussesu saṇsaranto imasmiṇ Buddh' uppāde Kapilavatthusmiṇ Sākiya-rāja-kule nibbatti; tassa Meghiyo ti nāmaṇ ahoṣi. So vayappatto Satthu santike pabbajitvā, Bhagavantaṇ upaṭṭhahanto Bhagavati Cālīkāyaṇ⁴ viharante Kimikālāya⁵ nadiyā tīre ramaṇiyaṇ amba-

¹ A. deti; B. desesi; C, S. deseti.

² *Texts differ in first part.*

³ Cf. Ud. 34; UdA. 270.

⁴ A, C. Jālik°; S. Chālī°; but see Udāna.

⁵ A. Kipilakāya; C. Kipillikāya.

vanan disvā, tattha viharitu-kāmo dve vāre Bhagavatā vāretvā tatiya-vāraṇ¹ vissajjito, tattha gantvā micchā-vitakka-makkhikāhi² khajjamāno citta-samādhiṇ alabhitvā, Satthu santikaṇ gantvā, tam attham ārocesi. Ath' assa Bhagavā; 'Aparipakkāya, Meghiya, ceto-vimuttiyā pañca dhammā paripākāya saṇvattanti' ti ādinā ovādam adāsi. So tasmiṇ ovāde t̥hito vipassanaṇ vaḍḍhetvā arahattaṇ pāpuṇi. Tena vuttaṇ *Apadāne* (i, 151)³:

Yadā Vipassī lokaggo āyu-sankhāram ossaji,

Paṭhavi sampakampittha medinī jala-mekhalā . . .

pe . . .

Arahattaṇ pana patvā Satthu sammukhā ovādaṇ labhitvā,
'Mayā arahattaṇ adhigatan' ti aññaṇ byākaronto

Anusāsi mahāvīro sabba-dhammāna-pāragū;

Tassāhaṇ dhammaṇ sutvāna vihāsiṇ santike sato⁴;

Tisso vijjā anuppattā, kataṇ Buddhassa sāsanan ti

gātham abhāsi. Tattha *anusāsi* ti, 'aparipakkāya, Meghiya, ceto-vimuttiyā pañca dhammā paripākāya saṇvattanti' ti (Ud. 36) ādinā ovadi, anusit̥thiṇ adāsi. *Mahāvīro* ti, mahā-vikkanto⁵ viriya-pāramī-pāripūriyā caturanga-samannāgata-viriyādhiṭṭhānena anañña⁶-sādhāranena catubbidha-sammapadhāna-sampattiyā ca mahā-viriyo ti attho. *Sabba-dhammāna-pāragū* ti, sabbesaṇ ñeyya-dhammaṇaṇ pāraṇ. pari-yantaṇ ñāṇa-gamanena gato adhigato ti sabba-dhammāna-pāragū; sabbaññu ti attho; sabbesaṇ vā sankhata-dhammaṇaṇ pārabbhutaṇ⁷ nibbānaṇ sayambhū-ñāṇena gato adhigato ti *pāragū*. *Tassāhaṇ dhammaṇ sutvānā* ti, tassa Buddhassa Bhagavato samukkaṇsikaṇ catu-saccaṇ dhammaṇ suṇitvā. *Vihāsiṇ santike* ti, amba-vane micchā-vitakkehi upadduto Cālika-vihāraṇ gantvā Satthu samīpe⁸ yeva vihāsiṇ. *Sato* ti, satimā; samatha-vipassanā-bhāvanāya appamatto ti attho. *Ahan* ti, idaṇ yathā anusāsi ti, ettha *man* ti evaṇ

¹ A. -vādaṇ.

² S. macchikāhi.

³ Under title Buddhassaññika.

⁴ O. text sato. All MSS sato.

⁵ A. vitakkanto.

⁶ A. arañña.

⁷ A. pāragataṇ; B. pāragū taṇ; here A. omits first sentence; C. inverts order.

⁸ A C. santike.

vijjā anuppattā, kataṇ Buddhassa sāsanan ti, ettha *mayā* ti pariṇāmetabbaṇ. *Kataṇ Buddhassa sāsanan* ti ca iminā yathā-vuttaṇ vijjā-ttayaṇupattim eva Satthu ovāda-paṭi-kara-bhāva-dassanena pariyāy' antarena pakāseti; silak-khandhādi-paripūraṇam¹ eva hi Satthu sāsana-kāritā.

Meghiya-tthera-gāthā-vapṇanā
Niṭṭhitā.

EKADHAMMASAṂVĀSĪYA

Kilesā jhāpitā mayhan ti, āyasmato Ekadhamma-saṁvāsiya-ttherassa gāthā. So kira Padumuttarassa Bhagavato kāle rukkhā-devatā hutvā nibbatto katipaye bhikkhū magga-mūlhe mahārañṇe vicarante² disvā, anukampamāno attano bhavanato otaritvā, tesam assāsetvā bhojetvā, yathādhip-peta-tṭhānaṇ pāpesi. So tena puñña-kammena deva-manus-sesu saṁsaranto Kassape Bhagavati kata-buddha-kicce pari-nibbute loka uppajji.³ Tasmiṇ kāle Bārāṇasī-rājā Kiki nāma ahosi. Tasmiṇ kālankate tassa Puthuvindha-rājā nāma putto ahosi; tassa putto Suyāmo nāma, tassa putto Kiki-Brahmadatto nāma hutvā rajjaṇ kārento, sāsane anta-rahite, dhamma-saṁvāsaṇ alabhanto, 'Yo dhammaṇ deseti, tassa sata-sahassaṇ dammi' ti ghoṣāpetvā, ekam pi dhamma-kathikaṇ alabhanto, 'Mayhaṇ pitu-pitā-mahādīnaṇ⁴ kāle dhammo saṁvatti,⁵ dhamma-kathikā sulabhā ahesuṇ. Idāni pana catuppādika-gāthā-mattam pi kathento dullabho. Yāva dhamma-saṁñā na vinassati tāva-d-eva pabbajissāmi' ti rajjaṇ pahāya, Himavantaṇ uddissa gacchantaṇ Sakko deva-rājā āgantvā, 'Aniccā vata sankhārā' ti gāthāya dhammaṇ kathetvā nivattesi.

So nivattitvā bahuṇ puññaṇ katvā deva-manus-sesu saṁsa-ranto imasmiṇ Buddh' uppāde Setabya-nagare seṭṭhi-kule nibbattitvā, vayappatto Bhagavati Setabya-nagare Siṁsa-pāvane⁶ viharante Satthāraṇ upasankamitvā. vanditvā.

¹ A, C. paripuppā.

² A. pāteṇ; C, S. viharante.

³ A, B, S. omī loka upp°.

⁴ A. ca pīti mahā; B. mayham pi ti pitā.

⁵ A. dh. pavatti; B. saṁvattati; C. saṁvatti. ⁶ Cf. D. ii, 316.

ekamantaṇ nisīdi. Tassa Satthā ajjhāsayaṇ oloketvā, 'Anic-cā vata sankhārā' ti imāya gāthāya dhammaṇ desesi. Tassa tattha katādhikāratāya so anicca-saññāya, pākaṭaraṇ katva,¹ upatṭhitāya paṭiladdha-saṇvego pabbajitvā, sammasanaṇ paṭṭhapetvā, dukkha-saññaṇ anatta-saññaṇ ca manasika-ronto vipassanaṇ ussukkāpetvā, arahattaṇ pāpuni. Tena vuttaṇ *Apadāne* (i, 152)²:

Padumuttara-buddhassa sāvaka vana-cārino

Vippanatṭhā³ brahā-vane andhā 'va anusuyyare⁴ . . .

pe . . .

Tassa eken' eva dhamma-savaṇena nipphanna-kiccattā Ekadhamma-savaṇiyo tveva samañña ahoṣi. So arahā hutvā, aññaṇ byākaronto,

Kilesā jhāpitā mayhaṇ, bhavā sabbe samūhatā,

Vikkhīṇo jāti-saṇsāro; n' atthi 'dāni punabbhavo ti gātham abhāsi. Tattha *kilesā* ti, yasmiṇ santāne uppannā taṇ kilesenti,⁵ vibhādhenti,⁶ upatāpenti⁷ cā ti, kilesā; rāgā-dayo. *Jhāpitā* ti, ind' agginā viya rukkha-gacchādayo ariya-magga-ñāṇ' agginā samūlaṇ daḍḍhā. *Mayhaṇ* ti, mayā, mama santāne. *Bhavā sabbe samūhatā* ti, kāmakkamma-bhavādayo sabba-kamma-bhavādayo, sabbe bhavā samugghātītā, kilesānaṇ jhāpitattā; sati hi kilesa-vaṭṭe kamma-vaṭṭena bhavitabbaṇ; kamma-bhavānaṇ samūhattattā eva ca uppatti-bhavāpi samūhatā eva, anuppatti⁸-dhammatāya āpāditattā.

Vikkhīṇo jāti-saṇsāro ti, jāti-ādiko,

Khandhānaṇ ca paṭipāti dhātu-āyatanānaṇ ca

Abbochhinnaṇ vattamānaṇ saṇsāro ti pavuccatī ti

(PJ. ii, 426).⁹

¹ A, C. pākaṭaraṇ hutvā; B. pākaṭataraṇ hutvā.

² Under title Magga-sañña.

³ A. vippanatṭhe; C. vippaladdhā (also in l. 4); B. vippanatṭhā brahārañño. Cf. VvA. 337 (vip. = magga-sammūlha).

⁴ Ap. B. anusuyyare; A. anupisare; C. anupithiyare; S. anussire. Tr. Pāl. Dict. s.v. suggests for anuvijjhare (to grope one's way).

⁵ A, C. kilesenti; B. kilesanti; S. kiliasanti.

⁶ A. vibhāventi.

⁷ B. upahāp°.

⁸ C. annuppāda°.

⁹ Cf. Ud. iv, 9 (verses of Vangantaputta); UdA. 270; where the comy. is almost the same.

Vutta-lakkhaṇo saṅsāro visesato khīṇo, tasmā n' atthi 'dāni punabbhavo ti; yasmā āyati punabbhavo n' atthi, tasmā vikkhīṇo jāti-saṅsāro.¹ Kasmā ca punabbhavo n' atthi? Yasmā bhavā sabbe samūhatā ti, tasmā āvattetvā vattabbaṇ. Atha vā vikkhīṇo jāti-saṅsāro, tato eva n' atthi 'dāni punabbhavo ti yojetabbaṇ.

Ekadhamma-savaṇīya-tthera-gāthā-vanṇanā
Niṭṭhitā.

EKUDĀNIYA

Adhicetaso appamajjato ti, āyasmato Ekudāniya²-ttherassa gāthā. Ayam pi purima-buddhesu katādhikāro tattha tattha bhavē vivatṭ' upanissayaṇ puññaṇ upacinanto Atthadassissa Bhagavato kāle yakkha-senāpati hutvā nibbatto, Satthari parinibbute, 'Alābhā vata me! Dulladdhaṇ vata me, yo 'haṇ Satthu dharamāna-kāle dānādi-puññaṇ kātuṇ nālatthan' ti parideva-sokam āpanno ahosi. Atha naṇ Sāgaro nāma Satthu sāvako sokaṇ vinodetvā Satthu thūpa-pūjāyaṇ niyojesi. So pañca vassāni thūpaṇ pūjetvā tato cuto tena puñña-kammena deva-manussesu yeva saṅsaranto Kassa-passa Bhagavato kāle kula-gehe nibbattitvā, viññutaṇ patto kālena kālaṇ Satthu santikaṇ upasankami. Tasmiṇ ca samaye Satthā *adhicetaso* ti gāthāya sāvake abhiṇhaṇ ovadati. So taṇ sutvā saddha-jāto pabbaji; pabbajitvā ca pana tam eva gāthaṇ punappunaṇ parivatteti. So tattha vīsati vassa-sahassāni samaṇa-dhammaṇ karonto nāṇassa aparipakkattā visesaṇ nibbattetuṇ nāsakkhi. Tato pana cuto devaloke nibbattitvā aparāparaṇ sugatisu yeva saṅsaranto vibhava-sampannassa brāhmaṇassa putto hutvā nibbatto, viññutaṇ patto Jetavana-paṭiggahana-samaye Bud-dhānubhāvaṇ disvā, paṭiladdha-saddho pabbajitvā, kata-pubba-kicca araṇṇe viharanto Satthu santikaṇ agamāsi. Tasmiṇ ca samaye Satthā āyasmantaṇ Sāriputtaṇ attano avidūre adhicitam anuyuttaṇ disvā, *adhicetaso* ti imaṇ

¹ Here C. inverts the order, but cf. UdA.

² A. ekad°; C. ekūd°; but below Ekud°.

udānam udānesi. Taṇ sutvā ayaṇ cira-kāla-bhāvanāya araṇṇe viharanto pi kālena kālaṇ tam eva gāthaṇ udāneti. Ten' assa Ekudāniyo ti samaññā udapādi. So ath' ekadivasan citta' ekaggataṇ¹ labhitvā, vipassanaṇ vaḍḍhetvā, arahattaṇ pāpuṇi. Tena vuttaṇ *Apadāne* (i, 153)²:

Atthadassimhi sugate nibbuta samanantarā

Yakkha-yoniṇ upapajjiṇ; yasam patto va' haṇ tadā . . .
pe . . .

Arahattaṇ pana patvā, vimutti-sukhena viharanto ekadivasan āyasmata Dhammabhaṇḍāgārikena paṭibhānaṇ vimaṇ-situṇ, 'Āvuso, mayhaṇ dhammaṇ bhaṇahī' ti ajjhittṭho, cirakāla-paricittatā³

Adhicetaso appamajjato munino mona-pathesu sikkhato
Sokā na bhavanti tādino upasantassa sadā satimato ti

(Vin. iv, 54; Ud. 43; DhA. iii, 384)

imam eva gātham abhāsi. Tattha *adhicetaso*⁴ ti, adhicittavato; sabba-cittānaṇ adhikena arahatta-phala-cittena samanāgatassā ti attho. *Appamajjato* ti, na ppamajjato, appamādena anavajja-dhammesu⁵ sātacca-kiriyāya samannāgatassā ti vuttaṇ hoti. *Munino* ti, 'Yo munāti ubho loke, muni tena pavuccati ti (Dhp. v, 269)⁶; evaṇ ubhaya-loka-munanena vā monaṇ vuccati ñāṇaṇ; tena arahatta-phala-paññā-sankhātena monena⁷ samannāgatāya vā khīṇāsavo muni nāma; tassa munino. *Mona-pathesu sikkhato* ti, arahatta-ñāṇa-sankhātassa monassa pathesu upāya-maggesu satta-tiṇsa-bodhipakkhiya-dhammesu tīsu⁸ vā sikkhāsu sikkhato. Idaṇ ca pubba-bhāga-paṭipadaṇ gahetvā vuttaṇ; pariniṭṭhita-sikkho hi arahā ti⁹; tasmā evaṇ sikkhato imāya sikkhāya muni-bhāvaṇ pattassa *munino* ti; evam ettha attho daṭṭhabbo.¹⁰ Yasmā c' etad evaṇ, tasmā heṭṭhima-magga-phala-cittānaṇ vasena *adhicetaso*; catu-sacca-sambodhi-paṭipatti-

¹ A. maggaṇaṇ.

² Under title Paccupatṭhāna-saṇṇika.

³ B. cirakāle paricittatā.

⁴ Here our Comy. closely follows VinA. iv, 801; UdA. 255.

⁵ For this VA. has kusalanāṇ dhammānaṇ.

⁶ Cf. DhA. iii, 396.

⁷ UdA. ñāṇena.

⁸ A. tesu; C. tāsū.

⁹ This phrase inserted by DhA.

¹⁰ Not in VA.; what follows = UdA.

yaṇ appamāda-vasena *appamajjato*; agga-magga-ñāṇa-samannāgamena *munino* ti; evaṃ etesaṇ tinnṇṇ padānaṇ attho yujjati yeva.

Atha vā *appamajjato* . . . *sikkhato* ti padhāna-hetu-atthattā¹ ti daṭṭhabbā; tasmā appamajjana-hetu sikkhana-hetu ca *adhicetaso* ti attho.

Sokā na bhavanti tādino ti, tādissassa khīṇāsava-munino abbhantare iṭṭha-viyogādi-vatthukā² sokā citta-santāpā³ na honti. Atha vā *tādino* ti, tādī-lakkhaṇa-ppattassa asekhā-munino *sokā na bhavanti* ti.

Upasantassā ti, rāgādīnaṇ accantūpasamena upasantassa. *Sadā satīmato* ti, sati-vepulla-ppattiyā nicca-kālaṇ satiyā avirahitassa. Ettha ca *adhicetaso* ti, iminā adhicitta-sikkhā; *appamajjato* ti, iminā adhisīla-sikkhā. *Munino mona-paṭhesu sikkhato* ti, etehi adhipaññā-sikkhā. *Munino* ti vā etena adhipaññā-sikkhā. *Mona-paṭhesu sikkhato* ti, etena tāsāṇ lokuttara-sikkhānaṇ pubba-bhāga-paṭipadā. *Sokā na bhavanti* ti ādīhi, sikkhā-pāripūriyā ānisaṇṣā pakāsitā⁴ ti vedītabbā. Ayam eva ca therassa aññā-byākaraṇa-gāthā ahoṣi.

Ekudāniya-tthera-gāthā-vapṇāṇā
Nīṭṭhitā.

CHANNA

Sutvāna dhammaṇ mahato mahārasaṇ ti, āyasmato Channa-ttherassa gāthā. Ayam pi purima-buddhesu katādhikāro tattha tattha bhava vivatṭ' ūpanissayaṇ puññaṇ upacinanto Siddhatthassa Bhagavato kāle kula-gehe nibbattitvā, viññutaṇ patvā ekadivasaṇ Siddhatthaṇ Bhagavantaṇ aññā-taraṇ rukkhā-mūlaṇ upagacchantaṇ disvā, pasanna-citto mudu-samphassaṇ paṇṇa-santharaṇ⁵ santharitvā adāsi, pup-

¹ A. akkhatā; B. padānaṇ hetu-akkhatā; S. atthattā; C. padhānahetū akkhatā ti.

² B. virogādivatthakā.

³ B. sāpanā; C. santāpanā; VA. omīte and has sokā na santi.

⁴ A, B. ānisaṇṣā pakāsitā; C. ānisaṇṣatā; UdA. ānisaṇṣo.

⁵ A. santeraṇ; B. sandharaṇ.

phehi ca samantato okiritvā pūjaṇ akāsi. So tena puñña-kammena devaloke nibbattitvā, puna pi aparāparaṇ puññāni katvā, sugatīsu yeva saṇsaranto, amhākaṇ Bhagavato kāle Suddhodana-mahārājassa gehe dāsiyā kucchimhi nibbatti; Channo ti 'ssa nāmaṇ ahoṣi. Bodhisattena sahaajāto so Satthu ñāti-samāgame paṭiladdha-saddho pabbajitvā, Bhagavati pemena, 'Amhākaṇ Buddho, amhākaṇ dhammo' ti mamattaṇ uppādetvā,¹ sinehaṇ chindituṇ asakkonto samaṇa-dhammaṇ akatvā, Satthari parinibbute, Satthārā āṇatti-vidhinā² katena brahma-daṇḍena santajjito saṇvega-ppatto hutvā, sinehaṇ chinditvā, vipassanto na ciren' eva arahattaṇ pāpuṇi. Tena vuttaṇ *Apadāne* (i, 137)³:

Siddhatthassa Bhagavato adāsiṇ paṇṇa-santharaṇ.

Samantā upakāriṇ ca kusumaṇ okiriṇ ahaṇ . . . *pe* . . .

Arahattaṇ pana patvā, vimutti-sukha-santappito pīti-vega-visaṭaṇ⁴ udanaṇ udānento,

Sutvāna dhammaṇ mahato mahārāsaṇ

Sabbaññuta-ñāṇa-varena desitaṇ,

Maggaṇ papajjiṇ amatassa pattiyaṇ.

So yogakkhemassa pathassa kovido ti

gātham abhāsi. Tattha *sutvānā* ti, suṇitvā, sotena gahetvā, ohita-soto, sota-dvārānusarena upadhāretvā. *Dhammaṇ* ti, catu-sacca-dhammaṇ. *Mahato* ti, Bhagavato. Bhagavā hi mahantehi ulāratamehi silādi-guṇehi samannāgatattā sadevakena lokena visesato mahanīyatāya ca mahā ti vuccati: yā tassa mahāsamaṇo ti samaññā jātā nissakka-vacanaṇ c' etaṇ 'mahato dhammaṇ sutvānā' ti. *Mahārāsaṇ* ti, vimutti-rasassa dāyakattā ulāra-rasaṇ. *Sabbaññuta-ñāṇa-varena desitaṇ* ti; sabbaṇ jānāti ti, sabbaññu; tassa bhāvo sabbaññutā; ñāṇam eva varaṇ; ñāṇesu vā varan ti, ñāṇa-varaṇ. Sabbaññutā ñāṇa-varaṇ etassā ti, sabbaññuta-ñāṇa-varo, Bhagavā. Tena sabbaññuta-ñāṇa-sankhāta-agga-ñāṇena vā kāraṇa-bhūtena desitaṇ, kathitaṇ dhammaṇ

¹ Cf. S. ii, 132; SA. ii, 317.

² A. anantavidhiṇ; B, C. āṇatta-v°.

³ Under title Senāsana-dāyaka.

⁴ A. visatṭhaṇ; B. vissatṭhaṇ; C. vissataṇ.

sutvānā ti yojanā. Yam pan' ettha vattabbaṇ taṇ *Paramattha-dīpanīyaṇ Itivuttaka-vanṇanāyaṇ*¹ vutta-nayena veditabbaṇ.

Magga ti, aṭṭhangikaṇ ariya-maggaṇ. *Papajjan*² ti, paṭipajjin³. *Amatassa pattiya* ti, nibbānassa adhigamāya upāya⁴-bhūtaṇ paṭipajjin⁵ ti yojanā. So ti, so Bhagavā. *Yogakkhemassa pathassa kovido* ti, catūhi yogehi anupaddutassa nibbānassa yo patho, tassa kovido, tattha sukusalo. Ayaṇ h' ettha attho: Bhagavato catusacca-desanaṇ sutvā amatādhigam' upāya-maggaṇ ahaṇ paṭipajjin; paṭipajjana-maggaṇ mayā kataṇ. So evam pana Bhagavā sabbatha yoga-kkhemassa pathassa kovido, para-santāne⁶ vā para-manesu⁷ kusalo, 'yassa saṇvidhānam⁸ āgama aham pi maggaṇ paṭipajjin' ti. Ayam eva ca therassa aññā-byā-karaṇa-gāthā ahoṣi ti.

Channa-tthera-gāthā-vanṇanā

Niṭṭhitā.

PUNNA (B)

[11] *Sīlam evā* ti, āyasmato Punna-ttherassa gāthā. So pi purima-buddhesu katādhikāro tattha tattha bhava vivaṭṭ' ūpanissayaṇ kusalaṇ upacinanto, ito ekanavute kappe Buddha-suñṇe loke brāhmaṇa-kule nibbattitvā, vayappatto brāhmaṇa-sippesu nipphattiṇ patvā,⁹ kāmesu ādīnavaṇ disvā, gharāvāsaṇ pahāya, tāpasa-pabbajjaṇ pabbajitvā, Himavanta-padese paṇṇa-kuṭiṇ katvā, vāsaṇ kappesi.

Tassa vasana-tṭhānassa avidūre ekasmiṇ palbbhāre pacceka-buddho ābādhiko hutvā parinibbāyi. Tassa parinibbāna-samaye mahā āloko ahoṣi. Taṇ disvā so, 'Kathannu kho ayam āloko uppanno?' ti, vīmaṇsana-vasena ito c' ito ca

¹ Cf. ItA. s.v. Bhagavā and Tathāgato, and refs. in ItA. to Pts. i, 131, 174; Nid. 143, 458 (ItA. i, 140, etc.).

² A. S. paṭipajjaṇ.

³ A. paṭipatti.

⁴ S. upādāya.

⁵ A. paṭipajjin; B. upapajjan; C. paṭipajjan.

⁶ A. parattāne.

⁷ B. paradamanesu.

⁸ Cf. D. i, 135.

⁹ B. gantvā.

āhiṇḍanto pabbhāre pacceka-sambuddhaṃ parinibbutaṃ disvā, gandha-dārūni sankaddhitvā, sariraṃ jhāpetvā, gandhodakena upasiñci. Tatth' eko devaputto antalikkhe thatvā evam āha: 'Sādhū, sādhū, sappurisa! Bahuṃ tayā puññaṃ pasavantena pūritaṃ sugati-saṃvattanīyaṃ kammaṃ. Tena tvaṃ sugatīsu yeva upapajjissasi. Puṇṇo ti ca te nāmaṃ bhavissati' ti.

So tena puñña-kammaṃ deva-manussesu saṃsaranto imasmiṃ Buddh' uppāde Sunāparanta-janapade Suppāraka¹-paṭṭane gahapati-kule nibbatti; Puṇṇo ti 'ssa nāmaṃ ahosi. So vayappatto vāṇijja-vasena mahatā satthena saddhiṃ Sāvattiyaṃ gato. Tena ca samayena Bhagavā Sāvattiyaṃ viharati. Atha so Sāvattiya-vāsīhi upāsakehi saddhiṃ viharāṇ gato Satthu santike dhammaṃ sutvā, paṭiladdha-saddho pabbajitvā, vatta-paṭivattehi ācariy' upajjhāye ārādhento vihāsi.

So ekadivasaṃ Satthāraṃ upasankamitvā, 'Sādhū maṃ, bhante, Bhagavā sankhittena ovādena ovadatu, yam ahaṃ (Bhagavato dhammaṃ sutvā eko vūpakattho appamatto ātāpī pahitatto) Sunāparanta-janapade vihareyyaṃ' ti āha. Tassa Bhagavā, 'Santi kho, Puṇṇa, cakkhu-vineyya rūpā' ti ādinā ovādaṃ datvā siha-nādaṃ nadāpetvā vissajjesi.² So Bhagavantaṃ vanditvā, Sunāparanta-janapadaṃ gantvā, Suppāraka-paṭṭane viharanto samatha-vipassanaṃ ussukkāpetvā, tisso vijjā sacchākāsi. Tena vuttaṃ Apadāne (ii, 341)³:

Pabbhāra-kūṭaṃ nissāya sayambhū aparājito

Ābādhiko garu Buddhō vasati pabbatantare . . . pe . . .

Arahattaṃ pana patvā therō bahu-manusse sāsane abhippasādesi, yato pañca sata-mattā purisā upāsakattaṃ, pañca sata-mattā ca itthiyo upāsikā-bhāvaṃ paṭivedesuṃ. So tattha ratta-candanena Candana-mālaṃ⁴ nāma gandha⁵-kuṇṇiṃ karāpetvā, 'Satthā pañcahi bhikkhu-satehi saddhiṃ gantvā mālaṃ paṭicchatū' ti Bhagavantaṃ puppha-dūtena⁶

¹ B. Suppāda°.

² Cf. M. iii, 267; S. iv, 60 (words bracketed of the original text are here omitted).

³ Under title Puṇṇaka.

⁴ A, C. sālaṃ.

⁵ A. nānā°.

⁶ A. puthena; C. dūtena; S. thūpa; a.

nimantesi. Bhagavā ca iddhānubhāvena tattakehi bhikkhūhi saddhiṃ tattha gantvā, Candana-mālaṃ paṭiggahetvā, aruṇe anuṭṭhite yeva paccāgamāsi. Thero aparabhāge parinibbāna-samaye aññaṃ byākaronto,

Sīlam eva idha aggaṃ, paññavā pana uttamo;

Manussesu ca devesu sīla-paññānato jayan ti gātham abhāsi. Tattha *sīlan* ti,¹ *sīlan*’ atthena sīlaṃ, paṭiṭṭhān’ atthena samādhān’ atthena cā ti attho; sīlaṃ hi sabba-guṇānaṃ paṭiṭṭhā; ten’ āha, ‘Sīle paṭiṭṭhāya naro sapañño’ ti (S. i, 13, 165); samādahati ca taṃ kāya-vācā avippakiṇṇaṃ karotī ti attho. Tayidaṃ sīlam eva aggaṃ sabba-guṇānaṃ mūla-bhāvato ca pamukhā-bhāvato ca; yathāha, ‘Tasmātiha tvaṃ, bhikkhu, ādim eva visodhehi (kusalesu dhammesu).² Ko cādi kusalānaṃ dhammānaṃ? Sīlañ ca suvisuddhan’ ti (S. v, 143, 165). ‘Pāṭimokkhan ti ādim etaṃ,³ mukham etaṃ, pamukham etaṃ (kusalānaṃ dhammānaṃ)’ ti ca ādi (Vin. i, 103). *Idhā* ti, nipāta-mattaṃ. *Paññavā* ti, ñāṇa-sampanno; so uttamo seṭṭho pavaro ti, puggalādhiṭṭhā-nāya gāthāya paññāya yeva seṭṭha-bhāvaṃ dasseti; paññut-tarā hi kusalā dhammā. Idāni taṃ sīla-paññānaṃ agga-seṭṭha-bhāvaṃ kāraṇato dasseti, *manussesu ca devesu sīla-paññānato jayan* ti, sīla-paññāna-hetu paṭipakkha-jayo kamma-kilesa-jayo hotī ti attho.

Puppha-tthera-gāthā-vanṇanā

Niṭṭhitā.

Sattama-vagga-vanṇanā Niṭṭhitā.

VACCHAPĀLA

Susukhuma-nipuṇ’ attha-dassinā ti, āyasmato Vacchapāla-ttherassa gāthā. Ayam pi purima-buddhesu katādhikāro, tattha tattha bhava puññāni ācinitvā, deva-manussesu saṃsaranto ito ekanavute kappe brāhmaṇa-kule nibbattitvā, brāhmaṇa-sippesu nipphattiṃ patvā, aggiṃ paricaranto, ekadivasaṃ mahatiyā kaṇṣapātiyā havya-sesaṃ⁴ pāyāsaṃ

¹ Cf. MA. i, 154; VM. 8; ItA. 126.

² Words bracketed omitted by MSS.

³ MSS. omit ādim etaṃ.

⁴ B. omits; A. sābyasa.

ādāya, dakkhiṇeyyaṇ pariyesanto pi Vipassiṇ Bhagavantaṇ ākāse cankamantaṇ disvā, acchariy' abbhuta-citta-jāto Bhagavantaṇ abhivādetvā dātu-kāmataṇ dassesi. Paṭiggahesi Bhagavā anukampaṇ upādāya. So tena puñña-kammaena deva-manussesu saṅsaritvā, imasmiṇ Buddh' uppāde Rāja-gahe vibhava-sampannassa brāhmaṇassa putto hutvā nibbatti; Vacchapālo ti 'ssa nāmaṇ ahosi.

So Bimbisāra-samāgame Uruveḷa-Kassapa-ttherena iddhi-pāṭihāriyaṇ dassetvā, Satthu parama-nipaccākāre kate taṇ disvā, paṭiladdha-saddho pabbajitvā, sattāhaṇ pabbajito eva vipassanaṇ vaḍḍhetvā, chaḷabhiñño ahosi. Tena vuttaṇ *Apadāne* (i, 157)¹:

Suvaṇṇavaṇṇo Sambuddho battiṇsa-vara-lakkhaṇo

Pavanā² abhinikkhanto bhikkhu-saṅgha-purakkhato

. . . *pe* . . .

Arahattaṇ pana patvā, sukhen' eva attanā nibbānassa adhigata-bhāvaṇ vibhāvento,

Susukhuma-nipuṇ' attha-dassinā

Mati-kusalena nivāta-vuttinā

Sanjsevita-buddha-sīlinā

Nibbānaṇ na hi tena dullabhan ti

imaṇ gātham abhāsi. Tattha *susukhuma-nipuṇ' attha-dassinā* ti, ativiya duddas' atṭhena, susukhumena saṇh' atṭhena, nipuṇena sacca-paṭicca³-samuppādādi-atṭhe aniccatādiṇ āropetvā passatī ti, susukhuma-nipuṇ' attha-dassī. Tena *mati-kusalenā* ti, matiyā paññāya kusalena, chekena, 'evaṇ pavatta-mānassa paññā vaḍḍhati, evaṇ na vaḍḍhati' ti dhamma-vicaya-sambojjhanga-paññāya uppādane kusalena. *Nivāta-vuttinā* ti,⁴ sabrahmacārīsu nivāta-nīca-vuttika-sīlena,⁵ vuḍḍhesu navesu ca yathānurūpa-paṭipattiyā.⁶ *Sanjsevita-buddha-sīlinā* ti, saṇjsevitaṇ āciṇṇaṇ Buddha-sīlaṇ, saṇjsevita-buddha-sīlaṇ; taṇ yassa atthi, tena saṇjsevita-buddha-sīlinā. Atha vā saṇjsevita upāsita⁷ Buddha-sīlino etenā ti, saṇjse-

¹ Under title Pāyāsa-dāyaka.

² B. pavarā; S. padhānaṇ; Ap. *accus. case throughout*.

³ A, S. paṭisacca-sam°.

⁴ Cf. KhA. 144; JA. iv, 287.

⁵ A. nivāta-nava-pattana; B, S. nīca-vuttana; A, C. *omit* sīlena.

⁶ A, C. pattinā.

⁷ B. upāsikā.

vita-buddha-sīlī; tena. *Hi* ti saddo¹ hetu-attho. Yasmā so nivāta-vuttī saṇsevita-buddha-sīlī, mati-kusalo susukhuma-nipuṇ' attha-dassī ca, tasmā nibbānaṇ na tassa dullabhan ti attho. Nivāta-vuttitāya hi saṇsevita-buddha-sīlatāya ca paṇḍitā taṇ ovaditabbaṇ² anusāsitaṇ maññanti. Tesāṇ ca ovāde ṭhito sayāṇ mati-kusalatāya susukhuma-nipuṇ' attha-dassitāya ca vipassanāya kammaṇ karonto na cirass' eva nibbānaṇ adhigacchatī ti. Ayam eva ca therassa aññā-byākaraṇa-gāthā ahoṣī ti.

Vacchapāla-tthera-gāthā-vaṇṇanā
Niṭṭhitā.

ĀTUMA

Yathā kaḷīro susu vadḍhitaggo ti, āyasmato Ātuma-ttherassa gāthā. So pi purima-buddhesu katādhikāro tattha tattha bhava vivaṭṭ' ūpanissayaṇ puññaṇ upacinanto³ ito ekanavute kappe kula-gehe nibbattitvā, viññutaṇ patto Vipassiṇ Bhagavantaṇ antara-vīthiyaṇ gacchantaṇ disvā, pasanna-mānaso gandhodakena gandha-cuṇṇena ca pūjaṇ akāsi. So tena puñña-kammena devaloke nibbatto aparāparaṇ sugatīsu yeva saṇsaranto Kassapassa Bhagavato sāsane pabbajitvā, samaṇa-dhammaṇ akāsi, ñāṇassa pana aparipakkattā visesaṇ nibbattetuṇ nāsakkhi. Atha imasmiṇ Buddh' uppāde Sāvattiyaṇ seṭṭhi-putto hutvā nibbat ti; Ātumo ti 'ssa nāmaṇ ahoṣi. Tassa vayappattassa mātā: 'Puttassa me bhariyaṇ ānessāmī' ti ñātakehi sammantesi. So taṇ upadhāretvā hetu-sampattiyaṇ codiyamāno, 'Kiṇ mayhaṇ gharāvāsena? Idān' eva pabbajissāmī' ti bhikkhūnaṇ santikaṇ gantvā pabbaji. Pabbajitam pi naṇ mātā uppabbājetu-kāmā nānā-nayehi palobheti. So tassa avasaraṇ adatvā, attano ajjhāsayaṇ pakāsentō:

Yathā kaḷīro susu vadḍhitaggo

Dunnikkhamo hoti pasākha-jāto,

Evam ahaṇ bhariyāyānītāya;

Anumañña maṇ; pabbajito 'mhi 'dānī ti

¹ B. tena saddho.

² S. paṇḍitānaṇ ovād°.

³ B, S. ācinanto.

gātham abhāsi. Tattha kaḷīro ti, ankuro; idha pana vaṇs' ankuro adhippeto. *Susū* ti, taruṇo. *Vaḍḍhitaggo* ti, pavaḍḍhita-sākho; susu-vaḍḍhitaggo vā suṭṭhu vaḍḍhita-sikho, sañjāta-patta-sākho. *Dunnikkhamo* ti, veḷu-gumbato nikkhametuṇ niharituṇ asakkuṇeyyo. *Pasākha-jāto* ti, jāta-pasākho; sākhanam pi pabbe pabbe uppanna-anusākho. *Evam ahaṇ bhariyāyānītāyā* ti, yathā vaṇso vaḍḍhitaggo vaṇs' antaresu sampatta-sākha-pasākho veḷu-gumbato dunniharaṇiyo hoti, *evam ahaṇ, bhariyāya mayhaṇ ānītāya putta-dhītādi-vasena*, vaḍḍhitaggo āsatti-vasena gharāvāsato dunniharaṇiyo bhaveyyaṇ. Yathā pana vaṇsa-kaḷīro asañjāta-sākhā-bandho veḷu-gumbato suniharaṇiyo hoti, *evam aham pi asañjāta-putta-dārādi-bandho suniharaṇiyo homi*.

Tasmā anānītāya eva bhariyāya¹ *anumañña maṇ*, attanā va maṇ anujānāpetvā; *pabbajito 'mhi 'dānī* ti, idāni pana pabbajito amhi, sādhu suṭṭhū ti attano nekkhammābhiraṇi pakāseti. Atha vā *anumañña maṇ pabbajito 'mhi 'dānī* ti mātu katheti. Ayaṇ h' ettha attho: Yadi pi tāya pubbe nānumataṇ,² idāni pana pabbajito amhi, tasmā anumañña, anujānāhi maṇ samaṇa-bhāve yeva ṭhatuṇ³; nāhan tayā nivattaniyo ti. Evaṇ pana kathento yathā ṭhito vipassanaṇ vaḍḍhetvā, magga-paṭipātiyā kilese khetvā, chaḷabhiñño ahoṣi. Tena vuttaṇ *Apadāne* (i, 157)⁴:

Nisajja pāsāda-vare Vipassiṇ addasaṇ jinaṇ

Kakudhaṇ vilasantaṇ va⁵ sabbaññutam anāsavaṇ . . .

pe . . .

Chaḷabhiñño pana hutvā, mātaraṇ apucchitvā tassāpek-khantiyā yeva ākāseṇa pakāmi. So arahatta-ppattiyaṇ uttari-kālam pi antar' antarā tam eva gāthaṇ paccudābhāsi.⁶ Tattha *pabbajito 'mhi* ti iminā padeseṇa⁷ ayam pi therassa

¹ B. bharitāya.

² A. nānumatha; B. nānumahaṇ.

³ A. cātuṇ.

⁴ Under title Gandhodakīya.

⁵ A. katuvaṇ vilapantaṇ ca; B. kakudhaṇ va vilimantaṇ; S. vilayanti va.

⁶ A. paccudā ahoṣi; B. paccudābhāsi.

⁷ B. padena.

aññā-byākarana-gāthā ahosi, attano santāne rāgādi-malassa pabbajita-bhāva-dīpanato. Ten' āha Bhagavā:

Pabbājayam attano malaṇ, tasmā pabbajito ti vuccati ti.
(Dhp. v. 388.)

Ātuma-tthera-gāthā-vapṇā
Niṭṭhitā.

MĀNAVA

Jiṇṇaṇ ca disvā dukkhitaṇ ca byādhitaṇ ti, āyasmato Mānava-ttherassa gāthā. Ayam pi purima-buddhesu katādhikāro tattha tattha bhava vivaṭṭ' ūpanissayaṇ kusalaṇ upacinanto, ito ekanavute kappe brāhmaṇa-kule nibbattitvā, lakkhaṇa-dhara hutvā, Vipassissa Bhagavato abhijātiyā lakkhaṇāni pariggahetvā, pubba-nimittāni bhāvetvā, 'Ekaṇsena ayaṇ Buddho bhavissatī' ti byākaritvā, nānā-nayehi thometvā, abhivādetvā, padakkhiṇaṇ katvā, pakkāmi.

So tena puñña-kammena sugatīsu yeva saṅsaranto imasmiṇ Buddh' uppāde Sāvattiyaṇ brāhmaṇa-mahāsālassa gehe nibbattitvā, yāva satta-vassāni tāva anto-ghare yeva vadḍhitvā, sattame saṇvacchare upanayan' atthaṇ uyyānaṇ nīto antarā-magge jīnātura-mate disvā, tesāṇ aditṭha-pubbattā te pariyaṇe pucchitvā, jarā-maraṇa-roga-sabhāvaṇ sutvā, sañjāta-saṇvego tato anuvattanto vihāraṇ gantvā, Satthu santike dhammaṇ sutvā, mātā-pitaro anujānāpetvā, pabbajitvā, vipassanaṇ paṭṭhapetvā, na cirass' eva arahattaṇ pāpuṇi. Tena vuttaṇ *Apadāne* (i, 158)¹:

Jāyamāne Vipassimhi nimittaṇ byākariṇ ahaṇ;

Nibbāpayaṇ ca² janataṇ Buddho loka bhavissati . . .
pe . . .

Adhigatārahatto pana, bhikkhūhi, 'Kena tvaṇ, āvuso, saṇvegena atidaha³ va samāno pabbajito?' ti pucchito, attano pabbajjā-nimitta-kittana-padesena⁴ aññaṇ byākaron-to,

¹ Under title Sammukhā-thavika.

² A. nibbāpayi ten' etaṇ; B. nibbapayo ca; Ap. nibbāpayaṇ ca janataṇ; C. as Ap.; S. nibbāpayi.

³ A. abhidaharo.

⁴ A. vasena.

Jiṇṇaṇ ca disvā dukkhitaṇ ca byādhitaṇ,
 Mataṇ ca disvā gatam āyusankhayaṇ,
 Tato ahaṇ nikkhamitūna pabbajin
 Pahāya¹ kāmāni manoramāni ti

gātham abhāsi. Tattha *jiṇṇan* ti, jarāya abhibhūtaṇ, khaṇḍicca-pālicca-valittacatādihi samangi-bhūtaṇ. *Dukkhitān*² ti, dukkha-ppattaṇ.³ *Byādhitan* ti, gilānaṇ. Ettha ca byādhitan ti vutte pi dukkha-ppatta-bhāvo siddho. Dukkhitān ti vacanaṇ tassa bālha-gilāna-bhāva-paridīpan' atthaṇ. *Matan* ti, kālaṇ kataṇ. Yasmā kālankato āyuno khaya-vaya-bhedaṇ gato nāma hoti, tasmā vuttaṇ *gatam āyusankhayan* ti. Tasmā jiṇṇa-byādhi-matānaṇ diṭṭhattā 'ime jarādayo nāma na imesaṇ yeva atha kho sabba-sādhāraṇā; tasmā aham pi jarādike⁴ anativatto' ti saṇviggattā. *Nikkhamitūnā*⁵ ti, nikkhamitvā. Ayam eva vā pāṭho; pabbajjādhippāyena gharato niggantvā. *Pabbajin* ti, Satthu sāsane pabbajjaṇ upagato. *Pahāya kāmāni manoramāni* ti, iṭṭha-kantādi-bhāvato avīta-rāgānaṇ manaṇ ramantī ti manorame vatthu-kāme pajahitvā, taṇ-paṭibaddhassa chanda-rāgassa ariya-maggena samucchindanena nirapekkha-bhāvena chaḍḍetvā ti attho. Kāmānaṇ pahāna-kittana-mukheṇa c' etaṇ therassa aññā-byākaraṇaṇ ahosi. Mānavakāle pabbajitattā imassa therassa Mānava tveva samaññā jātā ti.

Mānava-tthera-gāthā-vapṇanā
 Niṭṭhitā.

SUYĀMANA

Kāmacchando ca byāpādo ti, āyasmato Suyāmana-ttherassa gāthā. Ayam pi purima-buddhesu katādhikāro tattha tattha bhava puññāni upacinanto ito ekanavute kappe Vipassissa Bhagavato kāle Dhaññavati-nagare brāhmaṇa-kule

¹ A, C. hitvāna.

² A. dukkhataṇ; B, C. dukhitaṇ.

³ A. dukkha-saññataṇ; C. d. saṇyuttaṇ; S. d. saṇyattaṇ. *But cf.* UdA. 60 s.v.

⁴ B. eradike(?).

⁵ A. nikkhaminātu; B. nikkhamituna; C, S. -tūna.

nibbattitvā, vayappatto brāhmaṇa-sippesu nipphattiṃ pātvā brāhmaṇa-mante vāceti. Tena ca samayena Vipassī Bhagavā mahatā bhikkhu-sanghena saddhiṃ Dhañṇavatinagaraṃ piṇḍāya pavitṭho hoti. Taṃ disvā brāhmaṇo pa-sanna-citto attano gehaṃ netvā, āsanaṃ paññāpetvā, tass' upari puppha-santharaṃ santharitvā adāsi. Satthari tattha nisinne pañitena āhārena santappesi; bhuttāviṇ ca puppha-gandhena pūjesi. Satthā anumodanaṃ vatvā pakkāmi. So tena puñña-kamma devaloke nibbattitvā, aparāparaṃ puññāni katvā, deva-manussesu saṃsaranto imasmiṃ Buddh' uppāde Vesāliyaṃ aññatarassa brāhmaṇassa putto hutvā nibbatti; Suyāmano ti 'ssa nāmaṃ ahosi. So vayappatto tiṇṇaṃ vedānaṃ pāragū parama-niyama-yutto¹ hutvā, geha-vāsinaṃ kāmūpabhogaṃ jigucchitvā, jhāna-ninno Bhagavato Vesāli-gamane paṭiladdha-saddho pabbajitvā, khuragge yeva arahattaṃ pāpuṇi. Tena vuttaṃ *Apadāne* (i, 160)²:

Nagare Dhañṇavatiyā ahoṣiṃ brāhmaṇo tadā.

Lakkhaṇe itihāse ca sa-nighaṇḍu-saketubhe³

Padako veyyā-karaṇo nimittakovidho ahaṃ,

Mante ca sisse vācesiṃ tiṇṇaṃ vedānaṃ pāragū . . .
pe . . .

Arahattaṃ pana patvā, nīvaraṇa-ppahāna-kittana-mukhena aññaṃ byākaronto

Kāmacchando ca byāpādo thīna-middhaṃ ca bhikkhuno

Uddhaccaṃ vicikicchā ca sabbaso va na vijjati ti gātham abhāsi. Tattha *kāmacchando* ti, kāmesu chando; kāmo ca so chando cā ti pi kāma-cchando, kāma-rāgo. Idha pana sabbo pi rāgo kāma-cchando, agga-magga-vajjhassa⁴ pi adhippetattā; ten' āha *sabbaso va na vijjati* ti. Sabbe pi hi tebhūmaka-dhammā kāmanīy⁵ aṭṭhena kāmā. Tattha pavatto rāgo kāma-cchando. Ten' āha Bhagavā: 'Āruppe⁶ kāma-cchanda-nīvaraṇaṃ paṭicca thīna-middha-nīvaraṇaṃ uddhacca-nīvaraṇaṃ avijjā-nīvaraṇaṃ uppajjati' ti (?).

¹ A. ramaniyasutto; B. parama-nissama-yutto; C. parama-ramaniyo; S. parapaniya-payutto.

² Under title Kusumāsaniya.

³ Cf. D. i, 88; DA. i, 247; A. i, 163; Trenckner *Misc.* 65.

⁴ A. B. vajjassa.

⁵ A. khamaniya.

⁶ S. arūpe.

Byāpajjati cittaṇ, pūti-bhāvaṇ gacchati etenā ti *byāpādo*, 'anattāṇ me acari' ti ādi-naya-ppavatto āghāto. *Thīnaṇ* cittassa akalyatā anussāha-saṇhanatā.¹ *Middhaṇ* kāyassa akalyatā āsatti-vighāto²; tad-ubhayam pi thīnaṇ ca middhaṇ ca thīna-middhaṇ, kiccāhāra-paṭipakkhānaṇ ekatāya ekaṇ katvā vuttaṇ. Uddhaṭa-bhāvo *uddhaccaṇ*; yena dhammena cittaṇ uddhaṭaṇ hoti avūpasantaṇ, so cetaso vikkhepo uddhaccaṇ; uddhacca-ggahaṇen' eva c' ettha kiccāhāra-paṭipakkhānaṇ samānatāya *kukkuccam* pi gahitam evā ti datṭhabbaṇ. Taṇ pacchānutāpa-lakkhaṇaṇ; yo hi katā-kata-kusalākusalūpanissāya vippaṭisāro, taṇ kukkuccan ti. *Vicikicchā*³ ti, 'evan nu kho na nu kho' ti saṇsayāṇ āpajjati; dhamma-sabhāvaṇ vā vicinanto kicchati, kilamati etāyā ti, vicikicchā; Buddhādi-vatthuko saṇsayo. *Sabbaso* ti, anavasesato. *Na vijjati* ti, n' atthi; maggena samucchinnaṇ na upalabbhati. Idaṇ ca pada-dvayaṇ paccekaṇ yojetabbaṇ. Ayaṇ h' ettha yojanā: Yassa bhikkhuno tena tena ariya-maggena samucchinnaṇ kāma-cchando ca byāpādo ca thīna-middhaṇ ca uddhacca-kukkuccaṇ ca vicikicchā ca sabbaso na vijjati, tassa na kiñci karaṇiyaṇ katassa vā paṭicayo ti aññā-padesena aññaṇ byākaroti. Pañcasu hi nīvaraṇesu maggena samucchinnesu tad-ekatṭhatāya sabbe pi kilesā samucchinnaṇ yeva honti. Ten' āha: 'Te Bhagavanto⁴ pañca nīvaraṇe pahāya cetaso upakkilese' ti (S. v, 160).

Suyāmana-tthera-gāthā-vapṇā

Niṭṭhitā.

SUSĀRADA

Sādhu suvihitāna-dassanaṇ ti, āyasmato Susārada-ttherassa gāthā. So kira Padumuttarassa Bhagavato kāle brāhmaṇa-kule nibbattitvā, vijjā-padesu nipphattiṇ gantvā, kāmesu

¹ A. anusahasi-pātanaṇ; B. anussāhananaṇ; C. anuseya-mānatā(?); thīna-middhaṇ akkhyatā anasāhassaṇ ghaṭṭanaṇ middha-kāyassa. But cf. VM. 469; Vibh. 253.

² A. asati vighato; B. asatti-vighāto; C. asati vighāto; S. asattivi-ghāto.

³ Cf. Vibh. 255.

⁴ C. Ten' āha Bhagavā.

ādinavaṇ disvā, gharāvāsaṇ pahāya, tāpasa-pabbajjaṇ pabbajitvā, Himavanta-padesa araṇṇāyatane assamaṇ kāretvā vihāsi. Atha naṇ anuggaṇhanto Padumuttaro, Bhagavā bhikkhā-cāra-velāyaṇ upasankami. So dūrato va disvā, pasanna-mānaso paccuggantvā, pattaṇ gahetvā, madhurāni phalāni pakkhipitvā adāsi. Bhagavā taṇ paṭiggahetvā, anumodanaṇ katvā pakkāmi. So tena puñña-kammena deva-manussesu saṇsaranto imasmiṇ Buddh' uppāde Dhammasenāpatino ñāti brāhmaṇa-kule nibbattitvā, manda-paṇnattā Susārado ti gahita-nāmo aparabhāge Dhammasenāpatissa santike dhammaṇ sutvā, paṭiladdha-saddho pabbajjitvā, vipassanaṇ vaḍḍhetvā, arahattaṇ pāpuni. Tena vuttaṇ *Apadāne* (i, 160)¹:

Ajjhāyako manta-dharo tinnaṇ vedānaṇ pāragū

Himavantass' avidūre vasāmi assame ahaṇ . . . pe . . .

Arahattaṇ pana patvā sappuris' ūpanissayānisaṇsa²-kitana-padesena aññaṇ byākaronto,

Sādhu suvihitāna-dassanaṇ,

Kankhā chijjati, buddhi³ vaḍḍhati,

Bālam pi karonti paṇḍitaṇ;

Tasmā sādhu sataṇ samāgamo ti

gātham abhāsi. Tattha *sādhū* ti, sunderaṇ; bhaddakan ti attho. *Suvihitāna-dassanaṇ* ti, suvihitānaṇ dassanaṇ; gāthā-sukh' atthaṇ anussāra⁴-lopo kato. Silādi-guṇehi suvaṇ-vihitattā⁵-bhāvānaṇ parānuddayāya suṭṭhu vihita-dhamma-desanānaṇ ariyānaṇ dassanaṇ sādhu ti yojanā. *Dassanaṇ* ti, nidassana-mattaṇ daṭṭhabbaṇ, savaṇādinam⁶ pi bahukā-rattā. Vuttaṇ h' etaṇ Bhagavatā: 'Ye te bhikkhū sila-sampannā samādhi-sampannā paññā-sampannā vimutti-sampannā vimutti-ñāṇa-dassana-sampannā ovādakā viññāpakā sandassakā samādapakā samuttejakā sampahaṇsakā alaṇ-samakkhātāro saddhammassa dassanaṇ pāhaṇ, bhikkhave, tesā bhikkhūnaṇ bahūpakāraṇ vadāmi; savaṇaṇ . . . upasankamaṇaṇ . . . payirupāsaṇaṇ . . . anussaraṇaṇ . . . anupabbajjaṇ pāhaṇ, bhikkhave, tesā bhikkhūnaṇ bahūpa-

¹ *Under title Phaladāyaka.*

² A, C. omī ānisaṇsa.

³ A. chindati vuddhi.

⁴ A. anussāsa; B. anussāra.

⁵ A, C. suvaṇvutattha.

⁶ S. savāsaṇ^o; B. bhavaṇ^o.

kāraṇ vadāmi' ti (It. 106).¹ Dassana-mūlakattā vā itaresaṇ dassanam ev' ettha vuttaṇ.

*Kankhā chijjati*² ti ādi; tattha kāraṇa-vacanaṇ; tādīsanaṇ hi kalyāṇa-mittanaṇ dassane sati viññu-jātiko attha-kāmo kulaputto te upasankamati, payirupāsati: 'Kiṇ, bhante, kusalaṇ? Kiṇ akusalaṇ?' ti ādinā pañhaṇ vā pucchati. Te c' assa aneka-vihitesu kankhā-ṭṭhānīyesu kankhaṇ paṭi-vinodenti. Tena vuttaṇ *kankhā chijjati* ti. Yasmā ca te dhamma-desanāya tesāṇ kankhaṇ paṭivinodetvā, pubba-bhāge kamma-patha-sammā-diṭṭhi vipassanā-sammā-diṭṭhi ca uppādentī; tasmā tesāṇ buddhi vadḍhati. Yadā pana te vipassanaṇ vadḍhetvā saccāni paṭivijjhanti, tadā soḷasa-vatthukā atṭha-vatthukā ca vicikicchā chijjati, samucchij-jati; nippariyāyena³ paññā-buddhi vadḍhati; bālyā-sama-tikkamanato te paṇḍitā honti. So tehi buddhi vadḍhati. *Bālam pi karonti paṇḍitaṇ* ti, *tasmā* ti ādi nigamanaṇ; yasmā sādhuṇaṇ dassanaṇ vutta-nayena kankhaṇ chindati, buddhiṇ vadḍheti,⁴ te bālaṇ paṇḍitaṇ karonti; tasmā tena kāraṇena *sādhu*, *sundaraṇ*, *saṇa*, sappurisaṇaṇ ariyaṇaṇ *samāgamo*; tehi samodhānaṇ samāvaddhanaṇ⁵ ti attho.

Susārada-tthera-gāthā-vanṇanā

Niṭṭhitā.

PIYAÑJAHA

Uppatantesu nipate ti, āyasmato Piyañjaha⁶-ttherassa gāthā. So pi purima-buddhesu katādhikāro tattha tattha bhava vivaṭṭ' ūpanissayaṇ puññaṇ upacinanto, ito ekanavute kappe Vipassissa Bhagavato kāle Himavante rukkhā-devatā hutvā, pabbat' antare vasanto devatā-samāgamesu appānu-bhāvatāya parisa-pariyante ṭhatvā, dhammaṇ sutvā, Satthari paṭiladdha-saddho ekadivasaṇ suvisuddhaṇ ramaṇiyaṇ Gangāya pulina-padesaṇ disvā, Satthu guṇe anussari. Ito pi 'suvisuddhā Satthu guṇā anantā aparimeyyā cā' ti. Evaṇ

¹ Cf. Pugg. iv, 23.

² C. taṇ kho vijj°.

³ A. nipādiyena.

⁴ B. kankhā chijjati, buddhi vadḍhati.

⁵ C. sammāvaddh°.

⁶ A. Piyañcaba; B. Piyañjata.

so Satthu guṇe ārabha, cittaṇ pasādetvā, tena puñña-kammena deva-manussesu saṅsaranto imasmiṇ Buddh' uppāde Vesāliyaṇ Licchavi-rāja-kule nibbattivā, vayappatto yudha-soṇḍo¹ aparājita-saṅgāmo amittānaṇ,² piya-hāni³-karena Piyañjaho ti paññāyittha. So Satthu Vesāli-gamane paṭiladdha-saddho pabbajivā, araññe vasamāno vipassanaṇ vaddhetvā, arahattaṇ pāpuṇi. Tena vuttaṇ Apadāne (i, 161)⁴:

Pabbate Himavantehi vasāmi pabbat' antare.

Pulinaṇ sobhanaṇ disvā Buddha-seṭṭhaṇ anussariṇ . . .
pe . . .

Arahattaṇ pana patvā thero 'andha-puthujjanānaṇ paṭipattito⁵ vidhūrā ariyānaṇ paṭipatti' ti imassa atthassa dasasana-vasena aññaṇ byākaronto,

Uppatantesu nipate, nipatantesu uppate;

Vase avasamānesu, ramamānesu no rame ti gātham abhāsi. Tattha *uppatantesū* ti, unnamantesu sattesu mān' uddhacca-thambha-sārambhādihi att' ukkaṇsanena anupantesu. *Nipate* ti, nameyya⁶; tesā yeva pāpa-dhammānaṇ parivajjanena⁷ nivāta-vutti bhaveyya. *Nipatantesū* ti, onamantesu; hīnādhimutti-katāya kosajjena ca guṇato nihiyamānesu. *Uppate* ti, unnameyya; paṇītādhimutti-katāya viriyārambhena ca guṇato upateyya, ussukkeyya.⁸ Atha vā *uppatantesū* ti, utthahantesu kilesesu pariyutthānavasena sīsaṇ ukkhipantesu. *Nipate* ti, paṭisankhāna-balena yathā te na uppajjanti, tathā anurūpaṇ paccavekkhanāya nipateyya vikkhambheyya c' eva samuccindeyya ca. *Nipatantesū* ti, paripatantesu⁹ ayoniso manasikāresu viriyapayoga-mandatāya va tathāraddhesu samatha-vipassana-dhammesu hāyamānesu. *Uppate* ti, yoniso manasikārena viriyārambha-sampadāya ca te utthāpeyya¹⁰ uppādeyya vaddheyya ca.

¹ A. suddha-suddho.

² B. anittānaṇ.

³ A. piyātāni; S. piyāhāni.

⁴ Under title Nāṇasaññaṇaka.

⁵ A. omīṣ; B. paṭipatti.

⁶ A, C. nameyya; B. nipeyya; S. nimeyya.

⁷ A, C. parivajjjo.

⁸ A, C. ukkaṇseyya.

⁹ A. -vattantesu.

¹⁰ C. upatthap.

- *Vase avasamānesū* ti, sattesu magga-brahmacariya-vāsaṇ ariya-vāsaṇ ca avasantesu, sayaṇ taṇ vāsaṇ vaseyyā ti; ariyesu vā kilesa-vāsaṇ dutiyaka-vāsaṇ avasantesu, yena vāsena te avasamānā nāma honti sayaṇ tathā vase. *Ramamānesu no rame* ti, sattesu kāma-guṇa-ratiyā kilesa-ratiyā ramantesu sayaṇ tathā *no rame*, na rameyya. Ariyesu vā nirāmisāya jhānābhīratīyā ramamānesu sayam pi tathā rame; tato aññathā pana kadāci pi no rame, nābhīrameyya vā ti attho.

Piyañjaha-tthera-gāthā-vaṇṇanā
Niṭṭhitā.

HATTHĀROHA-PUTTA

[12] *Idaṇ pure cittaṃ acāri cārikan* ti,¹ āyasmato Hatthāroha-putta-ttherassa gāthā. So kira purima-buddhesu katādhikāro tattha tattha bhavē vivatṭ' ūpanissayaṇ puññaṇ upacinanto Vipassissa Bhagavato kāle kula-gehe nibbatitvā, viññutaṇ patto ekadivasaṇ Satthāraṇ bhikkhu-sangha-parivutaṇ vihārato nikkhamantaṇ disvā, pasanna-citto pupphehi pūjaṇ katvā, pañca-paṭiṭṭhitena vanditvā, padakkhiṇaṇ katvā pakkāmi.

So tena puñña-kammena deva-manussesu saṇsaranto imasmiṇ Buddh' uppāde Sāvattiyaṇ hatthāroha-kule nibbatitvā, viññutaṇ patto hatthi-sippe nipphattiṇ agamāsi. So ekadivasaṇ hatthiṇ sikkhāpento nadī-tīraṇ gantvā, hetu-sampattiyaṇ codiyamāno: 'Kiṇ mayhaṇ iminā hatthi-damānena? Atta-damanam² eva varaṇ' ti cintetvā, Bhagavantaṇ upasankamitvā, dhammaṇ sutvā, paṭiladdha-saddho pabbajitvā va, cariyānukūlaṇ kammaṭṭhānaṇ gahetvā, vipassanāya kammaṇ karonto, cira-paricayena kammaṭṭhānato bahiddhā vidhāvantaṇ cittaṇ, cheko hatthācariyo viya, ankusena caṇḍa-matta-vara-vāraṇaṇ³ paṭisankhān' ankusena uiggaṇhanto,⁴ *idaṇ pure cittaṃ acāri cārikan* ti gātham abhāsi.

¹ Cf. Dh. v. 326 = Thāg. v. 1130.

² B. attānaṇ damo.

³ A. santamattaṇ . . . paṭisankhārakaṇ-vasena; B. caṇḍa-matta-para°; C. pabbhinna; S. bhinna-matta.

⁴ B. nikkhanto.

Tattha *idan* ti, vuccamānassa cittassa atta-paccakkhatāya vuttaṇ. *Pure* ti, niggaha-kālato paṭṭhāya¹ pubbe. *Acāri* ti, vicari; anavaṭṭhitatāya² nānārammaṇesu paribbhami. *Cārikan* ti, yathā-kāma-cariyaṇ. Ten' āha *yen' icchakaṇ yattha-kāmaṇ yathā-sukhaṇ* ti. *Taṇ* ti, taṇ cittaṇ. *Ajjā* ti, etarahi. *Niggahissāmī* ti, niggahissāmi nibbisevanaṇ karissāmi. *Yoniso* ti, upāyena. Yathā kiṇ? *Hatthi-ppabhinnaṇ viya ankusaggaho*. Idaṇ vuttaṇ hoti: Idaṇ mama cittaṇ nāma ito pubbe rupādīsu ārammaṇesu yena yena ramituṇ icchati, tassa tassa vasena, yen' icchakaṇ yattha yattha c' assa kāmo tassa tassa vasena, yattha-kāmaṇ yathā yathā vicarantassa sukhaṇ hoti, tath' eva caraṇato yathā-sukhaṇ digha-rattaṇ cārikaṇ acari. Taṇ ajja pāhaṇ,³ pabhinna-mada-matta-hatthiṇ hatthācariya-sankhāto cheko ankusaggaho ankusena viya, yoniso manasikārena niggahessāmi, nāssa vītikkamituṇ dassāmī ti.⁴ Evaṇ vadanto va thero vipassanaṇ vaḍḍhetvā arahattaṇ sacchākāsi. Tena vuttaṇ *Apadāne* (i, 162)⁵:

Suvaṇṇavaṇṇo Bhagavā Vipassī dakkhiṇāraho

Purakkhato sāvakehi āramā abhinikkhami . . . *pe* . . .

Ayam eva therassa aññā-byākarana-gāthā ahoṣī ti.

Hatthāroha-putta-tthera-gāthā-vaṇṇanā

Niṭṭhitā.

MENḌASIRA

Aneka-jāti-saṅsāraṇ ti,⁶ āyasmato Menḍasira-ttherassa gāthā. So pi kira purima-buddhesu katādhikāro tattha tattha bhava vivaṭṭ' ūpanissayāni puññāni karonto ito ekanavute kappe brāhmaṇa-kule nibbattitvā, vayappatto kāme pahāya isi-pabbajaṇ pabbajitvā mahatā isi-gaṇena saddhiṇ Himavante vasanto Satthāraṇ disvā, pasanna-mānaso isi-gaṇena padumāni āharāpetvā,⁷ Satthu puppha-

¹ A. *only*.

² B. anavaṭṭhitabhāya.

³ A. cāritaṇ acāritaṇ; B. c. a. ajjāhaṇ; C. ca acari, taṇ ajja; S. *as* C.

⁴ Cf. DhA. iv, 24.

⁵ Under title Gaṇṭhi-pupphiya.

⁶ Cf. v. 187; DhA. v. 153.

⁷ B. āṇāpetvā.

pūjaṇ katvā, sāvake appamāda-paṭipattiyaṇ ovaditvā, kālaṇ katvā, devaloke nibbatto aparāparaṇ saṅsaranto imasmiṇ Buddh' uppāde Sākete gahapatikule nibbatti; tassa meṇḍa-sarikkha-sīsatāya Meṇḍa-siro tveva samañña ahoṣi. So Bhagavati Sākete Añjanavane viharante, Satthāraṇ upasankamitvā, paṭiladdha-saddho pabbajitvā, samatha-vipassanāsu kammaṇ karonto chaḷabhiñña ahoṣi. Tena vuttaṇ *Apadāne* (i, 162)¹:

Himavantass' avidūre Gotamo nāma pabbato

Nānā-rukkhehi² sañchanno mahābhūta-gaṇālayo . . .

pe . . .

So attano pubbe-nivāsaṇ anussaranto,

Aneka-jāti-saṅsāraṇ sandhāvissaṇ anibbisaṇ³

Tassa me dukkha-jātassa dukkha-kkhandho aparaddho ti gātham abhāsi. Tattha *aneka-jāti-saṅsāraṇ* ti, aneka-jāti-sata-sahassa-sankhaṇ⁴ idaṇ saṅsāra-vaṭṭaṇ addhuno adhippetattā accanta-saṇyog' eka⁵-vacanaṇ. *Sandhāvissaṇ* ti, saṅsariṇ; aparāparaṇ cavaṇ' uppajjana-vasena paribbhamiṇ. *Anibbisaṇ* ti, tassa nivattaka-ñāṇaṇ avindanto, alabhanto. *Tassa me* ti, evaṇ saṅsarantassa me; *dukkha-jātassā* ti, jāti-ādi-vasena uppannassa dukkhassa; tissannaṇ vā dukkhatānaṇ⁶ vasena dukkha-sabhāvassa. *Dukkha-kkhandho* ti, kamma-kilesa-vipāka-vutta-ppakāro dukkha-rāsi. *Aparaddho* ti,⁷ arahatta-magga-pattito paṭṭhāya paribhaṭṭho, cutō; na 'dāni pavattissati.⁸ *Aparatṭho* ti vā pāṭho; appavattisamiddhito,⁹ samucchinna-karaṇattā apagato¹⁰ ti attho.

Imam eva ca therassa añña-byākaraṇaṇ ahoṣi.

Meṇḍasira-tthera-gāthā-vapana

Niṭṭhitā.

¹ Under title Paduma-pujaka.

² B. -dumehi.

³ Cf. DhA. iii, 127.

⁴ B. sankhyaṇ.

⁵ A. saṇvega°.

⁶ A, S. dukkhatānaṇ (Cf. UdA. 209); B. dukkha-vacanaṇ; C. dukkha-jātiṇaṇ.

⁷ Cf. UdA. 143 (añjasāparaddho); B. aparanto.

⁸ B. na nibbattissati.

⁹ A. aparatṭho . . . apavaṇsiṭṭhito; B. aparaddho . . . apagata-samiddhito; C. appavatti-saṇsiddhito; S. apagata-saṇsiddhiko.

¹⁰ A, B. kāraṇatṭhā aparagato.

RAKKHITA

Sabbo rāgo pahīno ti, āyasmato Rakkhita-ttherassa gāthā. Ayaṇ kira Padumuttarassa Bhagavato kāle kula-gehe nibbattitvā, viññutaṇ patto ekadivasan Satthu dhamma-desanaṇ sutvā, pasanna-mānaso desanā-ñāṇaṇ ārabba thomaṇaṇ akāsi. Satthā tassa citta-pasādaṇ oloketvā, 'Ayaṇ ito sata-sahassa-kappa-matthake Gotamassa nāma Sammā-sambuddhassa Rakkhito nāma sāvako bhavissati' ti byākāsi. So taṇ sutvā bhiyyoso-mattāya pasanna-mānaso aparāparaṇ, puññāni katvā, deva-manussesu saṇsaranto, imasmiṇ Buddh' uppāde Vedeha-nigame¹ Sākiya-rāja-kule nibbatti; Rakkhito ti 'ssa nāmaṇ ahoṣi.

So, ye Sākiya-koliya-rājūhi Bhagavato parivār' atthāya dinnā pañca-sata-rāja-kumārā pabbajitā, tesan aññataro. Te pana kumārā na saṇvegena pabbajitattā ukkaṇṭhābhībhūtā, yadā Satthārā Kuṇāladaha-tiraṇ netvā *Kuṇāla-jātaka*-desanāya² itthinaṇ dosa-vibhāvanena kāmesu ādinaṇ vaṇ pakāsetvā, kammaṭṭhāne niyojitā, tadā ayam pi kammaṭṭhānaṇ anuyuñjanto vipassanaṇ vadḍhetvā, arahattaṇ pāpuṇi. Tena vuttaṇ *Apadāne* (i, 163)³:

Padumuttaro nāma jino loka-jetṭho narāsabho

Mahato jana-kāyassa deseti amataṇ padaṇ . . . *pe* . . .

Arahattaṇ pana patvā attano pahīna-kilese paccavekkhanto *sabbo rāgo* ti gātham abhāsi. Tattha *sabbo rāgo* ti, kāma-rāgādi-ppabhedo, sabbo pi rāgo. *Pahīno* ti, ariya-magga - bhāvanāya samuccheda - ppahāna - vasena pahīno. *Sabba-doso* ti, āghāta-vatthukādi-bhāvena aneka-bheda-bhinnosabbo pi byāpādo. *Samūhato* ti, maggena samugghāṭito. *Sabbo me vigato moho* ti,⁴ dukkhe aññāṇan ti ādinā vatthubhedena aṭṭha-bhedo⁵ sankilesa-vatthu-vibhāgena aneka-bhedo, sabbo pi moho maggena viddhaṇsitattā mayhaṇ vigato. *Sitibhūto 'smi nibbuto* ti, evaṇ mūla-kilesa-ppahānena tad-ekattatāya sankilesānaṇ samma-d-eva paṭippas-

¹ A. Vehanigame khattiya-kule; B. Devadha°;

² Cf. JA. v, No. 536. A. Kuṇāḷaka-desanāya.

³ Under title Sobhita.

⁴ Cf. Vibh. 362; ItA. 48.

⁵ C. aṭṭha-vibhāgo; S. aṭṭha°.

saddhattā anavasesa-kilesa-daratha-pariḷāhābhāvato sīti-bhāvaṇ patto, tato eva sabbaso kilesa-parinibbānena parinibbuto aham asmi, bhavāmi ti, aññaṇ byākāsi.

Rakkhita-tthera-gāthā-vaṇṇanā
Niṭṭhitā.

UGGA

Yaṇ mayā pakataṇ kamman ti, āyasmato Ugga-ttherassa gāthā. Ayam pi purima-buddhesu katādhikāro tattha tattha bhava puññāni karonto ito ekatiṇse kappe Sikhissa Bhagavato kāle kula-gehe nibbattitvā, viññutaṇ patto ekadivasaṇ Sikhīṇ Bhagavantaṇ passitvā, pasanna-mānaso keṭaka-pupphehi¹ pūjaṇ akāsi. So tena puñña-kammena devaloke nibbattitvā, aparāparaṇ sugatīsu yeva saṇsaranto, imasmiṇ Buddh' uppāde Kosala-raṭṭhe Ugga-nigame seṭṭhi-putto hutvā, nibbatti; Uggo tvev' assa nāmaṇ ahosi. So viññutaṇ patto, Bhagavati tasmiṇ nigame Bhaddārāme viharante, vihāraṇ gantvā, Satthu santike dhammaṇ sutvā, paṭiladdha-saddho pabbajitvā, vipassanāya kammaṇ karonto na cirass' eva arahattaṇ pāpuṇi. Tena vuttaṇ *Apa-dāne* (i, 164)²:

Vinatā-nadiyā³ tīre pilakkho⁴ phalito ahu;

Tāhaṇ⁵ rukkhāṇ gavesanto addasaṇ lokanāyakaṇ . . .
pe . . .

Arahattaṇ pana patvā attano vaṭṭa-ccheda-dīpanena aññaṇ byākaronto,

Yaṇ mayā pakataṇ kammaṇ appaṇ vā yadi vā bahuṇ, Sabbam etaṇ parikkhiṇaṇ. N' atthi 'dāni punabbhavo ti gātham abhāsi. Tattha yaṇ mayā pakataṇ kamman ti, yaṇ kammaṇ tihi kamma-dvārehi,⁶ chahi uppatti-dvārehi, aṭṭhahi

¹ A. keṭakī; C, S. keṭaka-pupphena.

² *Under title* Sudassana.

³ A. Cinta°; B. Vinatādīy°; C, S. Vinatā; Ap. Vitthatāya; *vll.* Vittāya, Cittayātāya.

⁴ A. pilakkhu; B. milakkha; S. pilakkha.

⁵ A. taṇ 'haṇ; C. tāhaṇ (=taṇ ahaṇ).

⁶ Cf. MA. iii, 105 (=kāya-vacī-mano); Asl. 82, 105. A. omits second phrase.

asaṇvara-dvārehi, aṭṭhahi asaṇvara-dvārehi pi pāpādi-vasena dānādi-vasena cā ti anekehi pakārehi anādimati-saṇsāre yaṇ mayā katan, upacitan abhinibbatti-vipāka-kamman.¹ *Appaṇ vā yadi vā bahun* ti, tañ ca vatthu-cetanā-payoga-kile-sādīnaṇ dubbala-bhāvena, appaṇ vā tesan balava-bhāvena abhinha-pavattiyā ca bahun vā. *Sabbam etan parikkhīna* ti, sabbam eva c' etan kamman kamma-kkhaya-karassa maggassa adhigatattā parikkhayaṇ gatan. Kilesa-vaṭṭa-ppahānena hi kamima-vaṭṭaṇ pahīnam eva hoti, vipāka-vaṭṭassa anuppādanato. Ten' āha n' atthi 'dāni punabbhavo' ti; āyaṇ punabbhavābhinibbatti mayhaṇ n' atthi ti attho. Sabbam p' etan ti² pi pāṭho, sabbam pi etan ti pada-vibhāgo.

Ugga-tthera-gāthā-vanṇanā

Niṭṭhitā.

Aṭṭhama-vagga-vanṇanā Niṭṭhitā.

SAMITIGUTTA

*Yaṇ mayā pakatan pāpan*³ ti, āyasmato Samitigutta-ttherassa gāthā. So pi purima-buddhesu katādhikāro tattha tattha bhava puññāni upacinanto Vipassissa Bhagavato kāle kula-gehe nibbattitvā viññutaṇ patto Bhagavantaṇ passitvā, pasanna-citto jāti-sumana-pupphehi pūjaṇ akāsi. So tena puñña-kammena yattha yattha bhava nibbatti, tattha tattha kula-rūpa-parivāra-sampadāya⁴ aññe satte abhibhavitvā aṭṭhāsi. Ekasmiṇ pana attabhāve aññātaraṇ pacceka-buddhaṇ piṇḍāya carantaṇ disvā, 'Ayaṇ muṇḍako kuṭṭhi,⁵ maññe; tenāyaṇ paṭicchādetvā vicarati' ti nuṭṭhu-bhitvā pakkāmi. So tena apuñña-kammena bahun kālaṇ niraye paccitvā Kassapassa Bhagavato kāle manussa-yoniyaṇ⁶ nibbatto paribbājaka-pabbajjaṇ upagato ekaṇ silācāra-sampannaṇ upāsakaṇ disvā, dos' antaro hutvā, 'Kuṭṭha-rogi bhaveyyāsi' ti akkosi. Nahāna-titthe⁷ ca manussehi

¹ A. anibbittā; B. abhinippattitaṇ; C. anibbatta-v. dhammaṇ.

² C. sabbam ev' etan; S. sabbam etan ti.

³ A, B. kamman; S. ayaṇ . . . pāpaṇ.

⁴ B. parivāsaṇ padāya.

⁵ A. kuṭi; B. kuṭṭhi; C. kuṇi; S. kuṭi *alt.* to kuṇi.

⁶ B. -loke. ⁷ A. mahatāhāna^o; B. nhānatitthe.

ṭhapitāni nahāna-cuṇṇāni¹ dūsesi. So tena kammena puna niraye nibbattitvā, bahūni vassāni dukkhaṇ anubhavitvā, imasmiṇ Buddh' uppāde Sāvattiyaṇ aññatarassa brāhmaṇassa putto hutvā nibbatti; Samitigutta ti 'ssa nāmaṇ ahoṣi. So vayappatto Satthu dhamma-desanaṇ sutvā, paṭiladdha-saddho pabbajitvā, suvisuddha-sīlo hutvā viharati.

Tassa purima-kamma-nissandena kuṭṭhi-rogo uppajjati. Tena tassa sarirāvayavā yebhuyyena chinna-bhinna hutvā paggharanti. So gilāna-sālāyaṇ sayati.² Ath' ekadivasaṇ Dhammasenāpati gilāna-pucchaṇ gantvā, tattha tattha gilāne bhikkhū pucchanto taṇ bhikkhuṇ disvā, 'Āvuso, yāvata khandha-ppavatti nāma sabbaṇ dukkham eva. Vedanā-kkhandhesu pana asantesu yeva n' atthi dukkhan' ti vedanā-vipassanā-kammaṭṭhānaṇ kathetvā agamāsi. So therassa ovāde ṭhatvā vipassanaṇ vadḍhetvā chaḷabhiññā sacchākāsi. Tena vuttaṇ *Apadāne* (i, 120)³:

Jāyantassa Vipassissa āloko vipulo ahu,

Paṭhavi ca pakampittha sasāgarā⁴ sapabbatā . . .
pe . . .

Chaḷabhiññō pana hutvā pahīna-kilesa-paccavekkhanā-mukhena⁵ etarahi anubhuyyamāna-roga-vasena purima-jātisu attanā katanṇ pāpa-kammaṇ anussaritvā, tassa idāni sabbaso pahīna-bhāvaṇ vibhāvento,

Yaṇ mayā pakatanṇ pāpaṇ pubbe aññāsu jātisu

Idh' eva taṇ vedaniyaṇ, vatthu aññaṇ na vijjati ti⁶ gātham abhāsi. Tattha *pāpan* ti, akusala-kammaṇ; taṇ hi lāmak' atṭhena pāpan ti vuccati. *Pubbe* ti, purā. *Aññāsu jātisu* ti, ito aññāsu jātisu, aññesu atta-bhāvesu. Ayaṇ h' ettha attho: Yadi pi mayā imasmiṇ attabhāve tādisaṇ pāpaṇ katanṇ atthi, idāni pana tassa sambhavo yeva n' atthi; yam pana ito aññāsu jātisu katanṇ atthi, *idh' eva taṇ vedaniyaṇ*; tahiṇ idh' eva imasmiṇ attabhāve vedayitabbaṇ anubhavitabbaṇ phalaṇ. Kasmā? *Vatthu aññaṇ na vijjati*; tassa kammaṣsa vipaccaṇ' okāso añño khandha-ppabandho n'

¹ A, C. nānā°. Cf. JA. ii, 403.

² Under title Jātipūjaka.

³ B. -vekkhanena.

⁴ B. vasati.

⁵ B. sasamudda.

⁶ =v. 346.

atthi. Ime pana khandhā sabbaso upādānānaṃ pahinattā, anupādāno viya jāta-vedo carimaka-citta-nirodhena appaṭisandhikā nirujjhantī ti aññaṃ byākāsi.

Samitigutta-tthera-gāthā-vannaṃ

Niṭṭhitā.

KASSAPA

Yena yena subhikkhānī ti, āyasmato Kassapa-ttherassa gāthā. Ayaṃ kira Padumuttarassa Bhagavato kāle brāhmaṇa-kule nibbattitvā tisu vedesu aññesu ca brāhmaṇa-sippesu nipphattiṃ gato. So ekadivasaṃ Bhagavantaṃ disvā, pasanna-mānaso sumana-pupphehi pūjaṃ akāsi; pūjaṃ karonto ca Satthu samantato upari ca puppha-muṭṭhiyo khipi. Buddhānubhāvena pupphānī pupphāsanākārena sattāhaṃ aṭṭhaṃsu. So taṃ acchariyaṃ disvā bhiyyoso-mattāya pasanna-mānaso ahosi. Aparāparaṃ ca puññānī karonto kappasata-sahassaṃ sugatīsu yeva saṃsaranto, imasmiṃ Buddh'uppāde Sāvattiyaṃ aññatarassa udicca-brāhmaṇassa putto hutvā nibbatti; Kassapo ti 'ssa nāmaṃ ahosi.

Tassa dahara-kāle yeva pitā kālam akāsi; mātā taṃ paṭi-jaggati. So ekadivasaṃ Jetavanaṃ gato, Bhagavato dhamma-desanaṃ sutvā, hetu-sampannatāya tasmiṃ yeva āsane sotāpanno hutvā, mātu santikaṃ gantvā, anujānāpetvā pabbajito. Satthari vuṭṭha-vasse pavāretvā janapada-cārikaṃ pakkamante, ayam¹ pi Satthārā saddhiṃ gantu-kāmo āpucchituṃ mātu santikaṃ agamāsi. Mātā vissajjenti ovādasena,

Yena yena subhikkhānī sivānī abhayānī ca

Tena, puttaka, gacchassu. Mā sokā pahato bhavā ti gātham abhāsi. Tattha *yena yena* ti, yattha yattha. Bhummi² aṭṭhe hi etaṃ karaṇa-vacanaṃ; yasmiṃ yasmiṃ disābhāge ti attho. *Subhikkhānī* ti, sulabha-piṇḍānī raṭṭhānī ti adhipāyo. *Sivānī* ti, khemānī, arogānī. *Abhayānī* ti, corabhayādihi nibbhayānī; roga-dubhikkhābhayānī² pana subhikkhānī sivānī ti pada-dvayen' eva gahitānī. *Tena* ti, tasmiṃ

¹ C. sayam.

² A. dukkha°; C. niroga°.

tasmiṃ disā-bhāge ti attho. *Puttakā* ti, anukampanti taṇ ālapati.¹ *Mā* ti, paṭisedh' atṭhe nipāto. *Sokā pahato* ti, vutta²-guṇa-rahitāni raṭṭhāni gantvā, dubhikkhā-bhayādi-janitena sokena upahato.³ *Mā bhavā* ti, mā hohi ti attho.

Taṇ sutvā thero, 'Mama mātā mayhaṇ soka-rahita-tṭhāna-gamaṇaṇ āsiṇsati. Handa mayā sabbaso accantam eva soka-rahitaṇ ṭhanaṇ pattuṇ yuttan' ti ussāha-jato vipas-sanaṇ paṭṭhapetvā, na cirass' eva araṇṇe vasanto arahattaṇ pāpuṇi. Tena vuttaṇ *Apadāne* (i, 155)⁴:

Ajjhāyako manta-dharo tiṇṇaṇ vedānaṇ pāragū

Abbhokāse⁵ ṭhito santo addasaṇ loka-nāyakaṇ . . .
pe . . .

Arahattaṇ pana patvā 'idam eva mātu-vacanaṇ arahatt' uppattiyā⁶ aṅkusaṇ jātan' ti, tam eva gāthaṇ paccudā-bhāsi.

Kassapa-tthera-gāthā-vapṇanā

Niṭṭhitā.

SĪHA

Sih' appamatto viharā ti, āyasmato Siha-ttherassa gāthā. So kira purima-buddhesu katādhikāro ito atṭhārasa-kappa-satta-matthake Atthadassissa Bhagavato kāle Candabhā-gāya nadiyā tīre kinnara-yoniyaṇ nibbattitvā, puppha-bhakkho puppha-nivāsano⁷ hutva viharanto, ākāsenā gac-chantaṇ Atthadassiṇ Bhagavantaṇ disvā, pasanna-citto pūjetu-kāmo añjaliṇ paggayha atṭhāsi. Bhagavā tassa aj-jhāsayaṇ ñatvā, ākāساتو oruyha, aññatarasmiṇ rukkha-mūle pallankena nisidi. Kinnaro candana-sāraṇ ghaṇsitvā, candana-gandhena ca pupphehi ca pūjaṇ katvā, vanditvā, padakkhiṇaṇ katvā pakkāmi.

So tena puñña-kammena deva-manussesu saṅsaranto imasmiṇ Buddh' uppāde Malla-raṭṭhe Malla-rāja-kule nib-

¹ B. ālabhati; C. anukampitaṇ.

² A. vuttaṇ; B. putta°.

³ A. asahato; B. upahato; C, S. pahato.

⁴ *Under tille Sereyyaka.*

⁵ A, C. ajjhokāse.

⁶ A. uppattiyā; B. uppiyā; C. -pattiyā.

⁷ A. nivāsano; C. vasano; B. nivasano.

batti; tassa Siho ti nāmaṇ ahoṣi. So Bhagavantaṇ disvā pasanna-mānaso vanditvā, ekamantaṇ nisīdi. Satthā tassa ajjhāsayaṇ oloketvā dhammaṇ kathesi. So dhammaṇ su-tvā paṭiladdha-saddho pabbajitvā kammaṭṭhānaṇ gahetvā araṇṇe viharati. Tassa cittaṇ nānārammaṇesu vidhāvati,¹ ekaggaṇ na hoti, sak' atthaṇ² nipphādetuṇ na sakkoti. Satthā taṇ disvā ākāse tthatvā,

Sih' appamatto vihara; rattindivam atandito,

Bhāvehi kusalaṇ dhammaṇ; jaha sīghaṇ samussayaṇ ti gātham abhāsi. So gāthā-vasena vipassanaṇ vadḍhetvā arahattaṇ pāpuṇi. Tena vuttaṇ *Apadāne* (i, 165)³:

Candabhāga-nadī-tīre ahoṣiṇ kinnaro tadā;

Puppha-bhakkho cāhaṇ āsiṇ puppha-nivāsano tadā . . .

pe . . .

Yā paṇ' assa Bhagavatā ovāda-vasena vuttā sīh' appamatto ti gāthā; Tattha Sīhā ti, tassa therassa ālapanaṇ. *Appamatto viharā* ti, satiyā avippavāse na pamāda-virahito, sabb' iriyāpathesu sati-sampajañña-yutto hutvā viharā ti. Idāni taṇ appamāda-vihāraṇ saha-phalena⁴ sankhēpato dassetuṇ, rattindivam atandito ti ādi vuttaṇ. Tass' attho: Ratti-bhāgaṇ ca divasa-bhāgaṇ ca cankamena nisajjāya āvaraṇiyehi dhammehi cittaṇ parisodhehi ti vutta-nayena catu-sammappadhāna-vasena atandito akusīto āradḍha-viriyo kusalaṇ samatha-vipassanā-dhammaṇ c' eva lokuttara-dhammaṇ ca bhāvehi, uppādehi, vadḍhehi⁵ ca. Evaṇ bhāvetvā ca jaha sīghaṇ samussayaṇ ti; tava⁶ samussayaṇ, attabhāvaṇ paṭhamaṇ tāva tappaṭibandha-chanda-rāga-ppahānena sīghaṇ jaha, na cirass' eva pajaha. Evaṇ-bhūto ca pacchā carimaka-citta-nirodhena anavasesato ca pajahissati ti. Arahattaṇ pana patvā thero aññaṇ byākaronto tam eva gāthā paccudābhāsi.

Sīha-tthera-gāthā-vannaṇā

Niṭṭhitā.

¹ A, B. ārammaṇe vidh°.

² B. sakkattaṇ nibb°.

³ Under title Candana-pūjaka.

⁴ A. sahabalena; B. sataphalena.

⁵ B. vagheti ca.

⁶ A. bhagavā (1); B. tañ ca; C, S. tava.

NĪTA

[13] *Sabbarattin supitvānā* ti, āyasmato Nīta-ttherassa gāthā. Ayaṇ kira Padumuttarassa Bhagavato kāle Sunando nāma brāhmaṇo hutvā, aneka-sate brāhmaṇe mante vācento vāja-peyyaṇ¹ nāma yaññaṇ yaḍi. Bhagavā taṇ brāhmaṇaṇ anukampanto yañña-tthānaṇ gantvā ākāse cankami. Brāhmaṇo Satthāraṇ disvā pasanna-mānaso sissehi pupphāni āṇāpetvā ākāse tthapetvā² pūjaṇ akāsi. Buddhānubhāvena taṇ thānaṇ sakalaṇ ca nagaraṇ puppha-paṭa-vitānakaṇ viya chāditaṇ ahosi. Mahājano Satthari ulāraṇ pīti-somanassaṇ paṭisaṇvedesi. Sunando brāhmaṇo tena kusalamūlena deva-manussesu saṇsaranto, imasmiṇ Buddh' uppāde Sāvatthiyaṇ aññatarassa brāhmaṇassa putto hutvā nibbatti; Nīto ti 'ssa nāmaṇ ahosi. So viññutaṇ patto, 'Ime samaṇā Sakyaputtiyā sukha-silā sukha-samācārā, subhojanāni bhuñjitvā nivātesu senāsanesu viharanti. Imesu pabbajitvā sukhena viharituṇ sakkā' ti sukhābhilāsāya³ pabbajitvā va Satthu santike kammaṭṭhānaṇ gahetvā, katipāham eva manasikaritvā, taṇ chaḍdetvā, yāva-d-atthaṇ udarāvadehakaṇ bhuñjitvā, divasā-bhāgaṇ sangaṇikārāmo tiracchāna-kathāya vitināmeti; ratti-bhāge pi thīna-middhābhibhūto sabba-rattin supati. Satthā tassa hetu-paripākaṇ oloketvā, ovādaṇ dento,

Sabba-rattin supitvāna, divā sangaṇike rato,

Kudāssu nāma dummedho dukkhass' antaṇ karissatī? ti gātham abhāsi. Tattha *sabba-rattin* ti, sakalaṇ rattin. *Supitvānā* ti, niddāyitvā. 'Rattiyā paṭhama-yāmaṇ cankamena nisajjāya āvaraṇiyehi dhammehi⁴ cittaṇ parisodhehi' ti (A. i, 114) ādinā vuttaṇ, jāgariyaṇ ananuyuñjitvā kevalaṇ rattiyā tīsu pi yāmesu niddaṇ okkamitvā ti attho. *Divā* ti, divasaṇ; sakala-divasa-bhāgaṇ ti attho. *Sangaṇike* ti, sangaṇike rato vihāro sangaṇiko⁵ ti; tiracchāna-kathikehi

¹ B. vāpajeyyaṇ; *the rest* vāja-peyyaṇ. Cf. S. i, 76; SA. i, 147; It. p. 21; ItA. i, 93; It. (vācā-p. = piya-vācā); SA. (vājam ettha pivanti).

² A. S. tthapetvā; B. tthavā; C. khipitvā. ³ B. abhilābhāya.

⁴ A. ācariyehi dhammehi; B. āvaraṇiye ti.

⁵ B. *omīs phrase*; A. sadhamma-gato vihāro; S. sangaṇikā.

kāya-daddhi¹-bahulehi puggalehi sannisajja, tasmiṇ² sanganike rato; tattha avigata-cchando³ sanganike rato, abhirato ti vutto. Sanganikā rato ti pi pāli. *Kudāssu nāmā* ti, kudā nāma. *Sū* ti nipāta-mattaṇ; kasmiṇ nāma kāle ti attho. *Dummedho* ti, nippaṇṇo. *Dukkhaṣṣā* ti, vaṭṭa-duk-khaṣṣa. *Antaṇ* ti, pariyosānaṇ; accantam eva anuppādaṇ kadā nāma karissati? Edisassa dukkhaṣṣ' anta-karaṇaṇ n' atthi ti attho. Dummedha dukkhaṣṣ' antaṇ karissasi ti pi pāli. Evaṇ pana Satthārā gāthāya kathitāya (thero) saṇvega-jāto vipassanaṇ paṭṭhapetvā na cirass' eva arahattaṇ pāpuṇi. Tena vuttaṇ *Apadāne* (i, 166)⁴:

Sunando nāma nāmena brāhmaṇo manta-pāragū

Ajjhāyako yāja-yogo⁵ vāja-peyyam ayājayaṇ⁶ . . .
pe . . .

Arahattaṇ pana patvā thero aññaṇ byākaronto tam eva gāthaṇ paccudābhāsi.⁷

Nīta-tthera-gāthā-vaṇṇanā

Niṭṭhitā.

SUNĀGA

Cittanimittassa kovido ti, āyasmato Sunāga-ttherassa gāthā. Ayam pi purima-buddhesu katādhikāro tattha tattha bhava vivatṭ' ūpanissayaṇ kusalaṇ upacinanto, ito ekatiṇse kappe Sikhissa Bhagavato kāle brāhmaṇa-kule nibbattitvā, vayappaṭto tiṇṇaṇ vedānaṇ pāragū hutvā, araṇṇāyatane assame vasanto tīpi brāhmaṇa-sahassāni mante vāceti. Ath' eka-divasaṇ tassa Satthāraṇ disvā lakkhaṇāni upadhāretvā lakkhaṇa-mante parivattentassa, 'Īdisehi lakkhaṇehi saman-nāgato ananta-jino ananta-ñāpo Buddho bhavissati' ti Buddha-ñānaṇ ārabha ulāro pasādo uppajji. So tena citta-ppasādena devaloke nibbattitvā, aparāparaṇ deva-

¹ A, B, C. dāhi°; S. -duṭṭha.

² B. santisajjasmiṇ; S. santisajjatasmiṇ.

³ A. tattha adhigacchanto; S. gata-avigata-cchando.

⁴ *Under title* Puppha-cchadaniya.

⁵ A. Ap. B. yāca.

⁶ A. vājāñṇe; S. vājapeyyaṇ ca āvasiṇ.

⁷ A. omits all.

manussesu saṅsaranto imasmiṇ Buddh' uppāde Nāḷaka-gāme aññatarassa brāhmaṇassa putto hutvā nibbatti; Sunāgo ti 'ssa nāmaṇ ahoṣi. So Dhammasenāpatissa gihi-sahāyo therassa¹ santikaṇ gantvā, dhammaṇ sutvā, dassana-bhūmiyaṇ patitṭhito pabbajitvā, vipassanaṇ paṭṭhapetvā, arahattaṇ pāpuṇi. Tena vuttaṇ *Apadāne* (i, 166)²:

Himavantass' avidūre Vasabho nāma pabbato;

Tasmiṇ pabbata-pādamhi assamo āsi māpito . . . *pe* . . .

Arahattaṇ pana patvā bhikkhūnaṇ dhamma-desanā-padesena aññaṇ byākaronto

Cittanimittassa kovido paviveka-rasaṇ vijāniya

Jhāyaṇ nipako paṭissato adhigaccheyya sukhaṇ nirā-misaṇ ti

gātham abhāsi. Tattha *citta-nimittassa kovido* ti, bhāvanā-cittassa nimitta-ggahaṇe kusalo; 'imasmiṇ samaye cittaṇ paggaheṭṭabbaṇ; imasmiṇ sampahaṇsitabbaṇ; imasmiṇ ajjhūpekkhitabbaṇ' ti³ evaṇ paggaṇādi-yogyassa citta-nimittassa gahaṇe cheko. *Paviveka-rasaṇ vijāniyā* ti,⁴ kāya-vivekassa saṇvaddhitassa⁵ citta-vivekassa rasaṇ sañjānitvā viveka-sukhaṇ anubhavitvā ti attho; 'paviveka-sukhaṇ pitvā' ti (Dhp. v. 205)⁶ hi vuttaṇ. *Jhāyaṇ* ti, paṭhamaṇ ārammaṇ' ūpanijjhānena, pacchā lakkhaṇ' ūpanijjhānena jhāyanto. *Nipako* ti, kammaṭṭhāna-parihaarane kusalo. *Paṭissato* ti, upaṭṭhita-sati. *Adhigaccheyya sukhaṇ nirā-misaṇ* ti, evaṇ samatha-nimittādi-kosallena labbhe citta-viveka-sukhe patitṭhāya sato sampajāno hutvā, vipassanā-jhānen' eva jhāyanto kāmāmisa-vaṭṭāmisehi asammisatāya nirā-misaṇ nibbāna-sukhaṇ phala-sukhaṇ ca adhigaccheyya, sambhuyyā⁷ ti attho.

Sunāga-tthera-gāthā-vanṇanā

Niṭṭhitā.

¹ C. Satthu.

² Under title Rahosañña.

³ Cf. S. v, 69; VM. i, 135, etc.

⁴ Cf. VM. 73.

⁵ B. omits; A. paviditassa; C. S. saṇvaddhitassa.

⁶ A. C. pivitvā; Dhp. p. rasaṇ pitvā; S. viveka-sukhaṇ veditvā ti.

⁷ A. samuyyāti; B. sambhuyya; C. samupagaccheyya; S. pāpu-neyya.

NĀGITA

Ito bahiddhā puthu-añña-vādinan ti, āyasmato Nāgita-
ttherassa gāthā. Ayaṇ kira Padumuttarassa Bhagavato
kāle Nārado nāma brāhmaṇo hutvā ekadivasan mālake
nisinno Bhagavantaṇ bhikkhu-sanghena purakkhataṇ gac-
chantaṇ disvā, pasanna-mānaso tihi gāthāhi abhithhavi.
So tena puñña-kammena devaloke nibbattitvā, aparāparaṇ
puññāni katvā, deva-manussesu saṇsaranto imasmiṇ Buddh'
uppāde Kapilavatthu-nagare Sakyarāja-kule nibbatti; Nāgito
ti 'ssa nāmaṇ ahoṣi. So Bhagavati Kapilavatthusmiṇ vi-
harante *Madhu-piṇḍika-suttaṇ* (M. i, 108) sutvā, paṭiladdha-
pasādo pabbajitvā, vipassanaṇ vaddhetvā, arahattaṇ pāpuṇi.
Tena vuttaṇ *Apadāne* (i, 168)¹:

Visāla-māle² āsīno addasaṇ loka-nāyakaṇ

Khīṇāsavaṇ balappattaṇ bhikkhu-sangha-purakkhataṇ

. . . pe . . .

Arahattaṇ pana patvā Satthu avitatha-desanataṇ³ dham-
massa ca niyyānikataṇ nissāya sañjāta-pīti-somanasso pīti-
vegena vissatṭhaṇ⁴ udānaṇ udānento,

Ito bahiddhā puthu-añña-vādinan

Maggo na nibbāna-gamo yathā ayaṇ;

Iti ssu sanghaṇ Bhagavānusāsati

Satthā sayam pāṇi-tale 'va dassayan ti

gātham abhāsi. Tattha *ito bahiddhā* ti, imasmā Buddha-
sāsanā bāhiraka-samaye. Ten' āha *puthu-añña-vādinan* ti,
nānā-titthiyānan ti attho. *Maggo nibbāna-gamo yathā ayaṇ*
ti, yathā ayaṇ ariyo aṭṭhangiko maggo. Ekaṇsena nibbānaṇ
gacchatī ti *nibbāna-gamo*, nibbāna-gāmī eva; nibbāna-gamo
maggo titthiya-samaye n' atthi, asammā-sambuddha-pave-
ditattā añña-titthiya⁵-vādassa. Ten' āha Bhagavā: 'Idh'
eva, bhikkhave, samaṇo, idha dutiyo samaṇo, idha tatiyo,

¹ Under title Attha-sandassaka. Cf. Ap. No. 64 for the refrain
(ko disvā na paṣidati).

² Ap. B, C. Visāla; A. vihāra; S. visadamālo.

³ A, C. Satthārā adhigata-desanaṇ; S. desanataṇ.

⁴ A, C. viṣiṭṭhaṇ; B. pavissatṭhaṇ; S. vissatṭhaṇ.

⁵ B. -dattiya-.

idha catuṭṭho samaṇo. Suññā parappavādā samaṇehi aññe' ti (M. i, 63). *Iti* ti, evaṇ. *Sū* ti nipāta-mattaṇ. *Sanghan* ti, bhikkhu-sanghaṇ; ukkaṭṭha-niddesoyaṇ yathā 'Satthā deva-manussānan' ti. Sanghan ti vā samūhaṇ; veneyya-janataṇ ti adhippāyo.¹ *Bhagavā* ti, bhāgyavantādihi kāraṇehi bhagavā. Ayaṇ ettha sankhepo; vitthāro pana *Paramatthadīpaniyaṇ Itivuttaka-vannaṇāyaṇ*² vutta-nayena vedītabbo. *Satthā* ti, diṭṭha-dhammika-samparāyika-param' atthehi yathārahaṇ satte³ anusasati ti, Satthā. *Sayan* ti, sayam eva. Ayaṇ h' ettha attho: 'Silādi-kkhandhattāya sangaho sammā-diṭṭhi-ādīnaṇ aṭṭhannaṇ angānaṇ vasena, aṭṭhangiko; nibbāna-gāmi ariya-maggo yathā mama sāsane atthi, evaṇ bāhiraka-samaye maggo nāma n' atthi' ti sihanādaṇ nadanto amhākaṇ Satthā Bhagavā sayam eva, sayambhū-ñāṇena ñāṇī⁴; sayam eva vā mahākaruṇāya saṇcodito hutvā attano desanā, vilāsa-sampattiya⁵ hattha-tale āmalakaṇ viya dassento, bhikkhu-sanghaṇ veneyya-janataṇ anusāsati, ovadatī ti.

**Nāgita-tthera-gāthā-vannaṇā
Nīṭṭhitā.**

PAVIṬṬHA

Khandhā diṭṭhā yathā-bhūtan ti, āyasmato Paviṭṭha-ttherassa gāthā. Ayam pi purima-buddhesu katādhikāro tattha tattha bhava vivaṭṭ' ūpanissayaṇ puññaṇ karonto Atthadasissa Bhagavato kāle Kesavo⁶ nāma tāpaso hutvā, ekadivasaṇ Satthāraṇ upasankamitvā, dhammaṇ sutvā, pasanna-mānaso abhivādetvā, añjaliṇ paggayha, padakkhiṇaṇ katvā pakkāmi. So tena puñña-kammena devaloke nibbattitvā, aparāparaṇ puññāni katvā, deva-manussesu saṇsaranto imasmiṇ Buddh' uppāde Magadha-raṭṭhe brāhmaṇa-kule uppajjitvā anukamena viññutaṇ patto nekkhamma-ninnu' ajjhāsayatāya paribbājakaṇ pabbajjaṇ pabbajitvā, tattha sikkhitabbaṇ

¹ Cf. UdA. 241, 288.

² ItA. i, 5.

³ Cf. UdA. 267, 404. *All omī* satte.

⁴ A. ñāṇa; B. nātaṇ; C. ñāṇaṇ; S. jāṇī.

⁵ B. -pattiya.

⁶ B. Kassapa.

sikkhitvā vicaranto Upatissa-Kolitānaṃ Buddha-sāsane pabbajita-bhāvaṃ sutvā, 'Te pi nāma mahāpaññā yattha¹ pabbajitā tad eva maññe seyyo' ti Satthu santikaṃ gantvā, dhammaṃ sutvā, paṭiladdha-saddho pabbaji; pabbajitassa Satthā vipassanaṃ ācikkhi. So vipassanaṃ ārabhitvā na cirass' eva arahattaṃ sacchākāsi. Tena vuttaṃ Apadāne (i, 168)²:

Nārado iti nāmena, Kesavo iti maṃ viduṃ,

Kusalākusalaṃ esaṃ³ agamaṃ Buddha-santikaṃ . . .

pe . . .

Arahattaṃ pana patvā, aññaṃ byākaronto,

Khandhā diṭṭhā yathā-bhūtaṃ, bhavā sabbe padālītā;

Vikkhīṇo jāti-saṃsāro; n' atthi 'dāni punabbhavo ti

gātham abhāsi. Tattha *khandhā* ti, pañcūpādāna-kkhandhā; te hi vipassan' upalakkhaṇato sāmāññ' upalakkhaṇato⁴ ca nāta-pariññādīhi parijānana-vasena vipassitabbā. *Diṭṭhā yathā-bhūtaṃ* ti, vipassanā-paññā-sahitāya magga-paññāya 'idaṃ dukkhaṃ' ti ādinā aviparītato diṭṭhā. *Bhavā sabbe padālītā* ti, kāma-bhavādayo sabbe kamma-bhavā uppatti-bhavā ca magga-ñāṇa-satthena bhinnā, viddhaṃsitā; kilesa-padālanen' eva hi kamm' uppatti⁵-bhavā padālītā nāma honti. Ten' āha, *vikkhīṇo jāti-saṃsāro; n' atthi 'dāni punabbhavo* ti. Tass' attho heṭṭhā⁶ vutto yeva.

Paviṭṭha⁷-tthera-gāthā-vaṇṇanā

Niṭṭhitā.

AJJUNA

Asakkhiṃ vata attānaṃ ti, āyasmato Ajjuna-ttherassa gāthā. Ayam pi purima-buddhesu katādhikāro tattha tattha bhava vivaṭṭ' ūpanissayaṃ kusalaṃ upacīnanto Vipassissa

¹ B. tattha; C. yattha kattha; A. tattha tattha.

² Under title Ekadaṃsaniya.

³ S. Kesaro . . . -kusale cheko.

⁴ A. vipassanā pahāya lak°; C. vip. upaga-bhāva-lak°; S. uppanna-salakkh°.

⁵ A, B, S. kammopapatti.

⁶ Supr. v. 67.

⁷ B. Saviya.

Bhagavato kāle sīha-yoniyāṇṇaṃ nibbatto ekadivasaṇṇaṃ araṇṇe aññatarasmiṇṇaṃ rukkhā-mūle nisinnaṇṇaṃ Satthāraṇṇaṃ disvā, 'Ayaṇṇaṃ kho imasmiṇṇaṃ kāle sabba-seṭṭho purisa-sīho' ti pasanna-mānaso supupphita-sāla-sākhāṇṇaṃ bhañjitvā Satthāraṇṇaṃ pūjesi. So tena puñña-kammena deva-manussesu saṇṣaranto imasmiṇṇaṃ Buddh' uppāde Sāvatthiyaṇṇaṃ seṭṭhi-kule nibbatti; Ajjuno ti 'ssa nāmaṇṇaṃ ahoṣi. So viññutaṇṇaṃ patto nigaṇṭhehi¹ kata-paricayo hutvā, 'Evāhaṇṇaṃ amataṇṇaṃ adhigamissāmi' ti vivaṭṭ' ajjhāsayatāya dahara-kāle yeva nigaṇṭhesu pabbajitvā, tattha sāraṇṇaṃ alabhanto Satthu yamaka-pāṭihāriyaṇṇaṃ disvā, paṭiladdha-saddho sāsane pabbajitvā, vipassanaṇṇaṃ ārabhitvā, na cirass' eva arahattaṇṇaṃ pāpuṇi. Tena vuttaṇṇaṃ *Apadāne* (i, 139)²:

Miga-rājā tadā āsiṇṇaṃ abhiyāto sukesari;

Giri-duggaṇṇaṃ gavesanto addasaṇṇaṃ loka-nāyakaṇṇaṃ . . .
pe . . .

Arahattaṇṇaṃ pana patvā, anuttara-sukhādhigama-sambhūtena pīti-vegena udānaṇṇaṃ udānento,

Asakkhiṇṇaṃ vata attānaṇṇaṃ uddhātunṇaṃ udakā thalaṇṇaṃ;

Vuyhamāno mahoghe 'va saccāni paṭivijjh' ahan ti gātham abhāsi. Tattha *asakkhiṇṇaṃ* ti, sakkosiṇṇaṃ.³ *Vatā* ti, vimhaye nipāto; ativimhayaniyaṇṇaṃ h' etaṇṇaṃ yadidaṇṇaṃ sacca-paṭivedho. Ten' āha, 'Taṇṇaṃ kiṇṇaṃ maññatha, Ānanda?'⁴ Kātaman nu kho dukkarataṇṇaṃ vā durabbhisambhavataṇṇaṃ vā, yo vā . . . yo vā⁵ . . . satadhā bhinnassa vālassa koṭiyaṇṇaṃ koṭiṇṇaṃ paṭivijjheyyā' ti ādi (S. v, 454). *Attānaṇṇaṃ* ti, niyak' ajjhattaṇṇaṃ sandhāya vadati. Yo hi paro na hoti, so attā⁶ ti. *Uddhātunṇaṃ* ti, uddharitunṇaṃ. *Uddhātunṇaṃ* ti pi pāṭho. *Udakā* ti, saṇṣāra-mahogha-sankhātā udakā. *Thalaṇṇaṃ* ti, nibbāna-thalaṇṇaṃ. *Vuyhamāno mahoghe vā* ti, mahaṇṇave vuyhamāno viya. Idaṇṇaṃ vuttaṇṇaṃ hoti; Yathā nāma gambhīra-vitthate⁸ appatitṭṭhe mahati udak' oghe vegasā vuyhamāno puriso

¹ B. nigandh'.

² Under title Sāla-puppha-dāyaka.

³ A. sakkoti; B. sakkosesiṇṇaṃ.

⁴ MSS. bhikkhave.

⁵ MSS. yaṇṇaṃ.

⁶ A. so attho; C. so hi . . . so attā.

⁷ B. uddhattaṇṇaṃ.

⁸ B. vattato. Cf. UdA. 424 (atigambhīra-vitthataṇṇaṃ saṇṣāra-mahaṇṇavevaṇṇaṃ).

kenaci attha-kāmena upanītaṃ piyāritta-sampannaṃ daḷhaṃ nāvaṃ labhitvā, sukheṇ' eva tato attānaṃ uddharituṃ sakkuṇeyya, pāraṇ pāpuṇeyya, evam evāhaṃ saṃsāra-mahoghe kilesābhisankhāra-vegena vuyhamāno Satthārā upanītaṃ samatha-vipassanānupetaṃ ariya-magga-nāvaṃ labhitvā, tato attānaṃ uddharituṃ, nibbāna-thalaṃ pattuṃ aho asakkhin' ti. Yathā pana asakki, taṃ dassetuṃ, *saccāni paṭivijjh' ahaṃ* ti āha. Yasmā ahaṃ dukkhādini cattāri ariya-saccāni pariññā-pahāna-sacchikiriya-bhāvanā-paṭivedhena paṭivijjhīṃ, ariya-magga-ñāṇena aññāsiṃ, tasmā 'asakkhīṃ vata attānaṃ uddhātuṃ udakā thalaṃ' ti yojanā.

Ajjuna-tthera-gāthā-vaṇṇanā

Niṭṭhitā.

DEVASABHA (A)

Uttiṇṇā paṅkā-palipā ti, āyasmato Devasabha-ttherassa gāthā. So purima-buddhesu katādhikāro tattha tattha bhava vivaṭṭ' ūpanissayaṃ puññaṃ upacinanto Sikhissa Bhagavato kāle pārāpata¹-yoniyaṃ nibbatto ekadivasaṃ Satthāraṃ disvā pasanna-mānaso piyāla-phalaṃ upanesi. Satthā tassa pasādaṃ saṃvaḍḍhaṃ' atthaṃ taṃ paribhuñji. So tena ativiya pasanna-citto hutvā, kālena kālaṃ upasankamitvā, vanditvā cittaṃ pasādeti. So tena puñña-kammaṃ devaloke nibbatto aparāparaṃ puññāni katvā, devamanussesu saṃsaranto imasmiṃ Buddh' uppāde aññatarassa maṇḍalika²-rañño putto hutvā nibbatto, taruṇa-kāle yeva rajje paṭiṭṭhito rajja-sukham anubhavanto, vuḍḍho³ Satthāraṃ upasankami. Tassa Satthā dhammaṃ desesi. So dhammaṃ sutvā paṭiladdha-saddho saṃvega-jāto rajjaṃ pahāya, pabbajitvā vipassanāya kammaṃ karonto, na cirass' eva arahattaṃ pāpuṇi. Tena vuttaṃ *Apadāne* (i. 169)⁴:

Pārāpato tadā āsiṃ para-pāṇ' ūparodhako⁵;

Pabbhāre seyyaṃ kappemi avidūre Sikhi-satthuno . . .

pe

¹ B. Skt. pārāvata.

² A. paṇḍita°.

³ A. putṭho; B. buddho; C. S. omit.

⁴ Under title Phaladāyaka.

⁵ Ap. parodhako . . . paramānuparodhako; A. parāgato . . . paramān°; B, C. as above.

Arahattaṇ pana patvā pahīna-kilesa-paccavekkhanā-vasena uppanna-somanasso udānaṇ udānento,

Uttiṇṇā pankā-palipā pātālā parivajjitā;

Mutto oghā ca ganthā ca, sabbe mānā viṣaṇhatā ti gātham abhāsi. Tattha uttiṇṇā ti, uttaritā, atikkantā.¹ Pankā-palipā ti, pankā ca palipā ca. Pankaṇ vuccati pakati-kaddamo; palipā ti,² gambhīra-puthulo-mahākaddamo. Idha pana panko viyā ti panko, kāma-rāgo; asuci-bhāvāpādanena cittassa makkhanato³ palipo viyā ti, palipo; putta-dārādi-visayo bahalo chanda-rāgo; vutta-nayena sammakkhanato duruttaraṇato ca. Te mayā anāgāmi-maggena sabbaso atikkantā ti āha ' uttiṇṇā pankā-palipā ' ti.

Pātālā⁴ ti, pātālayaṇ ti pātālā; mahāsamudde ninnatā padesā. Keci pana nāga-bhavanaṇ pātāla ti vadanti. Idha pana agādha-duravagāha-duruttaraṇ' atṭhena pātālā viyā ti pātālā, diṭṭhiyo. Te ca mayā paṭhama-maggādhigamen' eva sabbathā vajjitā,⁵ samucchinā ti āha ' Pātālā parivajjitā ' ti. Mutto oghā ca ganthā⁶ cū ti, kāmoghādi-oghato abhijjhā-kāma-ganthādi-ganthato ca tena tena maggena mutto, parimutto; puna anabhikiraṇa-aganthana-vasena vā atikkanto ti attho. Sabbe mānā viṣaṇhatā ti, nava-vidhāpi mānā⁷ agga-maggādigamena visesato sanghāṇaṇ vināsaṇ āpāditā, samucchinā. Māna-vidhā hatā ti keci paṭhanti; māna-koṭṭhāsā ti attho. Māna-visā ti apare; tesāṇa pana mānā ca visassa dukkhassa phalato māna-visā ti attho daṭṭhabbo.

Devasabha-tthera-gāthā-vanṇanā

Niṭṭhitā.

¹ A. abhikkantā.

² Cf. MA. i, 193.

³ A. makkhaṇa-ratā.

⁴ Cf. SA. iii, 75. A. pātāyānaṇ . . . ninnakā; B. pātālayānilaṇ (?-yanikā); C. pātāyalaṇ (for pātālayaṇ) . . . ninnatara-padeso; S. dinnatāra-padesā. [Skt. deriv. is pāta-ālaya.] SA. pātassa alaṇ pariyatto (? pariyanto) n' atthi. Cf. also ThagA. on v. 1104: pātāla-khittaṇ . . . pātāya alaṇ pariyattan ti . . . yojana-satikādi-bhedāni samuddassa anto paṭhavivā tīra-tṭhānāni, yesu kānīci nāgādīnaṇ vasanta-tṭhānāni honti, etc.

⁵ B. vijjitā.

⁶ B. (as above) gandhā.

⁷ Cf. Vibh. 389; SA. i, 51.

SĀMIDATTA

Pañca-kkhandhā pariññātā ti, āyasmato Sāmidatta-ttherassa gāthā. Ayam pi purima-buddhesu katādhikāro Atthadassissa Bhagavato kāle kula-gehe nibbattitvā viññutaṇ patto Satthari parinibbute tassa thūpe pupphehi chattâtichattaṇ¹ katvā pūjaṇ akāsi. So tena puñña-kammena devaloke nibbattitvā, aparāparaṇ puññāni katvā, devamanussesu saṁsaranto imasmiṇ Buddh' uppāde Rājagahe aññatarassa brāhmaṇassa putto hutvā nibbatti; Sāmidatto ti 'ssa nāmaṇ ahosi. So anukkamena viññutaṇ patto Buddhānubhavaṇ sutvā, upāsakehi saddhiṇ vihāraṇ gantvā, Satthāraṇ dhammaṇ desentaṇ disvā, pasanna-mānaso ekamantaṇ nisīdi. Satthā tassa ajjhāsayaṇ oloketvā tathā dhammaṇ desesi yathā saddhaṇ paṭilabhi saṁsāre ca saṇvegaṇ. So paṭiladdha-saddho saṇvega-jāto pabbajitvā, ñaṇassa aparipakkattā katipayāṇ kālaṇ ālasya²-bahulī vihāsi. Puna Satthārā dhamma-desanāya samuttejito vipassanāya kammatṭhānaṇ gahetvā, tattha yutta-payutto viharanto na ciren' eva arahattaṇ pāpuṇi. Tena vuttaṇ *Apadāne* (i, 170)³:

Parinibbute Bhagavati Atthadassī-naruttame

Chattâtichattaṇ⁴ kāretvā thūpamhi abhiropayaṇ . . .
pe . . .

So aparabhāge bhikkhūhi, 'Kiṇ tayā, āvuso, uttari-manussa-dhammo adhigato?' ti puṭṭho, sāsanaṇa niyyānika-bhāvaṇ attano ca dhammānuddhamma-paṭipattiṇ tesaṇ pave-dento aññaṇ byākaraṇa-vasena

Pañca-kkhandhā pariññātā, tiṭṭhanti chinna-mūlakā;

Vikkhīṇo jāti-saṁsāro; n' atthi 'dāni punabbhavo ti gātham abhāsi. Tattha *pañca-kkhandhā pariññātā* ti, mayā ime pañcūpādāna-kkhandhā 'idaṇ dukkhaṇ, ettakaṇ dukkhaṇ, na tato bhiyyo' ti⁵ tihi pariññāhi paricchinditvā ñātā viditā paṭividdhā.⁶ *Tiṭṭhanti chinna-mūlakā* ti, tathā pariñña-

¹ Ap. chattādhī°; MSS. chattāti°.

² A. ālasaṇ; B. ālasa; C. ālaya.

³ Under title Aticchattiya.

⁴ Cf. Nidd. ii, 197.

⁵ Ap. -ādhi°; B. chattāhi°.

⁶ B. -laddhā.

tattā¹ yeva mūla-bhūtaṣṣa samudayaṣṣa sabbaso pahīnattā te idāni yāva carimaka-citta-nirodhā tiṭṭhanti chinna-mūlakā; carimaka-citta-nirodhena pana appaṭisandhikā va nirujjanti. Ten' āha 'vikkhīṇo jāti-saṅsāro; n' atthi 'dāni punabbhavo ti. Tass' attho heṭṭhā² vutto yeva.

Sāmidatta-tthera-gāthā-vapṇanā Niṭṭhitā.

Navama-vagga-vapṇanā Niṭṭhitā.

PARIPUṆṆAKA

Na tathā-mataṇ satarasan ti, āyasmato Paripuṇṇaka-ttherassa gāthā. Ayam pi purima-buddhesu katādhikāro Dhammadassissa Bhagavato kāle kula-gehe nibbattitvā, viññutaṇ patto, Satthari parinibbute, Satthu cetiye pupphādīhi ulāra-pūjaṇ akāsi. So tena puñña-kammena devesu nibbattitvā, aparāparaṇ puññāni katvā, sugatīsu yeva saṅsaranto imasmiṇ Buddh' uppāde Kapilavatthusmiṇ Sakya-rāja-kula-gehe nibbattitvā, viññutaṇ patto paripuṇṇa-vibhavatāya Paripuṇṇako ti paññāyittha. So vibhava-sampannatāya sabba-kālaṇ sata-rasaṇ nāma āhāraṇ paribhuñjanto Satthu missakāhāra-paribhogaṇ sutvā, 'Tāva sukhumālo pi Bhagavā nibbāna-sukhaṇ apekkhitvā yathā tathā yāpeti, kasmā mayaṇ āhāra-giddhā hutvā āhāra-suddhikā bhavissāma? Nibbāna-sukham eva pana amhehi pariyesitabban' ti saṅsāre jāta-saṅvego gharāvāsaṇ pahāya Satthu santike pabbajitvā, Bhagavato kāya-gatā-sati-kammaṭṭhāne niyojito, tattha patitṭhāya paṭiladdha-jjhānaṇ pādakaṇ katvā, vipassanāya kammaṇ karonto, vipassanaṇ vadḍhetvā, arahattaṇ pāpuṇi. Tena vuttaṇ Apadāne (i, 171)³:

Nibbute loka-cakkhumhi Dhammadassī narāsabhe

Āropesiṇ⁴ ujuṇ thambhaṇ Buddha-seṭṭhassa cetiye . . .

pe . . .

Arahattaṇ pana patvā dhamma-gāra-bahumānena pīti-

¹ B. pariññā tattha.

² *Supr. on v. 87.*

³ *Under title Thambharopaka.*

⁴ Ap. aropesiṇ; B. aṭṭhapesiṇ; S. ārocesiṇ.

vegena pīti-vega-vissatṭhaṇ¹ udānaṇ udānento, *na tathā-mataṇ sata-rasan* ti gātham abhāsi.

Tattha *na tathā* ti, tena pakārena. *Matan* ti, abhimataṇ,² *Sata-rasan* ti, sata-rasa-bhojanaṇ. Satarasa-bhojanaṇ nāma sata-pāka-sappi-ādīhi abhisankhata-bhojanaṇ ti vadanti. Atha vā *anek'* aṭṭho *sata-saddo*; sataso sahasasso ti ādisu viya; tasmā yaṇ bhojanaṇ aneka-sūpaṇ aneka-byañjanaṇ, taṇ aneka-rasatāya sata-rasan ti vuccati. Nānā-rasa-bhojanaṇ ti attho. *Sudhannaṇ* ti, sudhā eva so annaṇ; sudhā-bhojanaṇ, devānaṇ āhāro. *Yaṇ may'* *ajja paribhuttaṇ* ti, yaṇ mayā ajja anubhuttaṇ; yaṇ mayā paribhuttaṇ ti ca idaṇ sata-rasaṇ. Sudhannaṇ ti etthāpi yojetabbaṇ. Idaṇ vuttaṇ hoti: Yaṇ mayā ajja, etarahi, nirodha-samāpatti-samāpajjana-vasena phala-samāpatti-samāpajjana-vasena ca ac-cantam eva santaṇ paṇitaṇ nibbāna-sukhaṇ paribhuñjiyamānaṇ, taṇ yathā-mataṇ abhimataṇ sambhāvitaṇ; tathā rāja-kule mayā paribhuttaṇ sata-rasa-bhojanaṇ devatta-bhāve paribhuttaṇ sudhannaṇ ca na mataṇ nābhimataṇ. Kasmā? Idaṇ hi ariyehi sevitaṇ nirāmisāṇ kilesānaṇ avatthu-bhūtaṇ, taṇ pana puthujjana-sevitaṇ sāmisaṇ kilesānaṇ vatthu-bhūtaṇ; taṇ imassa sankham pi kalam pi kala-bhāgam³ pi na upeti ti. Idāni *yaṇ may'* *ajja paribhuttaṇ* ti vutta-dhammaṇ desento, *aparimita-dassinā Gotamena Buddhena desito dhammo* ti āha. Tass' attho: Aparimitaṇ aparicchinnaṇ uppāda-vayābhāvato santaṇ⁴ asankhata-dhātuṇ sayambhū-ñāṇena passi, aparimitassa ananta-parimeyyassa ñeyyassa dassāvī ti; Tena aparimita-dassinā, Gotamagottena Sammāsambuddhena: 'Khayaṇ virāgaṇ amataṇ paṇitaṇ' (Sn. v. 225), 'madanimmadano pipāsa-vinayo' (A. ii, 34), 'sabba-sankhāra-samatho' (S. i, 136) ti ca ādinā Satthārā suṭṭhu desito dhammo. Nibbānaṇ mayā ajja paribhuttaṇ ti yojanā.

Paripunṇa-tthera-gāthā-vanṇanā

Niṭṭhitā.

¹ B. visatṭha.

² A, B. atimataṇ; C, S. abhi° as below.

³ B. kabhāgaṇ.

⁴ A. anattaṇ; B. santaṇ; C. S. anantaṇ.

VIJAYA

[14] *Yass' āsavā parikkhīṇā* ti,¹ āyasmato Vijaya-ttherassa gāthā. Ayam pi purima-buddhesu katādhikāro Piyadassissa Bhagavato kāle vibhava-sampanne kule nibbattitvā, viññutaṇ patto Satthari parinibbute tassa thūpassa ratana-khacitaṇ vedikaṇ kāretvā, tattha ulāraṇ vedika-mahaṇ kāresi. So tena puñña-kammena aneka-sate attabhāve maṇi-obhāsen' eva vicari. Evaṇ deva-manussesu saṇsaranto imasmiṇ Buddh' uppāde Sāvattiyaṇ brāhmaṇa-kule nibbatti; Vijayo ti 'ssa nāmaṇ ahoṣi. So vayappatto, brāhmaṇa-vijjāsu nipphattiṇ gato, tāpasa-pabbajjaṇ pabbajitvā, araṇṇāyatane jhāna-lābhī hutvā viharanto, Buddh' uppādaṇ sutvā, uppanna-pasādo Satthu santikaṇ upasankamitvā, Satthāraṇ vanditvā, ekamantaṇ nisīdi. Tassa Satthā dhammaṇ desesi. So dhammaṇ sutvā, pabbajitvā, vipassanaṇ paṭṭhapetvā, na cirass' eva arahattaṇ pāpuṇi. Tena vuttaṇ *Apadāne* (i, 171)²:

Nibbute lokanāthamhi Piyadassī-naruttame

Pasanna-citto sumano ratana³-vedim akās' ahaṇ . . .
pe . . .

Arahattaṇ pana patvā aññaṇ byākaronto, *yass' āsavā parikkhīṇā* tigātham abhāsi. Tattha *yass' āsavā parikkhīṇā*⁴ ti, yassa uttama-puggalassa kāmāsavādayo cattāro āsavā sabbaso khīṇā, ariya-maggena khepitā. *Āhāre ca anissito* ti, yo ca āhāre taṇhā-ditṭhi-nissayehi anissito, agathito,⁵ anajjhāpanno. Nidassanā-mattaṇ āhāra-sisen' ettha cattāro pi paccayā gahitā ti daṭṭhabbaṇ; paccaya-pariyāyo vā idha *āhāra*-saddo veditabbo. *Suññato animitto* cā ti, ettha appaṇihita-vimokkho pi gahito yeva; tñpi pi c' etāni nibbānass' eva nāmāni. Nibbānaṇ hi rāgādīnaṇ abhāvena suññaṇ; tehi suññā vimutti cā ti, suññatā-vimokkho. Ta-thā rāgādi-nimittābhāvena saṅkhāra-nimittābhāvena ca animittan; tehi vimuttañ cā ti animitta-vimokkho; rāgādi-

¹ Cf. Dh. v. 93 (Anuruddha).

² Under title Vedikāraka.

³ Ap. Buddha°.

⁴ Dh. ii, 175.

⁵ A. agatito; B. agadhito; S. anadhigato.

paṇidhīnaṃ abhāvena appaṇihitaṃ; tehi vimuttañ cā ti appaṇihito *vimokkho* ti vuccati. Phala-samāpatti-vasena taṃ ārammaṇaṃ katvā viharantassa ayam pi tividho vimokkho.

Yassa gocaro ākāse va sakuntānaṃ padaṃ tassa durannayaṃ ti, yathā ākāse gacchantānaṃ sakupānaṃ imasmiṃ tḥāne pādehi akkamitvā gatā idaṃ tḥānaṃ sīsena, idaṃ urena¹ paharitvā, idaṃ pakkhehi ti na sakkā ñātuṃ,² evam eva eva-rūpassa bhikkhuno niraya-ppadādīsu iminā nāma padena gato ti paññāpetuṃ va na sakkā ti.³

Vijaya-tthera-gāthā-vaṇṇanā
Nīthitā.

ERAKA

Dukkha kāmā, Erakā ti, āyasmato Eraka-ttherassa gāthā. Ayam pi purima-buddhesu katādhikāro tattha tattha bhava puññāni upacinanto Siddhatthassa Bhagavato kāle kula-gehe nibbattitvā, viññutaṃ patto ekadivasaṃ Satthāraṃ disvā, pasanna-mānaso Satthu kiñci dātabba-yuttakaṃ ala-bhanto, 'Handāhaṃ kāya-ssāraṃ⁴ puññaṃ karissāmi' ti Satthu gamana-maggaṃ sodhetvā samaṃ akāsi. Tena tathā kataṃ Satthā taṃ maggaṃ paṭipajji.⁵ So tattha Bhagavantaṃ disvā, pasanna-mānaso vanditvā, añjaliṃ paggayha, pasanna-citto yāva dassan' ūpacāraṃ samatikkamā Bud-dhārammaṇaṃ piṭiṃ avijahanto aṭṭhāsi. So tena puñña-kammaena devaloke nibbatto aparāparaṃ puññāni katvā, sugatīsu yeva saṃsaranto imasmiṃ Buddh' uppāde Sāvathiyaṃ sambhāvaniyassa kuṭumbikassa putto hutvā nibbatto; Erako ti 'ssa nāmaṃ ahosi, abhirūpo, dassanīyo, pāsādiko, iti-kattabbatāsu⁶ paramena veyyattiyena samannāgato.

Tassa mātā-pitaro kulena rūpena ācārena vayena kosalaena ca anucchavikaṃ dārikaṃ ānetvā vivāha-kammaṃ

¹ C, S. udarena.

² A, C. paññāpetuṃ.

³ As at DhA. ii, 175.

⁴ Cf. UdA. 100 (*Mucalinda*); = kāya-veyyā-vacca.

⁵ For this B. has Tena Tathāgato sattāhaṃ m. paṭipajji.

⁶ So B, S., as at JA. ii, 179; A. kattatāsu; C. kattabbākattabbesu.

akaṇṣu.¹ So tāya saddhiṃ saṇvāsena gehe vasanto pacchima-bhavikattā kenaci-d-eva saṇvega-vatthunā saṇsāre saṇvigga-mānaso Satthu santikaṃ gantvā, dhammaṃ sutvā, paṭiladdha-saddho pabbaji. Tassa Satthā kammaṭṭhānaṃ adāsi. So kammaṭṭhānaṃ gahetvā katipaya-divasātikka-mena ukkaṇṭhābhībhūto vihāsi. Atha Satthā tassa citta-ppavattiṃ ñatvā ovāda-vasena *dukkhā kāmā*, *Erakā* ti gātham abhāsi. So taṃ sutvā, 'Ayuttaṃ mayā katan², yo 'haṃ evarūpassa Satthu santike kammaṭṭhānaṃ gahetvā, taṃ vissajjetvā³ micchā-vitakka-bahulo vihāsin' ti saṇvega-jāto vipassanāya yutta-ppayutto na cirass' eva arahattaṃ pāpuṇi. Tena vuttaṃ *Apadāne* (i, 173)⁴:

Uttaritvāna nadikaṃ vanaṃ gacchati cakkhumā;

Tam addasāsiṃ⁵ Sambuddhaṃ Siddatthaṃ vara-lakkha-
naṃ . . . pe . . .

Arahā pana hutvā aññaṃ byākaronto:

Dukkhā kāmā, Eraka; na sukhā kāmā, Eraka.

Yo kāme kāmayaṭi, dukkhaṃ so kāmayaṭi, Eraka.

Yo kāme na kāmayaṭi, dukkhaṃ so na kāmayaṭi, Erakā
ti

gātham abhāsi. Tam eva Bhagavatā vutta-gāthaṃ pac-cudhābhāsi.

Tattha *dukkhā kāmā* ti, ime vatthu-kāma-kilesa-kāmā dukkha-vatthutāya vipariṇāma-dukkha-saṇsāra-dukkha-sa-bhāvato ca dukkhā; dukkhā kāmā⁶ dukkha-nipphaṭikā. Vuttaṃ h' etaṃ: 'Appassādā kāmā . . . bahu-dukkhā bahū-pāyāsā, ādīnava ettha bhiyyo' ti (M. i, 133) ādi. *Erakā* ti, paṭhamaṃ tāva Bhagavā taṃ ālapati; pacchā pana thero attānaṃ nāmena katheti. *Na sukhā kāmā* ti, kāmā nām' ete jānantassa sukhā na honti; ajānantassa pana sukhato upaṭṭhahanti. Yathāha: 'Yo sukhaṃ dukkhato adda, dukkham adakkhi sallato' ti (S. iv, 207) ādi.

Yo kāme kāmayaṭi dukkhaṃ so kāmayaṭi ti, yo satto kilesa-kāme vatthu-kāme kāmayaṭi, tassa taṃ kāmānaṃ sampatī

¹ B. agantvā vihāra-kammaṃ.

² B. katan mogha.

³ A. vissajjetvā; B. visajjento; C. vissajitvā; S. vivajjetvā.

⁴ Under title Maggadāyaka.

⁵ B. tam addasi.

⁶ B. dukkhamā; S. dukkākamā.

aparilābhatāya¹ āyatiṇ apāya-dukkha-hetutāya ca vatta-dukkha-hetutāya ca dukkhaṇ; vatthu-kāmā pana dukkhassa vatthu-bhūtā iti so dukkha-sabhāvaṇ dukkha-nimittaṇ dukkha-vatthuṇ ca kāmayaṭi ti vutto. Itaraṇ paṭipakkhavasena c' eva vatthuṇ² nāpetuṇ vuttaṇ; tasmā tass' attho vutta-vipariyāyena veditabbo.

Eraka-tthera-gāthā-vaggaṇā
Niṭṭhitā.

METTAJI

Namo hi tassa Bhagavato ti, āyasmato Mettaji-ttherassa gāthā. So kira Anomadassissa Bhagavato kāle kula-gehe nibbattitvā, viññutaṇ patto sāsane abhippasanno hutvā, bodhi-rukkhassa iṭṭhakāhi vedikaṇ cinitvā³ sudhā-parikammaṇ kāresi. Satthā tassa anumodanaṇ akāsi. So tena puñña-kamma devaloke nibbattitvā, aparāparaṇ puññāni katvā, deva-manussesu saṇsaranto, imasmiṇ Buddh' uppāde Magadha-raṭṭhe aññatarassa brāhmaṇassa putto hutvā nibbatti; Mettaji ti 'ssa nāmaṇ ahoṣi. So vayappatto kāmesu ādīnavaṇ disvā, tāpasa-pabbajjaṇ pabbajitvā, arañhe viharanto Buddh' uppādaṇ sutvā, pubba-hetunā codiyamāno Satthu santikaṇ gantvā, pavatti-nivattiyo⁴ ārabba pañhaṇ pucchitvā, Satthārā pañhe vissajjite paṭiladdha-saddho pabbajitvā, vipassanaṇ paṭṭhapetvā, arahattaṇ pāpuṇi. Tena vuttaṇ *Apadāne* (i, 173)⁵:

Anomadassissa Bhavato bodhi-vedim akās' ahaṇ
Sudhāya⁶ piṇḍaṇ datvāna paṇi-kammam akās' ahaṇ
... pe ...

Arahattaṇ pana patvā Satthāraṇ thomento,
Namo hi tassa Bhagavato Sakyaputtassa sirimato,
Ten' ayaṇ agga-pattena agga-dhammo sudesito ti

¹ A. sampatti aparilāhatāya; B. sappatisaparilāhatāya; S. sampatti samparilāha-kāmatāya; C. as above.

² A. vaca vatthuṇ; B. tam ev' attāṇ.

³ A. vinitvā. Cf. JA. vi, 432.

⁴ A, C. omī nivattiyo, but cf. UdA. 106, and *infr.* v. 97.

⁵ Under title Anuloma-dāyaka (read Anulepa°). ⁶ B. sudhāyi.

gātham abhāsi. Tattha namo ti, namakkāro. Hī ti, nipāta-mattaṇ. Tassā ti, yo so Bhagavā samatiṇsa-pāramiyo pūretvā sabba-kilese bhañjitvā¹ anuttaraṇ sammā-sambodhiṇ abhi-sambuddho. Sakyaputtassa sirīmato ti; Sakyarājassa putto ti Sakyaputto; anañña-sādhāraṇāya puñña-sampattiya ca sambhāvito uttamāya rūpa-kāya-siriya dhamma-kāya-siriya ca samannāgatattā sirimā; tassa Bhagavato Sakyaputtassa sirīmato namo atthu; taṇ namāmī ti attho. Tenā ti, tena Bhagavatā. Ayan ti, tassa dhammassa attano paccakkhatāya vadati. Agga-pattenā ti, aggaṇ sabbaññutaṇ sabbehi vā guṇehi agga-bhāvaṇ, seṭṭha-bhāvaṇ pattena. Agga-dhammo ti, aggo, uttamo nava-vidha-lokuttara-dhammo suṭṭhu avi-paritaṇ desito pavedito ti.

Mettaji-tthera-gāthā-vaṇṇanā
Nīṭhitā.

CAKKHUPĀLA

Andho 'haṇ hata-netto 'smī ti, āyasmato Cakkhupāla-ttherassa gāthā. So purima-buddhesu katādhikāro tattha tattha bhava puññāni karonto Siddhatthassa Bhagavato kāle kula-gehe nibbattitvā, viññutaṇ patto Bhagavati parinibbute thūpa-mahe kayiramāne ummā²-pupphaṇ gahetvā, thūpaṇ pūjesi. So tena puñña-kammena devaloke nibbattitvā, aparāparaṇ puññāni katvā, deva-manussesu saṅsaranto imasmiṇ Buddh' uppāde Sāvattiyaṇ Mahāsuvannaṇssa nāma kuṭumbikassa putto hutvā nibbatti; tassa Pālo ti nāmaṇ akaṇsu. Mātā tassa ādhāvitvā paridhāvitvā vicāraṇa-kāle aññaṇ puttaṇ labhati; tassa mātā-pitaro Cūlapālo ti nāmaṇ katvā, itaraṇ Mahāpālo ti vohariṇsu. Atha te vayappatte ghara-bandhanena bandhiṇsu.

Tasmiṇ samaye Satthā Sāvattiyaṇ viharati Jetavane Anāthapiṇḍikass' ārāme. Tattha Mahāpālo Jetavanaṇ gacchantehi upāsakehi saddhiṇ Satthu santike dhammaṇ sutvā, paṭiladdha-saddho kuṭumba-bhāraṇ kaniṭṭha-bhātikass' eva bhāraṇ katvā, sayāṇ pabbajitvā, laddh' upasampado ācariy'

¹ A. sūssitvā (!).

² A. C. omī ummā.

upajjhāyānaṃ santike pañca-vassāni vasitvā, vuṭṭha-vasso pavāretvā, Satthu santike kammaṭṭhānaṃ gahetvā, saṭṭhi-matte sahāya-bhikkhū labhitvā, tehi saddhiṃ¹ bhāvanānukūlaṃ vasana-ṭṭhānaṃ pariyesanto aññatarāṃ paccanta-gāmaṃ nissāya gāma-vāsikehi upāsakehi kāretvā dinnāyaṃ araṇṇāyatane paṇṇa-sālāyaṃ vasanto samaṇa-dhammaṃ karoti. Tassa akkhi-rogo uppanno; vejjo bhesajjaṃ sampādetvā adāsi. So vejjena vutta-vidhānaṃ na paṭipajji. Ten' assa rogo vaḍḍhi. So 'akkhi-roga-vūpasamanato kilesa-roga-vūpasamanam eva mayhaṃ varan ti' akkhi-rogaṃ ajjhūpekkhitvā vipassanāyaṃ yeva yutta-payutto ahosi. Tassa bhāvanaṃ ussukkāpentassa apubbaṃ acarimaṃ akkhini c' eva kilesa ca bhijjissu. So sukkha-vipassako arahā ahosi. Tena vuttaṃ *Apadāne* (i, 172)²:

Nibbuta loka-mahite³ āhutiṇaṃ paṭiggahe

Siddhatthamhi Bhagavati mahāthūpa-maho ahū . . .
pe . . .

Atha there akkhi-rogena vihāre ohīne⁴ gāmaṃ piṇḍāya gate bhikkhū disvā upāsakā, 'Kasmā thero nāgato?' ti pucchitvā, tam atthaṃ sutvā, sokābhībhūtā piṇḍapātaṃ upanetvā, 'Bhante, kiñci mā cintayittha; idāni mayam eva piṇḍapātaṃ ānetvā upaṭṭhahissāmā' ti tathā karonti. Bhikkhū therassa ovāde ṭhatvā na cirass' eva arahattaṃ patvā, vuṭṭha-vassā pavāretvā, 'Satthāraṃ vandituṃ Sāvattiṃ gamissāma, bhante' ti āhaṃsu. Thero, 'Ahaṃ dubbalo acakkhuko, maggo ca sa-upaddavo. Mayā saddhiṃ gacchan-tānaṃ tumhākaṃ parissayo bhavissati. Tumhe paṭhamaṃ gacchatha; gantvā Satthāraṃ mahāthere ca mama vandanāya vandatha. Cūlapālassa mama pavattiṃ vatvā, akkhamāṃ kathetvā, kañci purisaṃ peseyyathā' ti āha.

Te puna pi yācitvā gamanaṃ alabhantā, 'Sādhū' ti paṭi-sunitvā senāsanaṃ saṅsāmetvā, upāsake āpucchitvā, anukamena Jetavanaṃ gantvā, Satthāraṃ mahāthere ca tassa vandanāya ca vanditvā, dutiya-divase Sāvattiyaṃ piṇḍāya

¹ B. tehi suddhi-bh°.

² Under title Ummā-pupphiya.

³ So Ap. B, A. -nāthamhi altered to mahite.

⁴ A. ohito.

carantā, Cūlapālitassa taṇ pavattiṇ vatvā,¹ 'Ayaṇ, bhante, mayhaṇ bhāgineyyo, Pālito² nāma; pesissāmi nan' ti vutte, 'maggo sapaṛissayo; na sakkā etena³ gahaṭṭhena gantuṇ; tasmā pabbājetabbo' ti, taṇ pabbājetvā pesesuṇ.

So anukkamena therassa santikaṇ gantvā, attānaṇ tassa ārocetvā, taṇ gahetvā, āgacchanto antara-magge aññatarassa gāmassa sāmantaṇ araṇña-tṭhāne ekissā kaṭṭha-hāriyā gāyantiyā saddaṇ sutvā, paṭibaddha-citto hutvā, yaṭṭhi-koṭiṇ vissajjetvā, 'Tiṭṭhatha, bhante, muhuttaṇ yāvāhaṇ āgacchami' ti vatvā, tassa santikaṇ gantvā, tattha sīla-vippattiṇ pāpuṇi. Thero, 'idāni m' eva itthiyā gīta-saddo sutto. Sāmaṇero cirāyati. Nanu sīla-vipattiṇ patto⁴ bhavissati?' ti cintesi. So pi āgantvā, 'Gacchāma, bhante' ti āha. Thero, 'Kiṇ! Pāpo jāto'si?' ti pucchi. Sāmaṇero tuṇhi hutvā puna pucchito pi na kathesi. Thero, 'Tādisena pāpena mayhaṇ yaṭṭhi-gaḥaṇa-kicchaṇ n' atthi. Gaccha tvan' ti vatvā; puna tena, 'Bahu-parissayo maggo. Tumhe ca andho. Kathaṇ gamissathā?' ti vutte pana, 'Bāla, idh' eva me nipajjitvā marantassāpi aparāparaṇ pavattentassāpi tādisena gamanaṇ nāma n' atthi' ti imam atthaṇ dasento,

Andho 'haṇ hata-netto 'smi, kantār' addhāna pakkhano,⁵

Sayamāṇo pi gacchissaṇ na sahāyena pāpena ti gātham abhāsi. Tattha *andho* ti, cakkhu-vikalo. *Hata-netto* ti, vinaṭṭha-cakkhuko, Etena payoga-vipatti-vasenāhaṇ upahata-nettatāya andho; na jaccandha-bhāvenā ti yathā-vuttaṇ andha-bhāvaṇ viseseti. Atha vā *andho* ti; idaṇ 'andhe jinne mātā-pitaro posemi⁶' ti (M. ii, 48) ādisu viya maṇsa-cakkhum eva vekalla-dīpanaṇ. 'Sabbe pi 'me paribbājakā andhā acakkhukā' (Ud. 67).⁷ 'Andho eka-cakkhu, dvi-cakkhū' ti (A. i, 128) ādisu viya, na paññā-cakkhu-vekalla-dīpanan ti dassetuṇ *andho 'haṇ, hata-netto 'smi* ti vuttaṇ. Tena mukhyam eva andha-bhāvaṇ dasseti.

¹ B. pattiṇ patvā.

² B. ekena.

³ A, C. pakkanto.

⁷ Cf. UdA. 341.

² B. Pāliko.

⁴ A. vipatto; B. -pattipatto.

⁵ MSS. poseti.

*Kantār' addhāna pakkhanno*¹ ti, kantāre vivane² dīgha-maggaṇ anupaviṭṭho, na jāti-kantārādi-gaḥaṇaṇ saṇsār' addhānaṇ paṭipanno ti adhippāyo. Tādisaṇ hi kantār' addhānaṇ ayaṇ thero samatikkamitvā tṭhito. *Sayamāno* ti, sayanto pi pādesu avahantesu urena jaṇṇukāhi ca bhūmiyaṇ sayanto³ parivattento pi na gaccheyyaṇ. *Na sahāyena pāpenā* ti, tādisena pāpa-puggalena sahāya-bhūtena saddhiṇ na gacchissan ti yojanā.

Tan sutvā itaro saṇvega-jāto, 'Bhāriyaṇ vata mayā sāhasika-kammaṇ katan' ti bāhā paggayha pakkandanto vana-saṇḍaṇ pakkhanno va ahoṣi. Atha therassa sila-tejena paṇḍu-kambala-silāsanaṇ uṇhākāraṇ dasseti.⁴ Tāya Sakko taṇ kāraṇaṇ ñatvā, therassa santikaṇ gantvā, Sāvatti-gāmi-purisaṇ viya attānaṇ ñāpetvā yaṭṭhi-koṭiṇ gaṇhanto maggaṇ sankhipitvā tadah' eva sāyanhe Sāvattiyaṇ therāṇ netvā, tattha Jetavane Cūlapālitenā kārītāya paṇṇa-sālāya phalake nisīdāpetvā, tassa sahāya-vaṇṇena therassa āgata-bhāvaṇ jānāpetvā, pakkāmi. Cūlapālito taṇ yāva-jīvaṇ sakkaccaṇ upaṭṭhāsi ti.

Cakkhupāla-tthera-gāthā-vaṇṇanā
Nīṭṭhitā.

KHAṆḌASUMANA

Ekapupphaṇ cajivānā ti, āyasmato Kaṇḍasumana-ttherassa gāthā. So kira Padumuttarassa Bhagavato kāle kulagehe nibbattitvā viññutaṇ patto Satthari parinibbute tassa thūpaṇ samantato candana-vedikāya parikkhipitvā mahantaṇ pūjaṇ akāsi.⁵ So tena puñña-kammena deva-manussesu ulāra-sampattiṇ anubhavanto Kassapassa Bhagavato kāle kuṭumbika-kule nibbatto, Satthari parinibbute kanaka-thūpaṇ uddissa raññā puppha-pūjāya kayiramānāya pupphāni alabhanto ekaṇ khaṇḍa-sumana-pupphaṇ disvā, ma-

¹ A, C. pakkanto.

² A, C. viya vane; B. vivane; S. vivarena.

³ B. saṇsanto; A. paṇappanto; S. sampanno.

⁴ A. -silāyaṇ . . . dassitāya Sakko; C. dasseti. Tena Sakko. . .

⁵ C. *mises up the first two* §§.

hatā mūlena taṇ vikkīṇitvā, gāhanto cetiye pūjaṇ karonto, ulāraṇ pīti-somanassaṇ uppādesi. So tena puñña-kammena devaloke nibbattitvā asīti vassa-koṭiyo sagga-sukhaṇ anubhavitvā, imasmiṇ Buddh' uppāde Pāvāyaṇ Malla-rāja-kule nibbatti. Tassa jāta-kāle gehe khaṇḍa-sakkharā sumana-pupphāni ca ussannāni¹ ahesuṇ. Ten' assa Khaṇḍa-sumano ti nāmaṇ akaṇsu. So viññutaṇ patto Bhagavati Pāvāyaṇ Cundassa ambavane viharante upasankamitvā, dhammaṇ sutvā, paṭiladdha-saddho pabbajitvā, vipassanāya kammaṇ karonto na cirass' eva chaḷabhiñño ahosi. Tena vuttaṇ *Apadāne* (i, 172)²:

Padumuttaro nāmo jīno loka-jetṭho narāsaḥho

Jalitvā aggi-kkhandho 'va sambuddho parinibbuto

... pe ...

Arahattaṇ pana patvā attano purima-jātiṇ anussaranto tattha attano sumana-puppha-pariccāgassa sagga-sampattinimittakaṇ³ nibbān' ūpanissayatañ ca disvā, udāna-vasena tam atthaṇ pakāsentō,

Ekapupphaṇ cajitvāna asīti vassa-koṭiyo

Saggesu paricāretvā sesaken' amhi nibbuto ti

gātham abhāsi. Tattha *ekapupphaṇ* ti, ekaṇ kusumaṇ, taṇ pana idha sumana-pupphaṇ adhippetāṇ. *Cajitvāna* ti, Satthu thūpa-pūja-karaṇa-vasena paricajitvā, paricāga-hetu. *Asīti vassa-koṭiyo* ti, manussa-gaṇanāya vassānaṇ asīti koṭiyo; accanta-saṇyoge c' etaṇ upayoga-vacanaṇ. Idañ ca chasu kāma-saggesu dutiye aparāpar' uppatti-vasena vuttan ti veditabbaṇ. Tasmā *saggesū* ti, Tāva-tiṇsa-sankhāte sagga-loke; punappunaṇ uppajjana-vasena h' ettha bahu-vacanaṇ. *Paricāretvā* ti,⁴ rūpādisu ārammaṇesu indriyāni paricāretvā, sukhaṇ anubhavitvā, dev' accharāhi vā attānaṇ

¹ C, S. uppannāni.

² Under title Sāparivāriya (also ascribed to v. 25).

³ A. nimittata; B. nimittataṇ; S. nimittaṇ.

⁴ A. parivār°; cf. PvA. 58 (dibbesu kāmaguṇesu attano indriyāni ito o' ito ca yathā sukhaṇ cārenti); UdA. 365 (kāme paribhuñjantā indriyāni paricārentā); ib. 334 (indriyāni samantato cāressanti, kilāpessanti).

paricāretvā, upaṭṭhapetvā. *Sesaken' amhi nibbuto* ti, puppha-pūjāya vasena pavatta-kusala-cetanāsu bhava-sampatti-dāyaka-kammato sesena¹; yaṇ tattha vivatṭ' ūpanissaya-bhūtaṇ, taṇ sandhāya vadati. Bahavo tattha pubbāpara-vasena pavattā cetanā. *Sesakenā* ti, tass' eva² kammassa vipākāvasesena saha³-parikkhīṇe yeva tasmiṇ kamma-vipāke nibbuto amhi; kilesa-parinibbānena parinibbuto 'smi. Etena yasmiṇ attabhāve ṭhatvā attanā arahattaṇ sacchikataṇ, so pi carim' attabhāvo tassa kamma-vipāko ti dasseti; yādisaṇ sandhāya aññathāpi tass' eva kammassa vipākāvasesenā ti vuttaṇ.

Khaṇḍa-sumana-tthera-gāthā-vapṇanā
Niṭṭhitā.

TISSA (B)⁴

Hutvā satapalaṇ⁵ kaṇsaṇ ti, āyasmato Tissa-ttherassa gāthā. Ayam pi purima-buddhesu katādhikāro Vipassissa Bhagavato kāle yāna-kāra-kule nibbattitvā viññutaṇ patto ekadivasaṇ Bhagavantaṇ disvā, pasanna-mānaso candana-kkhaṇḍena phalakaṇ katvā Bhagavato upanāmesi. Tañ ca Bhagavā paribhuñji. So tena puñña-kammena devaloke nibbattitvā, aparāparaṇ puññāni katvā, deva-manussesu saṇsaranto imasmiṇ Buddh' uppāde Roruva⁶-nagare rājakule nibbatti. So vayappatto pitari kālaṇ kate rajje patiṭṭhito Bimbisāra-rañño adiṭṭha-sahāyo hutvā, tassa maṇimutta-vatthādini paṇṇākārāni pesesi. Tassa rājā Bimbisāro puññavantataṇ sutvā, paṭipābhataṇ pesento citta-paṭe *Buddhacaritaṇ*, suvaṇṇa-patte ca *Paṭicca-samuppādaṇ* likhāpetvā pesesi. So taṇ disvā purima-buddhesu katādhikāratāya pacchima-bhavikatāya ca citta-paṭe dassentaṇ *Buddhacaritaṇ* suvaṇṇa-pattake likhitaṇ paṭicca-samuppāda-kam-

¹ A. sesaṇ tattha; B. sese yaṇ; S. sesenāyaṇ.

² A. itaraas' eva.

³ B. pāpaparikk^o.

⁴ =v. 862.

⁵ A. pākaṇ; B. balāṇ; C. palaṇ; S. phala^o.

⁶ A, C, S. Roruva (=Niraya; cf. SA. i, 81); B. Roguva, Roruka (*later* Roruva), cap. of Sovira (*Buddhist India*, p. 38).

mañ¹ ca oloketvā, pavatti-nivattiyo sallakkhetvā, sāsana-kkamaṇ hadaye t̥hapetvā, sañjāta-saṇvego. 'Dit̥tho mayā Bhagavato veso sāsana-kkamo ca eka-padesena ñāto; bahu-dukkhā kāmā bahūpāyāsā. Kiṇ 'dāni mayhaṇ gharāvā-senā?' ti rajjaṇ pahāya, kesa-massuṇ ohāretvā, kāsāyāni vatthāni acchādentō Bhagavantaṇ uddissa pabbajitvā, mat-tikā-pattaṇ gahetvā, Rājā-Pukkusaṭi viya mahājanassa paridevantass' eva nagarato nikkhamitvā, anukkamena Rājagahaṇ gantvā, tattha Sappasonḍika²-pabbhāre viha-rantaṇ Bhagavantaṇ upasankamitvā, vanditvā, ekamantaṇ nisīdi. Satthā dhammaṇ desesi. So dhamma-desanaṇ su-tvā, vipassanāya kammaṭṭhānaṇ gahetvā, yutta-payutto viharanto vipassanaṇ ussukkāpetvā arahattaṇ pāpuṇi. Te-na vuttaṇ *Apadāne* (i, 174)³:

Yāna-kāro pure āsiṇ dāru-kamme susikkhito;

Candane⁴ phalakaṇ katvā adāsiṇ Loka-bandhuno . . .

pe . . .

Arahattaṇ pana patvā udāna-vasena attano paṭipattiṇ kathento,

Hitvā sata-palaṇ⁵ kaṇsaṇ sovaṇṇaṇ sata-rājikaṇ,

Aggaṇhiṇ mattikā-pattaṇ; idaṇ dutiyābhisecaṇ ti gātham abhāsi. Tattha *hitvā* ti, pariccajitvā. *Sata-palan* ti, sataṇ palāni yassa,⁶ taṇ sata-palaṇ, sata-pala-parimāṇaṇ. *Kaṇsaṇ* ti, kaṇsa-tālaṇ.⁷ *Sovaṇṇaṇ* ti, suvaṇṇa-mayaṇ. *Sata-rājikaṇ* ti, vibhatti-vicittatāya⁸ ca aneka-rūpa-sata-rāji-vicittatāya⁹ ca aneka-lekhā-yuttaṇ. *Aggaṇhiṇ mattikā-pattaṇ* ti, evarūpe mahārahe bhājane pubbe bhuñjitvā, Buddhānaṇ ovādaṇ karonto idānāhaṇ taṇ chaḍḍetvā mat-

¹ A. pādanukkamaṇ.

² A, B. Sabba°; S. Sappi°; cf. Vin. ii, 76; D. ii, 116; S. iv, 40.

³ Under title Phalaka-dāyaka.

⁴ B. candanena.

⁵ A. dasabalaṇ; B. satabalaṇ; S. sata-phala.

⁶ A, B. yassa satabalaṇ.

⁷ A. pālaṇ.

⁸ A, B. bhittiviciittakāya; C, S. vibhattaviciittatāya. Cf. for vibhatti JA. vi, 432. For satarājika, cf. JA. vi, 510 (kaṇse sovaṇṇe satarājike).

⁹ A. rājinitatāya; B. rājavitatāya; C. aneka-rūpa-rājini. vicitt°; S. rājiti°. Cf. VvA. 277 (aneka-satāhi rājīhi lekhaṇhi cittaṭṭā . . . ima ca nābhyo sata-rājicittā).

tikā-mayaṇ pattaṇ aggahesiṇ, 'Aho sādhu mayā katan Ariya - vataṇ¹ anuṭṭhitan' ti bhājana² - kittaṇāpadesena rajja-pariccāgaṇ pabbajj' ūpagamanañ³ ca anumodento vadati. Ten' āha idañ dutiyābhisecanan ti; paṭhamaṇ rajjābhisecanaṇ upādāya, idañ pabbajj' ūpagamanaṇ mama dutiyaṇ abhisecanan ti. Taṇ hi rāgādihi sankiliṭṭhaṇ sātika-sadisaṇ kammaṇ⁴ anatta-saṇhitaṇ dukkha-paṭibandhaṇ nihīnaṇ. Idañ pana taṇ vipariyāyato uttamaṇ paṇitan ti adhippāyo.

Tissa-tthera-gāthā-vapṇanā
Niṭṭhitā.

ABHAYA (B)⁵

Rūpaṇ disvā sati mutṭhā ti, āyasmato Abhaya-ttherassa gāthā. So pi purima-buddhesu katādhikāro tattha tattha bhava vivatṭ' ūpanissayaṇ puññaṇ upacinanto Sumedhassa Bhagavato kāle kula-gehe nibbattitvā, viññutaṇ patto ekadivasaṇ Sumedhaṇ Bhagavantaṇ disvā, pasanna-citto salaḷa-pupphehi pūjam akāsi. So tena puñña-kammena devesu nibbattitvā aparāparaṇ puññāni katvā sugatīsu yeva saṇsaraṇto imasmiṇ Buddh' uppāde Sāvattiyaṇ brāhmaṇa-kule nibbattitvā Abhaya ti laddha-nāmo, viññutaṇ patto hetu-sampattiyā codiyamāno, ekadivasaṇ vihāraṇ gato Satthu dhamma-desanaṇ sutvā, paṭiladdha-saddho pabbajitvā katta-pubba-kicca vipassanāya kammaṇ karonto viharati. Ath' assa ekadivasaṇ gāmaṇ piṇḍāya pavitṭhassa alankata-paṭiyattaṇ mātugāmaṇ disvā, ayoniso manasikāra-vasena tassa rūpaṇ ārabba chanda-rāgo uppajji. So vihāraṇ pavisitvā, 'satiṇ vissajjitvā olokentassa rūpāraṇṇaṇ mayhaṇ kilesa uppauno. Ayuttaṇ mayā katan' ti attano cittaṇ nigganṇhanto tāva-d-eva vipassanaṇ vadḍhetvā, arahattaṇ pāpuṇi. Tena vuttaṇ *Apadāne* (i, 174)⁶:

¹ A. ariyantaṇ.

² S. bhatta-bhājana°.

³ A. pabb. agamanaṇ.

⁴ A, S. sāsaṅkha-parisaṅka kammaṇ.

⁵ Another at v. 26. Cf. v. 794; S. iv, 73.

⁶ Under title Vāṭṭasakīya.

Sumedho nāma nāmena sayambhū aparājito

Vivekam anubrūhanto ajjhogāhi mahāvanaṃ . . .

pe . . .

Arahattaṃ pana patvā attano kiles' uppatti-nidassanena kilese anuvattentassa 'vaṭṭa-dukkhato na tveva sīs' ukkhepanaṃ¹; ahaṃ pana te nānuvattin' ti dassento,

Rūpaṃ disvā sati muṭṭhā piya-nimittaṃ manasikaroto²

Sāratta-citto vedeti taṃ ca ajjhosa tiṭṭhati,

Tassa vaḍḍhanti āsavā bhava-mūlopagāmino³ ti

gātham abhāsi. Tattha *rupaṃ*⁴ ti, rajaniya-rūpāyatanaṃ; taṃ pan' ettha itthi-rūpaṃ adhippetāṃ. *Disvā* ti, cakkhunā disvā; cakkhu-dvārānusārena nimittānubyañjana-salakkhaṇa⁵-vasena taṃ gahetvā; tassa vā tathā gahaṇa-hetū ti attho. *Sati muṭṭhā* ti, asubha-bhāve kāye asubhaṃ tveva pavattanaka-sati naṭṭhā. Yathā pana rūpaṃ disvā sati naṭṭhā, taṃ dassento āha *piya-nimittaṃ manasikaroto* ti; yathā upaṭṭhitaṃ ārammaṇaṃ subhaṃ sukhaṃ ti ādinā piya-nimittaṃ katvā ayoniso manasikārena manasikaroto sati muṭṭhā ti yojanā.

Tathā tato ca⁶ *sāratta-citto vedeti* ti, suṭṭhu ratta-citto hutvā taṃ rūpārammaṇaṃ anubhavati, abhinandati; abhinandanto pana taṃ ca ajjhosa⁷ tiṭṭhati, ajjhosāya taṃ ārammaṇaṃ gilitvā,⁸ pariniṭṭhapetvā vattati c' eva. Evaṃbhū-tassa ca tassa *vaḍḍhanti āsavā bhava-mūlopagāmino* ti; bhavassa saṃsāraassa mūla-bhāvaṃ kāraṇa-bhāvaṃ upagāmana⁹-sabhāva kāmāsavādayo cattāro pi āsavā tassa puggalassa uparupari vaḍḍhanti yeva, na hāyanti. Mayhaṃ pana paṭisankhāne ṭhatvā, vipassanaṃ vaḍḍhetvā, saccāni paṭi-vijjhantassa magga-paṭipātiyā te cattāro pi āsavā anavase-sato pahīnā, parikkhīṇā ti adhippāyo.

Abhaya-tthera-gāthā-vannaṃ
Niṭṭhitā.

¹ C, S. ukkhepanaṃ.

² A. samuṭṭhā and manasikaronto throughout.

³ C. bhavamūla bhavagāmino.

⁴ Cf. ThagA. on v. 794 ff.

⁵ A, C. upalakkhaṇa.

⁶ B. tathābhūto vā.

⁷ =ajjhosāya.

⁸ As at SA. ii, 384.

⁹ A upakaraṇa.

UTTIYA (B)

Saddaṇ sutvā sati mutṭhā ti, āyasmato Uttiya-ttherassa gāthā. Ayam pi purima-buddhesu katādhikāro tattha tattha bhava vivatt' ūpanissayaṇ puññaṇ upacinanto Sume-dhassa Bhagavato kāle kula-gehe nibbattitvā, viññutaṇ patto ekadivasaṇ Satthāraṇ disvā pasanna-citto gonakādi-atthataṇ sa-uttaracchadaṇ Buddhārahaṇ pallankaṇ gandha-kuṭiyaṇ paññāpetvā adāsi. So tena puñña-kammena deva-manussesu saṅsaranto imasmiṇ Buddh' uppāde Kapilavat-thusmiṇ Sakyarāja-kule nibbatti; tassa Uttiyo ti nāmaṇ ahoṣi. So vayappatto Satthu ñāti-samāgame Buddhānu-bhavaṇ disvā paṭiladdha-saddho pabbajitvā, samaṇa-dhammaṇ karonto, ekadivasaṇ gāmaṇ piṇḍāya pavitṭho antarā-magge mātugāmassa¹ gīta-saddaṇ sutvā, ayoniso manasi-kāra-vasena tattha chanda-rāge uppanne paṭisankhāna-balena taṇ vikkhambhetvā, vihāraṇ pavisitvā, sañjāta-saṇvego divā-tṭhāne nisīditvā, tāva-d-eva vipassanaṇ vaḍ-dhetvā, arahattaṇ pāpuṇi. Tena vuttaṇ *Apadāne* (i, 175)²:

Sumedhassa Bhagavato loka-jetṭhassa tādino

Pallanko hi mayā dinno sa-uttara-cchad' atthato³

. . . pe . . .

Arahattaṇ pana patvā attano kiles' uppatti-nidassanena⁴ kilese ajiggucchantassa n' atthi vatta-dukkhato sīs' ukkhi-panaṇ, 'ahan pana te jigucchim evā' ti dassento,

Saddaṇ sutvā sati mutṭhā piya-nimittaṇ manasikaroto,

Sāratta-citto vedeti, taṇ ca ajjhosa tiṭṭhati;

Tassa vaḍḍhanti āsavā saṅsāram upagāmino ti⁵

gātham abhāsi. Tattha *saddaṇ* ti, rajanīyaṇ saddārammaṇaṇ, *Saṅsāram upagāmino* ti,

Khandhānaṇ ca paṭipāti dhātu-āyatanānaṇ ca

Abbocchinnaṇ vattamānaṇ, saṅsāro ti pavuccati ti.⁶

¹ C, S. aññatarāya itthiyā.

² Under title Pallankadāyaka.

³ A. uttarassa sacchado; B, Ap. uttarasapacchado; S. sauttaracchado.

⁴ A. nissandena.

⁵ Cf. vv. 796-7.

⁶ Cf. on v. 67.

Evaṃ vuttaṃ saṃsāra-vatṭa-kāraṇaṃ hutvā upagamenti ti, saṃsāram upagāmino. Saṃsār' upagāmino ti vā pāṭho; sesaṃ anantara-gāthāya vutta-nayam eva.

**Uttiya-tthera-gāthā-vannaṇā
Niṭṭhitā.**

DEVASABHA (B)

Sammappadhāna-sampanno ti, āyasmato Devasabhassa therassa gāthā. Ayam pi purima-buddhesu katādhikāro tattha tattha bhava vivaṭṭ' ūpanissayaṃ kusalaṃ upacinanto Sikhissa Bhagavato kāle kula-gehe nibbattitvā, viññutaṃ patto ekadivasaṃ Sikhīṃ Bhagavantaṃ disvā, pasanna-mānaso bandhujīvaka-pupphehi pūjaṃ akāsi. So tena puñña-kammena deva-manussesu saṃsaranto imasmiṃ Buddh' uppāde Kapilavatthusmiṃ Sakya-rāja-kule nibbatti; tassa Deva-sabho¹ ti nāmaṃ ahosi. So vayappatto cumbaṭa-kalaha-vūpasam' atthaṃ Satthari gate,² Buddhānubhavaṃ disvā, pasanna-mānaso saraṇesu paṭiṭṭhito, puna Nigrodhārāme Satthari viharante, Satthāraṃ upasankamitvā paṭiladdha-saddho pabbajitvā, kata-pubba-kiccaṃ vipassanāya kammaṃ karonto na cirass' eva arahattaṃ pāpuṃ. Tena vuttaṃ *Apadāne* (i, 175)³:

Candaṃ va vimalaṃ suddhaṃ vippasannam anāvilāṃ

Nandi-rāga⁴-parikkhīṇaṃ tinnāṃ loke visattikaṃ . . .

pe . . .

Arahattaṃ pana patvā, attanā adhigataṃ vimutti-sukhaṃ nissāya uppanna-pīti-somanasso udāna-vasena,

Sammappadhāna-sampanno satipaṭṭhāna-gocaro

Vimutti-kusuma-sañchanno parinibbissatvā anāsavo ti gātham abhāsi.

Tattha *sammappadhāna-sampanno* ti, sampanna-catubbidha-sammappadhāno; tehi kattabba-kiccaṃ sampādetvā ṭhito ti attho. *Satipaṭṭhāna-gocaro* ti, kāyānupassanādayo

¹ A. vasabho.

² Cf. JA. v, 413; Vin. iii, 140; VinA. iii, 555; VvA. 73; SA. ii, 145.

³ Under title Bandhujīvaka.

⁴ Ap. B. bhava.

satipaṭṭhāna-gocarō pavattiṭṭhānaṃ etassā ti, sati-paṭṭhāna-gocarō; catusu satipaṭṭhānesu supatiṭṭhita-citto ti attho. Guṇa-sobhena-parama-sugandhā vimutti yeva, kusumāni; tehi sabbaso samma-d-eva sañchanno, vibhūsito, alankato ti, *vimutti-kusuma-sañchanno*. *Parinibbissaty anāsavo* ti, evaṃ sammā paṭipajjanto bhikkhu na cirass' eva anāsavo hutvā parinibbissati, sa-upādisesāya anupādisesāya ca nibbāna-dhātuyā ti attho. Idam eva ca therassa aññā-byākaraṇaṃ ahoṣi.

Devasabha-tthera-gāthā-vaṇṇanā

Niṭṭhitā.

Dasama-vagga-vaṇṇanā Niṭṭhitā.

BELAṬṬHĀNIKA.

[15] *Hitvā gihī tvaṃ anavositatto* ti ādikā āyasmato Belaṭṭhānika¹-ttherassa gāthā. Ayam pi purima-buddhesu katā-dhikāro ito ekaṇṇeṣe kappe Vessabhussa Bhagavato kāle brāhmaṇa-kule nibbattitvā, vayappatto brāhmaṇa-sippesu nipphattiṃ patvā, gharāvāsaṃ pahāya, isi-pabbajjaṃ pabbajitvā, isihi parivuto vicaranto ekadivasaṃ Vessabhūṃ Bhagavantaṃ disvā, pīti-somanassa-jāto Satthu ñāṇa-sampattiṃ nissāya pasanna-mānaso ñāṇaṃ uddissa pupphehi pūjaṃ akāsi. So tena puñña-kammaṇa deva-manussesu saṃsaranto imasmiṃ Buddh' uppāde Sāvattiyaṃ brāhmaṇa-kule nibbattitvā, Belaṭṭhāniko ti laddha-nāmo viññutaṃ patto Satthu dhamma-desanaṃ sutvā, paṭiladdha-saddho pabbajitvā, kammaṭṭhānaṃ gahetvā, Kosala-raṭṭhe araññe viharanto alaso kāya-daḍḍhi²-bahulo pharusa-vāco ahoṣi; samaṇa-dhamme cittaṃ na uppādesi. Atha naṃ Bhagavā ñāṇa-paripākaṃ oloketvā,

Hitvā gihī tvaṃ anavositatto

Mukha-nangalī odariko kusīto

Mahāvarāho 'va nivāpa-putṭho

*Punappunaṃ gabbhaṃ upeti mando ti*³

¹ A, B, C. *thus*; S. Belaṭṭhakānika; *Text*, Belaṭṭhakāni.

² A. *omits*; C. *dalhi*°.

³ Dh. p. v. 325; cf. *supr.* v. 17.

imāya obhāsa-gāthāya¹ saṇvejesi. So Satthāraṇ purato nisinnaṇ viya disvā, tañ ca gāthaṇ sutvā, saṇvega-jāto ñāṇassa paripākaṇ gatattā vipassanaṇ paṭṭhapetvā, na cirass' eva arahattaṇ pāpuṇi. Tena vuttaṇ *Apadāne* (i, 167)²:

Kaṇikāraṇ va jotantaṇ nisinnaṇ pabbat' antare
Obhāsentaṇ³ disā sabbā osadhī viya tārakaṇ . . .
pe . . .

Arahattaṇ pana patvā Satthu ovādaṇ paṭipūjento bya-tireka-mukhena ca aññaṇ byākaronto tam eva gāthaṇ pac-cudābhāsi. Tattha *hitvā gihī tvaṇ* ti, gahaṭṭha-bhāvaṇ pariccajivā; pabbajivā ti attho. *Anavositatto* ti, anurūpaṇ na vositatto; yad atthaṇ sāsane pabbajantassa anurūpa-paṭiññādinaṇ⁴ ataritattā अपariyosita-bhāvo; akata-karaṇiyo ti attho. Athavā *anavositatto* ti, anu-avosita-sabhāvo; vi-suddhinaṇ maggānañ ca anupaṭipātiyā vasitabba-vāsassa akatāvi, dasasu ariya-vāsesu⁵ avasitavā ti attho.

Mukha-sankhātaṇ nangalaṇ imassa atthī ti, *mukha-nangalī*; nangalena viya paṭhaviṇ paresu⁶ pharusa-vācā-ppayogena attānaṇ khaṇanto ti attho. *Odariko* ti, udare pasuto, udara-posana-tapparo. *Kuṣīto* ti, alaso, bhāvanaṇ ananuyuñjanto; evaṇ bhūtaṇ nipphattiṇ dassento āha

Mahāvarāho 'va nivāpa-putṭho

Punappunaṇ gabbham upeti mando ti.

Tass' attho heṭṭhā vutto yeva.⁷ Ettha ca yathā pabbajivā anavositādi-sabhāvatāya punappunaṇ gabbham upeti mando, na evaṇ mādiso paṇḍito: tabbiparita-sabhāvatāya pana sammā-paṭipattiyaṇ matthakaṇ pāpitattā parinibbāyati ti byatireka-mukhena aññaṇ byākāsi ti daṭṭhabbaṇ.

Belatṭhānika-tthera-gāthā-vannaṇā
Niṭṭhitā.

¹ A, C. obhāsa (cf. olārika-obhāsa); B. ovāda.

² *Under title* Campaka-pupphiya. .

³ A, B, C. obhāsantaṇ.

⁴ MSS. pariññā°.

⁵ A. vādesu.

⁶ A. padasesu; B. padesu.

⁷ *On* v. 17.

SETUCCHA

Mānena vañcitāse ti, āyasmato Setuccha-ttherassa gāthā. Ayam pi purima-buddhesu katādhikāro tattha tattha bhava vivatt' ūpanissayaṇ puññaṇ upacinanto Tissassa Sammā-sambuddhassa kāle kula-gehe nibbattitvā, viññutaṇ patvā ekadivasaṇ Tissaṇ Bhagavantaṇ disvā, pasanna-mānaso sumadhuraṇ panasa-phalaṇ abhisammataṇ¹ nālikera-sālavaṇ² adāsi. So tena puñña-kammena devaloke nibbattitvā, aparāparaṇ deva-manussesu saṇsaranto imasmiṇ Buddh' uppāde aññatarassa maṇḍalika-rañño³ putto hutvā nibbatti; Setuccho ti 'ssa nāmaṇ ahosi. So pitari mate rajje patitṭhito ussāha-sampattinaṇ⁴ abhāvena rāja-kiccāni virādhento rajjaṇ para-hattha-gataṇ katvā, dukkha-ppattiyā saṇvega-jāto janapada-cārikaṇ carantaṇ Bhagavantaṇ disvā, dhammaṇ sutvā, paṭiladdha-saddho pabbajitvā, parisakkanto⁵ tadah' eva arahattaṇ pāpuṇi. Tena vuttaṇ *Apadāne* (i, 182)⁶:

Tissassa kho Bhagavato pubbe phalam adās' ahaṇ,

Nālikeraṇ ca pādāsiṇ khajjakaṇ abhisammataṇ . . .
pe . . .

Arahattaṇ pana patvā kilese garahanto,

Mānena vañcitāse sankhāresu sankilissamānāse

Lābhālābhena mathitā⁷ samādhiṇ nādhigacchanti ti gātham abhāsi. Tattha *mānena vañcitāse* ti, 'seyyo 'ham asmiṇ' ti ādi-naya-pavattena mānena att' ukkaṇsana-para-vambhanādi-vasena kusala bhaṇḍa-cchedanena vippaladdhā. *Sankhāresu sankilissamānāse* ti, ajjhattika-bahiresu cakkhādisu c' eva rūpādisu ca sankhata-dhammesu sankilissamānā; 'etaṇ mama, eso 'ham asmi, eso me attā' ti taṇ nimittaṇ⁸ taṇhā-gāhādi-vasena sankilesaṇ āpajjamānā. *Lābhālābhena*

¹ A. panaphalaṇ; MSS. abhisankhataṇ (*but see Ap.*).

² A, C. phala-sāluvaṇaṇ; B. sālavaṇ; S. sālavaṇaṇ.

³ B. maṇḍala°.

⁴ A. ussānassa sampattinaṇ; B. ussāha-satthinaṇ; C. ussāhanassa-samp°; S. ussāhanaya-samp°.

⁵ A, B. paripakkanto; C. parikammaṇ karonto; S. parisankanto.

⁶ *Under title* Khajjaka-dāyaka.

⁷ B. matikā.

⁸ B. nipattaṇ; S. nimmitaṇ.

mathitā ti, patta-cīvarādīnañ c' eva vatthādīnañ ca lābhena tañ nimittañ uppannehi anunaya-paṭighehi mathitā, madditā, abhibhūtā. Nidassana-mattañ c' etañ; avasiṭṭha-loka-dhammānañ p' ettha sangaho daṭṭhabbo: *Samādhiṃ nādhigacchantī* ti, te evarūpā puggalā samādhi-samatha-vipassanāvasena citt' ekaggatañ kadāci pi na vindanti, na paṭilabhanti, na pāpuṇanti, samādhi-saṃvattanikānañ dhammānañ abhāvato itaresañ ca bhāvato. Idhāpi yathā mānādīhi abhibhūtā te aviddasuno samādhiṃ nādhigacchanti; na evaṃ viddasuno. Te pana mādisā tehi¹ anabhibhūtā samādhiṃ adhigacchant' evā ti byatireka-mukhena aññā-byākaraṇaṃ ti veditaḥkhaṇaṃ.

Setuccha-tthera-gāthā-vapṇanā
Niṭṭhitā.

BANDHURA²

Nāhaṃ etena atthiko ti, āyasmato Bandhura-ttherassa gāthā. Ayam pi purima-buddhesu katādhikāro Siddhatthassa Bhagavato kāle aññatarassa rañño antepura-gopako hutvā, ekadivasaṃ Bhagavantaṃ sapariṣaṃ rājangane³ gacchantaṃ disvā, pasanna-citto kaṇavera-pupphāni gahetvā sasanghaṃ lokanāyakaṃ pūjesi. So tena puñña-kamma devaloke nibbatitvā aparāparaṃ sugatīsu yeva saṃsaranto imasmiṃ Buddh' uppāde Silavatī-nagare seṭṭhi-putto hutvā nibbatti; Bandhuro⁴ ti 'ssa nāmaṃ ahosi. So viññutaṃ patto kenaci-d-eva karaṇīyena Sāvattiyaṃ gato upāsakehi saddhiṃ vihāraṃ gato Satthu dhamma-desanaṃ sutvā, paṭiladdha-saddho pabbajitvā, na cirass' eva arahattaṃ pāpuṇi. Tena vuttaṃ *Apadāne* (i, 182)⁵:

Siddhattho nāma Bhagavā loka-jetṭho narāsabho

Purakkhato sāvakehi nagaraṃ paṭipajjatha . . . pe . . .

Arahattaṃ pana patvā kataññu-bhāve ṭhatvā attano upakāraḥkassa⁶ rañño paccupakāraṃ kātuṃ Silavatī-nagaraṃ

¹ B. mādisā lābhehi.

² B. yājanganena.

³ Under title Kaṇavera-pupphiya.

⁴ B. upakaraṇaṃ c' assa.

⁵ A. Chanda.

⁶ A. Candaro.

gantvā, rañño dhammaṃ desento saccāni pakāsesi. Rājā sacca-pariyosāne sotāpanno hutvā attano nagare Sudassanaṃ nāma mahantaṃ vihāraṃ kārāpetvā, therassa niyyādesi; mahālābha-sakkāro ahosi. Thero vihāraṃ sabbañ ca lābha-sakkāraṃ sanghassa niyyādetvā, sayaṃ purima-niyamen' eva piṇḍāya caritvā yāpento katipāhaṃ tattha vasitvā Sāvattthiṃ gantu-kāmo ahosi. Bhikkhū, 'Bhante, tumhe idh' eva vasatha. Sace paccayehi vekallaṃ, mayaṃ taṃ paripūres-sāmā' ti āhaṃsu. Thero, 'Na mayhaṃ, āvuso, ulārehi paccayehi attho; itaritarehi paccayehi yāpemi. Dhamma-rasen' ev' amhi titto' ti¹ dassento.

Nāhaṃ etena atthiko, sukhito dhamma-rasena tappito;

Pitvāna rasaggam uttamaṃ na ca kāhāmi visena santhavan ti

gātham abhāsi.

Tattha *nāhaṃ etena atthiko* ti; yena maṃ tumhe tappetukāmā, paripūressāmā ti vadatha, etena āmisa-lābhena paccayāmisarasena nāhaṃ atthiko. Mayhaṃ etena attho n' atthi. Santuṭṭhi paramaṃ sukhaṃ ti,² itaritareh' eva paccayehi yāpemi ti attho. Idāni tena anattika-bhāve padhānakāraṇaṃ dassento āha, *Sukhito dhamma-rasena tappito* ti; satta-tiṇsa-bodhi-pakkhiya-dhamma-rasena c' eva nava-vidha-lokuttara-dhamma-rasena ca tappito, piṇito,³ sukhito; uttamaṃ sukhena sukhito⁴ ti attho. *Pitvāna rasaggam uttamaṃ* ti, sabba-rasesu aggaṃ seṭṭhaṃ tato yeva uttamaṃ yathā-vuttaṃ dhamma-rasaṃ pitvā ṭhito. Ten' āha 'Sabbaṃ rasaṃ dhamma-raso jināti' ti (Dhp. v. 354). *Na ca kāhāmi⁵ visena santhavan* ti, evarūpaṃ ras' uttamaṃ dhamma-rasaṃ pivitvā ṭhito visena visa-sadisena visassa⁶ rasena santhavaṃ, saṃsaggaṃ, na karissāmi; tathā karaṇassa karaṇaṃ n' atthi ti attho.

Bandhura-tthera-gāthā-vanṇanā

Niṭṭhitā.

¹ C. atthiko.

² A. pītito; C. pīto.

³ A. gāhāmi.

⁴ Cf. Dhp. v. 204 (dhanag).

⁵ A. sahito; B. sukhito; S. sukhito.

⁶ B. visaya.

KHITAKA

Lahuko vata me kāyo ti, āyasmato Khitaka-ttherassa gāthā. Ayam pi purima-buddhesu katādhikāro tattha tattha bhava puññāni upacinanto Padumuttarassa Bhagavato kāle yakkhasenāpati hutvā nibbatto, ekadivasan yakkha-samāgame nisinno Satthāraṇ aññatarasmiṇ rukkha-mūle nisinnaṇ disvā, upasankamitvā, Satthāraṇ vanditvā, ekamantaṇ nisidi. Tassa Satthā dhammaṇ desesi. So dhammaṇ sutvā ulāraṇ pīti-somanassaṇ pavedento apphoṭhento utṭhahitvā, Satthāraṇ vanditvā, padakkhiṇaṇ katvā pakkāmi. So tena puñña-kammena deva-manussesu saṇsaranto imasmiṇ Buddh' uppāde Sāvattiyaṇ brāhmaṇa-kule nibbattitvā, Khitako ti 'ssa nāmaṇ ahosi. So viññutaṇ patto Mahāmoggallāna-ttherassa mahiddhika-bhāvaṇ sutvā, 'Iddhimā bhavissāmī' ti pubba-hetunā codiyamāno pabbajitvā, Bhagavato santike kammaṭṭhānaṇ gahetvā, samatha-vipassanāsu kammaṇ karonto na cirass' eva chaḷabhiñño ahosi. Tena vuttaṇ *Apadāne* (i, 181)¹:

Padumo nāma nāmena dipadindo narāsabho

Pavanā² abhinikkhamma dhammaṇ deseti cakkhumā

. . . *pe* . . .

Arahattaṇ pana patvā visesaṇ iddhisu vasī-bhāvena aneka-vihitaṇ iddhi-vidhaṇ paccānubhavanto iddhi-pāṭihāriyena ca anusāsani-pāṭihāriyena ca sattānaṇ anuggahaṇ karonto viharati. So bhikkhūhi, 'Kathaṇ tvaṇ, āvuso, iddhiṇ valañjesi?' ti puṭṭho, tam atthaṇ ācikkhanto, .

Lahuko vata me kāyo, phuṭṭho ca pīti-sukhena vipulena

Tulam iva critaṇ mālutena pilavati³ va me kāyo ti gātham abhāsi; udāna-vasenā ti pi vadanti yeva.

Tattha *lahuko vata me kāyo* ti, nīvaraṇādi-vikkhambhanaena cuddasa-vidhena citta-paridamanena caturiddhi-pāda-bhāvanāya suṭṭhu ciṇṇa-vasī-bhāvena ca me rūpa-kāyo sallahuko vata, yena dandhaṇ⁴ mahābhūta-paccayam pi nāma⁵ imaṇ

¹ Under title Supīricariya.

² B. pavarā.

³ A, B. puṭṭho and silavati.

⁴ A, B. dandhaṇ; C. ahañ ca.

⁵ A. ca nāma; B. vinā; C, S. pi nāma.

karaja-kāyaṃ citta-vasena pariṇāmemi ti adhippāyo. *Phuṭṭho ca pīti-sukhena vipulenā* ti, sabb' atthakam eva pharantena¹ mahatā ulārena pīti-sahitena sukhena phuṭṭho ca me kāyo ti yojanā. Idañ ca yathā kāyo lahuco ahosi, taṇ dassan' atthaṇ vuttaṇ. Suddha-saññokkamanena hi saddhiṃ yeva lahu-saññokkamanāṇ hoti; sukhassa pharaṇā c' ettha taṇ samuṭṭhāna-rūpa-vasena daṭṭhabbaṇ. Kathaṇ pana catuttha-jjhāna-samangino pīti-sukha-pharaṇāṇ samatikkanta-pīti-sukhaṇ hitan ti sammataṇ?² Idam pana na catuttha-jjhāna-lakkhaṇa-vasena vuttaṇ, atha kho pubba-bhāga-vasena. *Pīti-sukhenā* ti pana pīti-sahita-sadisena sukhena upekkhā hi idha santa-sabhāvatāya nāṇa-visesa-yogato ca sukhān ti adhippetāṇ. Tathā hi vuttaṇ: 'Sukha-saññāñ ca lahu-saññāñ ca okkamitvā' ti (S. v, 283; Pts. ii, 209)³; pādaka-jjhānārammaṇena [rūpa-kāyārammaṇena vā] iddhi-cittena saha-jātaṇ sukhā-saññāñ ca okkamati, pavisati, phusati,⁴ sampāpuṇāti ti (VM. 404). Ayaṇ hi tattha attho.

Tatha c' āha *Atthakathāyaṇ*⁵: 'Sukha-saññā nāma upekkhā-sampayuttā saññā; upekkhā hi santaṇ sukhān ti vuttā. Sā yeva ca saññā nīvaraṇehi c' eva vitakkādi-paccanikehi ca vimuttattā lahu-saññā ti pi veditabbā. Taṇ okkantassa pan' assa karaja-kāyo pi tūla-picu viya sallahuko hoti. So evaṇ vāta-kkhitā-tūla-picunā viya sallahukena adissamānena⁶ dissamānena ca kāyena brahma-lokaṇ gacchati' ti.

Ten' āha *tūlam iva eritaṇ mālutena pilavati*⁷ va me kāyo ti. Tass' attho: Yadāhaṇ brahma-lokaṇ aññaṇ vā iddhiyā gantu-kāmo homi, tadā mālutena, vāyunā, eritaṇ, khittaṇ tūla-picu viya ākāsaṇ langhanto yeva me kāyo hoti ti.

Khitaka-tthera-gāthā-vanṇanā Nīṭṭhitā.

¹ A, B. parantena.

² A. tanti saccam etaṇ; B. tanti ca s. e.; C, S. sammataṇ.

³ Cf. SA. iii, 261; PtsA. i, 345.

⁴ C. passati (!).

⁵ Comy. does not refer to VM., nor does VM quote source.

⁶ C. and VM omit adiss. kāy°.

⁷ A, B. silavati.

MALITAVAMBHA

Ukkaṇṭhito ti, āyasmato Malitavambha¹-ttherassa gāthā. Ayaṇ kira Padumuttarassa Bhagavato kāle Himavantato avidūre aññatarasmiṇ jāta-ssare sakūṇo hutvā nibbatti. Padumuttaro Bhagavā taṇ anuggaṇhanto² tattha gantvā jāta-ssara-tīre cankamati. Sakūṇo Bhagavantaṇ disvā pa-sanna-mānaso sare kumudāni gahetvā Bhagavantaṇ pūjesi. So tena puñña-kammena deva-manussesu saṇsaranto imasmiṇ Buddh' uppāde Bhārukaccha³-nagare aññatarassa brāhmaṇassa putto hutvā nibbatti; Malitavambho ti 'ssa nāmaṇ ahoṣi. So viññutaṇ patto Pacchābhū-mahāttheraṇ upa-sankhamitvā, tassa santike dhammaṇ sutvā, paṭiladdha-saddho pabbajitvā, vipassanāya kammaṇ karonto viharati. Tassa ca ayaṇ sabhāvo: yattha bhojana-sappāyo dullabho itare sulabhā, tato na pakkamati. Yattha pana bhojana-sappāyo sulabho, itare dullabhā, tattha na vasati, pakkamat' eva. Evaṇ viharanto ca hetu-sampannatāya mahāpurisa-jātikatāya ca na cirass' eva vipassanaṇ vaddhetvā arahattaṇ pāpuṇi. Tena vuttaṇ *Apadāne* (i, 180)⁴:

Himavantass' avidūre mahājātassaro ahu

Padum' uppala-saṇchanno puṇḍarika-samotato⁵ . . .

pe . . .

Arahattaṇ pana patvā attano paṭipattiṇ paccavekkhitvā udānento,

Ukkaṇṭhito pi na vase, ramamāno pi pakkame;

Na tvevānattha-sahitaṇ vase vasaṇ vicakkhaṇo ti gātham abhāsi. Tattha *ukkaṇṭhito pi na vase* ti; yasmiṇ āvāse vasantassa me bhojana-sappāyālābhena adhikusalesu dhammesu ukkaṇṭhā, anabhirati uppajjati, tattha ukkaṇṭhito pi vase, vasāmi yeva. Itara-sappāya-lābhena⁶ na pakkame, na pakkamāmi ti. *Na vase* ti, ettha *na-kārenāpi* 'pakkame' ti padaṇ sambandhitabbaṇ. *Ramamāno pi pakkame* ti,

¹ A. Malikamanga (*right below*).

² A. anugaṇh°; B. anukkaṇhanto.

³ A. Tarukaccha; B. Kurukaccha; C. Bhāruk°.

⁴ *Under title* Kumuda-dāyaka.

⁵ A, C, S, Ap. -otato; B. -otthaṭo.

⁶ A. omits whole line.

yasmiṇ pana āvāse vasantassa me paccaya-vekallābhāvena n' atthi ukkaṇṭhā, añña-d-atthu abhiramāmi; evaṇ abhiramamāno pi avasesa-sappāyālābhena tato pakkame, na vaseyyaṇ. Evaṇ paṭipajjanto vāhaṇ na cirass' eva sak' atthaṇ paccapādin ti. Ayaṇ c' ettha att' attha¹-paṭipatti paccavekkhanāyaṇ yojanā. Parassa ovāda-dāne pana vaseyya, na pakkameyyā ti vidhāna-vasena yojetabbaṇ.

Na tvevānattha-sahitaṇ vase vāsaṇ vicakkhaṇo ti, yasmiṇ āvāse paccayā sulabhā samaṇa-dhammo na pāripūriṇ gacchati, yasmiṇ ca āvāse paccayā dullabhā samaṇa-dhammo pi pāripūriṇ na gacchati; evarūpo āvāso idha anatta-sahito nāma, avaddhi-sahito ti katvā,² evarūpaṇ vāsaṇ vicakkhaṇo viññu-jātiko sak' atthaṇ paripūretu-kāmo na tveva vaseyya; yattha pana pañcanga-samannāgato āvāso labbhati, satta pi sappāyā labbhanti, tatth' eva vaseyyā ti attho.

Malitavambha-tthera-gāthā-vaṇṇanā
Niṭṭhitā.

SUHEMANTA

Satalingassa atthassā ti, āyasmato Suhemanta-ttherassa gāthā. Ayam pi purima-buddhesu katādhikāro tattha tattha bhava vivaṭṭ' ūpanissayaṇ puññaṇ upacinanto, ito dvānavute kappe Tissassa Bhagavato kāle vana-carō hutvā vane vasati. Taṇ anuggaṇhituṇ Bhagavā araññaṇ pavisitvā, tassa āsanne ṭhāne aññatarasmiṇ rukkha-mūle nisīdi. So Bhagavantaṇ disvā pasanna-citto sugandhāni punnāga-pupphāni ocinitvā Bhagavantaṇ pūjesi. So tena puñña-kammena devaloke nibbattitvā aparāparaṇ puññāni katvā deva-manussesu saṇsaranto imasmiṇ Buddh' uppāde pariyanta-dese vibhava-sampannassa brāhmaṇassa putto hutvā nibbatti; Suhemanto ti 'ssa nāmaṇ ahosi. So viññutaṇ patto Sankassa-nagare migadāye viharantaṇ Bhagavantaṇ upasankamitvā, dhammaṇ sutvā, paṭiladdha-saddho pabbajitvā, tepitako hutvā, vipassanaṇ paṭṭhapetvā, na cirass' eva

¹ A. attha only; B. atthi; C. atta-p.; S. atta-paṭipattiyā.

² C. by changing prefixes and omitting na alters the sense.

chaḷabhiñño paṭisambhidā-patto ahoṣi. Tena vuttaṇ *Apa-dāne* (i, 180)¹:

Kānanāṇ vanam ogayha vasāmi; luddhako ahaṇ.

Punnāgaṇ pupphitaṇ disvā Buddhasēṭṭhaṇ anussaraṇ

. . . *pe* . . .

Arahattaṇ pana patvā evaṇ cintesi: Mayā kho yaṇ yaṇ sāvakena pattabbaṇ, taṇ taṇ anuppatto.² Yannūnāhaṇ idāni bhikkhūnaṇ anuggahaṇ kareyyan? ti. Evaṇ cintetvā pabhinna-paṭisambhidatāya akilāsataya³ ca attano santikaṇ upagate bhikkhū dhammaṇ kathento, yathārahaṇ ovaḍanto anusāsanto kankaṇ chindanto,⁴ kammaṭṭhānaṇ niggumbaṇ⁵ nijjaṭaṇ katvā, ācikkhanto viharati. Ath' ekadivasaṇ attano santikaṇ upagatānaṇ bhikkhūnaṇ viññūnaṇ ca puggalānaṇ viśesaṇ ācikkhanto,

Sata-lingassa atthassa sata-lakkhaṇa-dhārino

Ekanga-dassī dummedho sata-dassī ca paṇḍito ti gātham abhāsi. Tattha *sata-lingassā* ti, līnam atthaṇ⁶ gamentī ti, lingāni; atthesu saddassa pavatti-nimittāni. Tāni pana sataṇ anekāni lingāni etassā ti, sata-lingo. Anek' attho hi idha *sata-saddo*; 'na tathā sataṇ' sahaṣṣan' ti ādisu viya, na sankhā-vises' attho; tassa sata-lingassa.

Atthassā ti, ñeyyassa. Ñeyyaṇ hi ñāṇena araṇīyato attho ti vuccati.⁸ So ca eko pi aneka-lingo, yathā Sakko, Purinda-do, Maghavā ti, paññā, vijjā, medhā, ñāṇan ti ca. Yena lingena pavatti-nimittena Tāvatiṇsādhīpatimhi Inda-saddo pavatto, na tena tattha Sakkādi-saddo pavattā; atha kho aññena. Tathā yena sammā-diṭṭhimhi paññā-saddo pavatto, na tena vijjādi-saddā. Tena vuttaṇ sata-lingassa atthassā ti.

Sata-lakkhaṇa-dhārino ti, aneka-lakkhaṇa-vato.⁹ Lakkhīyati etenā ti, lakkhaṇaṇ. Paccaya-bhāvino atthassa attano phalassa paccaya-bhāvo. Ten' āha, 'so ayaṇ imassa kāraṇan' ti lakkhīyati; so ca ekass' eva atthassa aneka-ppabhedo

¹ Under title Punnāga-pupphiya.

² A. anupattiṇ; B. anupattaṇ.

³ A, B. kilāsutāya.

⁴ B, S. bhindanto.

⁵ B. -ṭṭhānigumbhaṇ.

⁶ A, C. līnamatthaṇ; B. -mattaṇ (cf. *Childers*, līn' attho).

⁷ B. omits na tathā; A. sata-rasaṇ.

⁸ Cf. VibhA. 386; ItA. i, 85.

⁹ A, C. vato; B. gato; S. vatto.

upalabbhati. Ten' āha sata-lakkhaṇa-dhārino ti. Atha vā lakkhiyanti ti, lakkhaṇāni.¹ Tassa tassa atthassa lakkhaṇādayo pakāra-viseso. Te pana atthato avatthā-visesā veditabbā.² Te ca pana tesaṇ aniccatādi-sāmañña-lakkhaṇaṇ linganti, nāpentī ti lingānī ti ca vuccanti. Tass' ime ākārā yasmā ekassāpi atthassa anakā upalabbhanti; tena vuttaṇ sata-lingassa atthassa sata-lakkhaṇa-dhārino ti. Ten' āha āyasmā Dhammasenāpati: 'Sabbe dhammā sabbākārena Buddhassa Bhagavato nāṇa-mukhe āpāthaṇ āgacchanti' ti (Nid. ii, 451).³

Ekanga-dassī dummedho ti, evaṇ aneka-linge aneka-lakkhaṇe atthe yo tattha ekanga-dassī aputhu-paññatāya ekalinga-mattaṇ ekalakkhaṇa-mattaṇ ca disvā attanā diṭṭham eva 'idam eva saccan' ti abhinivissa 'mogham aññan' ti itaraṇ paṭikkhipati, hatthi-dassanaka-andhā viya⁴ ekanga-gāhī dummedho duppañño; tattha vijjāmānaṇ yeva pakāra-visesānaṇ ajānanato micchābhinivesanato ca.

Sata-dassī⁵ ca paṇḍito ti, paṇḍito pana tattha vijjāmāne aneke pi pakāre attano paññā-cakkhunā sabbaso passati; yo va tattha labbhamāne aneke paññā-cakkhunā attanā vi-passati, aññesam pi te dasseti, pakāseti, so paṇḍito vicakkhaṇo atthesu kusalo nāmā ti.

Evaṇ thero ukkaṇsagataṇ attano paṭisambhidā-sampattiṇ bhikkhūnaṇ vibhāvesi.

**Suhemanta-tthera-gāthā-vanṇanā
Niṭṭhitā.**

DHAMMASAVA

Pabbajiṇ⁶ tulayivānā ti, āyasmato Dhammasava-ttherassa gāthā. Ayaṇ kira Padumuttarassa Bhagavato kāle Suvaccho⁷ nāma brāhmaṇo hutvā, tiṇṇaṇ vedānaṇ pāragū gharā-

¹ Cf. UdA. 42-3.

² For avattha cf. UdA. 40; A. atthavicisessa.

³ Sāriputta-sutta-n.

⁴ Cf. UdA. 342-3.

⁵ A, C. sahaya-dassī (confused with next sentence).

⁶ B, S. pabbajī.

⁷ A. Vaccho; B. Suvacchano; S. Suviccho.

vāse dosaṇ disvā, tāpasa-pabbajjaṇ pabbajitvā, araṇṇāyatane pabbat' antare assamaṇ kāretvā, bahūhi tāpasehi saddhiṇ vasi. Ath' assa kusala-bijaṇ ropetu-kāmo Padumuttaro Bhagavā assama-samīpe ākāse thatvā iddhi-pāṭihāriyaṇ dassessi. So taṇ disvā pasanna-mānaso pūjetu-kāmo nāga-pupphāni ocināpesi. Satthā, 'alaṇ imassa tāpasassa etta-kaṇ kusala-bijaṇ' ti pakkāmi. So pupphāni gahetvā, Satthu gamana-maggaṇ okiritvā, cittaṇ pasādentō añjaliṇ paggayha aṭṭhāsi. So tena puñña-kammaṇa deva-loke nibbattitvā, aparāparaṇ sugatisu yeva saṇsaranto imasmiṇ Buddh' uppāde Magadha-raṭṭhe brāhmaṇa-kule nibbatti; Dhammasavo ti laddha-nāmo. Viññutaṇ patto hetu-sampatti-yā codiyamāno gharāvāse ādīnavaṇ pabbajjāya ānisaṇse ca disvā, Dakkhiṇagiri-smiṇ viharantaṇ Bhagavantaṇ upasaṇkamitvā, dhammaṇ sutvā, paṭiladdha-saddho pabbajitvā, vipassanāya kammaṇ karonto na cirass' eva arahattaṇ pāpuṇi. Tena vuttaṇ *Apadāne* (i, 179)¹:

Suvaccho nāma nāmena brāhmaṇo manta-pāragū

Purakkhato sasissehi² vasati pabbat' antare . . . *pe* . . .

Arahattaṇ pana patvā attano paṭipattiṇ paccavekkhitvā somanassa-ppatto udāna-vasena

Pabbajiṇ³ tulayitvāna agārasmā anagāriyaṇ;

Tisso vijjā anuppattā, kataṇ Buddhasa sāsanān ti gātham abhāsi. Tattha *pabbajiṇ tulayitvānā* ti; 'sambādho gharāvāso rajāpatho' ti (S. v, 350, etc.) ādinā gharāvāse, 'appassādā kāmā bahu-dukkhā bahūpāyāsā' ti (M. i, 130) ādinā kāmesu ādīnavaṇ, tappatipakkhato nekkhamme ca ānisaṇsaṇ tulana-bhūtāya paññāya vicāretvā, vīmaṇsitvā ti attho. Sesaṇ heṭṭhā⁴ vutta-nayam eva. Idam eva ca therassa aṇṇā-byākaraṇaṇ ahoṣi ti.

Dhammasava-tthera-gāthā-vanṇanā

Viṭṭhitā.

¹ Under title Nāga-pupphiya.

² A. ca siss°; B. va siss°; Ap. C, S. saasis°.

³ A. pabbajitaṇ labhitvā.

⁴ Cf. v. 55.

DHAMMASAVA-PITĀ

Savisaṇ vassasatiko ti, āyasmato Dhammasava¹-pitu-ttherassa gāthā. Ayam pi purima-buddhesu katādhikāro Buddha-suññe loke kula-gehe nibbattitvā, viññutaṇ patto Bhūtagaṇe nāma pabbate viharantaṇ Pacceka-sambuddhaṇ disvā, pasanna-mānaso tiṇa-sūla-pupphehi pūjaṇ akāsi. So tena puñña-kammena devaloke nibbattitvā, aparāparaṇ sugatīsu yeva saṇsaranto imasmiṇ Buddh' uppāde Magadha-raṭṭhe brāhmaṇa-kule nibbattitvā, viññutaṇ patto dāra-pariggahaṇ katvā, Dhammasavaṇ nāma puttaṇ labhitvā, tasmiṇ pabbajite sayam pi vīsaṇ vassa-satiko hutvā, 'Mama putto tāva taruṇo pabbaji; atha kasmā nāhaṇ pabbajissāmi?' ti sañjāta-saṇvego Satthu santikaṇ gantvā, dhammaṇ sutvā, pabbajitvā, vipassanaṇ paṭṭhapetvā, na cirass' eva arahattaṇ sacchākāsi. Tena vuttaṇ *Apadāne* (i, 179)²:

Himavantass' avidūre Bhūtagaṇo nāma pabbato;

Vasat' eko jino tattha sayambhū loka-nissaṭo . . .
pe . . .

Arahattaṇ pana patvā attano paṭipattiṇ paccavekkhitvā sañjāta-somanasso udānaṇ udānento,

Savisaṇ vassa-satiko pabbajin anagāriyaṇ;

Tisso vijjā anuppattā, kattaṇ Buddhassa sāsanaṇ ti gātham abhāsi. Tattha *savisaṇ vassa-satiko* ti, so vīsaṇ vassa-satiko. So ahaṇ jātiyā vīsādhika-vassa-satiko samāno *pabbajin* ti, pabbajjaṇ upagacchiṇ. Sesaṇ vutta-nayam eva. Idam eva ca imassa therassa aññā-byākaraṇaṇ ahosi.

**Dhammasava-pitā-thera-gāthā-vannaṇā
Niṭṭhitā.**

SANGHARAKKHITA

[16] *Na nūdayaṇ paramahitānukampino* ti, āyasmato Sangharakkhita-ttherassa gāthā. So purima-buddhesu katādhikāro tattha tattha bhava puññāni upacinanto ito catu-navute kappe kula-gehe nibbattitvā, viññutaṇ patto ekadiva-

¹ A. Dhammapavana; S. Dhammasavasso.

² Under title Tīṇasūlaka.

saṅ pabbata-pāde vasante satta Pacceka-sambuddhe disvā, pasanna-mānaso kadamba-pupphāni gahetvā pūjesi. So tena puñña-kammena devaloke nibbattitvā, aparāparaṅ puññāni katvā, sugatīsu yeva saṅsaranto imasmiṅ Buddh' uppāde Sāvattiyaṅ ibbha-kule¹ nibbatti. Tassa Sangharakkhito ti nāmaṅ ahosi. Viññutaṅ patto paṭiladdha-saddho pabbajitvā, kammaṭṭhānaṅ gahetvā, aññatarāṅ bhikkhuṅ saḥāyaṅ katvā, araññe viharati. Therassa vasana-ṭṭhānato avidūre vana-gumbe ekā migī² vijāyitvā taruṇaṅ chāpaṅ rakkhantī, chātajjhata³ pi putta-sinehena dūre gocarāya na gacchati, āsanne ca tiṇodakassa alābhena kilamati. Taṅ disvā therō, 'Aho vatāyaṅ loko taṇhā-bandhana-baddho⁴ mahādukkhaṅ anubhavati. Na taṅ chindituṅ sakko' ti saṅvega-jāto tam eva ankusaṅ katvā, vipassanaṅ vadḍhetvā, arahattaṅ pāpuṇi. Tena vuttaṅ *Apadāne* (i. 178)⁵:

Himavantass' avidūre Kukkuṭo nāma pabbato;

Tamhi pabbata-pādamhi satta Buddhā vasanti te⁶ . . .
pe . . .

Arahattaṅ pana patvā attano dutiyakaṅ bhikkhuṅ micchā-vitakka-bahulaṅ viharantaṅ ñatvā, tam eva migaṅ upamaṅ karitvā, taṅ ovaḍanto,

Na nūnāyaṅ paramahitānukampino

Raho-gato anuvigaṇeti sāsanaṅ;

Tathā h' ayaṅ viharati pākat' indriyo

Migī yathā taruṇa-jātikā vane ti

gātham abhāsi. Tattha *na nūnāyaṅ* ti; *na* iti paṭisedhe nipāto; *nūnan* ti, parivitaḍḍhe; *na nūnaṅ ayaṅ* ti pada-cchedo. *Paramahitānukampino* ti, paramaṅ, ativiya, paramena vā anuttarena hitena satta-anukampana-sīlassa Bhagavato. *Raho gato* ti, rahasi-gato, suññāgāra-gato; kāya-viveka-yutto ti attho. *Anuvigaṇeti* ti; ettha *na nūnan* ti pada-dvayaṅ ānetvā sambandhitabbaṅ; nānuvigaṇeti na nūnan ti, na cinteti maññe, nānuyuñjati ti vitakketi ti attho. *Sāsanaṅ* ti, paṭipatti-sāsanaṅ; catu-sacca-kammaṭṭhāna-bhāvanan ti

¹ A, B. ibbha°; C. iddhe k.; S. iddha-kula-gehe.

² C, S. insert puttāṅ.

³ B. tatajjhutta; S. jatajjhatta.

⁴ Under title Kadamba-pupphiyo.

⁵ All bandho.

⁶ Ap. vasantike.

adhippāyo. *Tathā hī* ti, ten' eva kāraṇena Satthu sāsanaṣṣa anuyuñjanato eva. *Ayaṇ* ti, ayaṇ bhikkhu. *Pākat'* indriyo ti, mana-cchaṭṭhānaṇ indriyānaṇ yathāsakaṇ visayesu vis-sajanato¹ sabhāva-bhūta-indriyo; asaṇvuta-cakkhu-dvārā-diko ti attho; yassa taṇhā-sangassa acchinnatāya so bhikkhu pākat' indriyo viharati. Tassa upamaṇ dassento, *migī yathā taruṇa-jātikā vane* ti āha. Yathā ayaṇ taruṇa-sabhāvā migī putta-snehassa acchinnatāya vane dukkhaṇ anubhavati, na taṇ anuvattati, evam ayaṇ bhikkhu sangassa acchinnatāya pākat' indriyo viharanto vaṭṭa-dukkhaṇ nātivattati ti adhippāyo.

Taruṇa-vijātikā ti pi pāṭho; abhinava-ppasūtā² bālavacchā ti attho. Taṇ sutvā so bhikkhu sañjāta-saṇvego vipassanaṇ vaḍḍhetvā na cirass' eva arahattaṇ pāpuṇi.

Sangharakkhita-tthera-gāthā-vaṇṇanā

Niṭṭhitā.

USABHA

*Nagā nag' aggesu*³ *susaṇviruḥhā* ti, āyasmato Usabha-ttherassa gāthā. Ayaṇ purima-buddhesu katādhikāro tattha tattha bhava vivaṭṭ' ūpanissayāni puñṇāni karonto ito ekatiṇṣe kappe Sikhissa Bhagavato kāle devaputto hutvā nibbatto, ekadivasaṇ Satthāraṇ disvā, pasanna-mānaso dibba-pupphehi pūjaṇ akāsi. Sā puppha-pūjā sattāhaṇ puppha-maṇḍapākārena⁴ aṭṭhāsi. Deva-manussānaṇ mahāsamāgamo ahosi. So tena puñṇa-kammena deva-manussesu saṇsaranto imasmiṇ Buddh' uppāde Kosala-raṭṭhe ibbhakule⁵ nibbatti; tassa Usabho ti nāmaṇ ahosi. So viññutaṇ patto Jetavana-paṭiggahane Satthari laddha-saddho pabbajitvā kata-pubba-kicco araṇṇe pabbata-pāde viharati.

Tena ca samayena pāvusa⁶-kāle meghe abhippavutṭhe pabbata-sikharesu rukkhagaccha-latāyo ghaṇa-saṇḍa-saṇḍa-

¹ C. S. vijjamānato.

² A. -papsuta; B. abhinivapp°.

³ A. navagg°; B. naggesu; S. naganamagg°.

⁴ B. paṇḍavā°.

⁵ C. iddhe.

⁶ A. paccūsa°; C. pavussa°, as below.

cārino¹ honti. Ath' ekadivasaṇ thero leṇato nikkhamitvā taṇ vana-rāmaneyyakaṇ pabbata-rāmaneyyakaṇ ca disvā yoniso manasikāra-vasena, 'Ime pi nāma rukkhādayo acetanā utu-sampattiyaṇ vuḍḍhiṇ pāpuṇanti; atha kasmā nāhaṇ utu-sappāyaṇ labhitvā guṇehi vadḍhiṇ pāpuṇissāmī?' ti cintento

Nagā nag' aggesu susaṇ virulhā

Udagga-meghena navena sittā.

Viveka-kāmassa araṇṇa-saṇṇino

Janeti bhiyyo Usabhassa kalyatan ti

gātham abhāsi. Tattha *nagā* ti, rukkhā; *nāgā* ti keci paṭhanti. *Nāga*-rukkhā ti attho. *Nag' aggesū* ti, pabbata-sikharesu. *Susaṇvirulhā* ti, suṭṭhu samantato virulha-mūlā hutvā parito upari ca samma-d-eva sañjāta-sākh' agga-pallava-sākhā ti attho. *Udagga-meghena navena sittā* ti, paṭham' uppannena ulārena mahatā pāvusa-meghena abhipavutṭhā. *Viveka-kāmassā* ti, kilesa-vivittaṇ² citta-vivekaṇ icchantassa. 'Araṇṇa-vāsena tāva³ kāya-viveko laddho; idāni upadhi-vivekādhigamassa nissaya-bhūto citta-viveko laddhabbo' ti taṇ patthayamānassa jāgariyaṇ anuyuñjantassā ti attho.⁴ Ten' āha *araṇṇa-saṇṇino* ti. Araṇṇa-vāso nama Satthārā vaṇṇito,⁵ thomito; so ca kho yāva-d-eva samatha-vipassanā-bhāvanā-pāripūriyā; tasmā sā mayā hattha-gatā katabbā ti. Evaṇ araṇṇa-gata-saṇṇino nekkhamma-sankappa-bahulassā ti attho. *Janeti* ti, uppādeti; puthutte hi idaṇ eka-vacanaṇ; keci pana janenti ti paṭhanti. *Bhiyyo* ti, uparūpari. *Usabhassa*⁶ ti, attānam eva paraṇ viya vadati. *Kalyatan* ti, kalya-bhāvaṇ; cittassa kammaññataṇ bhāvanā-yogyataṇ. Svāyam attho heṭṭhā vutto yeva. Evaṇ thero imaṇ gāthaṇ vadanto yeva vipassanaṇ usuk-kāpetvā arahattaṇ pāpuṇi. Tena vuttaṇ *Apadāne* (i, 178):

¹ B. paṇṇasaṇḍino; C. saṇḍasaṇcārino; S. saṇḍasaṇḍino.

² B. kilesa-vipattiṇ; A. -vicittaṇ.

³ A. vasaṇāma; C. vasatāvā.

⁴ Cf. Nidd. i, 26-7; UdA. 231 (tayo vivekā).

⁵ Cf. MA. iv, 151; A. iv, 344.

⁶ A. C. *substitute* nāyassā ti attho (!).

Devaputto ahaṇ santo pūjesiṇ Sikhī-nāyakaṇ;

Dibba-mālaṇ¹ gahetvāna Buddhassa abhiropayaṇ . . .

pe . . .

Ayam eva ca therassa añña-byākaraṇa-gāthā ahosi ti.

Usabha-tthera-gāthā-vaṇṇanā

Niṭṭhitā.

Ekādasama-vagga-vaṇṇanā Niṭṭhitā.

JENTA

Duppabbajjaṇ re duradhivāsā gehā ti, āyasmato Jenta-ttherassa gāthā. Ayam pi purima-buddhesu katādhikāro tattha tattha bhava vivaṭṭ' ūpanissayaṇ kusalaṇ upacinanto Sikhissa Bhagavato kāle devaputto hutvā nibbatti. So ekadivasaṇ Satthāraṇ disvā pasanna-citto kinkirāta²-pupphehi pūjaṇ akāsi. So tena puñña-kammena deva-manussesu saṇsaranto imasmiṇ Buddh' uppāde Magadha-raṭṭhe Jenta-gāme ekassa maṇḍalika-rājassa putto hutvā nibbatti. Jento ti 'ssa nāmaṇ ahosi. So viññutaṇ patto dahara-kāle yeva hetu-sampattiyā codiyamāno pabbajja-ninna-mānaso hutvā puna cintesi: Pabbajjā nāma dukkarā, gharā pi durāvāsā, dhammo ca gambhīro, bhogā ca durādhigamā. Kin nu kho kattabban ? ti. Evaṇ pana cintā³-bāhulo hutvā vicaranto ekadivasaṇ Satthu santikaṇ gantvā dhammaṇ suṇi. Suta-kālato paṭṭhāya pabbajjābhirato hutvā, Satthu santike pabbajitvā, kammaṭṭhānaṇ gahetvā, vipassanaṇ vad-dhetvā, sukhāya paṭipadāya khippabhiññāya arahattaṇ sacchākāsi. Tena vuttaṇ *Apadāne* (i, 177):

Devaputto ahaṇ santo pūjesiṇ Sikhī-nāyakaṇ;

Kinkirāta⁴-pupphaṇ paggayha Buddhassa abhiropayaṇ

. . . pe . . .

Arahattaṇ pana patvā attano paṭipattiṇ paccavekkhanto, 'asakkhiṇ vata 'haṇ ādito mayhaṇ uppanna-vitakkaṇ chin-

¹ So all, but Ap. mandāravana pupphena, with title Mandārava-pūjaka.

² A. kinkirāti; B. kikirāta; C. kinkirāta; S. kinkirāga: paggahetvāna.

³ A. citta; B. vanta; C, S. cintā.

⁴ Here Ap. kakkāru (Ap. i. 177); A. kankirāta.

ditun' ti, somanassa-jāto vitakkassa uppannākāraṇ tassa ca samma-d-eva chinnataṇ¹ dassento,

Duppabbajjaṇ ve, durādhivāsā gehā,

Dhammo gambhīro, duradhigamā bhogā;

Kicchā vutti no itarītareṇ' eva; .

Yuttaṇ cintetuṇ satatam aniccataṇ ti

gātham abhāsi. Tattha *duppabbajjan* ti, appaṇ vā mahantaṇ vā bhoga-kkhandhaṇ c' eva ñāti-parivattaṇ ca pahāya, imasmiṇ sāsane uraṇ datvā pabbajantassa dukkarattā dukkhaṇ pabbajanaṇ, dukkarā² pabbajjā ti, duppabbajjaṇ. *Ve* ti nipāta-mattaṇ; *dalhato*³ va pabbajjā dukkhā ti. Gehaṇ ce āvaseyya, duradhivāsā gehā, yasmā gehaṇ adhivasantena raññā rāja-kiccaṇ, issarena issara-kiccaṇ, gahapatiṇā gahapati-kiccaṇ kātabbaṇ hoti; pariṇāso c' eva samaṇa-brāhmaṇa ca sangahetabbā. Tasmiṇ tasmiṇ ca kattabbe kayiramāṇe pi gharāvāso chidda-ghaṭo⁴ viya mahāsamuddo viya ca duppūro; tasmā gehā nām' ete adhivasituṇ āvasituṇ dukkhā dukkarā ti katvā *duradhivāsā*, durāvāsā ti dukkhā dukkarā ti katvā duradhivāsā. Pabbajjaṇ ce anutīṭṭheyya,⁵ *dhammo gambhīro*: yadatthā pabbajjā so pabbajitena adhigantabbo paṭivedha-saddhammo gambhīro, gambhīra-ñāṇa-gocarattā duddaso, duppaṭivijjho dhammassa gambhīra-bhāvena duppaṭivijjhattā. Gehaṇ ce āvaseyya, *duradhigamā bhogā*; yehi vinā na sakkā gehaṇ āvasituṇ, te bhogā dukkhena kasirena adhigantabbatāya duradhigamā. Evaṇ sante gharāvāsaṇ pahāya pabbajjaṇ yeva anutīṭṭheyyaṇ. Evam pi *kiicchā vutti no itarītareṇa*, imasmiṇ Buddha-sāsane itarītareṇa yathā-laddhena paccayena amhākaṇ vutti, jīvikā, kicchā dukkhā; gharāvāsānaṇ duradhivāsātāya bhogānaṇ ca duradhigamatāya gehe itarītareṇa paccayena yāpetabbatāya kicchā kasirā vutti amhākaṇ.

Tattha kiṇ kātuṇ vaṭṭati? ti. *Yuttaṇ cintetuṇ satatam aniccataṇ* sabba-kālaṇ, divasaṇ, pubba-rattāpara-rattaṇ, ca tebhummaka-dhamma-jātaṇ aniccataṇ ti. Tato uppāda-

¹ A. ohindantuṇ; B. ohinnitaṇ.

² A. pabbajantassa dukkarantā dukkhaṇ; B. pabbajjaṇ na dukkarā.

³ A. dullabbhatto; B. dalhattho; S. dalhatto.

⁴ A. jinnagato.

⁵ A. anutīreyya.

vayavantato¹ adhivattanato² tāva-kālikato ca na niccan ti, aniccan ti cintetuṇ, vipassituṇ yuttan; aniccānupassanāya siddhāya ittarānupassanā³ sukhen' eva sijjhantī ti aniccānupassanā va ettha vuttā, aniccassa dukkhānattatānaṇ abyabhicaraṇato⁴ sāsanikassa sukha-gahanato ca. Ten' āha: 'Yad aniccaṇ taṇ dukkhaṇ; yaṇ dukkhaṇ tad anattā' ti (S. ii, 53, etc.); 'yaṇ kiñci samudaya-dhammaṇ sabbaṇ taṇ nirodha-dhammaṇ; vaya-dhammā sankhārā' ti ca tadaminā evaṇ aññamaññaṇ paṭikkhepa⁵-vasena aparāparaṇ uppanne vitakke niggahetvā aniccatā-mukhena vipassanaṇ ārabhitvā, idāni 'kata-kicca jāto' ti dasseti. Tena vuttaṇ attano paṭipattin ti ādi. Idam eva therassa aññā-byākaraṇaṇ ahosi.

Jenta-tthera-gāthā-vaṇṇanā

Niṭṭhitā.

VACCHAGOTTA

Tevijjo 'haṇ mahājhāyī ti, āyasmato Vacchagotta-ttherassa gāthā. Ayam pi purima-buddhesu katādhikāro tattha tattha bhave vivaṭṭ' ūpanissayaṇ kusala-bijaṇ ropento Vipassissa Bhagavato kāle Bandhumatī-nagare kula-gehe nibbattitvā viññutaṇ patto ekadivasaṇ raññā nāgarehi saddhiṇ Buddha-pūjaṇ katvā, tato paraṇ deva-manussesu saṇsaranto imasmiṇ Buddh' uppāde Rājagahe vibhava-sampannassa brāhmaṇassa putto hutvā nibbatti. Tassa pitu Vacchagottatāya Vacchagotto tveva samañña ahosi. So viññutaṇ patvā, brāhmaṇa-vijjāsu nipphattiṇ gato vimuttiṇ gavesanto, tattha sāraṇ adisvā, paribbājaka-pabbajjaṇ pabbajitvā vicaranto Satthāraṇ upasankamitvā, pañhaṇ pucchitvā,⁶ tasmiṇ vissajjite pasanna-mānaso, Satthu santike pabbajitvā, vipassanāya kammaṇ karonto, na cirass' eva chaḷabhiñño ahosi. Tena vuttaṇ *Apadāne* (i, 177)⁷:

¹ B. vayantato.

² A, C. anicattā; B. ādianavantato; S. ādhiyantañ ca.

³ Cf. PvA. 60.

⁴ Cf. UdA. 138.

⁵ A, B. paṭikkhepa°; C, S. paṭipakkha°.

⁶ M. i (Nos. 71-3).

⁷ Under title Vīṭhisammajjaka.

kammaṇ katvā jīvanto, tassa kiñci¹ aparādhaṇ katvā, maraṇa-bhayena tajjito palāyanto antarā-magge bodhi-rukkhaṇ disvā, pasanna-mānaso tassa mūlaṇ sammajjitvā, piṇḍi-bandhehi asoka-pupphehi pūjaṇ katvā, vanditvā, bodhiṇ adhimukho namassamāno pallankena nisinno māretuṇ āgate² paccatthike disvā, tesu cittaṇ akopetvā, bodhim eva āvaj-janto sata-porise papāte papati. So tena puñña-kammena devaloke nibbattitvā, aparāparaṇ puññāni katvā, deva-manussesu saṅsaranto imasmiṇ Buddh' uppāde Rājagahe vibhava-sampannassa brāhmaṇassa putto hutvā nibbatti; Vaccho ti 'ssa nāmaṇ ahosi. So vayappatto Bimbisāra-samāgame paṭiladdha-saddho pabbajitvā arahattaṇ pāpuṇi. Tena vuttaṇ *Apadāne* (i, 176)³:

Parakammāyane yutto aparādhaṇ akās' ahaṇ;

Vajjha-ppatto⁴ tadā 'hosiṇ bhaya-bhera-samappito . . .
pe . . .

Arahattaṇ pana patvā, vivekābhiratiyā vane yeva vasi. Tena Vanāvaccho ti samañña udapādi. Atha kadāci thero ñāti-janānuggah' atthaṇ Rājagahaṇ gato tattha ñātakehi upaṭṭhiyamāno katipāhaṇ vasitvā gamanākāraṇ sandassesī. Taṇ ñatakā, 'Bhante, amhākaṇ anuggah' atthaṇ dhura-vihāre vasatha. Mayaṇ upaṭṭhahissāmā' ti yāciṇsu. Thero tesāṇ pabbata-rāmaneyya-kittanā padesena vivekābhiratiṇ nivedento,

Acchodikā puthusilā gonangula-migāyutā

Ambu-sevāla-saṅchannā te selā ramayanti man ti gātham abhāsi. Tattha *acchodikā* ti, acchaṇ abahalaṇ sukkhumaṇ udakaṇ etesū ti, acchodikā. Acchodakā ti vattabbā. Linga-vipallāsena acchodikā ti vuttaṇ. Etena tesāṇ udaka-sampattiṇ dasseti. *Puthū* ti, puthulā vitthatā mudu-sukha-samphassā silā etesū ti, *puthu-silā*. Etena nisaj-jana-tṭhāna-sampattiṇ dasseti. Gunnaṇ viya nangulaṇ nangutṭhaṇ etesaṇ ti,⁵ gonangula-kūla-makkatā pakati-makkatā

¹ A, C, S. kassaci.

² A, C. āgacchante.

³ Under title Tambapupphiya.

⁴ A, B. vajjappatto; Ap. vanantaṇ atidhāvissaṇ.

⁵ Cf. JA. v, 72 (gunnaṇ nangutṭha-sadisa-nanguṭṭho).

ti vadanti yeva. Gonangulehi ca pasadādikehi¹ ca tahaṇ tahaṇ vicarantehi āyutā missitā ti, *gonagula-migāyutā*; etena tesāṇ amanuss' ūpacāritāya araṇṇa-lakkhaṇ' ūpetāṇ dasseti. *Ambu-sevāla-saṇchannā* ti, pasavanato pavāḷaṇ² paggharamāna-salilatāya tahaṇ tahaṇ udaka-sevāla-saṇchādītā. *Te selā ramayanti man* ti, yathāhaṇ vasāmi te edisā selā pabbata-vivekābhīratīyā maṇ ramayanti, tasmā tatth' evāhaṇ gacchāmi ti adhippāyo. Idam eva therassa aṇṇa-byākaraṇaṇ ahoṣi.

Vanavacchagotta-tthera-gāthā-vapṇanā
Niṭṭhitā.

ADHIMUTTA

Kāya-duṭṭhulla-garuno ti, āyasmato Adhimutta-ttherassa gāthā. So kira Padumuttarassa Bhagavato kāle brāhmaṇakule nibbattitvā viññutaṇ patto brāhmaṇa-vijjāsu nipphattiṇ gato kāmesu ādīnavaṇ disvā, gharāvāsaṇ pahāya, pabbajjaṇ pabbajitvā, araṇṇe viharanto Buddh' uppādaṇ sutvā, manuss' ūpacāraṇ upagantvā, Satthāraṇ bhikkhu-sangha-parivutaṇ gacchantāṇ disvā, pasanna-mānaso attano vāka-cīraṇ Satthu pada-mūle santhari. Satthā tassa ajjhāsayaṇ ñatvā tasmiṇ atṭhāsi. Tattha ṭhitaṇ Bhagavantaṇ kālānusārena gandhena pūjetvā, 'Samuddharas' imaṇ lokan' ti³ ādikāhi dasahi gāthāhi abhithavi. Taṇ Satthā, 'Anāgate ito sata-sahassakappa-matthake Gotamassa nāma Sammāsambuddhassa sāsane pabbajitvā chaḷabhiñño bhavissasi' ti byākaritvā pakkāmi.

So tena puñña-kammena devaloke nibbattitvā, tato yāvayaṇ Buddh' uppādo deva-manussesu saṇsaranto imasmiṇ Buddh' uppāde Sāvattiyaṇ brāhmaṇa-kule nibbattitvā, Adhimutto ti laddha-nāmo, viññutaṇ patto brāhmaṇa-vijjāsu nipphattiṇ gantvā, tattha sāraṇ⁴ apassanto pacchimbhāvīkattā nissaraṇaṇ gavesanto Jetavana-paṭiggahane Buddhānubhāvaṇ disvā, paṭiladdha-saddho Satthu santike pab-

¹ A. sadāpadādi; C. catuppadādi.

² A. pasataṇ; B. pavāhaṇ; S. C. satataṇ.

³ *As at vv. 6-15 of Ap.*

⁴ A. satthāraṇ.

bajitvā vipassanaṃ paṭṭhapetvā, na cirass' eva arahattaṃ paṇuṇi. Tena vuttaṃ *Apadāne* (i, 323)¹:

Kanikāraṇaṃ va jotantaṇaṃ dīpa-rukkhaṇaṃ va ujjalaṇaṃ

Osadhī va virocantaṇaṃ vijjutaṇaṃ gagane yathā . . .

pe . . .

Arahattaṇaṃ pana patvā attanā saha-vasante kāya-daḍḍhi²-bahule bhikkhū ovaḍanto,

Kāya-duṭṭhulla-garuno hiyyamānamhi jīvite

Sarīra-sukha-giddhassa kuto samaṇa-sādhutā ti

gātham abhāsi. Tattha *kāya-duṭṭhulla-garuno* ti, duṭṭhullaṇaṃ asubha-yogyatā kāya-duṭṭhullaṇaṃ; kāya-duṭṭhullaṇaṃ garu-sambhāvitaṇ³ yassa, so kāya-duṭṭhulla-garu. Anissaraṇa-pañño hutvā kāya-posana-pasuto kāya-daḍḍhi-bahulo ti attho; tassa kāya-duṭṭhulla-garuno.

Hiyyamānamhi jīvite ti, kunnādinaṇaṃ udakaṇaṃ viya jīvita-sankhāre lahuso⁴ khiyyamāne. *Sarīra-sukha-giddhassa* ti, paṇitāhārādihi attano kāyassa sukhena gedhaṇaṃ āpannassa. *Kuto samaṇa-sādhutā* ti, evarūpassa puggalassa samaṇa-bhāvena sādhutā susamaṇatā kuto, kena kāraṇena siyā? Ekaṇsato pana kāye jīvite ca nirapekkhassa itarītara-santosena santuṭṭhassa āradḍha-viriyass' eva samaṇa-sādhutā ti adhipāyo.

Adhimutta-tthera-gāthā-vaṇṇanā

Niṭṭhitā.

MAHĀNĀMA

Es' āvaḥsiyase pabbatenā ti, āyasmato Mahānāma-ttherassa gāthā. Ayam pi purima-buddhesu katādhikāro tattha tattha bhava puññāni upacinanto Sumedhassa Bhagavato kāle brāhmaṇa-kule nibbattitvā brāhmaṇa-vijjāsu nipphattiṇaṃ gato, gharāvāsaṇaṃ pahāya aññatarāya nadiyā tīre assamaṇaṃ kāretvā, sambahule brāhmaṇa-mante vācento viharati. Ath' ekadivasaṇaṃ Bhagavā taṃ anuggaṇhituṇaṃ tassa assama-padaṇaṃ upagañchi. So Bhagavantaṇaṃ disvā pasanna-citto āsanaṃ pañ-

¹ Under title Sabbakittika.

² Cf. UdA. 268 n.

³ A. garu-sankuṭṭhaṇaṃ; B. g. sankuṭṭhaṇaṃ; C, S. sambhāvitaṇaṃ.

⁴ A, C, S. bahuso.

ñāpetvā adāsi. Nisinne Bhagavati sumadhuraṇ madhuṇ upa-nāmesi. Taṇ Bhagavā paribhuñjitvā heṭṭhā Adhimutta-tthera-vatthumhi vutta-nayena anāgataṇ byākaritvā pak-kami.

So tena puñña-kammena devaloke nibbattitvā aparāparaṇ sugatīsu yeva parivattanto¹ imasmiṇ Buddh' uppāde Sāvattiyaṇ brāhmaṇa-kule nibbattitvā, Mahānāmo ti laddha-nāmo viññutaṇ patto Bhagavato santikaṇ upasankamitvā, dhammaṇ sutvā, paṭiladdha-saddho pabbajitvā, kammaṭṭhānaṇ gahetvā, Nesādake nāma pabbate viharanto kilesa-pariyuṭṭhānaṇ vikkhambhetuṇ asakkonto, 'Kiṇ me iminā sankiliṭṭha-cittassa jīvitena?' ti attabhāvaṇ nibbindanto uccakaṇ² pabbata-sikharāṇ abhirūhitvā, 'Ito pātetvā taṇ māressāmī' ti attānaṇ paraṇ viya niddisanto,³

Es' āvahiyyase pabbatena bahu-kuṭaja-sallakikena

Nesādakena girinā yasassinā paricchadenā ti gātham abhāsi. Tattha *es' āvahiyyase* ti, eso tvaṇ, Mahānāma, avahiyyase, pariḥāyasi. *Pabbatenā* ti, nivāsa-tṭhāna-bhutena iminā pabbatena. *Bahu-kuṭaja-sallakikenā*⁴ ti, bahūhi, kuṭajehi indasāla-rukkhehi vā sallakīhi indasāla-rukkhehi vā samannāgatena. *Nesādakenā* ti, evaṇ nāmakena, *girinā* ti, selenā. Selo hi sandhi-sankhātehi pabbehi tṭhitattā pabbato ti; pasavanādi-vasena jalassa⁵ sāra-bhūtānaṇ bhesaj-jādi-vatthūnaṇ ca giri-karaṇato⁶ giri ti vuccati. Taḍ ubha-yattha-sambhavato pan' ettha pabbatenā ti patvā girinā ti ca vuttaṇ. *Yasassinā* ti, sabba-guṇehi⁷ vissutena pakārena⁸ *paricchadenā* ti, nānā-vidha-rukkha-gaccha-laṭāhi samantato channena; vasana-tṭhānatāya vā tuyhaṇ paricchada⁹-bhūtena.

Ayaṇ h' ettha adhippāyo: 'Mahānāma, yadi kammaṭṭhānaṇ vissajjetvā vitakka-bahulo hosi, evaṇ tvaṇ iminā chāyūdaka-

¹ MSS. parivattento.

² A. uttukkaṇ; B. uccakaṇ; C. uccaṇ; S. uggataṇ.

³ A, C. dipento; B. niddisanto; S. viniddisanto.

⁴ A, S. sallarikena; B. sallakikena; C. sallakitena.

⁵ C. jalāsaya.

⁶ A, C. giraṇato.

⁷ A. sabba-bhūtehi; C, S. pabbata-guṇehi.

⁸ C, S. pakāsena.

⁹ A, S. pariccheda.

sampannena sappāyena nivāsana-tṭhāna-bhūtena Nesādakagirinā parihāyasi. Idāni 'haṇ taṇ ito pātetvā māressāmi. Tasmā na labbhā vitakka-vasikena bhavitun' ti, evaṇ thero attānaṇ santajjento yeva vipassanaṇ ussukkāpetvā arahattaṇ pāpuni. Tena vuttaṇ *Apadāne* (i, 325):

Sinduyā nadiyā tīre sukato assamo mama;

Tattha vācem' ahaṇ sisse¹ Itihāsaṇ salakkhaṇaṇ . . .

pe . . .¹

Ayam eva ca therassa aññā-byākarāṇa-gāthā ahosi.

Mahānāma-tthera-gāthā-vanṇanā

Niṭṭhitā.

PĀRĀPARIYA (A)

[17] *Cha phassāyatane hitvā* ti, āyasmato Pārāpariya²-ttherassa gāthā. Ayam pi purima-buddhesu katādhikāro tattha tattha bhava puññāni upacinanto Piyadassissa Bhagavato kāle nesāda-yoniyaṇ nibbattitvā, tassa viññutaṇ pattassa vicaraṇa-tṭhāne aññatarasmiṇ vana-saṇḍe Piyadassi Bhagavā taṇ anuggaṇhituṇ nirodha-samāpattiṇ samāpajjitvā nisīdi. So ca mige pariyesanto taṇ ṭhānaṇ gato Satthāraṇ disvā, pasanna-mānaso Bhagavantaṇ antokatvā, kataṇ sākha-maṇḍapaṇ paduma-pupphehi kuṭāgārākārena sañchādetvā, ulāraṇ pīti-somanassaṇ paṭisaṇvedento sattāhaṇ namassamāno aṭṭhāsi; divase divase ca milāta-milātāni apaṇetvā abhinavehi chādesi.

Satthā sattāhassa accayena nirodhato vuṭṭhahitvā bhikkhusanghaṇ anussari. Tāva-d-eva asīti sahassa-mattā bhikkhū Satthāraṇ parivāresuṇ. 'Madhuraṇ dhamma-kathaṇ sunissāmā' ti devatā sannipatiṇsu; mahāsamāgamo ahosi. Satthā anumodanaṇ karonto tassa deva-manussesu bhāvinīṇ sampattiṇ imasmiṇ Buddh' uppāde savaka-bodhiṇ ca byākaritvā pakkāmi. So tena puñña-kammena deva-manussesu saṇsaranto imasmiṇ Buddh' uppāde Rājagahe brāhmaṇakule nibbattitvā, viññutaṇ patto tinṇaṇ vedānaṇ pāragū

¹ S. sīhase (*Ap. title* Madhudāyaka).

² A. Pāripariya; B. Pāranpariya; C. Pārāsariya; S. Pārāpariya.

hutvā, Pārāpare¹ gottatāya Pārāpariyo² ti laddha-samañño hutvā bahū-brāhmaṇe mante vācento Satthu Rājagahagamane Buddhānubhāvaṃ disvā, paṭiladdha-saddho pabbajitvā, vipassanāya kammaṃ karonto na cirass' eva arahattaṃ pāpuṇi. Tena vuttaṃ *Apadāne* (i, 326)³:

Piyadassī nāma Bhagavā sayambhū loka-nāyako

Viveka-kāmo Sambuddho samādhi-kusalo . . . *pe* . . .

Arahattaṃ pana patvā, attano paṭipattiṃ paccavekkhitvā, sañjāta-somanasso udāna-vasena

Cha-phassāyatane hitvā gutta-dvāro susaṇvuto

Agha-mūlaṃ vamiṭvāna patto me āsava-kkhalo ti gātham abhāsī. Tattha *cha-phassāyatane hitvā* ti, cakkhu-samphassādīnaṃ channaṃ samphassānaṃ uppatti-tṭhānatāya phassāyatanāni ti laddha-nāmāni cakkhādīni cha-ajjhakkāyatanāni tappatibaddha-sankhilesa-ppahāna-vasena pahāya. *Gutta-dvāro susaṇvuto* ti, tato eva cakkhu-dvārādīnaṃ guttattā; tattha pavattanakānaṃ abhijjhādīnaṃ pāpa-dhammānaṃ pavesana-nīvaraṇena sati-kavāṭena suṭṭhu pi hitattā gutta-dvāro susaṇvuto. Atha vā mana-cchaṭṭhānaṃ channaṃ dvārānaṃ vutta-nayena rakkhittattā gutta-dvāro; kāyādihi suṭṭhu saṇyatattā susaṇvuto ti, evam ettha attho vedittabbo. *Agha-mūlaṃ vamiṭvānā* ti, aghassa vaṭṭa-dukkhassa mūla-bhūtaṃ avijjā-bhava-taṇhā-sankhātaṃ dosaṃ, sabbaṃ vā kilesa-dosaṃ ariya-magga-sankhāta-vamana-yoga-mādanena⁴ uggiritvā santānato bahikatvā bahi-karaṇa-hetuṃ vā.

Patto me āsava-kkhalo ti, kāmāsavādayo āsavā ettha khiyanti; tesāṃ vā khayena pattabbo ti āsava-kkhalo nibbānaṃ arahattaṃ ca. So āsava-kkhalo patto adhigato ti udāna-vasena aññaṃ byākāsi.

Pārāriya-tthera-gāthā-vapanaṃ
Nīṭṭhitā.

¹ A. Parāpara; B. Pārāpare; C. Parāsara; S. Pārāsara.

² A, B, *Text*, Pārāpariyo; C, S. Pārāsariyo.

³ *Under title* Paduma-kuṭāgāriya.

⁴ A, C. pānena; S. tathāgatena.

YASA

*Suvāḷitto suvasano*¹ ti, āyasmato Yasa-ttherassa gāthā. Ayam pi purima-buddhesu katādhikāro tattha tattha bhave vivatṭ' ūpanissayāni puññāni upacoinanto Sumedhassa Bhagavato kāle mahānubhāvo nāga-rājā hutvā Buddha-pamukhaṃ bhikkhu-saṅghaṃ attano bhavanaṃ netvā, mahādānaṃ pavattesi, Bhagavantaṃ mahagghena ticcivarena acchādesi, ekam ekaṃ ca bhikkhuṃ mahagghen' eva pacceka-dussayugena sabbena samaṇa-parikkhārena. So tena puñña kammena deva-manussesu saṃsaranto Siddhatthassa Bhagavato kāle seṭṭhi-putto hutvā mahābodhi-maṇḍaṃ sattahi ratanehi pūjesi. Kassapassa Bhagavato kāle sāsane pabbajitvā, samaṇa-dhammaṃ akāsi. Evaṃ sugatīsu yeva saṃsaranto imasmiṃ amhākaṃ Bhagavato kāle Bārāṇasīyaṃ mahāvibhavassa seṭṭhino putto hutvā nibbatti, Yaso nāma nāmena parama-sukhumālo. 'Tassa tayo pāsādā' ti sabbaṃ *Khandhake* (Vin. i. 15) āgata-nayena veditabbaṃ.

So pubba-hetunā codiyamāno ratti-bhāge niddābhibhūtassa parijanassa vipakāraṃ disvā, sañjāta-saṃvego suvaṇṇa-pādukārūḷho va gehato niggato devatāhi vivaṭena nāga-dvārena nikkhamitvā, Isipatana-saṃpāṇaṃ gato 'Upadutaṃ vata bho! Upassaṭṭhaṃ vata bho!' ti āha. Tena samayena Bhagavatā Isipatane viharantena tass' eva anugahaṇṇa' atthaṃ abbhokāse cakkamantena 'Ehi, Yasa! Idaṃ anupaddutaṃ, idaṃ anupassaṭṭhaṃ' ti vutte, 'Anupaddutaṃ, anupassaṭṭhaṃ kira atthi' ti somanassa-jāto suvaṇṇa-pādukā oruḃha Bhagavantaṃ upasankamitvā, ekamantaṃ nisinno Satthārā anupubbī-kathaṃ kathetvā, sacca-desanāya katāya, sacca-pariyosāne sotāpanno hutvā, gavesan' atthaṃ āgatassa pitu Bhagavato sacca-desanāya kayiramānāya arahattaṃ sacchākāsi. Tena vuttaṃ *Apadāne* (i, 333)²:

Mahāsamuddaṃ oḃayha bhavanaṃ me sunimmitaṃ,

Sunimmitā pokkharāṇi cakkavāk' upakūjitā³ . . .

pe . . .

¹ A. suvano.

² Under title Sabbadāyaka.

³ A. cakkavonapakūjitā; B. cakkavākapakūjitā; C. -upakūjitā; S. -upakūjitā; Ap. -pākūjitā.

Atha Bhagavā āyasmantaṃ Yasaṃ dakkhiṇaṃ bāhuṃ pasāretvā, 'Ehi, bhikkhū' ti āha. Vacana-samanantaram eva dvangula-matta-kesa-massu aṭṭha-parikkhāra-dharo vassa-satika-tthero viya ahosi. So attano paṭipattiṃ pacca-vekkhitvā udānento ehi-bhikkhu-bhāvappattito purimāvatthā-vasena,

Suvilitto suvasano sabbābharāṇa-bhūsito

Tisso vijjā ajjhagamiṃ¹; kataṃ Buddhassa sāsanaṃ ti gātham abhāsi. Tattha *suvilitto* ti, sundarena kunkumacandanānulepanena vilitta-gatto. *Suvasano* ti, suṭṭhu mahaggha-kāsika-vattha-vasano. *Sabbābharāṇa-bhūsito* ti, sīsūpagādihi sabbehi ābharāṇehi alankato. *Ajjhagamin* ti, adhigacchiṃ. Sesaṃ vutta-nayam eva.

Yasa-tthera-gāthā-vaṇṇanā
Niṭṭhitā.

KIMBILA

Abhisattho va nipatati ti, āyasmato Kimbila²-ttherassa gāthā. Ayam pi purima-buddhesu katādhikāro tattha tatha bhava puññāni karonto Kakusandhassa Bhagavato kāle kula-gehe nibbattitvā viññutaṃ patto, parinibbute Satthari, tassa dhātuyo uddissa saḷaḷa-mālāhi maṇḍapākārena pūjaṃ akāsi. So tena puñña-kammena Tāvātīṃse nibbattitvā aparāparaṃ deva-manussesu saṃsaranto imasmiṃ Buddh' uppāde Kapilavatthu-nagare Sākiyarāja-kule nibbatti; Kimbilo ti 'ssa nāmaṃ ahosi. So vayappatto bhoga-sampattiyā sammatto³ viharati. Tassa nāṇa-paripākaṃ disvā saṃvega-janan' atthaṃ Anupiyāyaṃ viharanto Satthā paṭhama-yobbane tṭhitaṃ dassaniyaṃ itthi-rūpaṃ abhinimminivā, purato dassetvā, puna anukkamena yathā jarā-roga-vippattihi abhibhūtā dissati tathā akāsi. Taṃ disvā Kimbila-kumāro ativiya saṃvegaṃ pakāsento,

Abhisattho va nipatati vayo,

Rūpaṃ aññaṃ iva tath' eva santaṃ;

¹ A. ajjhāgāmiṃ; B. ajjhāgamiṃ; C. ajjhagamiṃ; S. ajjabhāsi.

² B. Kimila.

³ A, B. sammatto; S. pamatto; C. sampanno.

Tass' eva sato avippavasato

Aññass' eva sarāmi attānan ti

gātham abhāsi. Tattha *abhisattho* vā ti, ' tvaṇ sīghaṇ gaccha, mā tiṭṭhā ' ti devehi anusitṭho āpatto¹ viya. Abhisatto ti vā pi pātho; ' tvaṇ lahuṇ gacchā ' ti, kenaci abhisāpakato² viya ti attho. *Nipataṭi* ti, atipatati, atidhāvati,³ na tiṭṭhati; khane khane khaya-vataṇ pāpunāti ti attho. *Vayo* ti, balya-yobbanādiko sarīrassa avatthā-viseso. Idha pana yobbaññaṇ adhippetāṇ; taṇ hi 'ssa atipatantaṇ khiyantaṇ hutvā upatṭhitaṇ.

Rūpan ti, rūpa-sampadā ti vadati. Rūpan ti pana sarīraṇ; ' atṭhiñ ca paṭicca nhāruñ ca paṭicca maṇsañ ca paṭicca ākāso parivārīto rūpaṇ tveva sankhaṇ gacchatī ' ti (M. i, 190) ādisu viya. *Aññam iva tath' eva santan* ti, idaṇ rūpaṇ yādisaṇ sayāṇ, tath' eva ten' evākārena santaṇ, vijjamānaṇ, aññaṇ viya mayhaṇ upatṭhātī ti adhippāyo. Tad eva santan ti keci pi paṭhanti. *Tass' eva sato* ti, tass' eva me anaññassa sato samānassa. *Avippavasato* ti, na vippavasantassa. Cira-vippavāsena hi sato anaññam pi aññaṇ viya upatṭhātī; idam pi idha n' atthī ti adhippāyo. *Aññass' eva sarāmi attānan* ti, idaṇ mama attabhāvaṇ aññassa sat-tassa viya sarāmi, upadhāremi, sañjānāmi ti attho.

Tass' evaṇ aniccataṇ manasikarontassa daḥhataro saṇvego udapādi. So saṇvega-jāto Satthāraṇ upasankamitvā, dhammaṇ sutvā, paṭiladdha-saddho pabbajitvā, vipassanaṇ paṭṭhapetvā, na cirass' eva arahattaṇ pāpuni. Tena vuttaṇ *Apadāne* (i, 333)⁴:

Nibbute Kakusandhamhi brāhmaṇamhi vusimati

Gahetvā saḷaḷaṇ mālaṇ maṇḍapaṇ kārayim ahaṇ . . .

pe . . .

Arahattaṇ pana patvā thero attano purim' uppannaṇ aniccata-manasikāraṇ vibhāvento, tam eva gāthaṇ paccudābhāsi. Ten' etaṇ imassa therassa aññā-byākaraṇam pi ahoṣi.

¹ A. ānatho; B. ākatṭho; C, S. āpatto.

² A. abhisankappa; B. abhisamakato; C. abhilāsepito; S. abhila-paṇkato.

³ A, C, S. abhidhāvati.

⁴ Under title Saḷaḷa-maṇḍapiya.

VAJJIPUTTA

Rukkhamūlagahaṇaṇ pasakkiyā ti, āyasmato Vajjiputtassa¹ gāthā. Ayam pi purima-buddhesu katādhikāro tattha tattha bhavē vivatṭ' ūpanissayaṇ puññaṇ upacinanto ito catu-navute kappe ekaṇ pacceka-sambuddhaṇ bhikkhāya gacchantaṇ disvā, pasanna-mānaso kadali-phalāni adāsi. So tena puñña-kammaena devaloke nibbattitvā, aparāparaṇ puññāni katvā, deva-manussesu saṇsaranto imasmiṇ Bud-dh' uppāde Vesāliyaṇ Licchavī-rāja-putto hutvā nibbatti; Vajjirāja-puttattā Vajji-putto tveva c' assa samañña aho-si. So daharo hutvā hatthi-sikkhādi-sikkhana-kāle pi hetu-sampannatāya nissaraṇ' ajjhāsayo hutvā, vicaranto Satthu dhamma-desanā-kāle vihaṇaṇ gantvā, parisa-pariyante nis-sinno dhammaṇ sutvā, paṭiladdha-saddho Satthu santike pabbajitvā, vipassanāyaṇ kammaṇ karonto na cirass' eva chaḷabhiñño aho-si. Tena vuttaṇ *Apadāne* (ii, 445)²:

Sahassaraṇsī Bhagavā sayambhū aparājito

Vivekā vuṭṭahitvāna gocarāyābhinikkhami

pe . . .

Chaḷabhiñño pana hutvā aparabhāge, acira-parinibbute Satthari, dhammaṇ sangāyituṇ³ sanketaṇ katvā, madāthe-resu tattha tattha viharantesu, ekadivasaṇ āyasmantaṇ Ānandaṇ, sekhaṇ yeva samānaṇ, mahatiyā parisāya pari-vutaṇ dhammaṇ desentaṇ disvā, tassa upari-maggādhigamāya ussāhaṇ jananto,⁴

Rukkha-mūla-gahaṇaṇ pasakkiya

Nibbānaṇ hadayasmiṇ opiya

Jhāya, Gotama, mā ca pamādo⁵;

Kin te biḷibīlikā⁶ karissatī ti

gātham abhāsi. Tattha *rukkha-mūla-gahaṇaṇ* ti, rukkha-mūla-bhūtaṇ gahaṇaṇ.⁷ Gahaṇaṇ hi atthi rukkha-mūlaṇ,

¹ Cf. S. i, 199.

² Under title Avataphaliya.

³ B. saṇvārituṇ.

⁴ A. jananto; B. janento; C, S. jānento.

⁵ Pamādo aor. 2 of pamajjati (see Andersen, Gloss. P. Reader).

⁶ A. biḷinkink²; B, Text, C. biḷibīlikā; S. biḷitā.

⁷ B. h' enaṇ.

na rukkhā-mūlaṃ ca atthi gahaṇaṃ. Tesu rukkhā-mūla-gahaṇena tṭhānassa chāyā sampannatāya vātātapa¹-parissayābhāvaṃ dasseti; gahaṇa-gahaṇena nivāta-bhāvena vā parissayābhāvaṃ² jana-sambādhābhāvaṃ ca dasseti; tad ubhayena ca bhāvanānuyogyataṃ. *Pasakkīyā* ti,³ upagan-tvā. *Nibbānaṃ hadayasmiṃ opiyā*⁴ ti, evaṃ mayā paṭi-pajjitvā nibbānaṃ adhigantabban ti, nibbutiṃ hadaye tṭha-petvā, citte karitvā. *Jhāyā* ti,⁵ lakkhaṇ' ūpanijjhānena jhāya; vipassanā-bhāvanā-sahitaṃ magga-bhāvanaṃ bhāvehi. *Gotamā* ti, Dhamma-bhaṇḍāgārikaṃ gottena ālapati. *Mā pamādo* ti, adhikusalesu dhammesu mā pamādaṃ āpajji.⁶ Idāni yādiso therassa pamādo taṃ paṭikkhepa-vasena dassento, Kin te bilibilikā karissati? ti āha.

Tattha *bilibilikā*⁷ ti, vilivili-kiriya: bilibilī ti sadda-ppavatti; yathā niratthakā, evaṃ bilibilikā, parisā-jana-paṇṇatti,⁸ kin te karissati, kīdisaṃ atthaṃ⁹ tuyhaṃ sādheti? Tasmā jana-paṇṇattiṃ¹⁰ pahāya sadattha-pasuto¹¹ hohi ti ovādaṃ adāsi. Taṃ sutvā aññehi vutta-vissa¹²-gandha-vāsana-vacanena¹³ ca saṃvega-jāto, bahu-d-eva rattiṃ canka-mena vitināmento vipassanaṃ ussukkāpetvā, senāsanaṃ pavasitvā, mañcake nippanna-matto arahattaṃ pāpuṇi.

Vajjiputta-tthera-gāthā-vaṇṇanā

Niṭṭhitā.

¹ A. āhata°; B. āvāsa; C. vātātapa; S. vātāpana.

² B. nivāsa-bhāvena vā pariññayābh°.

³ Cf. SA. i, 292 (=pavisitvā).

⁴ A, B. *Text* osiya; C, S. *opiya* (*P. Dict.* 'metric for upiya').

⁵ Cf. SA. iii, 111 (dvihi jhānehi jhāyiko bhava).

⁶ C. mā pamajji.

⁷ SA. s.v. (ayaṃ gihīhi saddhiṃ bilibilī-kathā).

⁸ A, C. sadisā-jana-saññatti; B. parisā-jana-paṇṇatti; S. sadisā-jana-saññatti.

⁹ B. kiṃ divasaṃ atthaṃ.

¹⁰ A, B, C. jana-paṇṇattiṃ; S. jana-saññattiṃ.

¹¹ B. visuto; S. passato.

¹² A. vutti-vipassanā; C. vutta-vipassanā.

¹³ B. vāyana; C. vāsana-pavanena.

ISIDATTA

Pañca khandhā pariññātā ti, āyasmato Isidatta-ttherassa gāthā. Ayam pi purima-buddhesu katādhikāro tattha tattha bhava vivaṭṭ' ūpanissayaṇ puññaṇ upacinanto Vipassissa Bhagavato kāle kula-gehe nibbattitvā viññutaṇ patto eka-divasaṇ Bhagavantaṇ rathiyaṇ gacchantaṇ disvā, pasanna-mānaso madhuraṇ āmoda-phalaṇ adāsi. So tena puñña-kammaena devaloke nibbattitvā, aparāparaṇ puññāni katvā, deva-manussesu saṅsaranto imasmiṇ Buddh' uppāde Avanti-ratṭhe Vaḍḍhagāme¹ aññatarassa sattha-vāhassa putto hutvā nibbatti; Isidatto ti 'ssa nāmaṇ ahoṣi. So vayappatto Macchikāsaṇḍe Cittassa gahapatino adiṭṭha-sahāyo hutvā² tena Buddha-guṇe likhitvā, pesita-sāsanaṇ paṭilabhivā, sāsane sañjāta-pasādo therassa Mahākaccānassa santike pabbajitvā, vipassanaṇ ārabhitvā, na cirass' eva chaḷabhiñño ahoṣi. Tena vuttaṇ *Apadāne* (ii, 447)³:

Suvaṇṇavaṇṇaṇ Sambuddhaṇ ahutinaṇ paṭiggahaṇ

Rathiyaṇ paṭipajjantaṇ āmoda-phalam adās' ahaṇ⁴ . . .

pe . . .

Chaḷabhiñño pana hutvā, 'Buddh' upatṭhānaṇ gamissāmi' ti therāṇ āpucchitvā, anukkamena Majjhima-desāṇ gantvā, Satthāraṇ upasankamitvā, vanditvā, ekam antaṇ nisinno, 'Kacci, bhikkhu, khamaniyaṇ? Kacci yāpaniyaṇ?' ti ādinā Satthārā katapaṭisanthāro paṭivacana-mukhena, 'Bhagavā, tumhakaṇ sāsanaṇ upagata-kālato patṭhāya mayhaṇ sabba-dukkhaṇ apagataṇ; sabbo parissayo vūpasanto' ti pavedana-vasena aññaṇ byākaronto,

Pañca-kkhandhā pariññātā; tiṭṭhanti chinna-mūlakā;

Dukkha-kkhayo anuppatto; patto me āsava-kkhayo ti gātham abhāsi. Tattha *pañca-kkhandhā pariññātā* ti, pañca pi me upādāna-kkhandhā vipassanā-paññā-sahitāya magga-paññāya 'idaṇ dukkhaṇ, ettakaṇ dukkhaṇ, na ito bhiyyo' ti sabbaso pariochijja ñātā; na tesu kiñci pi pariññātabbaṇ

¹ B. Vāḷugāme.

² Cf. S. iv, 288.

³ Under title Amorphaliya (cf. ThagA. on v. 137).

⁴ Ap. amoram adadaṇ phalaṇ; A. amoda-ph^o.

atthi ti adhippāyo. *Tiṭṭhanti chinna-mūlakā* ti, sabbaso pariññātattā eva tesañ avijjā-taṇhādikassa mūlassa samucchinnaṭṭā ariya-maggena pahīnattā yāva carima-citta-nirodhā te tiṭṭhanti. *Dukkha-kkhallo anuppatto* ti, chinna-mūlakattā yeva ca nesaṇ vaṭṭa-dukkha-kkhallo anuppatto, nibbānaṇ adhigataṇ. *Patto me āsava-kkhallo* ti, kāmāsavādīnaṇ sabbesaṇ āsavānaṇ khayatte¹ adhigantabbatāya āsavakkhallo ti laddha-nāmaṇ; arahattaṇ pattaṇ paṭiladdhaṇ ti attho. Keci pana antimāyaṇ samussayo² ti paṭhanti; nibbānaṇ adhigatattā yeva ayaṇ mama samussayo, attabhāvo, antimo sabba-pacchimako; n' atthi 'dāni punabbhavo ti attho. Yam pana tattha avuttaṇ taṇ heṭṭhā vutta-nayattā uttānam evā ti.

Isidatta-tthera-gāthā-vanṇanā Niṭṭhitā.

Dvādasā-vagga-vanṇanā Niṭṭhitā.

Niṭṭhitā ca Paramaṭṭha-dīpaniyaṇ Theragāthā-vanṇanāyaṇ

Viśādhika-sata-ttheragāthā paṭimanditassa

Eka-nipātassa Aṭṭha-vanṇanā.

¹ MSS. khayante.

² A. samutthassayo.

THE MODERN BOOK DEPOT
78, Chowringhee Centre.

Calcutta - 700 013.

THE ASIATIC SOCIETY, CALCUTTA

